

**SUMMA  
PHILOSOPHIAE  
AUTHORE P.  
RAYMUNDO  
MAILHAT, ...**

---





Ex Bibliotheca  
majori Coll. Rom.  
Societ. Jesu

48. d. 2.

48  
d  
2.



23

1





# SVMMA PHILOSOPHIÆ

*Authore*




P. RAYMVNDO MAILHAT,  
*Ordinis Prædicatorum Conuentus,*  
*S. THOMÆ Aquinatis Tolosani,*

TOMVS II.

*Primam partem Physicæ, seu octo libros  
Physicorum complectens.*

EDITIO TERTIA.

*Longè quàm hæctenus emendatior.*



TOLOSÆ,

Apud RAYMVNDVM BOSC.

M. D. C. L. X. II.

CVM PRIVILEGIO REGIS.

12.25 A. 2

PHILOSOPHIE

Author  
T. RAYMUND M. A. T.  
OF THE UNIVERSITY OF  
CAMBRIDGE

TOMES II.

Translated from the French of  
M. RAYMUND M. A. T.  
by  
M. RAYMUND M. A. T.

EDITED BY

M. RAYMUND M. A. T.




TOMES II.

AND RAYMUND M. A. T.

IN TWO VOLUMES

Vol. I. 1811



# PHYSICAE

## PROOEMIUM.



**P**HYSICA, à Græco *Physicy*, idem sonat ac Naturalis (subaudi) philosophia : quæ est secunda pars subiectiua aut species sub ratione illa generica philosophiæ contenta, iuxta ea quæ in præfatione totius Cursus diximus, quæ hîc necessariò recolenda sunt. Dicitur verò naturalis facultas hæc, eo quòd de naturalibus rebus seu de ente naturali tanquam de proprio obiecto aut subiecto differat. Verum circa hoc sit

### PROLEGOMENON I.

#### *De obiecto Physicæ.*

**O**bjectum formale & adæquatum Physicæ variè assignant auctores, alij enim assignant ens naturale, alij ens mobile, alij substantiam aut corpus naturale, alij corpus mobile. Et est sermo, ut constat de obiecto *quod* seu de ratione formali *quæ* per se primò consideratur à Physicæ; ob-



iectum enim *quo* siue ratio formalis *sub qua* rationem illam *qua* aut obiectum *quod* attingit, est tum abstractio ipsius à materia singulari, tum ipsa eius definitio aut medium vel principium per quod de ipso demonstrat proprietates, sicut in Metaphysica explicabitur dum de vnitrate scientiarum. Pro resolutione autem quæstionis.

Aduerte naturale & mobile pro eodem reipsa in proposito vsurpari. Naturale enim, vt hic sumitur, idem est ac constans naturâ, sumendo naturam prout à Physicis accipitur & definitur Principium radicale motus & quietis: atque adco naturale in presenti idem est ac illud quod in se habet principium radicale sui motus: quod idem significat ly mobile: non enim mobile vsurpatur hic prout importat mobilitatem proximam, sed radicalem duntaxat, seu principium remotum & radicale ipsius motus, ad quod se habet mobilitas proxima, aut immediata ad motum aptitudo, sicut proprietas ad essentiam quam consequitur. Hoc præsupposito.

Dico 1. obiectum formale & adæquatum Physicæ esse ens mobile.

Probatur: Obiectum formale cuiuslibet scientiæ aut facultatis dicitur, quod per se consideratur ab illa; adæquatum, seu totale, quod omnia comprehendit de quibus in ea per se & ratione sui disputatur: atqui ens mobile vt sic habet vtramque conditionem respectu Physicæ: ergo. Probatur minor: Quidquid enim per se consideratur à Physica, aut de quo in illa disputatur per se & ratione sui, est vel mobile in communi, abstrahendo ab omni specie determinata motus, vt in prima parte; vel mobile aliquod in particulari, vt in reliquis partibus; puta motu locali, in secunda; motu generationis aut corruptionis, in tertia; vitali, in quarta & vltima: ergo mobile vt sic, prout dicitur de his omnibus veluti de speciebus, est quod per se consideratur à Physica quodque omnia de quibus per se agitur in illa, comprehendit. Antecedens constabit

ex dicendis initio cuiusque illarum quatuor partium in quas Physicam diuidemus : consequentia verò est per se euidens.

Dico 2. In re ipsa idem est assignare pro obiecto Physicæ ens naturale aut ens mobile, substantiam naturalem aut corpus mobile vel naturale: reliquis tamen conuenientius assignatur ens mobile.

Prima pars probatur : Ens naturale, ens mobile, substantia naturalis, corpus naturale aut mobile, idem significant quantum ad rem : ergo idem planè erit in re ipsa assignare vnum illorum ac aliud. Probatur antecedens : gradus enim subalternatim positi pro eodem omnino sumuntur, si per eandem differentiam essentialem omnes contrahantur, vt patet in istis, ens rationale, substantia rationalis, Corpus rationale viuens rationale Animal rationale; quæ idem in re ipsa significant, scilicet hominem : ratio est quia differentia illa essentialis non patitur huiusmodi gradus communes pro alio sumi, quam pro illo cuius est differentia : atqui ens, substantia corpus, sunt gradus subalternatim positi, vt per se patet, substantia enim continetur sub ente tanquam sub gradu saltem imperfectè præciso, & corpus sub substantia; & contrahuntur ibi per eandem differentiam essentialem scilicet per naturale aut mobile, quæ in proposito idem sunt, vt ex dictis initio prolegomeni constat : ergo ens naturale, substantia naturalis, &c, idem significant quoad rem : atque ita præsens quaestio est magis de nomine quam de re ipsa.

Secunda tamen pars ita suadetur : Illud conuenientius assignatur & formalius obiectum scientiæ, de quo vt tali demonstrantur proprietates in illa : atqui de ente mobili vt mobile est non autem de ente naturali, de substantia aut corpore vt talibus demonstrantur per se primò proprietates in Physica : ergo. Probatur minor : proprietates enim Physicales sunt præcipuè motus vt sic, & species eius : atqui motus vt sic per se primò & formaliter de-



monstratur de mobili in communi, speciales verò motus, putà localis, vitalis, & huiusmodi, de specialibus mobilibus à quibus dimanant: ergo. Probatur minor: nam demonstrantur illi motus per se primò de suis subiectis propriis & adæquatis per quæ formaliter definiuntur: sed motus vt sic definitur per ens mobile in communi, motus verò speciales per ordinem ad specialia mobilia, motus enim vt sic definitur actus entis in potentia prout in potentia, id est, actus mobilis prout mobile est: similiter motus localis est actus entis localiter mobilis vt tale est: & sic de aliis: ergo.

Declaratur: Assignatur mobile potius quàm naturale, quia illud clariùs exprimit proprium & adæquatum principium aut subiectum motus, quàm istud: Assignatur mobile coniunctum enti potius quàm corpori aut substantiæ, quia notius est & magis indubitatum mobile esse ens quàm corpus vel substantiam.

Obiicies 1. Proprium & formale obiectum quod est illud cui per se primò conuenit ratio formalis *sub qua* omnia considerantur à scientia: atqui esse principium motus, quæ est ratio *sub qua* Physicæ, conuenit per se primo corpori mobili, enti verò non nisi ratione corporis, ideo enim ens mouetur quia corpus mobile mouetur: ergo corpus mobile conuenientius assignatur.

Respondeo conuenire etiam per se primo enti, non vt sic, ( de quo solo probat obiectio ) sed mobili, quod ex alio capite potius assignatur quàm corpus mobile, vt ostensum est.

Obiicies 2. "Esse mobile & quiescibile sunt propriæ passionēs obiecti Physicæ, cum constet naturā quæ definitur principium motus & quietis: ergo debet assignari pro obiecto illud quod est radix vtriusque: sed ens mobile est radix, motus tantum non verò quietis cui videtur potius repugnare: ergo non debet assignari illud, sed ens naturale vel substantia naturalis quæ important formaliter rationem



naturæ, subindèque principium & motus & quietis.

Respondeo ens mobile radicaliter esse principium motus & quietis, motus ut viæ, quietis ut termini ad quem motus tendit, nec sic ei repugnat aut opponitur.

## PROLEGOMENON II.

### *De natura & quidditate Physicæ.*

**D**ico 1. Physicam esse veram scientiam : atque ita rectè definiri per ordinem ad proprium obiectum, quòd sit scientia entis mobilis, seu rerum naturalium, quod reipsa in idem recidit, iuxta superius dicta.

Prima pars probatur : Omnis habitus aut facultas demonstratiuè procedens est vera scientia : sed Physica est talis, ut enim ex toto ipsius decursu constabit, plurimæ in singulis eius partibus demonstrantur ab ipsa conclusiones : ergo.

Secunda verò pars manifesta relinquitur ex dictis præcedenti prolegomèno : quælibet enim scientia est sui obiecti scientia, seu scientifica cognitio : cum ergo ibi ostensum sit proprium Physicæ obiectum esse ens mobile, illudque reipsa coincidere cum ente naturali, aut aliis huiusmodi, consequens est, ut Physicæ, quæ vera scientia est ut probauimus, definiri debeat scientia entis mobilis aut naturalis.

Obiicies : scientia est tantum de necessariis & perpetuis, & quæ aliter se habere non possunt : sed Physica non agit de rebus necessariis, & quæ aliter se habere non possint : ergo. Probatur minor : agit enim de ente mobili ut nos asserimus, subindèque de rebus mutabilibus : ergo non de necessariis quæ immutabiles esse debent.

Respondeo concessa maiore negando minorem. Ad probationem distinguo antecedens : Agit de re-

bus illis in actu exercito & quoad existentiam spectatis, nego : in actu signato & quoad sua prædicata essentialia vel proprias passiones, concedo : sub hac autem ratione necessariæ sunt res illæ : tam enim necessario conueniunt enti mobili seu mutabili sua essentialia prædicata, aut propria nempe hoc quod est esse mutabile, aut habere principium motus, quàm Deo esse immutabilem omnino & immotum.

Dico secundò Physicam esse scientiam speculatiuam.

Probatur : quia sistit in contemplatione sui obiecti aut rerum naturalium, nec ex natura sua tendit ad aliquod opus extra intellectum, quod solum habet rationem praxeos, ut alias, ostensum est : ergo.

Obiicies Medicina est scientia practica & tamen vera pars Philosophiæ naturalis, cum disserat de aliquo ente mobili, agit siquidem de corpore humano ut sanabili, hoc est, ut mobili ad sanitatem : ergo Physica non est speculatiua. saltem quoad omnes partes.

Respondeo medicinam quidem esse scientiam practicam, cum ordinetur ad opus, nempe ad remedia applicanda aut præscribenda : sed nego esse partem Physicæ, quia non agit de corpore, ut mobili per naturam, sed per artem, ad sanitatem. Est ergo scientia distincta à Physica, ipsi tamen subalternata & ab ea essentialiter dependens, siquidem ab ea mutuatur suæ principia quæ sunt ipsius Physicæ conclusiones, unde dicitur ibi incipere Mediæ ubi desinit Physicus, aut è contra. Quare non assentior iis qui rationem scientiæ denegant medicinæ, cum procedat per principia certa, ut potest in Physica demonstrata.

## PROLEGOMENON III.

*De partitione Physicæ.*

**D**Ico 1. Physicam rectè diuidi in quatuor partes, quarum prima agit proceditque de ente mobili in communi; secunda de mobili motu locali; tertia, de motu generationis & corruptionis; quarta de motu vitali, ut iam prolegom. 1. insinuauimus. Et ratio est euidens: quia, ut ait Aristoteles, scientia diuiditur sicut res ipse de quibus pertractat: ens autem mobile ut, sic de quo uti de obiecto adæquato tractat Physica, in quatuor illa partialia obiecta diuiditur. Et agitur primo loco de ente mobili in communi, postea de ente loco mobili, tum de ente generabili & corruptibili, & ultimò de viuento, ut sic seruetur methodus compositionis, procediturque ab vniuersalioribus ad minus vniuersalia. Quæ ad obiecta singularum partium spectant, vide initio cuiusque earum exactius explicata.

Dices: obiectum totius facultatis non debet coincidere cum obiecto vnius partis, sed latius patere, sicut totum parte: atqui coincidit in proposito, si pro obiecto primæ partis assignetur ens mobile in communi, illud enim est obiectum adæquatum totius Physicæ: ergo.

Respondeo negando minorem: aliter enim ens mobile ut sic seu in communi dicitur obiectum totius Physicæ, aliter partis illius: est enim obiectum totius Physicæ prout est totum quoddam potentiale complectens omne omninò mobile tam in communi quàm in particulari sumptum: est verò obiectum primæ partis prout est totum actuale importans solam rationem mobilis in communi, præscindensque ab omni mobili particulari, atque




ita minùs latè patet quàm obiectum totius scientiæ & sub illo continetur, vt constat.

Dico secundò Physicam nihilominùs esse vnã speciem scientiam simplicemque habitum, & non ex pluribus partialibus compositum.

Probatùr: quia omnia illa partialia obiecta conueniunt in vna ratione scibilis, ob vnã rationem formalem sub qua attinguntur, quæ est ratio entis mobilis à materia singulari abstracta; & solùm materialiter & in esse entis sunt diuersa, ergo habent rationem vnius simplicis specificatiui scientiæ quæ ab obiecto in esse obiecti seu in esse scibilis spectato, non verò in esse entis, specificatur; atque ita erit vna species & simplex qualitas & non composita, quæ erat secunda pars conelusionis in libris de generatione amplius demonstranda & explicanda, sicut & prior in Metaphysica.





# PRIMA PARS

## PHYSICAE,

*De ente naturali aut mobili in  
communi:*


SEV

*De Physico auditu.*




E. ente ergo naturali aut mobili in  
communi prout abstrahit ab omni  
specie determinata motus vel mo-  
bilis, agetur hic tanquam de pro-  
prio & peculiari obiecto huiusce  
primæ partis seu librorum de phy-  
sico auditu, ut prolegomeno vti-  
mo præcedente dictum est. Quod  
denudò suaderetur: quia ut tale & continetur sub en-  
te mobili ut sic, ut etiam ibi explicuimus, & con-  
tinet sub se aut comprehendit omnia quæ in hac  
parte pertractantur, vel tanquam partes aut princi-  
pia, ut materiam, formam, & priuationem, om-  
niâque causarum genera quæ hic explicantur; vel

tanquam affectiones seu proprietates , vt motum & alia quæ ad ipsum spectant. Hanc verò partem complexus est octo libris Aristoteles , quos idè de physico auditu seu de naturali auscultatione appellauit , quòd , cum difficiliores sint aliis qui sequuntur totiusque naturalis Philosophiæ contineant fundamenta , maiori studio & attentione audiendi sunt. Vt autem nos Philosophi vestigiis inhercamus , sit.








# IN PRIMVM

librum Physicorum.

## DISPUTATIO I.

*De principiis entis naturalis aut  
mobilis in communi.*



## SECTIO I.

*Quid sint principia entis naturalis.*



**P**RINCIPIVM in communi  
dicitur id omne ex quo aliquid quo-  
quo modo procedit : quæ ratione  
locus à quo quis proficiscitur voca-  
tur principium viz , & priuatio  
( puta formæ ignis ) à qua materia  
( ligni v. g. procedit seu transit ad  
ipsam formam , appellabitur infra  
principium generationis, seu ipsius compositi in fieri :  
similiter partes ex quibus totum resultat. & compo-

nitur, dicuntur principia eius: & generaliter ea omnia ex quibus res aliqua procedit aut coalescit, illius principia dicuntur. Vnde colliges duplicis generis esse principia; alia intrinseca, alia extrinseca, principia intrinseca sunt ea ex quibus res intrinsecè constat: extrinseca verò, ex quibus res non componitur, sed tamen ab iis realiter procedit, cuiusmodi sunt causa efficiens, finalis, & exemplaris. In proposito autem de solis principiis intrinsecis entis naturalis est quæstio: pro cuius resolutione

Dico principia entis naturalis esse, quæ nec fiunt ex aliis neque ex alterutris, sed ex ipsis omnia (naturalia) fiunt.

Declaratur: Principium ut vidimus dicitur id ex quo aliquid fit aut procedit: ergo principia entis naturalis ut sic dicuntur ea ex quibus omnia naturalia fiunt: & cum sit sermo de principiis quæ sint principia simpliciter, hoc est prima, non verò principiatæ, consequens est ut non debeant fieri ex aliis, alioquin non ipsa, sed illa alia forent prima principia entis naturalis: neque etiam fieri debent ex alterutris ob eandem rationem, & insuper quia unum & idem respectu eiusdem esset & primum principium, & principiatum si ex se mutuo fierent.

Aduerte tamen quod cum dicuntur principia entis naturalis non debere fieri ex aliis, intelligendum est, ut quod: vnde non obest quod forma fiat seu educatur è materia, quia id est fieri solum ut quo, cum eius productio auteductio ordinetur ad totum quod solum dicitur fieri ut quod, sicut existeret ut quod.

Dices primò: priuatio est principium entis naturalis, ut infra dicemus: atqui præfata definitio non conuenit ei: ergo non est legitima. Probatur minore quia non omnia entia naturalia fiunt ex priuatione, ut cæli quorum materia nunquam priuata fuit ea forma quam habet: ergo priuatio non est id ex quo omnia fiant.

Respondeo negando minorem: ad probationem respondeo cum distinctione, non omnia fieri è priuatione.




one, sumendo ly omnia secundum distributionem absolutam, secus si intelligatur sicut intelligi debet secundum distributionem accommodam, & secundum eorum quæ sunt exigentiam. Sensus ergo definitionis non est, omnia absolute entia naturalia debere fieri ex omnibus principiis; sed omnia accommodate, & prout unumquodque exigit, ita ut ex quibusdam illorum, scilicet ex materia & forma, omnia constent corpora tam caelestia quam sublunaria; ex omnibus vero tribus, materia, nempe, forma & priuatione fiant omnia dumtaxat sublunaria & corruptibilia.

Dices secundo: illa particula *ex* in definitione posita vel denotat habitudinem partis componentis, vel termini à quo: si primum, convenit solum materiae & formae, non priuationi, cum hæc nequeat habere rationem partis: si secundum, competet soli priuationi, non autem materiae & formae: ergo quomodocumque explicetur definitio illa erit vitiosa.

Respondeo illam particulam nec accipi determinate prout dicit habitudinem termini à quo, nec prout dicit habitudinem partis componentis, sed ut trahit ab utraque: sicque ut tota definitio simul explicetur, ita est intelligenda: Principia sunt quæ fiunt ex aliis (intellige ut quod;) nec ex se in se, vel tanquam ex parte intrinseca, vel tanquam ex termino à quo; omnia tamen fiunt ex ipsis, vel tanquam ex partibus intrinsecis, ut corpora corruptibilia quæ constant materia & forma, vel tanquam ut ex termino à quo, sicut sublunaria: sicque comprehenditur ipsa priuatio ex qua tanquam ex termino à quo fiunt corpora sublunaria, ex materia & forma tanquam ex partibus.

Et hac verò explicatione plura, quæ fieri possent argumenta, solvuntur, & intelligitur etiam, maxime ex dictis initio sectionis, quo modo à ratione principij excludatur causa efficiens, quia nihil fit ex materia, sed ab ipsa, similiter etiam causa finalis, ex

qua nihil fit, sed propter quàm omnia fiunt; & tandem exemplaris, ex qua etiam res non fit, sed ad eius imitationem efformatur: vno verbo cum hic de principiis intrinsecè constitutivis entis naturalis sit sermo, ea omnia à ratione principij, quod hic definitur, excludi debent, quæ intrinsecè ens naturale non constituunt.



## SECTIO II.

### *Quot sint principia entis naturalis.*

**N**Ota compositum naturale, puta ignem, posse dupliciter considerari. Primò in fieri, id est in eo statu quem habet dum actu generatur, seu dum transit de non esse ad esse, puta cum materia ligni transit actualiter de non esse sub forma ignis ad esse sub illa. Secundò in facto esse, id est in eo statu quem habet ut iam est genitum & ex suis partibus compositum. Hoc posito.

Dico tria esse principia entis naturalis aut compositi considerati ut est in fieri, scilicet materiam, formam & priuationem: duo verò solum si consideretur in facto esse, nempe materiam & formam.

Prima pars probatur: Principia compositi naturalis ut est in fieri seu generari dicuntur ea quæ intrinsecè & essentialiter concurrunt ad illius generationem, (sicut enim generatio & compositum in generari in idem recidunt, ita & principia utriusque:) atqui materia forma, & priuatio intrinsecè & essentialiter concurrunt ad generationem compositi naturalis, & nihil aliud: ergo illa tria & non plura sunt principia generationis compositi naturalis. Probatur minor: Ad omnem mentionem tria dun-



taxat essentialiter requiruntur scilicet terminus à quo , terminus ad quem , & subiectum vtrique termino commune , vt patet ex ipsa definitione mutationis quæ est transitus subiecti de non esse ( ecce terminum à quo ) ad esse ( ecce terminum ad quem : ) atqui generatio est mutatio , cùm sit transitus materiæ à non esse sub formâ ignis , V. G. ad esse sub illa : ergo tria tantummodò ad illam requiruntur , scilicet subiectum quod transit de non esse ad esse , seu de priuatione formæ ad ipsam formam , & illud est materia prima ; deinde ipsum non esse seu priuatio illa formæ acquirendæ , tanquam terminus à quo materia recedit ; & ipsa denique forma vt terminus ad quem transit. Ex quibus habes definitionem generationis in communi , est enim mutatio seu transitus materiæ à priuatione ad formam , seu à non esse formæ subindèque & compositi , ad esse ipsius.

Secunda vero pars sic suadetur : illa sunt principia entis naturalis in facto esse , quæ remanent transacta generatione , illudque intrinsecè & permanenter constituunt : atqui sola materia & forma remanent transacta generatione intrinsecè constituentes ipsum compositum , priuatio verò definit adueniente forma cuius erat priuatio : ergo sola materia & forma sunt principia entis naturalis spectari in facto esse.

Obiicies primò : priuatio nequit esse principium entis naturalis etiam in fieri : ergo non sunt tria principia illius. Probatur antecedens : Non ens nequit esse principium entis : atqui priuatio est non ens ergo.

Respondet distinguendo anteedens eiusque probationem , dicendo priuationem seu non ens non posse quidem esse principium entis naturalis in fieri , per modum partis componentis ipsum , benè autem per modum termini à quo : sicut enim locus à quo quis proficiscitur dicitur prin-

cipium viæ , ita priuatio à qua materia transit ad formam , appellatur principium generationis.

Instabis : Materia non solum transit à priuatione ad formam , sed etiam ab vna forma ad alteram , putà à forma ligni ad formam ignis : ergo non solum priuatio formæ introducendæ erit principium generationis , sed etiam forma præcedens , & sic erunt quatuor principia. Consequentia videtur euidens ex præcedenti solutione , non enim minus est terminus à quo generationis , forma præexistens , quàm priuatio formæ introducendæ , à qua materia transit ad ipsam formam.

Respondeo generationem esse essentialiter mutationem seu transitum materiæ à priuatione ad formam ipsam præcisè : quod autem alia forma præcesserit , & subinde quod in generatione fiat transitus ab vna , forma ad alteram , requiritur quidem indispensabiliter ex alio capite , ex eo scilicet quod materia quæ ad generationem essentialiter præsupponitur , non possit aut potuerit præcedere denudata omni forma ; sed non est de essentia generationis , nec illam intrinsecè constituit , sicut priuatio : vnde negatur formam præcedentem esse terminum essentialem generationis , subindèque quartum principium , sed tantum aliquid præsuppositum. Ex quibus facillè est respondere ad formam argumenti.

Obiicies 2. Ad generationem concurret etiam generans ergo erit quartum principium.

Respondeo distinguendo antecedens : concurret generans per modum causæ efficientis subindèque principij extrinseci concedo : per modum constitutiui seu principij intrinseci , nego : & pariter nego consequentiam , hic enim sermo est tantum de principijs intrinsecis.

Dices : Requiritur dispositiões quibus materia præparetur ad formam introducendam , debet etiam interuenire vnio materiæ cum forma in generatione compositi naturalis : atqui dispositiões & vnio sunt



quid intrinsecum : ergo erunt plura quàm tria principia intrinseca.

Respondeo requiri dispositiones præsuppositivè & non formaliter , cùm generatio formaliter & essentialiter sit solum mutatio de priuatione ad formam. Addo dispositiones se tenere ex parte materix , atque adeo se habere ad summum per modum vnius principij cum illa. Ad aliud verò respondeo dato pro nunc & non concessio quòd unio sit aliquid medium distinctum à materia & forma , illam tamen non esse principium , sed principiorum , id est , materix & formæ exercitium & complementum. Vnde non sequitur esse plura quàm tria principia.

Ex dictis confutata manent deliria antiquorum Philosophorum circa prima principia rerum naturalium , quæ alij dicebant non esse plura sed unum , quod Thales volebat esse aquam , Heraclitus ignem : alij plura admitebant , finita tamen : & ex his alij volebant esse duo tantum , scilicet ignem & aquam ; alij tria , ignem , aquam , & ærem , reiicientes terram propter eius nimiam crassitiem ; alij tamen illam addebant : denique alij dicebant esse infinita , putà infinitos atomos ; vt Democritus ; vel infinitas particulas , vt Anaxagoras. Quibus omnibus opponenda tantum est definitio primorum entis naturalis principiorum ab Aristotele tradita & à nobis superiori sectione explicata , & comperietur illam non convenire his quæ assignabant illi Philosophi tanquam prima principia , cùm constet ea omnia fieri ex aliis , scilicet ex materia & forma.

Quæres , quo sensu prima principia entis naturalis dicantur prima contraria,

Respondeo id inprimis nullo modo verificari de materia collata cum forma , aut etiam cum priuatione : est enim possibilis cum vtraque , siquidem vtrique successivè substat , atque ita nullatenus opponitur ipsis. De sola ergo forma col-

lata cum priuatione id intelligi debet, non quod ipsæ formaliter opponantur contrarietate propriè dicta, oppositio enim quæ intercedit inter formam & priuationem formaliter priuatiua est, vt ex ipsis terminis constat; sed quia sunt primæ radices contrariorum propriè dictorum: frigus enim V. G. quod est propriè contrarium calori, oritur ab vna forma, & calor à priuatione eius, aut potius ab alia forma vt coniuncta cū huiusmodi priuatione. Vnde tandem fit, prima principia dici prima contraria non formaliter sed radicaliter.




## DISPUTATIO II.

*De primo supradictorum entis  
naturalis principiorum.*

N E M P E.

*De Materia prima.*

**E**Xaminata naturā principiorum entis naturalis in communi, agendum est de singulis in particulari iuxta leges methodi compositionis.



## SECTIO I.

*An detur materia prima, &  
quid sit.*

**D**ico 1. Datur materia prima.  
 Probarur : nomine materiæ primæ intelligitur subiectum formæ ex quo & ex ipsa forma substantiali tanquam ex principiis intrinsecis totum substantiale coalescit ; sicut per materiam secundam intelligitur ipsum substantiale compositum quatenus est subiectum formarum accidentalium , ex quo & ex huiusmodi accidentibus consurgit totum compositum accidentale : atqui datur à parte rei subiectum illud recipiens & sustentans formam substantialem & cum illa totum substantiale componens : ergo datur materia prima. Maior non indiget probatione , cum enim materia in proposito sumatur propriè , prout idem est ac subiectum , idem sine dubio erit materia prima ac primum subiectum , quod non potest esse aliud quam quod substernitur formæ substantiali , cum hoc nullum aliud præsupponat in quo sustentetur , aliàs daretur processus in infinitum : & similiter idem erit materia secunda ac subiectum secundum , quod videlicet substernitur accidentibus , & appellatur secundum , quia supponit primum , scilicet materiam , ex qua & ex forma substantiali componitur. Minor non est minus evidens : cum enim detur à parte rei compositum substantiale , debent etiam dari partes quibus constat : sed illæ sunt forma substantialis & materia seu subiectum illam sustentans : ergo.


Confirmatur & explicatur ex ipsa ratione ge-



nerationis. cum enim ex palea v. g. generatur ignis, materia quæ erat sub forma paleæ, subindèque sub priuatione formæ ignis, transit ad esse sub forma ignis: atqui illa est materia prima: ergo datur materia prima. Maior patet: vel enim tota palea perit totaliter, vel aliquid remanet sub forma ignis: non primum, aliàs vi agentis naturalis annihilaretur palea subindèque ignis virtute eiusdem causæ creaturæ ex nihilo produceretur seu crearetur, quod implicat: si autem dicatur secundum, habetur intentum, nam illud quod remanet non est forma paleæ, aliàs vnum & idem compositum simul esset palea & ignis, nec etiam accidentia, frigiditas enim paleæ destruitur per calorem ignis, similiter color & alia. Minor verò probatur: Materia prima seu primum subiectum dicitur illud quod non præsupponit aliud: atqui materia prima transiens à priuatione formæ ignis ad esse illius non præsupponit aliud subiectum qui insit: ergo est materia prima. Probatur minor: nam vel illud aliud subiectum cui inesset materia præsupponeret iterum aliud & sic deinceps, vel non præsupponeret: si primum, daretur processus in infinitum ab omnibus explosus: si secundum, ergo illud esset materia prima seu primum & irreceptibile subiectum, sicque haberemus quod intendimus, dari scilicet materiam primam. Ex quibus inferendo.

Dico 2. materiam primam rectè definiri ab Aristotele, quod sit primum subiectum ex quo inexistenti sit aliquid non secundum accidens. Explicatur: Ly subiectum in hac definitione se habet vt genus aut quasi genus est enim quid commune materiæ primæ & secundæ: ly primum gerit vicem differentię, materiam primam à secunda, distinguens. Additur ly ex quo inexistente sit aliquid id est compositum naturale: per quod distinguitur materia prima à priuatione quia quamuis compositum naturale fiat ex priuatione vt ex termino à quo, non tamen vt ex parte inexistente seu

componente, cum priuatio transuollet adueniente forma. Dicitur, non secundum accidens, quo denotatur ex materia & forma fieri vnum per se, & non solum per accidens, sicut ex subiecto & forma accidentali.



## SECTIO II.

*Utrum materia prima sit omnino  
pura potentia nullum planè  
includens actum entita-  
tium.*

Certum est apud omnes materiam primam esse potentiam receptiuam formæ: sed an ita sit potentia ut nullum ex parte sui prout distincta à forma importet actum, est difficultas non mediocris. Pro cuius resolutione.

Aduerte duplicem esse actum, alterum essentia, alterum existentia: actus essentia dicitur ille qui constituit rem in sua quidditate seu essentia, ut rationalitas: actus verò existentia est ille qui constituit rem in ratione actualiter existentis à parte rei. Rursus actus essentia alius est physicus alius metaphysicus: actus physicus est ipsa forma physica quæ actuando materiam constituit vnà cum illa compositum substantiale in ratione totius physici seu naturalis: actus verò metaphysicus est differentia essentialis quatenus actuatur & determinat genus. In presenti non mouemus quæstionem de actu existentia de quo infra, sed de solo actu essentia seu entitativo, nec adhuc de omni cum indubitatum sit

materiam primam vt condistinctam à forma non includere actum physicum qui est ipsa forma, atque adeò esse puram potentiam physicam; sed solum de actu metaphysico, num scilicet materia prima sit pura potentia in ordine etiam metaphysico per exclusionem omnis omnino actus metaphysici. Ad quod respondendo.

Dico: Materia prima est omnino pura potentia nullum prorsus includens actum entitativum. Ita Thomistæ, Scoto, Suare, & aliis dissidentibus, & admittentibus in materia actum aliquem, quem idè appellunt entitativum quòd putent transcendentaliter includi in omni ente à parte rei posito.

Probatur 1. Si materia prima non esset pura potentia; sed aliquem in sua essentia importaret actum, vel ipsa esset purus actus & simplex, vel aliquid compositum ex actu & potentia: primum non admittunt aduersarij, & est per se euidens, cum de essentia materiæ imò & propria ratio eius sit esse potentiam receptivam formæ; sed neque secundum dici potest: ergo. Probatur secunda pars minoris: materia prout condincta à forma non potest intelligi composita nisi ex gradu communi & veluti generico in quo convenit cum aliis, & ex gradu veluti differentiali & proprio in quo differt ab illis (dico ex gradu veluti generico aut differentiali, quia cum materia sit ens incompletum, in ea non repetitur vera ratio generis aut differentia: atqui compositio ex gradu generico & differentiali in materia non est compositio ex actu & potentia: ergo materia prima non est quid ex actu & potentia compositum. Probatur minor: Nam in primis ratio illa veluti generica aut potius analogica substantia, in qua materia convenit cum forma & aliis, est quid potentiale & contrahibile; similiter etiam ratio veluti differentialis, in qua secernitur ab illis, hæc enim nihil aliud est quàm mera potentialitas seu capacitas recipiendi formam: ergo compositio ex illis consurgens non est compositio ex actu & potentia.



Probatur 2. euertendo fundamentum aduersariorum : Tota enim ratio quam habent ponendi actum illum entitatum seu essentialem in materia secundum se sumpta & prout condistincta à forma, est quia materia prima de se est verum ens reale, quod de facto reperitur à parte rei, vt pote vera pars compositi substantialis : atqui illa ratio nulla est : ergo. Probatur minor : Vt materia prima sit vera entitas realis & extra nihil, sufficit quod contineatur sub vno membro diuidente ens reale in tota sua latitudine sumptum : atqui licet sit pura potentia nullum prorsus actum includens, saluatur illam contineri sub vno membro diuisione entis realis vt sic : ergo non requiritur quod aliquem includat actum. Probatur minor : Ens reale in tota sua latitudine sumptum prima partitione diuiditur ab Aristotele libro sexto & nono Metaphysicæ in actum & potentiam, & ex utroque compositum : ergo hoc ipso quod materia prima erit potentia realis, quamuis nullum includens, actum, continebitur sub vno membro scilicet sub potentia. Vnde.

Aduerte in hoc decipi aduersarios quod existiment nullum dari medium inter ens actu seu entitatem actualem ex vna parte, & purum nihil ex altera, ex quo inferunt materiam primam hoc ipso quod non est merum nihil, sed vera entitas realis, vt nos vltro concedimus, debere dici ens in actu, adeoque includere actum aliquem saltem entitatum ratione cuius dicatur entitas actualis. In hoc inquam falluntur : nam vel sumunt ens in actu lato modo & improprie, prout idem est ac ens quod re ipsa & de facto est à parte rei : vel in sensu proprio, pro ente scilicet quod est verè actus, aut quod proprium includit actum : si primo modo sumant ens in actu, libenter fatemur non dari medium inter nihil & ens in actu, subindeque materiam hoc ipso quod non est merum nihil debere esse ens in actu, id est, entitatem realem positam à parte rei : & si nihil aliud volunt aduersarij, verum dicunt, sed abu-

tuntur nomine entis in actu : si autem ens in actu sumatur secundo modo & propriè pro eo quod vel est verus actus vel ipsum includit, in quo sensu nos in præfenti loquimur, velintque aduersarij materiã primam eo ipso quod non est nihil debere dici ens in actu sensu illo proprio, planè decipiantur, cum inter huiusmodi extrema mediet ens quod est potentia realis receptiua actus seu formæ, nimirum materia prima, quæ nec est nihil sed verum ens reale, cum sit pars compositi substantialis; nec est etiam ens in actu, cum nullum actum includat; sed mera potentia realis: ex quibus solnes fundamenta aduersariorum.

Obiiciunt enim primò: Materia ex se & vt est pars compositi condistincta à forma, est ens actu: ergo non est pura omnino potentia. Probatur antecedens: Quod non est merè possibile, sed de facto datur à parte rei, est ens actu: atqui materia prima non est merè possibilis, alias esset actu nihil; sed de facto datur à parte rei: ergo est ens actu.

Respondeo 1. negando antecedens, & maiorem probationis eius, nam vt vidimus materia prima est pars vera compositi per modum puræ potentiæ & non per modum entis actualis inter quod & nihil seu ens merè possibile datur medium, nempe ens reale purè potentiale, seu vera & realis potentia. Claritatis tamen gratia.

Respondeo 2. distinguendo antecedens: est ens actu, id est de facto & re ipsa à parte rei positum concedo: includens actum aliquem entitatum, nego. Similiter ad probationem distinguo maiorem: Quod non est merè possibile est ens actu, id est re ipsa positum à parte rei, concedo: includens actum aliquem nego: & eodem modo distingue consequentiam: vt enim materia prima non sit purum nihil sed ens reale positum à parte rei, sufficit quod sit vera & realis potentia receptiua formæ.

Obiicies 2. Quod est omnino in potentia, est

nihil, quia solum dicitur esse eo quod potest ab agente produci: sed materia prima est extra nihil: ergo non est omnino in potentia: ergo est ens in actu.

Respondeo 1. concedendo totum primum argumentum, neque enim nos asserimus materiam primam esse in potentia, id enim denotaret eam nondum esse de facto à parte rei; sed dicimus esse potentiam, id est entitatem in rerum natura positam quæ sit pura potentialitas receptiva formæ. Instabis non est ens in potentia, ergo in actu: distinguo, id est in rerum natura positum, concedo; constans actu aliquo, nego.

Respondeo 2. Et in idem redit solutio, duplicem esse potentiam quoad propositum spectat: alteram obiectivam, quæ nihil aliud est quàm non repugnantia in re aliqua ut producat à parte rei: alteram subiectivam, quæ est reipsa entitas quædam realis receptiva actus seu formæ. Hoc posito, distinguo maiorem: Quod est omnino in potentia obiectiva est nihil, concedo: quod est in potentia subiectiva, id est quod consistit in pura potentialitate receptiva actus, nego: quæ distinctio applicanda est consequentiæ, materia enim non est in potentia primo modo, sed secundo: unde solum sequitur esse ens actu sensu superius explicato.

Instabis: potentia non potest expleri nisi per actum: atqui potentia obiectiva in qua erat materia antequam crearetur, explera fuit per ipsam materiam actu productum: ergo ipsa materia producta & à parte rei posita est aliquis actus, saltem entitativus explens potentiam illam obiectivam.

Respondeo omnem veram potentiam positivam expleri debere per actum aliquem, puta activam per actionem quam elicit, receptivam per formam quam in suo sinu admittit: potentia verò obiectiva, cum non sit vera potentia realis & positiva, sed tantum negativa, scilicet non repugnantia quam habet aliquid ut producat, non debet necessario



expleri per aliquem actum, sed per illud ipsum, quidquid tandem sit, quod antea dicebatur possibile seu in potentia obiectiua, vnde si illud erat actus, explebitur per actum: si verò erat pura potentia subiectiua, explebitur per hoc quod ponatur de facto à parte rei pura potentia subiectiua formæ: vnde potentia obiectiua siue non repugnantia quam ante sui creationem habebat materia vt produceretur, expleta fuit per ipsius materiæ creationem licet ipsa non sit actus sed potentia.

Obiicies tertio: Quamuis forma si actus simplex physicus, includit tamen potentiam in ordine metaphysico: nempe relationem communem substantiæ in qua analogicè saltem conuenit cum materia & aliis ergo è contra tametsi materia prima sit pura potentia physica: includet nihilominus actum metaphysicum.

Respondeo negando consequentiam & paritatem, quia propria & specialis ratio materiæ qua secernitur ab aliis est pura potentialitas seu capacitas recipiendi formam; vnde cum nec ex ratione communis, nec ex propria & veluti differentiali includat actum, ex omni parte erit pura potentia.

Ex dictis in hac & præcedenti sectione de quidditate & natura materiæ primæ, facile colligi potest quid dicendum sit de eius vnitate aut diuersitate: vnde.

Infero & dico 2. materiam primam rerum omnium sublunarium esse vnus eiusdemque speciei.

Probatur: vnitas specifica potentiæ tam actiue quam passiue seu receptiue sumitur ab vnitate actus vel obiecti adæquati quod respicit: sed omnes & singulæ materiæ sublunares respiciunt eundem specie actum adæquatum: ergo sunt vnus & eiusdem speciei. Probatur minor: Omnes & singulæ materiæ corporum inferiorum respiciunt formas omnes sublunares per modum vnus actus adæquati, si eas appetant sub vna & eadem formali ratione: atqui sic est, nam materia sublunaris respicit & appetit formas.

omnes huius inferioris mundi sub ratione amissibilium, in quo differt a materia cœlesti quæ respicit suam formam inamissibiliter. Vnde.

Infero & dico tertio materiam corporum cœlestium differre specie à materia sublunarium.


Probatur : Quia si materia cœlestis & sublunaris essent eiusdem speciei, corpora cœlestia essent ab intrinseco corruptibilia sicut & sublunaria ; sed hoc est falsum : ergo. Probatur sequela maioris : Illud dicitur corruptibile, quod habet in se principium & radicem corruptionis : atqui si corpora cœlestia constarent materia eiusdem rationis cum materia sublunarium, includerent principium & radicem corruptionis : ergo. Probatur minor : materia enim sublunarium talis est rationis ut sit essentialiter radix corruptionis hoc ipso quod respicit formas amissibiliter : ergo si corpora cœlestia constarent materia eiusdem rationis & speciei cum nostra, includerent principium corruptionis. Sed de his fusiùs in libris de cœlo.

Infero & dico quarto materiam multiplicari numero iuxta multiplicationem compositorum. Patet, quia in diuersis compositis sortitur diuersas differentias-indiuiduales ratione diuersarum numero quantitatum, per quas, aut certè per connotationem vel ordinem transcendentalem ad ipsas, indiuiduatur : de qua connotatione, aut materiæ per quantitatem sigillatione, ut vocari solet, in Metaphysica dicemus dum de principio indiuiduationis.

Obiicies : Si materia sublunaris sit vna specie, differatque specificè à cœlesti, sequitur illam includere actum : consequens est contra superius dicta : ergo. Probatur sequela maioris : Non potest differre specie nisi beneficio differentię essentialis : sed differentia est actus : ergo.

Respondeo negando, sequelam : ad probationem respondeo differentiam propriè dictam, & quæ constituit speciem completam & perfectam, esse actum : differentia autem aut quasi differentia mate-

siæ improprie dicitur talis nec constituit eam in ratione speciei proprie dictæ, perfectæ, & completæ, sed potius in ratione perfectibilis & potentialis, unde non est actus, sed pura capacitas & potentialitas ad formas recipiendas. Potest etiam sic distingui: Differentia entis actualis est actus, concedo: puræ potentiaæ seu entis quod ex sua propria ratione est potentiale; nego.



### SECTIO III.

*Vtrum materia prima vsque adeo  
sit pura potentia, vt nec etiam  
proprium existendi actum  
sibi vendicer.*

**S**ensus tituli est, vtrum materia prima prout distincta à forma non solum non habeat actum aliquem entitatum seu essentialem, sed neque etiam propriam sibi vendicer existentiam distinctam ab existentia formæ & totius compositi. Ad quod respondendo.

Dico 1. Materia prima nullam prorsus ex se habet existentiam, sed existit per existentiam formæ & compositi substantialis. Sic Thomistæ: Suares & alij contrà.

Probatur 1. Si materia prima haberet propriam existentiam, non fieret ex ipsa & ex forma substantiali vnum per se, sed solum per accidens: consequens est falsum: ergo. Probatur sequela maioris: Ex duobus entibus in actu ultimo constitutis non fit vnum per se, vt habet commune axioma philoso-



phorum, sed tantum per accidens & per aggregationem: atqui si materia habeat propriam existentiam, erit ens in actu ultimo constitutum; & similiter forma, cum à fortiori specialem sibi iuxta aduersarios vendicet existentiam: ergo ex utraque non fiet vnum per se. Minor patet: existentia enim est vltima actualitas rei: ergo ens habens existentiam est constitutum in actu ultimo.

Respondet vnum per se non posse fieri quidem ex duobus entibus constitutis in actu ultimo completo, seu habentibus totales & completas existentias, quia iam vnumquodque illorum habet in se suum complementum, & sic non potest ordinari ad aliud à quo compleatur, vel quod compleat, quod tamen requiritur ad compositionem per se: nihil tamen impedire quo minus ex duobus entibus incompletis seu habentibus partiales & incompletas existentias possit fieri vnum per se. Tunc enim vnum comparatur ad aliud, vt perfectibile ad perfectum intra idem genus: in proposito autem existentie materiae & formae sunt partiales & incompletae, & ita bene potest ex eis resultare per compositionem physicam vnum per se.

Sed contra: Quia si materia habeat propriam existentiam qualemcumque tandem, non ordinabitur ad formam sicut potentia ad actum seu perfectibile ad perfectum: ergo solutio nulla. Probatur antecedens: quod est vltimo actuatum perfectum & determinatum non est vltterius actuabile perfectibile & determinabile: atqui si materia acta existat sua peculiari existentia, qualiscumque illa sit, erit vltimo actuata perfecta & determinata, cum existentia vt sit secundum suam formalem rationem sit vltima actualitas, vltima perfectio, & vltimus terminus rei: ergo. Et hoc argumentum maxime urget in sententia aduersariorum contendentium existentiam cuiuslibet rei identificari cum ipsius essentia: iuxta illam enim opinionem materia erit realiter sua existentia, subindeque sua vltima actualitas, sua vltima perfectio &

<sup>ter</sup>minus : ergo non erit ulterius actuabilis , perfectibilis , & determinabilis per formam.

<sup>sti</sup> Probatur 2. Conclusio : Materia prima non existit nisi per existentiam totius : ergo non habet suam propriam existentiam partialem. Probatur antecedens : existentia est ultima actualitas qua res sistitur extra suas omnes causas , unde dicitur existentia quasi extra causas sistentia : atqui materia prima , non sistitur aut ponitur extra suas omnes causas nisi ad positionem seu existentiam totius compositi : ergo non existit nisi ad vel per existentiam illius. Probatur minor : Materia prima non solum pendet à causa efficienti , sed etiam à causa formali , id est à forma informante & actuante ipsam : atqui non intelligitur informata seu actuata per formam nisi ad positionem & existentiam totius quod hoc ipso intelligitur constitutum : ergo. Unde colliges fictitias esse illas existentias partiales quas aduersarij admittunt , cum partes non existant nisi per existentiam totius , quod enim diximus de materia , intelligendum est de forma quæ vicissim ab illa ut sustentate dependet , subindeque non intelligitur existens nisi ad existentiam totius.

Aduerte quod licet materia & forma in hoc pares sint quod neutra habeat propriam existentiam , sed ambæ existant per existentiam totius , in hoc tamen sunt dispare quod forma est prima radix existentia totius , unde dicitur quod forma est quæ dat esse rei : & ob hanc rationem materia dicitur emendicare suam existentiam à forma & composito , ab illa radicaliter & remotè , ab isto verò formaliter & proximè.

Obiicies 1. Quod habet proprium fieri , habet proprium esse seu existere : atqui materia prima habet proprium fieri : ergo. Maior est certissima : cum enim fieri terminetur ad esse effectus , proprium fieri terminabitur ad proprium & speciale esse. Minor verò probatur : materia prima habet proprium fieri si producta sit per actionem diuersam ab ea qua



producitur forma & totum compositum : atqui &c. ergo. Probatur minor : nam materia equi , v. g. & quælibet alia producta est initio mundi per creationem , formæ verò & totum compositum producuntur per actionem generatiuam agentis naturalis : ergo.

Respondeo concessâ maiore primi syllogismi , negando minorem : ad cuius probationem distinguo maiorem : Materia primæ habet proprium fieri si producta sit per actionem diuersam , quæ fuerit per se primò terminata ad materiam , concedo : per actionem diuersam quæ per se primò fuerit terminata ad aliquod compositum & secundariò tantum ad materiam & formam , nego : Similiter ad minorem : materia enim prima producta fuit per actionem non per se primò terminatam ad ipsam , sed ad compositum , putà elementum , quod per se primò fuit productum , ipsa verò materia & forma secundariò ad productionem illius. Ex quibus paret ad probationem , dico enim materiam equi non fuisse per se primò creatam initio mundi , sed secundariò , vnde & potius comproducta & concreata dici debet , cum fuerit extracta ex nihilo per actionem creatiuam ad totum primariò terminatam. Vnde tantum infertur materiam equi extitisse initio mundi per existentiam emendicaram à toto illo in quo tunc fuit creata aut potius concreata : nunc verò per existentiam totius puta equi qui producitur per actionem generatiuam agentis naturalis : non autem inferri potest quòd existat per existentiam , ab existentia totius , cuiusmodò est pars : distinctam.

Obiicies 2. Si materia prima non haberet propriam existentiam , sed à forma vel à toto mutuatam , sequeretur eam toties corrumpi aut generari , quoties compositum & forma corrumpuntur vel generantur : sed hoc est falsum , cum ex infra dicendis materia sit incorruptibilis & ingenerabilis : ergo &c. sequela probatur : quia tunc res generatur , quando acquirit esse existentia ; & tunc corrumpi-



tur, quando, ipsum deperdit: sed supposito quòd materia non habeat aliud esse quàm formæ & compositi, toties acquireret esse existentia vel amitteret illud, quoties producta, vel destructa fuerit existentia formæ vel, compositi: ergo toties ipsa materia destrueretur aut de nouo produceretur.

Respondeo negando sequelam maioris: ad probationem dicendum quòd rem generari aut corrumpi non est ipsam vt cum que acquirere vel amittere esse existentia, sed ita illud acquirere, vt antea nullum præsupponeretur habere, vel ita amittere vt non immediate succedat aliud: qua ratione equus verè dicitur generari, quia cum antea non esset, verè nunc est: similiter verè postea corrumpitur, quia de esse transibit ad non esse: at veidè materia primæ neutrum habet, nam antequam acquirat aliquod nouum esse, præsupponitur habere aliud sub forma præcedenti; & similiter in eodem instanti in quo amittit esse sub vna forma, acquirit aliud sub altera subsequente; atque adeo nec generatur nec corrumpitur aut destruitur. Et aduerte aliud esse materiam generari aut corrumpi, & aliud illam esse subiectum generationis aut corruptionis: ad primum enim requiritur quòd de non esse sui transiret ad esse sui, aut è contra, quòd non contingit: ad secundum verò sufficit quòd de non esse sub forma equi, V. G. transeat ad esse illius, aut è conuerso.

Obiicies tertio: materia est causa compositi & formæ substantialis, cum forma educatur de potentia materia, & ex ipsa intrinsecè componatur totum substantiale: ergo est prior formæ & composito substantiali, in illo ergo priori naturæ quo materia præsupponitur formæ & composito, cum non sit nihil, debet habere entitatem actu existentem: non existentia formæ & compositi, quæ nondum intelligitur: ergo propria.

Respondeo concesso antecedente distinguendo consequentiam: est prior secundum realitatem essentia, concedo: secundum actualitatem existentia,

nego, loquendo de existentia materiz sub tali composito quod tunc generatur, illa enim ut diximus dependet à forma informante, nec est alia quam existentia totius, subindèque antecederet ad ipsam & ad formam non intelligitur in materia; quamvis prius tempore & ab initio mundi habuerit existentiam in compositis sub quibus præcessit.

Instabis: Nihil potest exercere suam causalitatem nisi habeat existentiam: sed in illo priori quo materia in instanti generationis antecedit formam, exercet suam causalitatem in ipsam & in compositum: ergo in illo priori naturæ habet existentiam.

Respondeo maiorem esse veram in causis efficientibus, non verò in materiali & formali: cum enim materia & forma non causent aliter compositum quam communicando suas proprias entitates essentielles ex quibus resultat, sufficit quod illas habeant in eo priori quo intelliguntur causare: at vero causa efficiens, cum causet per veram actionem, debet habere existentiam, ut actionem huiusmodi exerceat, actiones enim non sunt nisi suppositorum & existentium ut habet commune axioma.

Urgebis, materia prima in eo priori quo causat, est extra causam efficientem, cum sit producta: ergo habet existentiam. Probatur consequentia: quia omnis efficientia terminatur ad existentiam effectus.

Respondeo distinguendo antecedens: est extra causam efficientem, quoad realitatem essentiae, concedo: quoad actualitatem existentiae: nego: hæc enim pendet à forma informante quæ in illo priori nondum intelligitur exercuisse suam causalitatem: unde nego consequentiam: & ad probationem respondeo efficientiam terminari ad existentiam supposita causalitate aliarum causarum, non vero antecederet ad illam.

Ex quibus omnibus patet materiam quidem quantum ad suam entitatem essentiae esse in rerum natura ab initio mundi & manere semper eandem: quantum verò ad existentiam, quæ non est alia quam exi-



stantia formæ & compositi, toties produci quoties noua aduenit forma substantialis nouumque generatur compositum corrupto præcedenti per cuius existentiam existeret.

Obiiciunt denique aduersarij : Essentia & existentia non distinguuntur realiter : ergo cum materia habeat propriam essentiam, habebit propriam existentiam.

Ad hoc argumentum respondebitur in metaphysica ubi ostendimus essentiam realiter distinguui ab existentia in rebus creatis : vnde negandum est antecedens.

Dico 2. implicare contradictionem materiam existere sine forma, subindèque id non posse diuinitus fieri. Ita Thomistæ : alij contra.

Probatur : Implicat materiam existere sine existentia : sed si existeret sine forma, existeret sine existentia : ergo. Probatur minor : quia materia non habet aliam existentiam quàm formæ & compositi, vt ostendimus : ergo si existeret seorsim à forma & composito, existeret sine existentia. Vigetur hæc ratio : existentia est rei extra suas omnes causas velut sistentia & positio : atqui implicat materiam esse ab omni forma separatam, & esse extra omnes suas causas : ergo implicat existere sine forma. Probatur minor : quia vna ex causis à quibus materia dependet, est forma : ergo vt intelligatur esse extra omnes suas causas, debet intelligi vt dependens à forma eiusque causalitatem terminans : atqui separata à forma & independentè ab illa existens non intelligeretur nec reuera esset dependens ab illa : ergo.

Probatur 2. Implicat contradictionem aliquid esse in rerum natura & sub certo genere, nisi sit etiam sub certa & determinata specie, puta dari animal quod nec sub rationali nec sub irrationali contineatur : atqui si materia existeret sine forma, esset sub certo genere & non sub determinata specie : ergo implicat, &c. Probatur sequela minoris : illa enim



materia esset sub genere substantiæ & corporis saltem reductiue, cum ex se sit vera pars substantiæ corporeæ: quod autem sub nulla esset specie. Probatur: quia species desumitur à forma, cum ab ea petatur differentia speciem constituens: atqui non haberet formam: ergo. Denique non esset potior ratio cur reduceretur ad vnâ speciem quàm ad aliam, cum denudata à forma sit indifferens ad omnes: ergo ad nullam determinatè pertineret.

Obiicies 1. Quæ distinguuntur realiter, possunt ab inuicem separari & separata existere: atqui materia & forma realiter distinguuntur: ergo. Probatur maior: quia non est euidentius signum realis distinctionis inter duo quàm eorum separatio.

Respondeo maiorem esse falsam, quamuis enim ea omnia quæ possunt ab inuicem separari realiter distinguuntur, non tamen vicissim omnia illa quæ realiter distinguuntur, possunt ab inuicem separari, quia fieri potest vt vnum in sua essentia & existentia reali dependeat essentialiter ab alio, vt in proposito materia à forma & à composito. Ad probationem maioris constat quid sit dicendum, quamuis enim mutua separatio sit, euidentius signum distinctionis, non est tamen conuertibile.

Obiicies 2. Magis dependet accidens à substantia quàm materia à forma: atqui non obstante illa dependentia potest accidens diuinitus existere sine substantia; vt patet de speciebus Sacramentalibus in mysterio Eucharistiæ: ergo multò magis materia sine forma.

Respondeo negando maiorem: magis enim dependet pura potentia nullam de se habens existentiam, ab actu per quem existit, quàm actus imperfectus propriam existentiam habens, ab ente perfecto: materia autem est pura potentia quæ non existit nisi per formam; accidens verò, quamuis sit aliquid imperfectum, habet tamen specialem existentiam distinctam ab existentia substantiæ, unde ratione illius poterit existere diuinitus separatum.

Instabis : Magis dependet posterius à priori, quàm prius à posteriori : sed accidens est quid posterius substantia vt pote dependens ab illâ, materia verò est prior formâ quæ ex illa educitur : ergo magis dependet accidens à substantia siue subiecto quàm materia à forma.

Respondeo concedendo maiorem si cætera sint paria, negando si non sint vt in proposito, accidens enim habet propriam existentiam, materia non : per quod facilè distinguetur minor in forma. Vel secundo concedo maiorem de eo quod est prius simpliciter, id est quoad entitatem essentia & quoad actualitatem existentia, quod est esse prius prioritate instantis in quo : nego autem de eo quod est prius tantum secundum quid, id est quoad entitatem essentia solum, posterius verò seu dependens quoad actualitatem essentia : quod est esse prius prioritate tantum à quo, quæ est mutua : materia autem hoc secundo modo tantum est prior formâ de hac prioritate naturæ in quo & à quo vide dicta in postprædicamentis.

Obiicies 3. Deus se solo præstare potest quicquid potest cum causa secunda : atqui media causa secunda, scilicet forma, potest efficere vt materia existat : ergo id poterit se solo absque forma præstare.

Respondeo distinguendo maiorem : Quidquid potest Deus cum causa secunda efficiendi, concedo : cum causa secunda materiali aut formali, nego : ratio discriminis est, quia causalitas causæ efficientis non dicit imperfectionem, secus verò causalitates materia & formæ, cum hæ non aliter causent quàm sustentando vel informando, ipsumque totum tanquam partes ingrediendo, quæ imperfectio nequit in Deum cadere, neque enim ipse induere potest rationem partis quæ est quid incompletum & subinde imperfectum : atque adeo poterit quidem Deus supplere causalitatem causæ efficientis seu efficere solo quidquid potest cum illa, secus de causalitate materia



materiæ & formæ : cum ergo Deus faciat materiam existere mediante formâ , non vt causa efficientis , sed formali quæ pro effectu formali-primario habet constituere rem in sua essentia actuali , & pro secundo constituere illam actu existentem , non poterit efficere vt materia existat independentem à forma , non defectu potentie ex parte ipsius Dei , sed quia res illa ex parte sui implicat.


Dices : Deus potest supplere effectum formalem secundarium alicuius formæ : sed existentia vt nos concedimus est tantum effectus secundarius formæ formæ substantialis : ergo potest Deus ipse sine forma supplere seu communicare existentiam materiæ.

Respondeo Deum posse ( quando aliunde non implicat ) supplere effectum formalem secundarium formæ , sed supposito primario , vt de facto egit in mysterio Incarnationis , vbi supposito effectu primario animæ rationalis , nimirum essentiali constitutione humanitatis per ipsius unionem cum materia , Verbum Diuinum substituit suam propriam subsistentiam & existentiam loco propriæ subsistentiæ & existentie humanitatis , quæ in illa debuissent connaturaliter resultare tanquam effectus secundarij animæ rationalis : non supposito autem effectu formali primario formæ non poterit suppleri à Deo secundarius , cum hic essentialiter præexigat ipsum primarium , & in proposito materia prima non sit immediatè capax existentie ob speciale inconueniens quod deduximus in secunda probatione nostræ conclusionis secundæ : vnde inferitur in Theologia D. Thomæ , Deum , etsi possit alias omnes creaturas assumere ad suam subsistentiam & existentiam non tamen materiam primam sine forma.

Contra eandem conclusionem ea omnia obijci possunt quæ obiecta fuere contra primam : supponit enim hæc posterior conclusio materiam primam non habere propriam existentiam , si enim illam haberet , negari non posset quominus saltem supernaturaliter



existere posset sine forma : huiusmodi autem obiectiones iam habes solutas.



## SECTIO IV.

### *De appetitu materiae, eiusque ingenerabilitate & incorruptibilitate.*

**A** Duerte appetitum esse duplicem, elicited scilicet & innatum : Elicited est actus potentiae appetitivae, siue sensitivae siue rationalis, quo quis fertur in bonum cognitum. Innatus verò non est actus, sed quaedam inclinatio ab authore naturae unicuique indita in bonum sibi proprium & conueniens, qualis est inclinatio lapidis deorsum, & ignis sursum : & hic appetitus non sequitur ex cognitione talis boni, cum reperiatur in rebus etiam inanimatis. Ex quibus euidenter relinquatur materiam non habere appetitum elicited ad formas, cum ex se non sit cognitionis particeps : solum itaque difficultas est de appetitu innato, pro cuius resolutione.

Dico 1. materiam habere appetitum innatum ad formam.

Probatur : quia nihil est quod appetitu naturali non feratur in bonum sibi proportionatum : atqui forma est bonum proprium & proportionatum materiae, cum ab ea totam suam perfectionem, nempe actualitatem essentiae & existentiae, emendicet materia : ergo.

Dico 2. materiam primam appetere omnes formas : eas quidem quas nondum habuit, appetitu desiderii ; alias verò quas modò habet aut iam habuit, appetitu complacentiae seu delectationis, Con-

clusio non procedit de materia & de formis vt sic, materia enim cœlestis non appetit alias formas, sed satiatur ea quam habet : procedit ergo tantum de sublunaribus. Pro intelligentia autem.

Nota quod licet desiderium & complacentia primario significant actus potentiae appetitiuae quibus fertur in bonum apprehensum, possumus tamen eadem nomina applicare etiam appetitui innato seu naturali inclinationi : vnde sicut actum quo potentia appetitiua, putâ voluntas, fertur in bonum absens & possibile haberi, appellamus desiderium, actum verò quo fertur in bonum præsens aut alias habirum, complacendo sibi in illo, nominamus. complacentiam & delectationem ; ita non incongruè appetitum innatum seu naturalem inclinationem in bonum absens & possibile acquiri, appellare possumus desiderium, eam verò quæ fertur in præsens bonum aut alias possessum, delectationem seu complacentiam. Quo posito.

Probatür prima pars conclusionis : Materia prima appetit omnes formas vt successiue habendas, si ab eis successiue emendicet totam suam perfectionem : atqui sic est : cum enim formæ sublunares sint amissibiles, non potest materia prima sub aliqua illarum perpetuo conseruari, seu ab ea continuo habere suam perfectionem, id est actualitatem essentiae & existentiae, atque adeò necesse est vt eam ab omnibus formis successiue emendicet.

Secunda verò pars ex eo suadetur, quia appetitus desiderij fertur in bonum absens & acquisitum possibile : atqui tales sunt formæ substantiales quas nondum habuit materia, possunt enim per actionem agentis naturalis in ipsam introduci : ergo appetit illas appetitu innato desiderij, non autem eas quas iam habuit, propter rationem oppositam, quia scilicet non possunt ab agente naturali iterum produci dispositiones in materia quibus ad eas denuo suscipiendas præparetur, cum naturaliter nequeat dari reproductio eiusdem effectus.



Dices : Anima rationalis separata à corpore habet appetitum desiderij naturalis vt ipsi iterum vniantur : ergo vicissim corpus seu materia naturali desiderio appetit re vnionem animæ , & per consequens dabitur appetitus desiderij in materia ad formam quam aliquando habuit,

Respondeo animam rationalem non habere appetitum desiderij simpliciter naturalem respectu corporis, sed secundum quid tantum : quia licet terminus ille ad quem fertur huiusmodi appetitus, hoc est corpus siue potius vnio cum corpore , sit quid naturale secundum se, modus tamen quo iteratò fieri aut haberi potest nequaquam est naturalis sed supernaturalis, superat enim vires totius naturæ re vnio illa animæ cum corpore , & à solo Deo miraculosè ac supernaturaliter operante fieri potest. Vnde ex opposito inferri tantum potest materiam habere naturalem secundum quid tantum desiderij propositionem ad formas quas habuit, quatenus vnio cum illis secundum se spectata est quid naturale ; non autem simpliciter : appetitus enim innatus desiderij simpliciter talis importat in recto entitatem materiæ , & in obliquo aut de connotato dispositiones ab agente naturali introducibiles quibus mediantibus formam recipiat. Vnde cum nullum agens naturale possit reproducere dispositiones formæ alias habitæ proprias, consequens est non dari in materia appetitum desiderij simpliciter naturalis erga illam. Possunt igitur distinguí sic omnes propositiones : Anima appetit corpus , corpus animam aut formam quam habuit appetitu desiderij naturalis quod sit naturale simpliciter, id est tam ex parte termini quàm ex parte modi quo acquiri potest, nego : secundum quid & ex parte & termini tantum, concedo.

Tertia denique pars conclusionis probatur. Quia appetitus delectationis seu complacentiæ est de bono præsentí aut alias possessio : atqui formæ quas modo habet materia aut aliquando habuit, sunt



bonum præsens aut alias possessum ab ipsa : ergo fertur in eas appetitu complacentiæ.

Obiicies : si materia appeteret appetitu desiderii formas , appeteret destructionem totius , cum non possit eas adipisci , nisi destructa illa quam modò possidet & subindè corrupto toto in quo est : consequens est falsum : ergo. Probatur minor : quia magis inclinatur pars in bonum totius , quam in proprium : ergo materia , quæ est pars , non potest appetere destructionem totius ad consequendas formas alias quæ sunt bonum proprium ipsius materiæ.

Respondeo distinguendo maiorem : Appeteret destructionem totius , per accidens & secundariò , concedo : per se & primariò , nego : in eodem sensu nego minorem. Ad probationem dico materiam per se appetere formas quas nondum habuit , & ex consequenti tantum ac per accidens machinari destructionem totius compositi , tum propter bonum proprium , ut ipsa scilicet sub pluribus formis successivè recipiendis obtineat perpetuitatem , quam sub vna , ut pote amissibili , sortiri nequit ; tum etiam ob bonum univèrsi , quod maximè consistit in varietate & multiplicitate generationum quibus medijs ipsum etiam univèrsum quandam perpetuitatem consequitur ; magis autem appetit materia bonum totius univèrsi , ut pote univèrsalius & Divinius , quam bonum compositi in quo est , & sic potest intuitu illius per accidens & secundariò appetere destructionem totius compositi. Vnde in forma distinguo sic antecedens : Magis inclinatur pars in bonum totius compositi quam in suum proprium , præcisè qua tale est , concedo : quatenus cedit in bonum univèrsale mundi , nego.

Dices : sequeretur , quòd quando materia habet perfectiorem formam , putà rationalem , appeteret imperfectiores : consequens videtur falsum : ergo.

Respondeo hoc esse necessario admittendum , quòd nempe appetat imperfectiores propter maius

bonum tùm ipsius materiæ vt nimirùm perpetuitatem quandam consequatur quam nequit habere sub tali forma perfectiori, vt potè amissibili, tùm ipsius vniuersi, si enim materia habens formam rationalem, non appeteret alias, non generaretur nouum compositum corrupto homine, sicque materia quæ extra compositum existere nequit, periret, & ita paulatim decrederet vniuersum.

Instabis: Priuatio Formæ perfectioris est malum materiæ: atqui appetendo formas imperfectas, appeteret priuationem perfectioris: ergo appeteret proprium malum, quod est absurdum.

Respondeo distinguendo maiorem: priuatio formæ perfectioris secundum si consideratæ est malum materiæ, concedo: vt ordinata ad maius bonum, scilicet ad conseruationem ipsius materiæ, & bonum vniuersi, nego: hoc autem secundo modo & non primo appetit illam materia, vnde negatur consequentia.

Ex dictis colliges principium radicale corruptionis compositorum sublunarium esse materiam primam quatenus appetit formas omnes successiue habendas, formas, inquam, quæ exigunt qualitates & dispositiones expulsibiles per alias contrarias, ex quarum subinde expulsiōe sequitur expulsio ipsius formæ, atque adeo corruptio totius: principium verò proximum esse huiusmodi contrarias qualitates quæ inter se continuò dimicant & quarum vna tandem vincit & superat alias, sicque destruitur temperamentum seu dispositio debita, atque adeo & compositum dissoluitur.

Dices: Appetitus materiæ ad alias formas oritur ex eo quòd non satiatur eâ quam habet actu: ergo ipsa forma est prima radix corruptionis.

Respondeo negando consequentiam: quòd non fatietur formâ quam habet, oritur rursus ex amplissima capacitate & potentialitate materiæ quæ nullâ formâ satiari potest,

Dico tertio materiam primam esse ingenerabilem

& incorruptibilem : non est sensus eam esse improducibilem & indestructibilem, cum à Deo creata sit, sine potius concreata ad creationem totius, & ab ipso annihilari queat ; sed quod non possit fieri per generationem aut desinere per corruptionem proprie dictam.

Prima pars probatur : Generari est fieri ex præsupposito subiecto : sed materia nequit fieri ex præsupposito subiecto : ergo. Maior est evidens : in hoc enim differt generatio à creatione, quòd hæc est productio rei è nihilo, illa verò ex aliquo subiecto præsupposito. Minor verò constat ex dictis sectione prima, materia enim est primum subiectum ex quo omnia fiunt, & in hoc consistit eius essentia : ergo non præsupponit aliud ex quo ipsa fiat, alias non esset primum.

Secunda verò pars ratione opposita suadetur : corrumpi enim est desinere esse remanente subiecto, & in hoc differt corruptio ab annihilatione quæ est totalis definitio rei, ita ut nihil illius supersit : sed materia prima nequit desinere remanente aliquo subiecto, cum ipsa sit primum subiectum, quod præsupponitur aliis, quodque residuum est illis destructis : ergo.


Objicies : Si materia esset incorruptibilis, foret perfectior formâ & composito quod corrumpitur, nam incorruptibile est perfectius corruptibili : consequens est falsum : ergo.

Respondeo negando sequelam maioris : & ad probationem respondeo incorruptibile esse perfectius corruptibili, cæteris paribus, si nimirum utrumque sit ens actu, si verò corruptibile sit ens actu, incorruptibile verò ens merè potentiale, non erit incorruptibile perfectius corruptibili simpliciter loquendo, sed tantum secundum quid ex qua parte est incorruptibile.

Quæres : Quare composita vocantur corruptibilia, cum constent materia incorruptibili ? Respondeo hoc ideo esse quia corruptio habet rationem boni,




corruptio verò rationem mali, bonum autem ex integra causa sumitur, malum verò ex quocumque defectu: unde res debent dici corruptibiles cum habent aliquam partem corruptibilem, vel saltem unio partium est dissolubilis, qua dissoluta sequitur destructio totius: ob primam rationem res aliæ ab homine dicuntur corruptibiles, propter secundam verò, ipse etiam homo dicitur & est corruptibilis.



## DISPUTATIO III.

*De duobus aliis principiis entis naturalis, forma scilicet & privatione.*



## SECTIO I.

*De forma substantiali.*



I C O I. Datur forma substantialis. Conceditur hæc conclusio ab omnibus, eius tamen exacta probatio multum utilis erit. Et in primis est certa de fide, quoad animam rationalem, quam dari & esse veram formam hominis.

esse à corpore naturaliter separabilem definit Concilium Lateranense tertium sub Leone decimo sess. 8.

ex quo facile deducitur probatio pro aliis formis substantialibus : siquidem materia hominis eiusdem est rationis cum materia aliorum : ergo si illa sit quid incompletum in genere substantia, informeturque substantiali forma, etiam materia aliorum, subindeque admittendæ erunt etiam in aliis formæ substantiales.

Probatur insuper, sc : Nomine formæ substantialis intelligitur primus actus seu prima perfectio materię, cum ea totum substantiale constituens : atqui datur huiusmodi : ergo. Maior patet : forma enim iuxta nominis etymologiam dicitur id quod format & polit rudem aliquam materiam siue subiectum, quod est actuare & perficere id quod potentiale est & imperfectum : ergo idem est forma ac actus seu perfectio, idemque proinde prima forma ac primus actus prima perfectio : nomine autem formæ substantialis intelligitur ea forma quæ prima est in materia, illa enim est quæ subsistit per se aliisque subsistat, aut potius consubsistit aut consubstat : ergo à primo ad ultimum nomine formæ substantialis intelligi debet primus actus & prima perfectio actuans & perficiens materiam, subindeque cum illa constituens primum compositum, quod idem est ac substantiale, utpote non præsupponens aliud, sed per se subsistens, aliisque substans. Ex quibus etiam minor primi syllogismi facile suadetur : quia necessario assignari debet primus actus & prima perfectio immediate actuans & perficiens materiam, nullamque priorem in ea præsupponens (alias daretur processus in infinitum) sed quæ aliis omnibus præsupponatur : ergo datur primus actus in materia constituens cum ea primum, subindeque substantiale compositum.

Probatur 2. Quando ex ligno v. g. fit ignis, perit forma ligni, & acquiritur in materia illa forma ignis. atqui illæ formæ sunt substantiales : ergo dantur formæ substantiales. Probatur minor : tum quia aliàs, cum materia remaneat, (quippe quæ est subiectum

commune vtrique ) nihil substantiale periret , & ita eadem esset substantia , ignis ac ligni : tum quia constituunt diuersas species substantiales , ignis enim & lignum diuersæ sunt speciei intra genus substantiæ. Ex quo.

Probatur 3. quia quælibet res naturalis est determinata ad certam aliquam speciem : atqui non potest determinari nisi per formam substantialem. Minor probatur, nam præter formam substantialem duo tantum sunt in composito naturali , materia scilicet , & formæ accidentales : atqui res nequit determinari ad certam speciem beneficio materiæ quæ est eiusdem rationis in omnibus , nec per formas accidentales , cum non distinguant essentialiter vnum ab alio , quod requiritur ad rationem speciei , sed solum accidentaliter : ergo.

Probatur denique : quia assignari debet in quolibet re principium substantiale diuersarum perfectionum , proprietatum , aut operationum quæ ipsi conueniunt : atqui illud non est materia , aliàs cum hæc sit eiusdem rationis in omnibus , eadem & non diuersæ essent in illis perfectiones : ergo est forma substantialis : declaratur magis hæc ratio : Accidentia dimanant à substantia tanquam à principio radicali : non possunt autem diuersa accidentia aut proprietates , quæ diuersis rebus conueniunt , dimanare à materia , cum hæc sit eadem in omnibus : ergo dimanant à forma , vel quod idem est , à toto composito ratione formæ substantialis , quæ subinde datur.

Dico secundò : legitima est communis illa definitio formæ substantialis , quòd videlicet sit actus primus corporis Physici ( id est materiæ ) seu , actus substantialis vnum per se constituens cum materia. Patet ex dictis : dicitur enim Actus , in quo conuenit forma substantialis cum accidentali , quæ est actus seu perfectio subiecti : additur , Primus , per quod differt ab illa , quæ cum præsupponat ipsam formam substantialem , non est nisi actus secundus : subditur denique ly corporis physici , seu materiæ



tum ut per hoc denotetur formam substantialem, de qua hic agitur, non esse actum completum sed incompletum & informantem, ad differentiam angelorum qui dicuntur & sunt formæ non informantes, & incompletæ, sed completæ & separatæ ac subsistentes: tum quia propria ratio & differentia actuum informantium sumitur ex ordine ad potentias quas nati sunt perficere; ideo cum forma, substantialis debeat actuare materiam, rectè definitur per ordinem ad illam. Quod si per corpus physicum intelligere velis totum compositum physicum seu naturale, sensus erit formam substantialem esse actum primum corporis physici constitutum. Dicitur verò corpus physicum siue materia prima siue totum compositum, ad differentiam corporis mathematici, id est ad mathematicæ considerationem spectantis, quod est ipsa quantitas trinam habens dimensionem. Ex hac autem primæ definitionis explicatione manifesta etiam relinquitur secunda.

Dices: si forma substantialis foret actus, vel foret actus purus aut simplex, vel compositus ex actu & potentia: non primum, quia solus Deus est actus purus: nec secundum, quia iam esset quid completum subindeque ex materia & forma non fieret unum per se: ergo.

Respondeo in primis non posse dici, propriè actum purum, actus enim purus dicitur propriè qui nec componitur ex potentia vlla, nec ordinatur ad componendum cum illa; forma vero ordinatur ad componendum cum materia quæ est pura potentia: sumendo autem actum purum lato modo prout idem est ac simplex seu non compositus, tamen si in compositionem veniat, respondendum est cum distinctione, formam scilicet esse actum purum seu simplicem in ordine Physico, id est, non includentem in se potentiam physicam quæ est ipsius compar, nempe materiam: esse verò compositum in ordine metaphysico ex gradu communi & differentiali. Nec inde sequitur fore ens completum, quia huiusmodi

gradus non sunt propriè generici & differentiales, sed impropriè & reduciuè solùm. Id vero quod subditur, solùm Deum esse actum purum, intelligendum est de actu omnino puro per exclusionem omnis omnino potentialitatis ex qua aut cum qua componatur.

Iastabis : Si forma substantialis ordinetur ad componendum totum physicum, sequitur ipsam recipi in materia : atqui hoc videtur falsum, iam enim non esset substantia, sed accidens, vt pote ens in alio.

Respondeo negando minorem : & ad probationem respondeo sequi solùm quod non sit substantia completa, non vero quod non sit substantia incompleta. Ad id vero quod subditur, respondeo esse ens in alio vt in subiecto inhesionis & tanquam non consubsistens ipsi sed purè inhzrens, esse proprium accidentis : esse vero ens in alio vt in subiecto informationis tanquam ipsi consubsistens, esse proprium formæ substantialis.

### §. I.

*An & quæ formæ substantiales educantur de potentia materiæ.*

**D**ico 1. Formæ substantiales corporeæ in generatione substantiali educantur de potentia materiæ. Pro intelligentia.

Aduerte primo formas corporeas seu materiales eas esse quæ ita sunt immerse materiæ vt ab ipsa omnino dependeant in fieri, esse & conseruari, atque adeo & in operari, ita vt sine illa nequeant existere saltem naturaliter, nec vllas operationes independentes à corpore siue ab organo corporeo exercere : quales sunt omnes formæ rerum corporearum, præterquam anima rationalis, quæ ob rationem oppositam est forma spiritalis, ex eo sci-



licet quod non dependeat à materia seu corpore nec in fieri, esse & conseruari, si quidem naturaliter existit separata ab illo: nec in suis propriis operationibus, intellectione scilicet & volitione, quas in statu etiam separationis exercet.

Aduerte secundo quod sicut effectum poni extra suam causam efficientem, non denotat ipsum præexistisse in illa secundum suam entitatem propriam & indiuidualem, & postea extrahi ex illa; sed tantum quod præfuerit in potentia eius actiua tanquam producibilis ab illa: ita formam educi de potentia materię: ita eam prius fuisse in illa veluti latitantem, & postmodum ex illa extrahi & veluti partem fieri aut detegi vt nonnulli antiqui somniarunt; sed solum præfuisse in potentia eius passiua tanquam producibilem (ab agente) dependenter ab illa influente in suo genere, causę scilicet materialis receptiue. Hoc posito.

Probaturs conclusio: Formam educi de potentia subiecti est eam fieri actu in ipso. dependenter ab ipso vt à causa materiali & receptiua, in cuius potentia præcontinebatur: atqui formę corporeę in generatione substantiali producuntur actu in materia dependenter ab ipsa vt recipiente, in cuius potentia antea continebantur, ergo educuntur de potentia illius. Maior est certa, & continet duas condiciones ad veram educationem requisitas, quarum prima est quod subiectum è quo forma educenda est, præsupponatur vel prius tempore productum, vel saltem prius naturā per actionem distinctam ab educatione formę; nisi enim subiectum hoc modo præcederet, non diceretur forma præcontineri in potentia receptiua eius: altera est, quod forma per aliam & distinctam actionem producat in huiusmodi materia seu subiecto præsupposito dependenter ab illo in genere causę materialis concurrente. Ex quibus etiam facile probari potest minor: nam in generatione substantiali præsupponitur materia quę ab initio mundi producta est, neque agens naturale potest



agere nisi eam præsupponat, & in hoc differt generatio à creatione, quod ista est productio rei ex nihilo, subindéque nullum præsupponit subiectum aut materiam; illa verò est productio rei ex præsupposito subiecto. Deinde forma corporea fit actu in materia dependenter ab ipsa ut recipiente, siquidem ex sua propria ratione hoc habet ut non possit fieri, esse & conservari sine materia.

Dico 2. Anima rationalis non educitur de potentia materiæ.

Probatur: quamvis enim in generatione hominis præsupponatur materia, anima tamen rationalis non fit dependenter ab illa ut causa materiali recipiente vel sustentante, cum sit forma spiritalis, subindéque independens à materia in fieri esse, & conservari: ergo non fit per educationem, sed per actionem Dei creativam qua ex nihilo eam producit, intra corpus quidem, sed independentem ab illo; agens verò naturale seu generans per aliam actionem vnit illam cum corpore.

Dico tertio: formæ cælorum & elementorum in prima rerum productione non fuerunteductæ de potentia materiæ.

Probatur: Illæ dumtaxat formæ educuntur de potentia subiecti, quæ illud præsupponunt vel prius tempore, vel prius naturâ productum per actionem distinctam, & deinde fiunt actu in ipso concurrente in genere causæ materialis & receptivæ: atqui formæ cælestes & elementares in prima rerum creatione non præsupposuere materiam prius tempore vel prius natura productam per actionem distinctam ab ea qua ipsæ fuerunt productæ: ergo non fuerunteductæ de potentia illius. Prima pars minoris, quod nimirum in prima rerum productione materia non præcesserit formas cælestes aut elementares, est evidens; nam vel præcessisset sub aliis formis, & hoc non, cum primæ formæ sub quibus fuit producta materia, fuerint cælestes & elementares ut supponimus ex illo, Gen. 1. *In principio creavit Deus calum &*

*terram*, id est cœlum & elementa vt habet communis interpretatio : vel denudata ab omni forma , & hoc etiam dici nequit , cum repugnet materiam existere sine forma. Secunda verò pars probatur , si enim materia prius natura fuisset producta per actionem distinctam à productione formarum , habuisset & haberet proprium esse distinctum ab esse formæ & compositi , sicut enim actio productiua terminatur ad esse seu existentiam effectus , ita distincta productio ad diuersum esse : consequens est falsum , vt supra ostensum est dùm probauimus non habere propriam existentiam : ergo. Vnde.

*Inferes* materiam & formam in prima rerum productione fuisse creatas , aut potius concreatas ad creationem totius : cum enim materia facta non fuerit ex aliquo præsupposito , siquidem ipsa est primum subiectum omnibus aliis præsuppositum : nec forma tunc fuerit producta per educationem è materia , vt ostensum , est ; aliunde verò non potuerint per actiones partiales creari , cum non habeant partiales subsistentias & existentias , vt alias ostensum est : necessariò dicendum est illas fuisse concreatas ad creationem totius , sicut diximus illas subsistere & existere per subsistentiam & existentiam illius.

Obiicies contra primam conclusionem : Omnes formæ creantur quando fiunt , sicut & quando deperunt , annihilantur : ergo non educuntur de potentia materiæ.

Respondeo negando antecedens quoad vtramque partem , cum in quotidiana rerum generatione formæ materiales fiant ex præsupposito subiecto , & corruptione desinant remanente subiecto , quod generationi & annihilationi repugnat , creatio enim est productio rei ex nihilo , annihilatio vero est destructio illius nihilo eius remanente.

Obiicies contra secundam : Formam educi de potentia materiæ est eam fieri actu quæ antea continebatur in potentia illius : atqui anima rationalis



in generatione substantiali fit actu in materia, in cuius potentia receptiua antea continebatur, quatenus materia capacitatem habebat ad eam recipiendam: ergo educitur de potentia illius.

Respondeo negando minorem: formam enim præcontineri in potentia materiæ est eam non esse natam produci nisi dependenter à materia, præsupposita & concurrente in genere causæ materialis, quod non competit animæ rationali quæ in sui productione & conseruatione est independens à materia.

Obiicies contra tertiam conclusionem: Vt aliqua forma dicatur educi de potentia subiecti, non requiritur quòd illud subiectum præcedat illam tempore, sed sufficit quod præsupponatur prius naturâ productum per actionem distinctam ab educatione formæ, & hac de causa gratia sanctificans, quæ fuit communicata Angelis & primis parentibus in primo instanti reali suæ creationis aut productionis, dicitureducta de potentia obedientiali animæ aut substantiæ ipsorum, quia scilicet prius naturâ fuit producta substantia Angelica aut protoparentis anima per vnâ actionem, & per aliam producta fuit gratia in huiusmodi subiectis dependenter à concursu materialis ipsorum: atqui, quamuis materia prima in prima rerum productione non præcesserit tempore formas cœlestes & elementares, fuit tamen prius natura producta per propriam actionem distinctam à productione formarum: ergo formæ fuerunteductæ de potentia illius. Probatur minor specialiter quoad materiam elementorum: actio enim qua illa producta fuit initio mundi huc vsque perseverat, non perseverante actione qua productæ fuere formæ elementares: ergo fuit actio distincta. Probatur antecedens: Actio per quam Deus produxit talem materiam est eadem cum illa qua eam conseruat, cum conseruatio nihil aliud sit quam continuata rei productio: atqui actio conseruatiua materiæ huc vsque perseverat, secus vero actio conseruatiua formæ ele-



mentaris initio producta, cum entitas materiae perseveret adhuc, non verò entitas formae quae desinit ad corruptionem illius compositi elementaris quod primò fuit productum : ergo.

Confirmatur & explicatur : Materia quae constituit omnia mixta, fuit initio sub formis elementaribus, in principio enim creavit Deus elementa, ex quibus omnia alia formata sunt : ergo conseruatur adhuc materia illa, destructis, saltem ex parte, formis elementorum initio productorum.

Respondeo negando minorem : ad probationem nego antecedens : ad cuius probationem distinguo maiorem : Actio qua Deus primò produxit materiam est eadem cum illa qua eam conseruat, perseverante illo composito elementari, (puta terra) ad cuius creationem illam produxerat, concedo : destructo tali composito, nego. Similiter ad minorem : Actio conseruatiua materiae huc vsque perseverat distinguo : illa eadem actio qua Deus conseruabat, illam ad conseruationem illius primi compositi quod supponimus iam destructum, nego : alia distincta qua conseruat compositum succedens illi priori concedo : sicut enim materia nequit produci nisi ad productionem totius compositi, ita nec conseruari nisi ad illius conseruationem, proindeque actio per se primò conseruatiua totius, ex consequenti & secundariò conseruat materiam : unde fit quod cessante composito, sub quo fuerat primò producta materia, cessauit etiam actio qua conseruabatur sub illo : sed tamen sicut in eodem instanti reali quo materia desinit esse pars illius compositi quod corrumpitur, incipit esse pars compositi de nouo geniti, & existere per eius existentiam, ita in illo ipso instanti quo desinit conseruari per actionem conseruatiuam compositi praecedentis, incipit conseruari per actionem productiuam & conseruatiuam compositi subsequenter, cum ab ea emendicet ium esse existentiae. Ex quibus patet ad confirmationem.

Dices : Actio illa productiua noui compositi statim definit : ergo non est conseruatiua eius, nec materiæ. Confirmatur : Conseruatio est continuata productio, vt dictum est : ergo actio conseruatiua debet esse tantæ virtutis, vt quantum est de se, sit productiua illius quod conseruat : atqui actio productiua illius compositi subsequenter, non est nata producere materiam : ergo non est conseruatiua. Probatur minor, quia materia, cum non sit generabilis, sed possit tantum produci ex nihilo, debet fieri per actionem creatiuam : atqui prædicta actio non est creatiua, sed solum generatiua compositi : ergo.

Respondeo actionem productiuam noui compositi posse dupliciter considerari : primò vt est à causa secunda seu agente creato & sic dicitur actio generatiua, statimque cessat producto effectu, nec est, conseruatiua illius : secundò vt est à causa prima seu à Deo, & sic non solum est productiua effectus sed etiam conseruatiua illius, est enim concursus quo Deus simul cum agente secundo producit effectum eumque deinceps conseruat : & hæc, cum sit actio diuina, est eminenter creatiua, atque adeò talis naturæ & virtutis vt non solum attingat formam aut vnionem eius cum materia, sicut concursus agentis naturalis cui se accomodat) sed etiam materiam, quantum est de se, producere & creare possit, aut melius concreare vt sæpius dictum est.

Obiicies 2. contra eandem conclusionem : Quando ex speciebus Sacramentalibus fiunt vermes aut cineres, debet necessario produci materia per actionem propriam & distinctam : ergo potuit idem fieri in prima productione elementorum, subindèque forma ex illa educi. Probatur antecedens : si materia illo instanti reali, quo vermes producuntur, non fieret per actionem distinctam, scilicet per creationem, vel per conuersionem quantitatis in ipsam ex qua per aliam actionem agentis naturalis educeretur forma vermis aut cineris, huiusmodi vermes aut



cineres non fierent per generationem : consequens  
est contra communem loquendi modum iuxta quem  
dicimus vermes, illos, cineres aut huiusmodi generari  
ex speciebus sacramentalibus.

Respondeo negando antecedens, alias enim materia haberet propriam existentiam : ad probationem respondeo quod cineres & vermes in illo casu non generantur propriè loquendo cum nulla ibi sit materia ex qua formæ illæ educantur, sed impropriè & lato modo dicuntur generari ab agente naturali ex speciebus Sacramentalibus, quatenus ratione actionis quam exercet circa illas, & dispositionum quas introducit, ad quas connaturaliter debet sequieductio formæ, subindèque totius substantialis generatio, si adesset materia, veluti obligatur Deus & determinatur quodammodo (ex suppositione præcedentis miraculi quo materiam panis conuerterat in corpus Christi) ut producat & subducatur totum illud compositum, quod iuxta exigentiam dispositionum introductarum esset in eo inuenti generandum, idque vel per actionem creaturam, ut nonnulli volunt, vel per conuersionem quantitatis seu specierum in ipsum : unde non in materiam, sed in totam substantiam vermis & cineris transeunt : neque est ibi nouum miraculum propriè loquendo, sed huiusmodi conuersio auteductio connaturaliter sequitur ex miraculo præcedenti. Ad illum autem communem modum loquendi respondeo non esse intelligendum nisi de generatione impropriè dicta sensu explicato :

Plures aliæ obiectiones aduersus eandem conclusionem fieri possent, sed omnes omnino soluantur eodem principio quo præcedentes aduertendo, et in mente habendo semper duas illas conclusiones ad educationem requisitas, de quibus supra.



## §. 2.

*Utrum formæ accidentales educantur  
de potentia subiecti.*

**A**duerte. 1. quòd sicut materia est subiectum formæ substantialis, ita totum compositum est subiectum formarum accidentalium materialium, vt dicemus in libris de generatione, quamuis accidentia spiritualia subiectentur in anima. Est ergo difficultas, vtrum sicut formæ substantiales materiales in quotidianis rerum generationibus educantur de sinu materiæ, ita accidentales educantur de potentia sui subiecti.

Aduerte 2. Quædam esse accidentia quæ habent necessariam connexionem cum subiecto ita vt necessario producantur ad productionem ipsius, saltem connaturaliter loquendo, & per eandem actionem, & hæc accidentia sunt propriæ passiones; quædam vero, quæ non habent talem connexionem, sed produci debent per actionem distinctam à productione subiecti, vt calor respectu aquæ. His positis.

Dico 1. Propriæ passiones non educuntur de potentia sui subiecti: sed si forma substantialis, ex qua oriuntur, fiat per educationem, ipsæ etiam coeducuntur; si per creationem, concreantur.

Probatur: Forma quæ producitur ad productionem subiecti; non educitur de potentia illius: atqui proprietates producantur ad productionem subiecti. neque enim vt alias dicemus, fiunt per actionem propriam quæ ad ipsas primario & immediate terminetur, sed à toto dimanant ex vi illius actionis qua illud producitur: ergo proprietates non educuntur, sed si actio productiua subiecti siteductio aut generatio, coeducuntur aut congenerantur, vt proprietates ignis v. g. equi, & hu-

modi, si creatio, concreantur, ut proprietates  
rationalis, intellectus & voluntas. Maior hu-  
argumenti patet ex sectione præcedenti, formam  
educi est fieri dependenter à subiecto prius  
pore vel saltem naturam per actionem distinctam  
ducto.

Articulus 2. Omnes formæ accidentales, quæ necessa-  
rium subiecto non habent connexionem: educun-  
tur ex potentia illius: connaturales quidem, ut scien-  
tia ex potentia connaturali; supernaturales autem,  
gratia, fides, & aliæ de potentia obedientiali quæ  
aliud est quam ipsum subiectum, puta anima,  
non repugnantia ad recipiendas huiusmodi  
formas ab agente supernaturali.


Probatur: Quia omnes illæ formæ dependent à  
subiecto in fieri, esse, & conservari; & insuper præ-  
supponunt ipsum per aliam actionem productum: at-  
que nihil aliud requiritur ad educationem: ergo. Prima  
maioris patet: illa enim accidentia nequeunt  
esse aut conservari absque subiecto. Secunda  
non est minus evidens, accidentia enim quæ  
habent necessarium nexum cum subiecto,  
producentur ad productionem ipsius, sed per  
actionem distinctam: ergo præsupponunt illud per  
actionem productum. Si autem gratia sancti-  
ficatrix interdum dicatur creari, ut psalmo quinquag-  
esimo, *Cor mundum crea in me Deus*, id intelligi  
moraliter, quia fit ex nullis præsuppositis meri-  
tis; non autem physicè, quasi fiat ex nullo præ-  
supposito subiecto, seu independentem ab anima  
genere causæ materialis concurrente, eo modo  
ipsa anima fit independentem à materia.

Obiicies: Accidentia saltem violenta ( ut calor  
ex actu aquæ ) & supernaturalia non præcontinen-  
tur in potentia subiecti: ergo non educuntur ex illa.  
Respondetur: Accidentia quod est contra in-  
clinationem subiecti aut supra naturam eius non  
continentur in potentia illius: atqui acciden-  
tia violenta sunt contra inclinationem & natu-



ram subiecti, supernaturalia verò supra illam :  
ergo.

Respondeo huiusmodi accidentia non præconti-  
neri, vt probat argumentum, in potentia naturali  
subiecti quæ est positiva inclinatio ad formam reci-  
piendam; benè autem in potentia obedientiali  
ipsius, quæ nihil aliud est quàm non repugnan-  
tia ad ea recipienda; vel in potentia violenta,  
quæ dicit renitentiam, sed ab agente supe-  
rabilem.



## SECTIO II.

### *De priuatione.*

**E**X dictis disputatione prima de principiis in  
communibus, constat priuationem, prout est caren-  
tia formæ in materia apta, esse vnum ex principiis  
entis naturalis in fieri, seu generationis quæ est  
mutatio de huiusmodi priuatione ad formam. Sup-  
positis autem his quæ ibi diximus, solum restat hic  
resoluendum vtrum priuatio conueniat vniuocè in  
ratione principij cum materia & forma. Ad quod  
respondendo.

Dico priuationem non conuenire vniuocè in ra-  
tione principij cum materia & forma, sed tantum  
analogicè analogia proportionalitatis.

Prima pars probatur. Enti & non enti in quan-  
tum tali nihil potest dari commune vniuocum: sed  
priuatio est non ens, & in quantum non ens est prin-  
cipium; materia verò & forma sunt entia & in  
quantum talia principiant seu constituunt ens natu-  
rale: ergo ratio principij non conuenit illis vniuocè.  
Minor patet ex dictis loco citato: priuatio enim  
concurrit ad generationem per modum terminum à




quo, materia verò per modum subiecti, & forma per modum termini ad quem: atqui terminus à quo generationis est non esse formæ, subiectum verò & terminus ad quem sunt entia: ergo priuatio est principium in quantum non ens, &c.

Secunda verò pars constat: ratio enim principij proportionaliter dicitur de illis tribus, quæ proportionalitas in hoc consistit quod sicut materia & forma per se, & intrinsecè requiruntur ad generationem per modum subiecti & termini ad quem, ita priuatio per modum termini à quo.

Obiicies: Ratio scibilis vniuocè dicitur de ente reali & de ente rationis, quamuis hoc vltimum sit uerè non ens. ergo & ratio principij poterit esse vniuoca, respectu materiæ & formæ quæ sunt entia & res compositi, & respectu priuationis quæ est non ens. Antecedens patet, aliàs enim logica non esset vniuocè scientia cum alijs.


Respondeo distinguendo antecedens: Ratio scibilis est vniuoca enti reali & enti rationis vt ens est modo & habet passionem de se demonstrabiles, concedo: sub ea ratione qua simpliciter est non ens, nego: & pariter nego consequentiam, quia priuatio est principium est merum non ens, scilicet non formæ in subiecto apto.






## DISPUTATIO IV.

*De composito naturali.*



## S E C T I O I.

*Utrum ens naturale intrinsecè & essentialiter componatur ex materia & forma.*



PINIO fuit Auerrois & nonnullorum veterum philosophorum solam formam esse totam quidditatem entis naturalis, subindéque materiam non esse de intrinseca eius ratione, eo proportionali modo quo subiectum non est de ratione intrinseca accidentis.

Contra quos.

Dico ens naturale intrinsecè & essentialiter componi ex materia & forma, ita ut non sola forma, sed etiam materia ad intrinsecam eius rationem & constitutionem pertineat.

Probat: si ens naturale, puta homo, constaret intrinsecè & essentialiter solâ formâ, non verò materia,



ia, sequeretur ipsum manere quoad totam suam  
entiam intrinsecam, destructo corpore, dummodò  
maneat forma; consequens est apertè falsum, aliàs  
im non diceretur destrui aut corrumpi homo,  
quando anima eius quæ immortalis est separatur à  
corpore: ex quo vltèrius contra fidei principia se-  
queretur Christum in triduo mortis fuisse hominem,  
n suppositum diuinum manserit vnitum animæ:  
o.

Probatur 2. Quod ponitur in definitione quiddi-  
ua entis naturalis, est de intrinseca eius essentia:  
ui non solum forma, sed etiam materia ponitur  
definitione essentiali physica entis naturalis: er-  
Maior constat ex discrimine inter substantiam  
accidens, quòd cùm substantia sit ens absolutum  
independens in sua quidditate ab omni extrinseco,  
il extrinsecum ponitur in eius definitione: at verò  
definitione essentiali accidentis non solùm ponitur  
quod est de intrinseca eius constitutione, sed  
m aliquid extrinsecum, puta subiectum aut ob-  
um, eò quòd ab illis essentialiter pendeat. Mi-  
verò non est minus euidens, quia non esset vera  
nitio physica si diceretur, E. G. Homo est quid  
stans animâ, nisi adderetur, & corpore; sicut  
ue hæc esset vera definitio metaphysica, Homo  
rationalis, nisi etiam poneretur animal, dicendo  
animal rationale: bona enim definitio hominis  
lterius cuiuslibet exprimere debet non solùm id  
d est ipsi proprium, sed etiam id in quo conue-  
cum aliis.

Obiicies si materia vt sic esset de essentia entis  
ralis, etiam hæc materia singularis esset de essen-  
uius numero entis naturalis, puta Petri: atqui  
est falsum: ergo. Probatur minor: illud non  
inet ad intrinsecam rei essentiam, quod variatur  
riata essentia: atqui inuariata essentia Petri va-  
r eius materia, vt pote quæ continuò dilabitur  
loris naturalis depascentis humidum radicale:



Durandus & Suares putant ab hoc argumento facile sese expedire negando sequelam maioris, & dicendo hoc numero compositum non constare essentialiter ex hac numero materia, sed solum ex hac numero forma, & ex materia quacunque seu indeterminata. Sed hæc solutio est omnino voluntaria & falsa: nam de ratione huius numero compositi est id à quo formaliter habet quod sit tale numero compositum: atqui id habet ab hac numero materia determinata & sigillata per ordinem ad certam & determinatam quantitatem, vt alias ostendemus: ergo. Vnd e.

Respondeo, quod quamuis materia Petri varietur materialiter loquendo, quatenus vi caloris naturalis aliquid ex ea deperditur & aliud per nutritionem paulatim acquiritur; formaliter tandem loquendo manet eadem numero quamdiu Petrus viuit, quia materia de nouo acquisita transit in præexistentem sitque vna numero cum illa per hoc quod incipit ad eandem numero quantitatem & formam sigillari; atque adeò sortitur eandem vnitatem numericam quam habebat materia deperdita. In forma ergo concessa maiore, nego minorem. Ad probationem concedo maiorem, distingo minorem: Variatur materia, formaliter, nego: materialiter, concedo, similiter ad consequentiam: ergo hæc numero materia, formaliter, non est de essentia huius compositi, nego: hæc numero materialiter, transeat.

Dices: si hæc numero materia sit de essentia huius hominis, non poterit idem numero homo resurgere: atqui hoc est contra scripturam, Iob decimo nono,

*Quem visurus sum ego ipse & non alius.*

*Et in carne meo videbo Deum Salvatorem meum.*

Probatur sequela maioris: quia fieri potest vt duo homines habeant diuersis temporibus eandem numero materiam, illi maximè qui carnibus vescuntur humanis vt contigit tempore obsidionis Hierosolymitanæ, & apud barbaros & siluestres homines boui mundi frequentius accidit: ergo eadem nume-

materia non poterit vtrique restitui, atque adeo  
ter illorum non resurget idem numero homo.

Durandus & Suares consequenter ad sua principia  
ponentes hanc numero materiam non esse de es-  
tia huius numero hominis, respondent sufficere  
hoc vt idem numero homo resurgat, quod ea-  
m numero anima reuniatur cuius materiæ sublu-  
i: sed quia hæc solutio falsum supponit, vt vidi-  
s, idè.

Respondeo negando sequelam maioris: & ad eius  
bationem respondeo cum Diuo Thoma 4. con-  
gentes cap. octuagesimo primo, quod si contingat  
s homines, habuisse eandem portionem mate-  
, illi reddetur in resurrectione qui eam in pri-  
sui productione habuerat; si verò contigerit  
umque habuisse eandem in prima sui productio-  
tunc illi restituetur qui primus illam habuerit,  
r verò resurget cum materia quam sibi per nu-  
onem acquisierat aut vi caloris naturalis deper-  
erat.


ices: Quid si materia illa per nutritionem ac-  
ita aut vi caloris deperdita spectauerit ad alium  
inim in prima sui productione; aut si puer ali-  
constans materia quæ fuerit alterius in prima sui  
ductione decesserit nulla per nutritionem acqui-  
materia?

espondeo negando suppositum, quod nimirum  
asus sint euenturi: supposito enim diuino de-  
o de resuscitandis seu reparandis iisdem numero  
inibus, ad suauem Dei prouidentiam spectat ita  
disponere vt hi casus non eueniant quibus posi-  
ceret impossibilis vnus & eiusdem numero ho-  
s reparatio.

x dictis habes discrimen inter ens naturale seu  
antiam corpoream, & accidens, quod nimi-  
tota accidentis essentia consistit in forma in-  
nte subiecto, ita vt subiectum sit extrà essen-  
illius, quamuis essentialiter ab eo connote-  
at verò tota essentia entis naturalis coalescit



intrinsecè ex forma substantiali ex subiecto ipsius seu materia.



## SECTIO II.

*Vtrum materia & forma uniantur  
immediatè, an medio aliquo  
nexu ab illis distincto.*

**Q**uadruplex distingui potest unio : prima effecti-  
ua, quæ est actio agentis unientis materiam &  
dicitur potius unio aut unitiua actio quam unio :  
secunda dispositiva, quæ est ipsa dispositio prævia  
qua mediante agens huiusmodi unionem causat in-  
ter illas partes : tertia formalis, quæ est ipse nexus  
ab agente mediis dispositionibus causatus, & tan-  
dem relatio unionis inter partes in formali earum  
unionem fundata. De tertia procedit quæstio, pro  
cuius resolutione.

Dico : Unio quæ datur inter materiam & formam  
non est modus aliquis substantialis ab eis realiter  
distinctus, sed huiusmodi partes se ipsis immediatè  
uniuntur.

Probatur : Materia unitur formæ quatenus illam  
recipit & sustentat, & vicissim forma unitur materiæ  
quatenus illam actuat & informat : in huiusmodi enim  
sustentatione & actuatone consistit formaliter unio  
illarum : atqui talis sustentatio non est modus ab  
entitate materiæ distinctus, nec similiter actuatio  
ab entitate formæ : ergo unio non est modus di-  
stinctus à materia & forma. Maior est evidens & ab  
omnibus conceditur. Minor verò probatur : quia  
supposita actione agentis, & dispositionibus ab eo  
introducitis, materia per seipsam & per propriam  
entitatem recipit formam, & vicissim forma per se



informat & actuat materiam, secluso alio quocunque intermedio : ergo sustentatio illa & actuatio non sunt modus aliquis medius inter materiam & formam. Probatur antecedens : quo enim modo materia, antecederet ad actionem agentis & dispositiones ab eo introductas, est receptiua in actu primo & sustentatiua formæ : eodem modo illis suppositis est recipiens & sustentans in actu secundo : atqui antecederet ad actionem agentis & ad dispositiones materia per suam propriam entitatem, secluso omni alio intermedio, est receptiua formæ in actu primo & forma informatiua materiæ, ut est euidentius, & infra disp. 7. sect. 1. ostendetur ex processu : ergo similiter suppositis dispositionibus materia per se ipsam secluso omni medio erit actu sustentans & forma actu informans.

Confirmatur : quia si sustentatio formæ esset modus substantialis distinctus ex natura rei ab entitate materiæ, & actuatio ab entitate formæ, daretur duplex modus vnionis inter materiam & formam : consequens est falsum, nec admittitur ab autoribus oppositæ sententiæ : quia scilicet cum quæbet vnio sit essentialiter vinculum duorum, alter modus vnionis superflueret : ergo, &c. Sequela maioris probatur : sustentatio enim quæ est causalitas materiæ erga formam, non potest non distingui reatè ab actuatioue quæ est causalitas formæ erga materiam, causæ enim realiter distinctæ habent causalitates seu influxus realiter distinctos : atqui sustentatio & actuatio sunt modi vnionis à materia & forma ( ut volunt aduersarij ) distincti ex natura rei : ergo erunt duo modi vnionis realiter distincti, quod cum dici nequeat ut ostensum est, nec ab aduersariis admittatur, dicendum proinde erit vnionem materiæ cum forma & formæ cum materia nihil aliud esse quam ipsammet entitatem materiæ sustentantem formam, & entitatem formæ ut informantem & actuantem materiam, ita ut sustentatio illa & actuatio non sint modi distincti à mate-

tia & forma.

Obiicies : quod non est tale per se ipsum & ex sua essentia , debet fieri tale per aliud distinctum materia & forma , quantumvis per se ipsas & ex sua essentia sint vnibiles in actu primo , non tamen per se ipsas & ex sua essentia vniuntur in actu secundo ergo debent vniri aliquid distinctum. Probatur minor : si materia & forma per se ipsas & ex sua essentia essent vnitæ in actu secundo , nunquam possent non esse vnitæ ; sicut quia ex sua propria ratione essentiali sunt vnibiles in actu primo , nunquam possunt non esse vnibiles : atqui possunt non esse vnitæ , vt constat , cum anima separaretur à corpore : ergo

Respondeo. concessa maiore distinguendam esse minorem, & dicendum materiam, & formam absolute quidem sumptas non vniri per se ipsas & ex sua essentia in actu secundo, bene tamen vt connotentes & præsupponentes actionem agentis & præuias dispositiones materiam determinantes ad hanc numero formam, & huiusmodi formam inducentes in ipsam ; vt probatum est : vnde distinguo consequentiam, ergo debent partes illæ vniri per aliquid distinctum, absolute sumptæ, concedo, ( debent enim vniri per actionem agentis & dispositiones prærequisitas : ) suppositis dispositionibus, ita vt debeat vltcrius aliquid superaddi formaliter medians inter eas, nego. Ex quibus patet ad probationem minoris : dicendum enim est etiam cum distinctione, quod si materia & forma absolute sumptæ ex sua propria & essentiali ratione essent vnitæ in actu secundo, nunquam separari possent, secus si habeant tantum præsupposita actione agentis & dispositionibus quæ destrui possunt & sic vnio dissolui. Fundamentum ergo huius solutionis & nostræ conclusionis est quod de essentia materiæ & formæ quantum est de se est non solum esse vnibiles, sed actu vniri supposita actione agentis & dispositionibus.



Obiicies 2. Quod petit remanente alio, distinguitur realiter ab illo: sed remanentibus materia & forma, anima & corpore, petit unio & formalis nexus inter illa: ergo est quid distinctum ab eis.

Confirmatur: Causalitas cuiuslibet causæ creatæ distinguitur realiter ab ipsa: atqui causalitas materiæ est unio ipsius cum forma, & vicissim, ergo unio distinguitur realiter à materia & forma.


Respondeo aliud esse unionem esse quid distinctum à materia & forma absolutè loquendo, & aliud esse quid distinctum medians inter illas. Ad primum enim sufficit quod distinguatur ab eis inadæquate & secundum, in saltem quod importat in obliquo, quod non inficiamur, sed concedimus: unio enim materiæ V. G. seu sustentatio cum nihil aliud sit quàm ipsa materia ut sustentans formam, seu quod in idem redit ut connotans formam sustentatam, duo important unum in recto: nempe entitatem materiæ: alterum in obliquo, scilicet formam sustentatam; & vicissim unio formæ, cum nihil sit pariter quàm ipsas forma ut formans materiam seu ut connotans eam à se actuatam & informatam, dicit in recto entitatem ipsam formæ, in obliquo materiam actuatam, atque ita unio materiæ distinguitur à materia secundum id quod dicit in obliquo, & similiter unio formæ à forma. Ad secundum vero requireretur quod unio esset tertio aliqua entitas aut realitas à materia & forma distincta adæquatè & secundum id quod importat in recto, & hoc est quod reiicimus. In forma ergo concessa maiori distinguo minorem: Perit unio adæquatè & secundum id quod importat in recto, nego, non enim perit tertia aliqua realitas, inadæquatè & secundum id solum quod dicit in obliquo, concedo, definit enim forma esse sustentata, & materia informata tali forma: Similiter ad consequentiam: ergo est quid distinctum, inadæquatè concedo: adæquatè nego. Ex quibus



Ad confirmationem distinguo maiorem : distinguitur adæquatè vel inadæquatè, concedo : adæquatè in omnibus, nego ; in causis ergo extrinsecis, efficiente scilicet & finali, causalitas distinguitur adæquatè, à causa ; in intrinsecis verò, quales sunt materia & forma ; solum inadæquatè sensu explicato.

Obiicies tertio : Homo generans, hominem producit ipsum : sed non produceret nisi saltem causaret modum vnionis inter materiam & formam ; ergo vnio illa est aliquis modus distinctus. Probatur minor ; quia nihil est aliud quod ab homine generante produci possit, cum materia præsupponatur generationi, & anima à Deo creetur.

Respondeo negando minorem : ad probationem respondeo terminum ab homine generante productum nec esse materiam nec formam seorsim, quæ à solo Deo creantur, sed totum compositum quod realiter distinguitur à partibus non vnitis aut seorsim sumptis. Ad hoc verò sufficit quod realiter attingat vnionem huiusmodi partium, in quocumque tandem illa consistat, siue in modo substantiali distincto, siue in sola entitate materiæ vt connotante, &c. Hoc autem præstat homo quatenus per suam actionem introducit dispositiones materiam determinantes ad animam rationalem recipiendam eamque ipsi vnientes : in quo differt ab aliis causis generantibus, quæ media sua actione & dispositionibus non solum vniunt materiam cum forma, totumque sic producunt, sed ipsam etiam formam educunt de potentia & sinu materiæ.



## S E C T I O I.

*trum totum Physicum realiter distinguatur à materia & forma simul sumptis & unitis.*

Ertum & indubitatum est apud omnes compositum naturale realiter distingui distinctione in-quarâ, seu includentis & inclusi à qualibet parte sim sumpta, quatenus supra illam addit alter: insuper etiam ab ambabus simul sumptis non en inter se unitis, cum constet totum non esse es disiunctas & separatas.

quare tota controuersia est de partibus simul ptis & unitis, vtrum scilicet compositum phym nihil aliud sit à parte rei quàm materia & na simul & collectiue sumptæ & unitæ: an verò uid ab eis realiter distinctum, vt volunt Scoti-Pro resolutione.

ico: Totum physicum seu compositum substantie non distinguitur realiter à suis partibus simul ptis & unitis.

robatur: idem non distinguitur realiter à seip- sed materia & forma simul sumptæ & unitæ sunt mmet compositum substantiale, ita vt hoc nihil inò addat supra illos: ergo compositum sub- iale non distinguitur realiter à materia & for- simul sumptis & unitis. Probat minor; Ens escens ex pura potentia & actu substantiali est ino idem ac compositum substantiale: atqui ma- & forma simul sumptæ, & unitæ sunt quid escens ex pura potentia & actu substantiali: er- e sumptæ sunt ipsummet compositum substan-



tiale. Minor patet: materia enim est pura potentia & forma actus substantialis; ergo collectio illarum, prout unitæ sunt est quid constans purâ potentiâ & actu substantiali.

Confirmatur & explicatur: Aut totum distinguitur realiter à materia & forma simul sumptis & unitis, distinctione includentis & inclusi, quia scilicet includit materiam & formam unitas, & insuper aliquid aliud; vel distinctione excludentis & exclusi, quia nimirum totum est aliqua tertia entitas non includens materiam & formam sed tota distincta ab illis simul sumptis & unitis; neutrum dici potest: ergo totum non distinguitur realiter, &c. Minor probatur: & in primis quoad secundam partem est evidens, totum enim physicum est ens essentialiter constans materiâ & formâ, ergo non est tertia entitas se tota distincta ab illis: quantum verò ad primam probata manet ex dictis, quia materia & forma simul sumptæ & unitæ sunt essentialiter ipsum totum secluso quolibet alio ab illis realiter distincto, ergo totum non includit essentialiter aliud præter materiam & formam unitas. Antecedens patet ex dictis, totum enim physicum nihil aliud est quàm ens coalecens ex partibus physicis: atqui collectio materiæ & formæ unitarum, seu coniunctum ex illis est ens coalescens, &c. Ergo.

Maneat igitur totum physicum non distingui realiter à suis partibus unitis simul sumptis, sed sola ratione ratiocinata, sicut implicitum ab explicito, eo modo quo definitum à definitione, quatenus totum implicitè importat partes, quæ tamen explicitè importantur cum dicitur. Partes simul sumptæ unitæ.

Obiicies primò: Si totum naturale non esset aliud quam partes unitæ, esset ens per accidens: atqui non est, &c. ergo probatur sequela: Illud dicitur ens per accidens, quod est vnum tantum per aggregationem: atqui totum physicum esset vnum tantum per aggregationem: ergo. Probatur minor: Totum,



quod est reipsa plura, non potest esse vnum nisi per aggregationem illorum plurium: atqui totum physicum, si nihil aliud sit quàm partes vnitæ, est reipsa plura: ergo


Respondeo negando sequelam maioris: ad probationem nego minorem. Ad cuius item probationem, nego similiter minorem, partes enim vnitæ sunt quid vnum, vt tales, non plura: vel distinguo maiorem: Totum quod est plura entia completa, vel plura non vnita per modum actus & potentia, est vnum tantum per aggregationem: concedo, quod est plura incompleta vnita tanquam actus & potentia, nego: totum autem physicum est ipsæ partes incompleta vnitæ per modum actus & potentia.

Obiicies secundò: Causa realiter distinguitur à suo effectu: sed materia & forma vnitæ causant totum, ergo Minor est euidens: quia materia causat totum recipiendo formam, & forma informando materiam: sed materia non recipit formam, nec forma informat materiam, nisi inquantum vniuntur: ergo materia & forma inquantum vnitæ causant totum.

Pro resolutione obserua partes vnitas posse sumi duobus modis, diuisiuè & collectiue: diuisiuè sumuntur, quando vna importatur in recto, & altera in obliquo, vt cum dicitur, materia sustentans formam, & forma informans materiam: collectiue verò, quando vtraque importatur vnica collectione in recto, vt cum dicitur, materia & forma vnitæ: & quia materia causæ compositum recipiendo & sustentando formam, non verò materia & forma vt vnitæ, cum vt sic sint ipsunimet compositum causatum; ideò verum quidem est quod materia & forma vt vnitæ diuisiuè sumptæ causant totum, non verò materia & forma vt vnitæ sumptæ collectiue: atque adeò totum distinguetur realiter à materia & forma vnitis diuisiuè sumptis, id est à materia recipiente formam, & à forma informante

materiam, sed non ab ipsis ut unitis collectiue.  
Vnde.

Ad argumentum concessâ maiori, distinguo minorem: Materia & forma ut unitæ diuisiue sumptæ causant totum, concedo, ut unitæ collectiue, nego: ergo materia & forma unitæ distinguuntur realiter à toto: diuisiue sumptæ, concedo: collectiue, nego: quæ distinctio applicanda est minori & consequentiæ syllogismi adducti in probatione.



## IN SECVNDVM


### *Librum Physicorum.*

## DISPVATIO VNICA.

### Ordine V.

### *De Natura.*

**C**ONSIDERAVIMVS hæcenus compositum naturale eiusque principia in esse rei, agendum modò est de eodem ente naturali in esse scibilis: unde primò agemus de natura qua constituitur in esse mobilis sub qua ratione est scibile & obiectum physicè, acturi postmodum de causis per quas de ipso demonstrantur passionēs.



## SECTIO I.

*Quid sit natura.*

**V**aldè æquiuocum est naturæ nomen. Primò enim sumitur pro natiuitate seu origine cuiuscunque ex alio, & hæc est primæua eius significatio; quæ competit ei ex ipsa nominis etymologia, deriuatur enim natura à verbo *nascor*, aut participio, *natus*. Secundò deductum est hinc ad significandum ipsum principium talis originis, aut etiam cuiuscunque emanationis, operationis, aut motûs, sed præcipuè primum & radicale siue substantiale principium, quò sensu idem est substantia vel essentia ac natura, cum hoc discrimine quòd essentia dicit ordinem ad esse, natura verò ad operationem tanquàm principium radicale eius: hoc modo diuiditur in naturam naturantem & naturam naturatam: Natura naturans dicitur Deus, quatenus est primum & vniuersale omnium principium: natura naturata sunt res creatæ, quæ sunt principia suarum operationum & effectuum, sed principia ab alio procedentia & dependentia. Tertiò sumitur specialiter pro principio agente ex necessitate, quæ dicitur causa naturalis, quia agit secundum innatam propensionem, ad differentiam liberæ quæ agit prout vult: & in hoc sensu accipitur natura in his axiomatibus, *Natura nihil facit frustra*, *Natura semper facit optimum quod potest*. Quartò accipitur pro genio, in dote, aut temperamento cuiusque viuientis ex mixtione quatuor primarum qualitatum aut ex iusta proportionem humorum resultante, quod est principium immediatum operationum aut animi functionum. Quintò specialius accipitur in Physica



pro principio radicali seu substantiali interno & innato motus subindéque quietis ( motus enim ordinatur ad quietem in termino ) interno inquam illi enti in quo est notus aut quies , vt inferius dicitur. Et de natura hoc sensu accepta qua constituitur ens naturale in esse naturalis & nobilis (idem enim est naturale ac habens naturam seu principium radicale motus & quietis, in quo differt ab artificiali & violento, quæ non habent intra se principium sui motus artificialis aut violenti vel quietis, sed extra) de hac inquam natura.

Dico Legitimam esse in primis communem illam definitionem ipsius sub his terminis ab Aristotele traditam : Natura est principium & causa motus & quietis eius in quo est primò & per se & non secundum accidens. Quæ verba sic ordinanda sunt : Natura est principium & causa primò & per se & non secundum accidens , motus & quietis illius entis aut rei in qua est (subaudi) ipsa natura.

Declaratur : Dicitur, Principium in quo conuenit natura cum priuatione : additur , causa , per quod differt ab illa , cum enim priuatio non influat realiter in motum, nequit dici causa illius. Subditur *ly* primò, vt denotetur naturam esse principium quo primum & radicale motus & quietis rei in qua ipsa est, & sic excluduntur à ratione naturæ principia proxima motus & quietis , vt grauitas & leuitas in elementis, potentia progressiua in animalibus & similia. Dicitur , per se & non secundum accidens, quia non utcumque conuenit naturæ esse principium radicale motus , &c. Sed omnino per se & ratione sui, id est non ratione alicuius prædicati superioris, eo modo quo homini conuenit esse principium radicale sentiendi ratione gradus superioris animalis & non omnino per se & ratione propriæ differentie ! natura verò per se & ex propria sua ratione est principium radicale motus. Additur *ly* motus & quietis, quod intelligi debet iuxta distributionem accommodam , ita vt sensus sit naturam esse

principium & causam primò & per se motus in iis quæ mouentur, & quietis in iis quæ quiescunt. Aduerte autem quietem, cuius natura dicitur esse causa non sumi pro mera carentia motus, sed potius pro adeptione & possessione termini, puta pro possessione centri quod lapis acquirit per motum, quo adepto cessat talis motus. Dicitur denique, eius in quo ipsa natura est, quorum verborum sensus est non omne id quod est principium & causa motus & quietis alicuius entis, dici naturam, sed illud tantum quod est internum & innatum enti quod mouetur aut quiescit, vnde principia causatiua motus & quietis in aliis subiectis, non habent qua talia, rationem naturæ forma enim ignis e. g. non dicitur natura sub ea ratione qua est causa motus calefactionis in ligno, sed quatenus est radix alicuius motus puta sursum in ipsomet igne.

Ex quibus habes primò differentiam naturæ ab arte & vi: natura enim est principium radicale motus & quietis, & innatum enti quod mouetur aut quiescit: ars verò ( quæ est habitus in intellectu ) est principium motus in alio subiecto distincto, puta in ligno in quo artifex operatur: similiter vis seu violentia est principium motus & quietis in alio, puta motus sursum in lapide, aut quietis illius in loco illo ipsius inclinatione repugnante.

Dices: Ars medicinæ potest esse principium sanitatis ipsius medici cui inest, puta si medicus curret seipsum: ergo ars est principium motus eius in quo est.

Respondeo artem illam non esse innatam tali homini, sed per accidens inesse ei qui sanatur: sanatur enim in quantum infirmus, & non in quantum medicus, deinde non est principium radicale sanitatis.

Habes 2. discrimen motus naturalis à motu artificioso & violento, quod naturalis est à principio



tot sunt naturæ quot partes quibus constat : cum quia partes entis naturalis sunt principia motuum ipsius, ergo sunt naturæ. Vnde.

Probatur 2. Natura definitur principium & causa motus & quietis eius in quo est : atqui materia est principium motus & quietis illius entis in quo est, similiter & quælibet forma substantialis : ergo ambo participant rationem naturæ.

Prima pars minoris probatur : Materia est principium & causa motus & quietis eius in quo est, si ipsa sit principium passuum & causa materialis, seu subiectum receptuum ut *quo* omnium motuum corporeorum & physicorum qui recipiuntur in toto composito ut in subiecto *quod* : atqui res ita habet, materia enim est prima & radicalis ratio reddens totum substantiale aptum natum moueri motibus generationis, alterationis, augmentationis, lationis, & aliis huiusmodi ad quos ipsa naturaliter inclinatur, vel appetitu particulari si sint connaturales illi formæ cui actu substat materia, vel vniuersali si sint connaturales aliis formis quas habuit aut habere potest : vnde fit nullum motum esse violentum respectu materiæ, sed omnes naturales : quamuis illi qui sunt contra inclinationem formæ, sicut motus sursum in lapide, motus calefactionis in aqua, absolute dicendi sint violenti, quia hoc ipso sunt contra inclinationem particularem illius entis.


Secunda verò pars supradictæ minoris sic suadetur : quia ex omnibus formis substantialibus nulla est quæ non sit vel principium passuum alicuius determinati motus aut quietis, ut formæ purè corporeæ ; forma enim ignis est principium passuum motus sursum qui in eo causatur effectiue à generante ; mediante euitate tanquam virtute instrumentali in illo relicta, ut alibi dicemus ; similiter forma coeli est principium passuum motus circularis causati effectiue ab intelligentia motrice ; & sic de aliis : vel principium actiuum, ut formæ viuentes ; nam anima vegetatiua est primò & per se principium actiuum mo-



tus nutritionis & augmentationis in viventibus; sensitiva, visionis, auditionis, aliarumque sensationum in animalibus; & rationalis, intellectus seu ratiocinationis ac volitionis in homine, quæ licet quoad substantiam sint operationes spirituales, habent tamen etiam rationem motuum quodam modo corporeorum & physicorum quoad modum prout scilicet ab anima iuncta corpori dependenter à sensibus, qui corporei sunt & materiales, exercentur; atque ita respectu illorum habebit anima rationalis etiam inquantum talis rationem naturæ. Nec sequitur idem fore dicendum de Angelo, quia in eo intellectio & volitio & quoad substantiam & quoad modum purè spirituales sunt, & à corpore omnino absolutæ. Nec item sequitur animam saltem in statu separationis in quo intelligit eo modo quo Angelus independenter à sensibus & corpore, non habituram rationem naturæ: sufficit enim quod seruet aptitudinem ad huiusmodi operationes dependenter à sensibus exercendas.

Dico 2. Forma totalis ( quæ nihil aliud est quàm ipsa entitas compositi in abstractato, puta humanitas, ) non est propriè & in rigore loquendo natura, prout hic natura sumitur: atque adeò natura erit tantum duplex, materia scilicet & forma partialis seu quæ est materiæ compars.

Probat: forma enim totalis non est principium omnino primum & radicale motus & quietis, cum præsupponat alia principia priora, scilicet materiam & formam ex quibus componitur, unde habet potius rationem principiati quàm principij: ergo non est natura propriè, nisi natura sumeretur pro quidditate & essentia, quo sensu non usurpatur hic à nobis.



### SECTIO III.

*Vtrum pars possit efficere opera  
naturæ.*

**D**Vpliciter sumuntur his ars & natura : Et sensus est primò vtrum ars sumpta pro forma artificiali, puta statux, possit esse principium earum operationum aut motuum qui à natura aut forma substantiali solent procedere : secundò vtrum ars sumpta pro ipso habitu artis existente in artifice, seu potius artifex ipse aut natura intellectualis beneficio ipsius artis efficere queat opera illa quæ à natura, hoc est à naturali agente producuntur. Pro cuius resolutione.

Dico primò artem primo modo sumptam, pro forma scilicet artificiosa, non posse esse principium aut causam motuum vel operationum naturalium. Non nego posse dici aliquo modo principium passivum motus : forma enim artificialis Sphærica, V. G. reddit corpus velocius mobile aut notabile : sed hoc est esse principium tantum passivum proximum aut vt alij dicunt conditionem, vnde non sequitur participare rationem naturæ.

Probatur igitur conclusio : quia forma artificialis nihil aliud est quàm dispositio ipsius quantitatis in artefactis : ergo sicut ipsa quantitas non est principium actuum alicuius motus aut actionis ( sed est merè passiva & veluti pura potentia in ordine ad formas accidentales corporeas, eo modo quo materia prima in ordine ad substantiales subindeque est omnis actiuitatis expers ) ita & multò minus forma artificialis : ergo sicut ipsa quantitas suapte natura est



ignaua, iners, & non est principium alicuius operationis : ita nec forma artificialis.

Obiicies : Legitur Archytam Tarentinum confecisse columbam ligneam tali artificio, quod medio aëre suspensa volitaret : statuas Dædali huc illuc sponte discurrere solitas ; Tripodes quosdam aureos in Iarchæ Gymnosophistæ conuiuium seipsos mouisse, & aureos Princernas conuiuiis operam suam præstitisse ; vitream Archimedis Sphæram tanto artificio confectam, vt altorum ortus & interitus defectus Solis & Lunæ, & denique omnium cœlestium Sphærarum motus & conuersiones in ipsa viserentur ; demum quoddam caput æneum humano simile tanta industria & arte à beato Alberto magno fuisse compositum vt verba proferret : ergo motus naturales possunt à forma artificiali tanquam à principio intrinseco ipsorum elicitivo procedere.

Respondeo motus huiusmodi artefactorum, locutiones, &c. Non processisse à formis artificialibus sed à quibusdam naturalibus causis intus latentibus & per artem humanam applicatis, puta ab argento viuo, aut machinulis quibusdam ex variis rebus naturalibus extructis, & intrà huiusmodi artefacta inclusis, vt in horologio proportionaliter cernimus, quod ex vi ponderis artificiosè applicati mouetur.

Dico 2. Nulla ars quocunque modo sumpta potest immediatè præstare aut efficere opera & effectus naturæ. Hæc conclusio confirmat præcedentem : vnde.

Probatur ratione quæ illam etiam conuincit : Si ars posset immediatè efficere opera naturæ, vel id præstaret in genere causæ principalis, vel in ratione causæ instrumentalis : non primo modo : quia causæ principalis debet vel formaliter vel eminenter continere suum effectum : sed ars nec formaliter nec eminenter continet effectus naturales : ergo. Probatur minor : quia illi sunt vel substantiæ, vel accidentia naturalia, sed ars non continet substantiam aut accidens naturale, nec formaliter & vniuocè, cum



non sit eiusdem rationis & ordinis, sed diuersi; nec eminenter vt causa æquiuoca, cū non sit quid perfectius & eminentius: ergo. Sed neque secundo modo: quia instrumentum aut instrumentaria virtus debet esse eiusdem ordinis cum ipsa causa principali: ergo cum causa principalis effectuum naturalium non possit esse ars, vt ostendimus, non poterit esse etiam causa instrumentalis, sed virtus instrumentaria qua mediante agens naturale attingit in ratione causæ principalis suos effectus, debet necessariò esse naturalis, sicut instrumentum artificialis debet esse artificiale.

Dico tertio: Licet ars nullos effectus naturæ possit immediatè attingere per propriam actionem plures tamen potest mediatè præstare applicando, actiua passiuis: id est, potest aliquis dirigente habitu artis, ita causas naturales actiuas passiuis naturalibus applicare, vt ex tali applicatione naturale quosdam effectus edant, qui alioquin non producerentur. Hoc patet in arte medicinæ quæ catenus dicitur causare sanitatem, quæ est effectus naturalis quatenus applicat herbas, radices, & alia huiusmodi actiua quæ illam causant agendo in temperamentum naturale & contrarias qualitates expellendo.

Et hac ratione, applicando scilicet actiua passiuis, illi omnes effectus vniuersaliter loquendo patrari possunt arte naturali hominum, industriâ dæmonum, magiâ naturali vel Diabolicâ, quorum causæ subsunt dispositioni hominum vel dæmonum vt eas possint inuenire & applicare. Et hinc est quòd dæmones vel etiam homines industriâ dæmonum qui per naturalem scientiam apprimè callent occultissimas rerum naturalium virtutes, pluresque illarum possunt debitæ materiæ applicare, exhibent nobis miros quosdam effectus, qui licet naturales sint vt potè ab agentibus naturalibus producti, sunt tamen insoliti & præter communem cursum naturæ. Exemplum est in magis Pharaonis Exod. 7. qui

operâ dæmonum actiua passiuus ( hoc est feminæ quædam vel aliqua putrefactiua virgis illis de quibus ibi est sermo, vel alteri cuius materiæ ) occultè applicantium, exhibuerunt veros & reales serpentes, vt docet Augustinus, & non tantum adumbratos similiter muscas & ranas.

Artificio quoque magiæ naturalis occultas naturalium causarum vires applicantis multa absque dæmonum interuentu fieri possunt insolita supra hominum fidem & opinionem, quamuis de facto in illis etiam persæpe interueniat, pactum saltem tacitum cum dæmone, & ideo magia naturalis solet esse velamen diabolicæ.

Ex quibus habes magiam esse subtilissimam quandam cognitionem secretorum naturæ virtutumque causarum naturalium mira quædam & insolita operantem interuentu & applicatione huiusmodi causarum: quæ facultas si labore humano acquiratur, dicitur magia naturalis; si verò ope dæmonum, appellatur dæmoniaca.


Quares vtrum industriâ chymicæ artis, quæ est pars magiæ naturalis, valeat confici verum aurum.

Respondeo expressis verbis D. Thomæ in 2. sententiarum distinc. 7. quæst. 3. art. 1. ad 5. Alchymistæ (inquit) faciunt aliquid simile auro quantum ad accidentia externa ( puta colorem, ) sed tamen non faciunt verum autem aureum, quia forma substantialis auri non fit per calorem ignis quo vtuntur Alchymistæ, sed per calorem solis in aliquo loco determinato vbi viget virtus mineralis, & ideo tale aurum non habet operationem consequentem speciem veri auri. Ex quibus

Probatur responsio. Ars non potest efficere opus naturæ immediatè & per propriam virtutem, vt ex conclusione constat, sed ad summum applicando causas per quas natum est produci huiusmodi opus: atqui nullius artis dispositioni subsunt causæ productiue auri, vt eas possit applicare, ergo.


Probatur minor; causa enim efficiens auri non est calor ignis quo vtuntur Alchymista, sed calor solis; causa verò materialis est minera in visceribus terræ in certo & determinato loco constituta in quo tantum viger mineralis virtus & non extra: ergo causæ quibus produci debet aurum non subsunt dispositioni artis.

Confirmatur experientiâ: quia hætenus Alchymista verum aurum nunquam efficere potuerunt, sed suam operam perdididerunt, vnde eos Caietanus irridet dicens tantum abesse vt verum aurum efficiant vt potius ex vero auro solum fumum concitent, quatenus multas faciunt expensas quæ in fumum soluuntur.



## DISPUTATIO VI.

### *De causis in communi.*



### SECTIO I.

#### *Quid & quotuplex sit causa.*

**C**AUSA est principium influens esse in aliud dicitur. Principium in quo conuenit cum aliis principiis quæ non habent rationem causæ, puta cum priuatione. Additur ly influens, id est, dans & commun cans esse alteri esse alteri siue effectiue vt causa efficiens: siue motiue & quasi allicitiue, vt finalis: siue in informando, vt



Formalis ; siue sustentando , vt materialis : & defectu huius positiui influxus in effectum ratio causæ denegatur priuationi respectu generationis cuius tamen est principium , & similiter conditionibus sine quibus non. Additur tandem ly in aliud , vt denotetur ad rationem causæ necessariò requiri vt communice esse aliud aut essentiam realiter distinctam ab ea quam huiusmodi causa habet : cum enim neutrum genus in adiectiuis , quia est informe , conuenienter significet essentiam communem ( inquit D. Thomas ) masculinum verò , quia est formatum & distinctum , similiter & fœmininum , significet aliquod suppositum determinatum in communi natura ; inde est quod aliud simpliciter acceptum significat distinctionem in natura , ly alius verò aut alia solum in persona seu supposito : & ideò quia in Diuinis distinctio est secundum personas , & non secundum essentiam , dicimus quòd Pater est alius à Filio , & hic à Spiritu S. sed non aliud ; è conuerso autem dicimus quòd tres personæ Diuinæ sunt vnum , sed non vnus : ob eandem rationem Pater dicitur quidem principium Filij , & vterque Spiritus Sancti , non tamen causa , quia scilicet vna prorsus est essentia quam Pater habet à se , Filius verò à Patre , & Spiritus sanctus ab utroque. Sed.

Inquires cur ad rationem causæ requiritur influxus in aliud simpliciter , id est , in rem essentia diuersam , cum ad rationem principij sufficiat influxus in aliud suppositum seu in rem solâ subsistentiâ aut personalitate distinctam ?

Respondeo hoc ideo esse , quia de ratione principij vt sic est tantum quòd principiatum procedat ab illo , non autem quòd ab eo dependeat ; at verò de ratione principij causantis est vera & realis dependentia effectus seu rei causatæ ab illo , quæ dependentia saluari nequit inter ea quæ sunt vnum & idem in essentia , idem enim non dependet à seipso.

Iuxta sensum huius definitionis sic explicatæ debent

bent intelligi aliæ quibus passim vtuntur philosophi post Aristotelem, vt, quod causa sit ad quam, vel ex cuius esse sequitur aliud; seu, ad quam sequitur (supple per verum influxum) esse alterius: vbi ly esse alterius denotat esse diuersum seu distinctam saltem numero essentiam, sicut ly aliud.


Dico 2. Quatuor sunt causarum genera, materialis, formalis, efficiens, & finalis, nec plura, nec pauciora.

Probat: Tot sunt & non plura causarum genera, quot influunt in ens naturale, cum enim inter omnia entia sit maximè compositum, debet à pluribus causis dependere: atqui quatuor sunt & non plura causarum genera quæ influunt in ens naturale: ergo. Minor probatur & declaratur: nam in primis materia influit in ens naturale recipiendo & sustentando formam, & sic habetur genus causæ materialis; forma actuando & informando materiam, & sic habetur genus causæ formalis: rursus quia forma non efficit seipsam, alias esset antequam esset, sed debet effici ab alio, inde est quod præter causam materialem & formalem debet admitti causa efficiens quæ educendo formam è sinu materiæ, vel certè (si de rationali sit sermo) eam à Deo creatam effectiue vniendo, totum producat: & tandem quia omne efficiens, nisi casu & temerè agat, debet operari ob aliquem finem, qui illud ad talem operationem alliciat, concedenda erit causa finalis: nullum verò aliud causæ genus concurrens ad compositum substantiale assignari potest: ergo quatuor tantum sunt causarum genera.

Quodlibet autem genus causæ subdiuiditur in varias species. In primis enim causa materialis subdiuiditur in subiectiuam & dispositiuam: causa materialis subiectiua in materiam primam, de qua supra egimus; & materiam secundam, quæ est totum compositum prout subternitur accidentibus: causa verò materialis dispositiua dicuntur accidentia quibus materia prima preparatur ad formam recipien-



dam. Causa autem formalis subdividitur in intrinsecam, quæ scilicet intrinsecè afficit, informat & actuat materiam, totumque constituit; & extrinsecam, quæ extrinsecè solum informat aut specificat rem, ut idea artificis vel exemplar domum, obiectum potentiam aut habitum. Efficiens in primam, quæ est Deus, & secundam sub qua comprehenduntur omnes causæ effectivæ creatæ: item in principalem & instrumentalem. Finalis denique in finem ultimum, qui est Deus, & finem proximum: in finem qui aut cuius gratia & finem cui. De quibus omnibus in sequentibus agemus.



## SECTIO II.

*Utrum omnis causa sit nobilior suo effectu, & prior illo.*

**D**ico primò: Causæ intrinsecæ (materialis nimirum & formalis) figillatim sumptæ sunt ignobiliores suo effectu, id est, composito. Patet hæc conclusio: quælibet enim pars seorsim sumpta est imperfectior toto: atqui causæ intrinsecæ compositi sunt partes ipsius: ergo.

Dico 2. causas extrinsecas, efficientem & finalem, esse aliquando perfectiores quàm effectum, aliquando æquè perfectas, aliquando minùs.

Probaturs quoad causam efficientem: nam illa vel est principalis vel instrumentalis: si principalis, vel est uniuoca, & sic est æquè perfecta ac effectus: causa enim uniuoca est ea quæ producit effectum eiusdem speciei & perfectionis substantialis cum ipsa: vel est æquiuoca, quæ scilicet producit effectus diuersæ speciei ab ipsa, & sic debet esse perfectior



illis : nam res diuersæ speciei sunt diuersæ & inæqualis inter se perfectionis , ergo cum causa æquiuoca sit diuersæ speciei à suo effectu , debet illi esse inæqualis in perfectione , & cum sit causa principalis cui repugnat esse ignobiliorem effectu , consequens est vt sit nobilior illo : si autem sit causa instrumentalis ; est imperfectior suo effectu : instrumentum enim est causa quæ virtute à principali agente acceptâ producit effectum suas proprias vires superantem, atque adeo nobiliorem se.

Dices: interdum pater est tardi ingenij, filius perspicacioris ; ergo causa efficiens principalis , qualis est pater respectu filij, potest esse minus perfecta suo effectu.

Respondéo distinguendo consequentiam : perfectione substantiali, negò ; accidentali , concedo : sed de hac non procedit conclusio.

Dices 2. Asinus est minus perfectus perfectione etiam substantiali & specificâ quàm mulus, & tamen est causa principalis illius ergo.

Respondéo non esse causam principalem totalem, sed vna cum equâ : ambo autem per modum vnius principij non sunt quid imperfectius.

Dices 3. Corpora cœlestia produunt per suas influentias plura animalia imperfecta in hoc orbe sublunari, vt ranas, muscas, &c. non enim est alia causa ad quam vt plurimum reduci possint huiusmodi effectus ; & tamen corpora cœlestia sunt imperfectiora quolibet imperfectissimo animali, quandoquidem participant solum gradum corporis, animalia verò sunt in gradu viuents sensibilis.

Respondéo corpora cœlestia concurrere tantum instrumentaliter ad generationem horum imperfectorum animalium : causam verò principalem esse vel ipsammet primam causam concurrentem non solum concursu generali , sed speciali supplente vires causæ particularis : vel vt alij volunt, intelligentias motrices cœlorum : vnde patet huiusmodi animalia esse quidem perfectiora suis causis instrumen-

talibus, non tamen principalibus.


Probatur 2. Conclusio quoad causam finalem; nam quando quis studet, V. G. propter Deum, tunc finis est nobilior effectu, hoc est studio: si ob lucrum aut vanam gloriam, est ignobilior: si autem studet præcisè ut studeat, id est propter ipsammet nobilitatem studi, tunc finis & effectus ipsius, qui in hoc casu coincidunt, erunt eiusdem perfectionis. Cum quibus tamen omnibus stat quòd causa duplicatiuè ut causa perfectior est suo effectu, cum hic dependeat ab illa.


Dices: idem non potest dependere à seipso: ergo effectus non dependent à fine quando cum illo coincidunt.

• Respondeo effectum dependere realiter à fine & semper distingui ab illo, quatenus res. ut in intentione, est finis, ut verò in executione, est effectus.

Dico tertio omnem causam esse priorem suo effectu, saltem prioritate naturæ, pro intelligentiâ huius conclusionis recolenda sunt necessariò ea quæ de prioritate temporis & naturæ diximus in postprædicamentis. Ex quibus.

Probatur conclusio: Omnis effectus dependet à suâ causâ: ergo quælibet causa debet esse prior suo effectu saltem prioritate naturæ, quæ est inter ea quorum vnum dependet ab alio.






## DISPUTATIO VII.

*De causis materiali & formali.*

**Q**UIA ea quæ pertinent ad materiam & formam magna ex parte constant ex dictis, paucis perstringemus ea quæ de ipsis in ratione causarum spectatis dicenda supersunt.



## SECTIO I.

*Per quid causent materia & forma,  
& quenam sit earum causalitas quisue effectus.*

**D**ICO primò: materia per seipsam seu ratione propriæ entitatis absque alio superaddito est causatiua in actu primo.

Probatur, materiam esse causatiuam in actu primo nihil aliud est quàm esse receptiuam formæ: atqui per seipsam, & nullâ aliâ entitate mediâ est receptiuam formæ: ergo. Probatur minor: inprimis quia in hoc consistit propria & essentialis ratio materiæ quòd sit pura potentia receptiuam formæ: ergo non debet fieri talis per aliud. Deinde si daretur in materia aliqua entitas distincta ab ipsâ formâ quâ fieret



potens recipere eam, vel illa entitas esset substantia, vel accidens: non substantia, cum hæc sit tantum triplex, materia scilicet, forma & compositum, nulla verò ex istis esse posset, ut est euidens: nec etiam accidens, aliàs ex materia affecta huiusmodi accidente & ex forma non fieret vnum per se, sed per accidens, ut pote coalescens ex rebus diuersorum prædicamentorum.

Dico secundò formam similiter esse causatam in actu primo ratione suæ propriæ entitatis. Hæc conclusio inferitur ex præcedenti: sicut enim materia per suam potentialitatem absque vlla entitate intermedia est nata recipere formam, ita forma per suam propriam entitatem & actualitatem est potens informare & actuare materiam, idque iisdem proportionaliter rationibus probari potest.

Dico tertio: Causalitas materiæ est vnio ipsius cum forma, seu aliis terminis, est sustentatio formæ.


Probatur: causalitas cuiuslibet causæ est influxus ille quo in proprio genere causandi actualiter influit in effectum: atqui materia per hoc solum influit in formam & compositum, quod vniatur formæ sustentando illam: ergo materiæ causalitas nihil aliud est quàm vnio ipsius cum forma. Probatur minor: materia enim non aliter causat formam quàm recipiendo illam in sinu suo, nec aliter influit in totum quàm communicando seipsam illi per modum partis materialis: atqui id totum præstat sustentando formam; ergo non aliter influit in effectum quàm per hoc quod vniatur formæ seu sustentet illam.

Dico 4. Causalitatem formæ vicissim esse vnionem ipsius cum materia, seu informationem. Patet eadem ratione, quia per hoc influit in materiam & totum.

Declaratur insuper: sicut enim effectus quo & veluti intermedius materiæ est forma, quatenus hæc ab illâ ut à subiecto dependet vel quoad informationem tantum & vnionem, ut anima rationalis, vel

etiam quoad suam entitatem & suum esse, ut formæ materiales; effectus vero *qui* & præcipuus ac ultimus eiusdem materiæ, est totum quatenus ab ea ut à causa intrinsecâ materiali dependet; ita effectus *quo* & veluti intermedius formæ est materia, non quidem considerata quoad suam entitatem essentiae purè potentialem; sed quoad suam actualitatem & existentiam quam emendicat à formâ; effectus vero *qui* præcipuus & ultimus eiusdem formæ est ipsummet totum quod ab ea ut à causa intrinsecâ formali pendet: ergo sicut materia influit in formam & in totum per sustentationem formæ, ita forma per actuationem materiæ. Ex quibus patet ad ultimam partem quæstionis in titulo propositæ, quinam scilicet sint effectus harum causarum, atque etiam.

Infertur materiam dici causam intrinsecam respectu totius, non autem propriè loquendo respectu formæ; similiter formam respectu eiusdem compositi, non autem respectu materiæ, quia scilicet una non ingreditur constitutionem alterius intrinsecè quoad suam entitatem consideratæ, sed solum totius.



## SECTIO II.

### *De causa formali extrinsecâ seu exemplari.*

**Q**Uælibet res à quâ alia extrinsecè specificatur aut denominatur, dicitur causa formalis extrinsecâ respectu illius, cuiusmodi est exemplar comparatione rei exemplatæ, & obiectum respectu facultatis aut habitus. Hic tantum de exemplari agemus.

Duplex autem distingui solet exemplar: aliud

externum, quale est imago quam sibi pictor aliquando proponit imitandam : aliud internum , quale sibi in mente format qui domum per artem extruere molitur. Externum non semper est necessarium , sed per accidens adhibetur , ut nimirum illius intuitu melius & perfectius efformari possit ab artifice exemplar internum per quod tanquam per formam intellectualem seu intentionalem possit operari , & ad cuius imitationem ac similitudinem valeat opus externum efficere. Unde.

Dico primo : Exemplar rectè definitur forma intra mentem existens ad quam artifex respiciens operatur.

Dicitur forma , in quo convenit exemplar cum forma naturali. Additur, ad quam , in quo differt ab illâ : forma enim naturalis est ea ex quâ aut per quam res intrinsecè constituitur : exemplar verò est forma ad quam, id est ad cuius similitudinem & imitationem res efformatur. Dicitur intra mentem existens , quibus particulis discernitur exemplar internum ab externo quod non habet nisi improprissimè rationem causæ exemplaris aut idealis , cum non concurrat ad opus nisi per accidens , ut diximus.

Dico 2. Exemplar seu idea, cui agens intellectuale intendit assimilare suum opus , nihil aliud est re ipsa quàm species expressa ipsius operis faciendi , seu conceptus formalis quem artifex format de re quam facere instituit. Dico , Operis faciendi , quia species expressa alicuius operis non ut faciendi , sed solum ut cognoscendi aut cogniti , non habet rationem ideæ ; sed tantum ea quæ repræsentat rem ut factibilem & in ordine ad executionem.

Ratio autem conclusionis est quia exemplar ut vidimus est forma ad cuius similitudinem artifex producit suum artefactum , atque adeo debet huiusmodi forma intra mentem existens esse similitudo illius operis faciendi : sed sola species expressa huiusmodi opus faciendum repræsentans potest esse talis similitudo : ergo ipsa sola potest habere rationem exem-



plaris. Probatur minor : duplex enim tantum in intellectu datur similitudo rei extrinsecæ , nempe species impressa & species expressa illius : atqui species impressa non est talis similitudo ad quam respiciat artifex dum operatur , cum illa sit medium incognitum se tenens ex parte principij intellectiui , & non ex parte obiecti : ergo erit sola species expressa quæ est medium cognitum & se tenet ex parte obiecti.

Dices ideam esse rem ipsam efficiendam ut obiectam menti artificis.

Sed contra , quia idea est similitudo & imago rei faciendæ : ergo non est res ipsa facienda ut menti obiecta.

Inquires , cur in Deo admittatur vnica species expressa seu vnicum verbum , & tamen infinitæ dicantur in eo esse ideæ ; si idea sit ipsa species expressa ?

Respondeo , quia essentia Diuina habet rationem speciei expressæ & verbi ( intellige essentialis ) quatenus seipsam repræsentat ut vnicum formale & primum obiectum ab intellectu ipso Diuino actu cognitum : habet vero rationem ideæ respectu creaturarum , quatenus eas repræsentat ut factibiles , ideo penes illas distinguit intellectus noster in Deo infinitas ideas , ad quarum similitudinem & imitationem potest Deus mundos syncategorematicè infinitos producere , ut de facto istum ab eisdem exemplaribus eduxit , iuxta illud Boetij lib. 3. de consolatio-  
ne Philosophiæ metro nono.

*Tu cuncta superno ,*


*Ducis ab exemplo , pulchrum pulcherrimus ipse  
Mundum mente gerens , similique ab imagine for-  
mas.*

Dico tertio : Exemplar habet propriè rationem causæ formalis extrinsecæ quamuis ei etiam competat aliquo modo ratio causæ efficientis & finalis : unde ad genus causæ formalis simpliciter spectat.

Probatur & declaratur : forma enim ut sic nihil


aliud est quàm actus determinans rem ad certam speciem : atqui exemplar determinat exemplatum , putà domum , ad talem speciem , non quidem intrinsecè & per sui communicationem , sicut forma intrinseca ipsius domus : sed extrinsecè per passivam sui imitationem , quatenus ad eius similitudinem artifex eam construit : ergo habet rationem causæ formalis extrinsecæ respectu illius. Quòd autem conveniat ipsi ratio causæ efficientis secundum quid respectu operis faciendi , constat , quia sicut forma naturalis est principium quo agens constituitur in actu primo ad producendum effectum , ita exemplar est id quo artifex constituitur in actu primo ad efficiendum suum artefactum. Et sicut perfectio formæ naturalis mouet ad productionem alterius sibi similis in alio subiecto , & propterea forma naturalis dicitur concurrere in genere etiam causæ finalis ad effectum ; ita perfectio exemplaris intra intellectum artificis existentis mouet ipsum & allicit vt ipsum exterius producat & former exemplatum ipsi simile : ergo habet etiam rationem causæ finalis respectu exemplati. Cum quibus tamen stat quòd sicut forma naturalis simpliciter habet rationem causæ formalis , & non ita proprie rationem causæ efficientis & finalis ; ita exemplar , quod dicitur forma extrinseca , non respectu artificis intra cuius mentem est , sed respectu artefacti.





## DISPUTATIO VIII.

*De causa efficiente.*



## SECTIO I.

*Quid & quotuplex sit causa  
efficientis.*

**C**AUSA efficiens est ea quæ quæ prima omnium influit in effectum : quæ definitio coincidit cum ea quæ à Philosopho traditur, dicente causam efficientem esse illam à qua primò incipit motus , id est , productio rei : & sensus est causam efficientem collatam cum aliis tribus causarum generibus , materiali scilicet , formali , & finali , esse primam quæ causat ; primam , inquam , non ordine intentionis , in hoc enim ordine causa finalis est prima omnium quæ influit in effectum , quatenus excitat & allicit agens ad agendum , agens verò sic excitatum & allectum à fine disponit materiam ab eaque educit formam , & facit ut materia causet recipiendo , & forma informando ; sed ordine executionis & in exercitio : nisi enim agens ageret , v. g. nisi ignis calefaceret formamque è sinu materię educeret , nunquam materia reciperet huiusmodi for-



nam, nec forma informaret materiam, nec nouum compositum, quod est finis intentus, subsequeretur. Vnde vera est hæc causalis, quia efficiens agit ideo materia recipit formam, & forma informat materiam & resultat totum: ergo causa efficiens est prior materiali, formali, & finali in executione seu productione effectus.

Diuiditur autem primò causa efficiens in causam per se, & causam per accidens. Causa per se est illa, à qua vt tali procedit effectus: quare ratione musicus est causa per se cantus, & statuarius statux. Causa verò per accidens alicuius effectus dicitur ea à qua vt tali non procedit per se talis effectus, sed per accidens: quare ratione musicus dicitur causa per accidens statux, si eam conficiat, & fodiens terram est causa per accidens inuentionis thesauri; quia huiusmodi effectus non procedunt per se ab illis causis sed à musico cantus, & à fodiente scissio & fossio terræ. Relicta causa per accidens.

Subdiuiditur causa per se in principalem & instrumentalem. Principalis est illa quæ propria virtute operatur, seu quæ attingit effectum propriam virtutem & perfectionem non excedentem. Vbi per propriam virtutem intelligitur tam illa quæ est connaturalis causæ, quàm ea quæ præternaturaliter ei inest, modò perficiat illam in ordine ad proprium obiectum. Vnde inferes intellectum & voluntatem informatos habitibus supernaturalibus fidei, spei, charitatis, luminis gloriæ, & similibus esse causas principales actuum supernaturalium quos his habitibus mediis eliciunt, quia perfectio horum actuum non excedit perfectionem habituum, qui licet supernaturales sint & indebiti potentiis, sunt tamen propriæ illarum virtutes, quatenus eas perficiunt iuxta propriam earum naturam & in ordine ad propria earum obiecta, verum scilicet & bonum. Causa verò instrumentalis est ea quæ virtute alterius operatur, seu quæ attingit effectum suam propriam virtutem

superantem, unde ad ipsum producendum virtute à causâ principali receptâ eleuatur. Est autem duplex instrumentum, aliud coniunctum vt manus, aliud separatum vt ferra, dolabra, & huiusmodi.

Rursus causa principalis subdiuiditur in primam & secundam. Prima est illa à qua ceteræ omnes pendent, ipsa verò ab omnibus est independens, & illa est Deus solus: secunda est ea quæ in causando dependet à prima, quales sunt omnes causæ creatæ.

Diuiditur 2. Causa principalis in vniuersalem & particularem. Vniuersalis est, quæ plures diuersæ naturæ producit effectus, vel ad eos producendos concurrat cum causis inferioribus, cuiusmodi est, sol, aut cælum quod in visceribus terræ producit aurum, in luto ranas & muscas, in cadauere vermes, cum homine generat hominem, cum equo equum, &c. omnium verò causarum vniuersalissima est Deus qui omnia producit & conseruat. Particularis verò est ea quæ ad vnum tantum determinatur effectum, vt equus, qui tantum generat equum.

Diuiditur 3. in æquiucam & vniucam: illa attingit effectum vel effectus diuersæ speciei à se: hæc verò eiusdem.


Diuiditur 4. in totalem & partialem. Totalis est, quæ absque consortio alterius causæ eiusdem generis & ordinis producit effectum. Partialis verò est illa quæ sine auxilio alterius eiusdem ordinis causæ nequit effectum producere: hoc modo duo homines portantes aliquod pondus, quod neuter seorsim gestare posset, dicuntur causæ partiales illius lationis.

Diuiditur 5. In causam liberam & necessariam. Libera est quæ pro arbitrio & absque necessitate operatur, ac modò intensius agit modo remissius prout vult. Necessaria. vero, quæ ex necessitate naturæ & toto semper conatu eodemque modo agit, vt ignis calefaciendo. Alio modo definiri potest causa libera, quod sit ea quæ positis omnibus ad

agendum requisitis potest agere vel non agere : necessaria verò , quæ positis omnibus ad agendum requisitis non potest non agere.

Diuiditur 6. in causam physicam & moralem. Physica est, quæ verè , realiter, & physicè influit in effectum ; de qua hætenus locuti sumus : moralis verò, quæ tantum concurrat ad effectum consulendo, præcipiendo, &c.

Diuiditur vltimo causa principalis in essentialiter subordinatam & accidentaliter subordinatam. Prima est quæ operari non potest sine actuali concursu alterius superioris causæ , quomodo se habet causa secunda respectu primæ. Altera est, quæ licet dependeat aut dependerit ab alia, quantum ad esse , sicut filius à patre , non tamen indiget actuali eius concursu ad hoc vt operetur.



## SECTIO II.

*Quo principio causa efficiens agat.*

**D**Vplex distingui solet agendi principium : principium *quod* & principium *quo*. Principium *quod* dicitur ipsa causa, seu id quod operatur, & est ipsum suppositum ; vnde dicitur quod actiones sunt suppositorum : & ratio est euidentis, quia cum operari sequatur ad esse, illudque præsupponat, eo modo aliquid dicitur operari quo habet esse, solum autem suppositum habet esse vt quod, seu est id quod est : ergo ipsum solum operatur vt quod. Principium verò quo, dicitur id quo mediante suppositum agit aut per quod in actu primo ad agendum producendumque suum effectum constituitur, : illud autem supponimus in primis non esse ipsam materiam, cum illa sit pura potentia omnis actiuitatis expers : &



cum præter materiam nihil in composito reperitur nisi forma substantialis & accidentia, de illis solum est difficultas, in qua.

Dico 1. Principium quo agens attingit principaliter productionem alterius substantiæ, esse formam ipsam substantialem agentis. — Est contra Pererium qui solis accidentibus actionem etiam alterius substantiæ productiuam tribuit, puta calori productionem ignis: formas verò substantiales omnino ignavas & otiosas facit.

Probatur tamen conclusio, primò quia idem est primum & principale principium agendi: quod essendi; cum enim operari sequatur ad esse, & in tantum aliquid agat in quantum est actu, per idem agit, per quod est actu: atqui principium essendi actu in genere substantiæ, est forma substantialis: ergo & principium operandi in eodem genere, seu alteram substantiam producendi, erit ipsamet substantialis forma.

Probatur 2. Per illud principium tanquam per virtutem principalem causa efficiens operatur, per quod formaliter vel eminenter continet suum effectum: atqui sol v. g. per suam formam substantialem continet eminenter perfectionem substantialem auri quod producit in visceribus terræ; similiter ignis per suam formam substantialem præhabet in se perfectionem substantialem alterius ignis quem producit: ergo forma substantialis est principium seu virtus principalis per quam agens producit substantiam. Maior est certa, de ratione enim causæ principalis est quod contineat vel formaliter, si sit uniuoca, vel eminenter & modo perfectiori, si sit æquivoca, id quod communicat effectui, si quidem non potest dare quod non habet: ergo per illud causat per quod continet, &c. Minor non est minus clara, neque enim materia quæ est imperfectissima & omnis adiutivitas expers, neque accidentia, quæ sunt imperfectiora ipsâ substantiâ quæ producitur, continent perfectiones substantiales huiusmodi effectuum: ergo

sola forma substantialis : ipsa verò accidentia , putà lux solis, calor ignis, & huiusmodi concurrent tantum instrumentaliter ad productionem substantiæ vt paragrapho sequenti magis explicabitur.

Confirmatur : Causa aut virtus principalis est illa quæ propria virtute operatur & attingit effectum huiusmodi virtutem & perfectionem agentis non excedentem : atqui sola forma substantialis, non verò accidentalis id habet respectu substantiæ producendæ, quæ sine dubio in perfectione superat accidentia : ergo.

Dico tamen 2. Principium quo agens principaliter attingit productionem accidentium esse ipsa accidentia quibus est instructum, ita vt calor ignis v.g. licet instrumentaliter solum concurrat ad productionem alterius ignis, vt diximus & vt amplius explicabimus in sequentibus : ad productionem tamen alterius similis caloris concurrat vt virtus principalis. Est contra Conimbricenses qui ex opposito Pererij : soli formæ substantiali vt virtuti principali actionem alterius etiam accidentis productionem tribuunt , ipsis verò accidentibus vt virtutibus solum instrumentariis.

Probatur tamen conclusio euidenter : quia virtus principalis dicitur illa quæ adæquat aut superat perfectionem sui effectus ; atqui potest vnum accidens adæquare perfectionem alterius , quando est ipsi simile, & sic continere ipsum formaliter per modum causæ vniuocæ, vt calor calorem ; vel superare, quando est dissimile , & sic continere illud eminenter, per modum causæ æquiuocæ, sicut lux continet calorem : ergo potest concurrere & concurrat de facto vt virtus aut principium quod principale ad productionem illius. Et rationes pro præcedenti conclusione factæ possunt ad hanc etiam principaliter applicari.

## §. Vnicus.

*Quo principio causa efficiens immediate agat.*

EX dictis constat causam efficientem agere per suam formam substantialem, tanquam per principium seu virtutem principalem, in productione alterius substantiæ. Difficultas verò est utrum huiusmodi forma sit principium mediatè tantum, aut etiam immediatè operativum. Hoc secundum assenserunt Scotus & Scotistæ, voluntque ignem v. g. per suam substantialem formam immediatè attingere alterius ignis productionem, calorem vero solum disponere & preparare materiam.

Dico tamen cum omnibus Thomistis nullam substantiam creatam, nec subindè ullam substantialem formam esse proximè & immediatè operativam, sed suas omnes operationes & actiones, siue immanentes siue transeuntes, elicere mediis facultatibus & virtutibus actiuis, quæ sunt ipsius proprietates aut accidentia: ita quòd forma substantialis sit quidè principalis virtus, seu principium omnium huiusmodi operationum, sed radicale dumtaxat & mediatum: accidentia verò sint proxima & immediata principia illarum, instrumentalia quidem respectu productionis alterius substantiæ, principalia vero in ordine ad cæteras actiones. Hæc conclusio solum indiget probatione quoad primam partem, nempe quòd substantia non sit principium immediatè operativum, hoc enim posito evidens erit id non posse competere nisi accidentibus quæ suprà ostendimus esse causas principales respectu aliorum accidentium sibi similium, respectu verò productionis substantiæ non posse esse nisi virtutes instrumentales.



Probatur prima pars conclusionis : Substantia & potentia immediatè operatiua in creaturis realiter distinguuntur : ergo substantia creata non est immediatè operatiua. Consequentia est euidens : antecedens verò probatur sic : Potentiæ per se primò respicientes diuersos actus primarios & adæquatos, realiter & essentialiter ab inuicem distinguuntur : atqui substantia creata & potentia immediatè operatiua per se primo respiciunt actus diuersi ordinis primarios & adæquatos : ergo maior patet, potentiæ enim essentialiter diuersificantur penes diuersitatem actuum adæquatorum, quos per se primo respiciunt, & manifestam implicat contradictionem quod vna & eadem ordinetur per se primo ad diuersos. Minor vero probatur : esse substantiale & operari sunt actus realiter distincti & omnino diuersi ordinis in creaturis, cum vnus sit substantialis, alter accidentalis : atqui substantia creata per se primo ordinatur ad esse substantiale tanquam ad proprium actum, non vero ad operationem nisi secundariò : è contra vero potentia immediatè operatiua per se primo ordinatur ad operationem, & non ad esse ; & insuper respiciunt huiusmodi actus sub diuersis rationibus formalibus, substantia quidem respicit esse per modum causæ materialis ipsius, potentia vero immediatè operatiua respicit suam operationem sub ratione causæ efficientis. Vnde D. Thomas prima parte quæst. 54. ex eo quod in solo Deo idem omnino sit esse & operari, infert in ipso solo potentiam immediatè operatiuam identificari cum substantia,

Probatur 2. seu potiùs confirmatur ratio præcedens : Omnis potentia proximè actiua in creaturis est accidens : ergo substantia non est seipsa immediatè actiua. Probatur antecedens : potentia actiua per se primo respiciens actum accidentalem, est accidens, sed potentia immediatè operatiua in creaturis per se primò respicit actum accidentalem, videlicet suam propriam operationem quæ est acci-

dens vel de prædicamento qualitatis, si sit immanens, vel de prædicamento actionis, si sit transiens: ergo. Maior de quâ solâ est difficultas probatur: primò ex illo axiomate philosophico *actus & potentia sunt in eodem genere*, quod de potentia & actu per se primò ipsi correspondente intelligi debet, ita ut si actus sit substantia, potentia quæ per se primò illum respicit, debeat esse substantia, ut patet in materia prima respectu formæ; si verò actus fuerit accidentalis, potentia per se primò illum respiciens sit etiam accidentalis: & ratio est, quia potentia specificatur ab actu quem per se primò respicit, cum per ordinem ad illum essentialiter definiatur: ergo debent esse eiusdem generis. Secundò, quia nulla substantia per se primò respicit accidens, aliàs in sua essentiali & specifica ratione dependeret ab illo, nec posset definiri nisi per ordinem ad illud: ergo potentia actiua per se primò respiciens actum accidentalem nequit esse substantia sed accidens.

Probatur tertio: Per eam virtutem immediatè operatur agens per quam adest ubi elicitur operatio: sed agens creatum sæpius operatur ubi non adest secundum suam substantiam, sed solum secundum accidentia & virtutes quasdam instrumentales actiuas quas ex se emittit: ergo non operatur immediatè per suam substantiam, sed per accidentia illa. Minor probatur & declaratur: nam Sol, e. g. mediis quibusdam occultis qualitatibus & influentiis instrumentaliter concurrentibus producit aurum in visceribus terræ; generans mediante semine uti instrumento producit fœtum, ignis medio calore in ferrum introducto producit alium ignem, & in Eucharistia accidentia vini consecrari conuertunt aquam in vinum, si in modicâ quantitate infundantur: & nihilominus substantiæ huiusmodi agentium non adsunt secundum se ubi tales effectus producuntur, neque enim substantia Solis est in visceribus terræ, nec generans adest secundum suam substantiam ubi producit fœtus, nec similiter substantia vini con-



uerfa in sanguinem Christi adest in casu dicto : dicendum ergo est substantias creatas non operari immediate, sed sola accidentia in virtute substantiæ.

Obiicies 1. Si substantia creata non esset immediate operatiua, aut hoc esset propter perfectionem; aut propter imperfectionem : neutrum dici potest : ergo. Minor probatur, & primò quòd non propter perfectionem, quia substantia Diuina est infinitè perfectior creatâ, & tamen est immediate operatiua: secundò quòd non propter imperfectionem, quia accidentia sunt imperfectiora substantiis creatis, & tamen sunt immediate operatiua.

Respondeo hoc non prouenire præcisè ex perfectione nec ex imperfectione absolute, sed ex medio quodam statu inter summam Dei perfectionem & accidentiam imperfectionem, seu quòd idem est ex perfectione substantiæ creatæ admixtâ imperfectioni. Ex summâ enim perfectione prouenit quòd substantia Diuina sit immediate operatiua, ex eo scilicet quòd operatio eius non sit accidens, sed ipsamet Dei substantia, vnde & potentia quæ illam respicit debet esse substantia : ex imperfectione autem accidentis oritur quòd sit immediate operatiuum principium, ex eo scilicet quòd possit per se primò respicere operationem accidentalem & ab ea specificari : & quia substantia creata nec est ita perfecta, vt operatio eius sit substantialis, nec ita imperfecta, vt possit per se primò respicere actum accidentalem (qualis est operatio eius) & ab eo specificari : inde est quòd ex perfectione ipsius mediâ inter substantiæ diuinæ infinitam perfectionem & imperfectionem accidentiam, oritur quòd non sit immediate operatiua.

Obiicies 2. Accidens non potest effectiuè attingere productionem substantiæ : ergo sola substantia immediate operatur in huiusmodi productione. Probatur antecedens : Omnis causa efficiens debet esse proportionata suo effectui : accidens non est proportionatum substantiæ : ergo non potest esse causa efficiens illius.



Respondeo accidens præcisè non posse attingere productionem substantiæ, bene autem quatenus est virtus instrumentaria ipsius substantiæ quæ medio illo operatur. Ad probationem distinguo maiorem: causa efficiens principalis, concedo: causa aut virtus instrumentaria, nego: quæ distinctio, minori concessâ, applicanda est consequentiæ, accidens enim est tantum virtus instrumentaria respectu substantiæ.

Dices: causa instrumentalis recipere debet à causa principali aliquam virtutem aut influxum quo fiat potens attingere eius effectum, cui secundum se non est proportionata; ergo si accidens concurrat ut instrumentum ipsius substantiæ ad productionem alterius substantiæ, debet substantia operans influere illi aliquid, atque adeo erit immediate operatiua: saltem respectu illius influxus.

Respondeo antecedens esse verum de causa instrumentali propriè dicta, qualis est serra aut securis: non autem de virtute ipsâ instrumentariâ quale est accidens, puta calor ignis, qui hoc ipso quòd est proprietas seu propria virtus igni à natura indita, manet habitualiter eleuatus & sufficienter potens ad hoc ut tanquam virtus instrumentaria ignis agentis valeat alterum ignem producere.

Instabis: Calor in quantum virtus ignis non addit aliquid supra seipsum secundum suam speciem & entitatem caloris consideratum: atqui calor secundum suam speciem præcisè consideratus non potest producere ignem: ergo neque ut est virtus ignis.

Respondeo quod licet esse virtutem instrumentalem ignis non addat aliquid entitati caloris realiter distinctum, addit tamen aliquid distinctum virtualiter siue formaliter, scilicet specialem illum vigorem quo potest ignem producere, qui vigor non competit calori ut sic, sed tali, nimirum calori ignis: & sicut illa formalitas distinguens calorem ignis à calore naturali animalis, qui in eo producit carnes, non est quid realiter distinctum à calore ut sic, ita nec vigor ille, sed est ipsemet calor ut dimanans ab igne aut ab

animali, ipsisque tanquam principiis radicalibus & principalibus subordinatus.

Obiicies tertio; Actio generatiua seu productiua substantiæ: non potest immediate elici ab accidente: ergo à substantia immediate procedit. Probatur antecedens: actio immediatè elicitā ab accidente est tantum productiua alterius accidentis similis; ergo actio generatiua substantiæ non est actio immediatè elicitā ab accidente.

Respondeo actionem caloris, V. G. posse dupliciter considerari: primò ut est à calore præcisè sumpto, & sic est tantum actio alteratiua seu productiua alterius caloris: secundò in quantum est à calore ut virtute instrumentali ignis, & sic est actio introductiua vltimæ dispositionis ad formam ignis, subindèque generatiua illius: vnde sicut calor in quantum est virtus ignis non distinguitur realiter à seipso absolute sumpto, ita nec actio generatiua seu instrumentaliter productiua alterius ignis distinguitur à seipsa ut alteratiua seu productiua caloris qui prout in gradu summo est vltima ipsa dispositio. Quo posito in forma nego antecedens; vel distingo: non potest elici ab accidente præcisè sumpto secundum suam rationem specificam; concedo: ut est virtus substantiæ, nego. Ad probationem similiter distingo: actio elicitā ab accidente secundum propriam virtutem & speciem considerato est tantum productiua alterius accidentis sibi similis; concedo: elicitā ab eo ut est virtus substantiæ, nego: sic enim attingit vltimam dispositionem, subindèque ipsam formam substantialem.

Dices generatio per se primò terminatur ad formam substantialem: ergo distinguitur realiter ab actione alteratiua & introductiua vltimæ dispositionis.

Respondeo distinguendo antecedens: Generatio ut actio, nego: (ut talis enim terminatur primario ad vltimam dispositionem ad quam sequitur; tanquam terminus ordine executionis secundarius, ipsa

forma substantialis, seu quod idem est, generatio in quantum mutatio materiæ de priuatione ad formam: in quantum est ipsa mutatio, concedo: ex quo ad consequentiam respondendum generationem in quantum actionem non distingui ab actione ultimæ dispositionis introductiuâ, sed solum ut mutationem, ex quo nihil contra nos.


Obiicies ultimò: substantia est causa efficiens suarum proprietatum seu accidentium quibus mediantibus operatur: ergo est immediatè actiua respectu illorum; si enim mediantibus aliis illa produceret; daretur processus in infinitum, vel tandem deueniendum esset ad aliquod quod immediatè efficere-  
tur à substantia.

Confirmatur: nam aqua bulliens, amoto igne, seipsam immediatè reducit ad pristinam frigiditatem: ergo habet propriam actionem. Probatur antecedens: nam cum calore ita intenso nihil frigiditatis remanet in aqua quo possit seipsam reuocare ad pristinum statum: ergo

Respondeo proprietates aut accidentia quæ sunt virtutes operatiuæ connaturales substantiæ, produci per veram efficientiam & actionem physicam à generante tanquam terminos secundarios operationis illius; quamuis per simplicem resultantiam quæ vocatur actio metaphysica & impropria, dimanent ab essentia substantiæ ut à termino principali & saltem ordine intentionis primario actionis generatiuæ: unde non sequitur substantiam esse immediatè operatiuam, operatione propriè dictâ, respectu huiusmodi accidentium, sed impropriâ duntaxat. Ex quibus patet ad confirmationem: nam in casu proposito frigiditas non efficitur ab aqua per propriam actionem, sed per simplicem resultantiam ab ea dimanat. Causa verò efficiens propriè dicta illius est generans, sicut de aliis proprietatibus diximus, & magis explicabimus in libris de generatione disp. 1. Et si dicas non adesse tunc generans quando aqua recuperat frigiditatem, respondeo non adesse



formaliter in seipso, benè autem in sua virtute, quatenus est ibi forma aquæ à generante producta quæ huiusmodi frigiditatem exigit.



## SECTIO III.

### *Quenam sit causalitas causa efficientis.*

**P**ostquam vidimus quanam sint virtutes quibus causa efficiens constituitur in actu primo, tum remoto, tum proximo, potens ad operandum, superest resoluendum quanam sit causalitas illius quæ constituitur formaliter causans seu efficiens in actu secundo.

Suares, Conimbricenses, & alij docent causalitatem agentis esse actionem, Thomistæ verò volunt esse ipsum agere. Sed hæ duæ sententiæ differunt tantum in modo loquendi: actio enim & agere differunt solum sicut abstractum & concretum, unde sicut album, v. g. idem significat de formali quod albedo, licet diuersimodè, ita agere idem quod actio. Est tamen diuersitas in modo significandi, quia actio significat talem formam in abstracto & quasi per se stantem; at verò agere significat eandem formam seu actionem ut concernit agens à quo exercetur, vno verbo significat actionem prout exercitam. Quando ergo Suares & alij dicunt actionem esse causalitatem agentis, non loquuntur de ipsâ in abstracto, sed in concreto & ut exercitâ, sicut ex rationibus illorum constare potest, & sic non differunt à sententiâ Thomistarum nisi in modo loquendi. Unde breuiter.


Dico actionem ut exercitam siue agere esse causalitatem efficientis.


Probatum

Probatur : Causalitas propria cuiuslibet causæ est ille influxus, quo in proprio genere constituitur actus causans, seu in actu secundo influens in effectum ; sed agens constituitur in actu secundo causans & influens in effectum per hoc quod est agere seu exercere actionem : ergo agere seu actio ut exercita est propria causalitas agentis. Probatur minor : posito enim exercitio actionis intelligitur effectus actualiter poni & dependere à causa efficiente : ergo influit in illum per actionem ut exercitam. Vnde cum ly agere denotet actionem ut exercitam ab agente , ly verò actio ut signatam & veluti ab agente abstractam , conuenientiùs priori modo exprimitur causalitas agentis, quod non intelligitur agere per actionem ut abstractam.

Obiicies : Agens mediâ actione communicat esse suo effectui : ergo illa est eius causalitas. Confirmatur : Causalitas materiæ & formæ dicitur sustentatio aut informatio, non verò sustentare vel informare : ergo à pari.

Respondeo distinguendo : Media actione veluti in actu signato , nego : in actu exercito, concedo , qua ratione melius exprimitur verbo *agere* quàm nomine actionis. Ad confirmationem respondeo causalitatem similiter materiæ & formæ melius & formalius exprimi verbis illis *sustentare* aut *informare*, quàm nominibus sustentationis vel informationis, ob eandem proportionaliter rationem.





## SECTIO IV.

### *De concursu causæ primæ cum secundis.*

**C**onstat ex hætenus dictis causas secundas habere virtutes & principia quibus constituentur permanenter & habitualiter in actu primo ad agendum: superest modò resolvendum an præter huiusmodi virtutes operativas indigeant influxu aliquo seu concursu actuali causæ primæ vt in actu secundo operentur. Pro resolutione.

Dico Deum actu & immediatè concurrere ad omnes actiones causarum secundarum, ita vt sine actuali illius influxu nullum agens creatum possit in actum secundum prorumpere. Hæc conclusio est communis contra errorem Durandi existimantis Deum mediatè solum concurrere ad actiones causarum secundarum, quatenus ipsis in sui productione contulit virtutes operativas quibus mediantibus absque nouo Dei concursu vult causas secundas operari.

Probatur tamen: Omne agens per se & immediatè influit in proprium effectum, seu in illud omne quod sub primario illius effectum continetur: atqui omnis actio creaturæ continetur sub effectum primario causæ primæ: ergo causa prima immediatè influit in omnem actionem creaturæ. Maior est evidens: primarius enim effectus alicuius causæ dicitur ille qui per se primò & immediatè attingitur ab illa, quem proinde implicat reperiri a parte rei sine immediato illius influxu. Minor verò probatur. Primarius effectus causæ primæ seu diuinæ omnipotentis est omne ens participatum & de-



## Disputatio VIII.

III

dependens, causæ enim vniuersalissimæ correspon-  
dere debet effectus omnium vniuersalissimus, qualis  
est ille: atqui actio & effectus causæ creatæ est ens  
participatum & dependens, vt constat, cum so-  
lus Deus sit ens per essentiam independens, & à se:  
ergo.

Dices: hæc ratio nimis probat, probat enim Deum  
omnia se solo & absque interuentu causarum se-  
cundarum efficere, quod est omnino falsum & er-  
roneum.

Respondeo rationem nostram solum convincere  
quod Deus tanquam causa vniuersalissima immédia-  
tè attingat omnes effectus & operationes quas cau-  
sæ secundæ immédiate etiam producant vt agentia  
particularia: Vnde diligentissimè nota inter agens  
primum & secundum non esse subordinationem  
mediati & immediati, sed vniuersalis & parti-  
cularis.

Probatur 2. In agentibus essentialiter subordina-  
tis inferiorius non causat nisi dependenter à superio-  
ri concurrente: sed Deus est causa prima, cui  
essentialiter subordinantur omnes causæ creatæ; Er-  
go nulla causa creata potest agere nisi Deo cum ip-  
so equaliter concurrente. Maior constat, subordina-  
tio enim essentialis causarum in hoc sita est quod  
causalitas inferioris essentialiter & indispensabiliter  
pendeat à causalitate & influxu superioris, sicut  
subordinatio connaturalis quam habent causæ sublu-  
nales ad corpora cœlestia consistit in hoc quod cau-  
sæ inferiores horum inferiorum nequeant naturaliter lo-  
co exerceri sine influxu illorum. Minor verò  
est minus euidens: causæ enim creatæ sicut es-  
sentialiter dependent à Deo in essendo, ita in causan-  
do aliàs essent causæ independentes atque adeò pri-  
mæ in illa autem dependentiâ consistit subor-  
dinatio.

Obiicies 1. Deus non concurrit immédiate &  
cum ipso cum causa materiali & formali: ergo  
non efficienti.

Respondeo distinguendo antecedens. Non concurrunt immediatè per modum causæ materialis aut formalis, quasi ipsemet sustentet aut informet, concedo: quia sustentatio & informatio dicunt imperfectionem partis cuius vices nequit Deus se ipso supplere: per modum causæ efficientis, nego: ipse enim una cum causa secunda tanquam agente particulari effectiuè vnit materiam cum forma, subindèque facit vt materia sustentet & forma informet, vnde negatur consequentia.

Obiicies 2. Causæ principales agunt sine ope alterius: atqui causæ secundæ sunt principales respectu propriorum effectuum, ergo agunt sine ope & concursu alterius causæ, subindèque Deus non concurrat cum ipsis immediatè, sed mediatè tantum, quatenus dat eis virtutes operativas, easque conservat.

Respondeo distinguendo maiorem a. Sine ope alterius causæ eiusdem ordinis & particularis, concedo: Superioris ordinis & vniuersalis nego: Sensus est non esse de ratione causæ principalis vniuersaliter loquendo, quòd independenter à concursu & ope alterius suum producat effectum, hoc enim proprium est soliùs causæ primæ; sed tantum quòd possit operari sine concursu alterius causæ particularis, & habeat virtutem effectui proportionatam, quod non tollit subordinationem quam debet habere in operando causa secunda respectu primæ.

Vrgebis: Causa secunda principalis est proportionata & totalis respectu sui effectus: ergo non indiget concursu causæ superioris, nec subindè causa primæ in ordine ad illum.

Respondeo negando consequentiam: quantumvis enim proportionata sit & totalis in ordine causa creatæ debet tamen sicut in esse, ita in operari à concursu causæ primæ dependere; similiter actio ac effectus eius, cum sint entia per participationem & extra Deum, omninò etiam dependere debent ab ente per essentiam & à causalitate Dei.



## §. I.

*Qualis sit concursus ille, præuiusne  
scilicet, an simultaneus  
duntaxat.*

Conuenit inter omnes, Deum ad cunctas causarum secundarum operationes concurrere concursu saltem simultaneo & concomitante qui nihil aliud est quam ipsa actio causæ secundæ, quæ prout est à Deo appellatur concursus Dei, prout à causa secunda dicitur concursus causæ secundæ: in hoc inquam omnes consentiunt, idque apertè conuincunt rationes in superioribus factæ, probant enim Deum immediatè concurrere ad omnes agentium creatorum actiones quæ subindè ab ipso & à causa secunda simul procedunt in quo consistit simultaneus concursus.

Sed maxima est inter authores contentio & controuersia his præcipuè temporibus celeberrima, utrum Deus non solum concursu illo simultaneo, quo nihil influit in causam secundam, sed simul cum ipsa in actionem & effectum, concurrat; sed etiam influxu quodam præuiuo in ipsa causa prius natura quàm operetur, recepto, quo eam ad agendum physicè præmoueat & prædeterminet: qui proinde concursus, aut influxus, si detur, conuenienter appellabitur præmotio aut prædeterminatio physica: præmotio quidem, quia cum detur ad hoc ut faciat causam secundam operari, debet natura & causalitate, licet non tempore, antecedere motionem siue actionem propriam causæ secundæ: prædeterminatio verò, quia determinat causam secundam ad agendum, eiusque determinationem seu operationem naturâ & causalitate, ut dictum est, præcedit: dicitur tandem phy-



Respondeo distinguendo antecedens. Non concurrunt immediatè per modum causæ materialis aut formalis, quasi ipsemet sustentet aut informet, concedo: quia sustentatio & informatio dicunt imperfectionem partis cuius vices nequit Deus se ipso supplere: per modum causæ efficientis, nego: ipse enim una cum causa secunda tanquam agente particulari effectiuè vnit materiam cum forma, subindèque facit ut materia sustentet & forma informet, unde negatur consequentia.

Obiicies 2. Causæ principales agunt sine ope alterius: atqui causæ secundæ sunt principales respectu priorum effectuum, ergo agunt sine ope & concursu alterius causæ, subindèque Deus non concurrunt cum ipsis immediatè, sed mediatè tantum, quatenus dat eis virtutes operativas, easque conservat.

Respondeo distinguendo maiorem. Sine ope alterius causæ eiusdem ordinis & particularis, concedo: Superioris ordinis & vniuersalis nego: Sensus est non esse de ratione causæ principalis vniuersaliter loquendo, quod independentè à concursu & ope alterius suum producat effectum, hoc enim proprium est soli causæ primæ; sed tantum quod possit operari sine concursu alterius causæ particularis, & habeat virtutem effectui proportionatam, quod non tollit subordinationem quam debet habere in operando causa secunda respectu primæ.

Urgebis: Causa secunda principalis est proportionata & totalis respectu sui effectus: ergo non indiget concursu causæ superioris, nec subindè causæ primæ in ordine ad illum.

Respondeo negando consequentiam: quantumvis enim proportionata sit & totalis in ordine causæ creatæ debet tamen sicut in esse, ita in operari à concursu causæ primæ dependere; similiter actio ac effectus eius, cum sint entia per participationem & extra Deum, omnino etiam dependere debent ab ente per essentiam & à causalitate Dei.

## §. I.

*Qualis sit concursus ille, præuiusne  
scilicet, an simultaneus  
duntaxat.*

C Onuenit inter omnes, Deum ad cunctas causarum secundarum operationes concurrere concursu saltem simultaneo & concomitante qui nihil aliud est quam ipsa actio causæ secundæ, quæ prout est à Deo appellatur concursus Dei, prout à causa secunda dicitur concursus causæ secundæ: in hoc inquam omnes consentiunt, idque apertè conuincunt rationes in superioribus factæ, probant enim Deum immediatè concurrere ad omnes agentium creatorum actiones quæ subindè ab ipso & à causa secunda simul procedunt in quo consistit simultaneus concursus.

Sed maxima est inter authores contentio & controuersia his præcipuè temporibus celeberrima, utrum Deus non solum concursu illo simultaneo, quo nihil influit in causam secundam, sed simul cum ipsa in actionem & effectum, concurrat; sed etiam influxu quodam præuio in ipsa causa prius natura quàm operetur, recepto, quo eam ad agendum physice præmoueat & prædeterminet: qui proinde concursus, aut influxus, si detur, conuenienter appellabitur præmotio aut prædeterminatio physica: præmotio quidem, quia cum detur ad hoc ut faciat causam secundam operari, debet natura & causalitate, licet non tempore, antecedere motionem siue actionem propriam causæ secundæ: prædeterminatio verò, quia determinat causam secundam ad agendum, eiusque determinationem seu operationem naturā & causalitatem, ut dictum est, præcedit: dicitur tandem phy-

sica, ad differentiam prædeterminationis moralis, quæ nihil aliud est quam instinctus quidam qui fit mediâ propositione obiecti, admonitione, præcepto, suasionem, & similibus, quibus aliquando inuitamur & moraliter mouemur ad aliquid agendum: physica verò præmotio est aliqua qualitas aut realis motio & influxus à primo agente immixtus & receptus in causâ secunda efficaciter ipsam inclinans & applicans ad agendum, vnamquamque tamen conformiter ad propriam ipsius naturam vt in sequentibus explicabitur. Pro resolutione.

Dico Deum omnes causas secundas tam liberas quam necessarias quantumvis per sua principia & & virtutes naturales in actu primo completas præmouere & prædeterminare physice ad agendum. Hanc conclusionem præter omnes Thomistas docent alij innumeri; & nonnulli etiam ex patribus societatis (cæteris reclamantibus) vt Beilarminus lib. 4. de gratia cap. 16. Cosmas Alamannus primâ secundæ summæ Philosophiæ quæst. 11. art. 4. Michaël Marcus, Henricus Henriques, Pererius & alij.

Probatur: omne agens secundum subordinatur essentialiter primo & ab eo dependet non solum in esse entis & in ratione principij habitualis suæ operationis, sed etiam in ratione principij actualis eiusdem: ergo debet ab eo physice præmoueri & prædeterminari ad operandum. Antecedens est omnino certum & euidens: tum quia esse principium actuale operationis est aliquid reale extra Deum subindèque dependens ab illo: tum quia si creatura esset independens à Deo in ratione principij actualis suæ operationis iam esset primum principium & prima causa respectu illius, in hac enim independetia consistit formaliter ratio primi principij, primi agentis aut mouentis, & primæ causæ. Consequentia verò, de qua sola est controuersia, sic efficaciter suadetur: Vt agens secundum in ratione principij actualis suæ operationis dependet à Deo, debet ab ipso recipere præuiam aliquam motionem aut influ-



xum quo in ratione talis principij constituitur , seu de actu primo ad secundum reducatur : sed nomine physicae præmotionis aut prædeterminationis nihil aliud intelligitur : ergo.

Tota difficultas est in maiori, ut constet, quam inficiantur aduersarij dicentes agens secundum non constitui in ratione principij actualis suæ operationis per aliquid præuium ad eam , atque ita non esse opus quod tale quid in se recipiat ad hoc ut dicatur in illa ratione principij subordinari Deo seu ab eo dependere : sed constitui per ipsammet operationem actu elicitam , quæ cum dependeat à Deo simultanter seu concomitanter cum ipso agente secundo in eam influente , dicitur proinde ipsum agens secundum dependere ab illo in ratione etiam principij actualis talis operationis beneficio solius concursus simultanei.

Sed contra probatur illa maior , & impugnatur hæc aduersariorum responsio : quia agens secundum debet necessariò constitui in ratione principij actualis suæ operationis per aliquid præuium ad eam , & non potest per ipsammet in ratione talis constitui : ergo responsio nulla. Probatur antecedens sic : id à quo effectiue præcedit operatio , nequit esse ipsammet operatio , sed aliquid præuium ad eam & in agente receptum : atqui operatio procedit effectiue à principio actuali ut tali , id est ut constituto in ratione principij actualis , atque adeo à constituto ipsius formaliter in ratione talis : ergo constitutum huiusmodi in ratione principij actualis ipsius operationis nequit esse ipsammet operatio , sed debet esse quid præuium ad eam. Ex quo sequitur subordinationem quidem , & dependentiam operationis & effectus causæ secundæ à prima saluari sufficienter per concursum simultaneum , non autem subordinationem in ratione principij actualis.

Confirmatur & explicatur , aduertendo principium actuale posse dici dupliciter primò effectiue , aut ut alij dicunt applicatiue : secundò formaliter.

Principium actuale effectiue sumptum idem est ac principium in actu secundo constitutum & applicatum ad eliciendam operationem : principium verò actuale formaliter sumendo ly actuale, est idem ac principium vt iam vltimò actuatam & completum per ipsam actionem elicitam. Hoc posito confirmo argumentum.

Quamuis causa secunda constituatur in ratione principij actualis formaliter & vltimatè per ipsam operationem, debet tamen priùs naturà constitui in ratione principij actualis effectiue influentis in illam per aliquid præuium principio habituali superadditum : ergo debet præmoueri. Probatur antecedens : Principium actuale influens in actionem antecedit illam prioritate naturæ & causalitatis cum sit actualis causa illius : ergo debet constitui tale per aliquid præuium ad eam.

Dices principium actuale effectiue influens in actionem esse solam virtutem actiuam causæ secundæ quæ se ipsa, Deo ex parte sua simul concurrente & cooperante, elicit actionem absque alio influxu sibi superaddito.

Sed contrà : quia virtus actiua causæ secundæ habitualiter in ipsa permanens de se est tantum in potentia & in actu primo ad agendum : ergo vt actu agat & eliciat operationem indiget aliquo sibi superaddito quo de potentia seu de actu primo reducatur ad actum secundum.

Dices : Ipsamet, Deo simul concurrente, se reducit per suam operationem.

Sed contra : quia debet reduci vt operetur : ergo non per ipsam operationem reducitur, sed per aliquid præuium.

Confirmatur : quod de se non est tale, debet fieri tale per aliquid sibi superadditum : atqui agens secundum de se non est actu influens in operationem, sed solum in potentia : ergo vt sit actu influens requirit aliquid superadditum, aliàs si nihil ipsi superaddatur manebit semper in potentia.

indifferens, & indeterminatum.

Innumera alia in probationem nostræ conclusio-  
nis tum Philosophica tum Theologica afferri pos-  
sunt argumenta, sed hoc vnicum quod omnino effi-  
cax est, sufficiet, subordinatio scilicet & dependen-  
tia quam causa secunda habere debet in causando à  
prima, ex qua oritur quod illam applicare debet ad  
agendum & constituere in ratione principij actua-  
lis, quod sine aliquo influxu in ipsa causa secun-  
da recepto fieri non posse ostendimus, atque adeò  
admittendus est influxus ille seu prædeterminatio.  
Contra quam

Obiicies 1. Si daretur physica prædeterminatio,  
vel illa esset quædam motio duntaxat, vel virtus ali-  
qua seu qualitas actiua: non primum, quia motio  
debet habere aliquem terminum, qui in præsentì  
non videtur posse assignari: nec secundum, quia alias  
cum omnis virtus actiua creata, iuxta nostra princi-  
pia, indigeat præmotione qua reducatur ad actum, si  
præmotio esset virtus actiua, indigeret alia præmo-  
tione, & sic in infinitum: ergo, &c.

Respondeo physicam prædeterminationem esse  
quamdam motionem seu influxum per modum tran-  
seuntis receptum in causa secunda influit enim & tran-  
sit cum ipsa operatione ad quam datur: huius au-  
tem motionis terminus *quod* est effectus ipsius causæ  
secundæ; terminus autem *quo* est actio eiusdem quæ  
mediante attingitur effectus. Vtrum verò sit motio  
duntaxat, an etiam sit eminenter virtus actiua, seu  
ut alij dicunt motio virtuosa, est alia difficultas; illi  
enim qui volunt prædeterminationem non dari præ-  
cisè ad actum secundum, sed etiam quodammodo  
se tenere ex parte actus primi,tribuendo causæ se-  
cundæ vim ad instrumentaliter attingendam in suo  
effectu proprio (putà igne) rationem entis, quæ est  
primarius effectus causæ primæ, subindèque à nulla  
alia producibilis nisi virtute à prima causa recepta,  
dicunt consequenter prædeterminationem esse mo-  
tionem virtuosam seu qualitatem & virtutem acti-



uam transeuntem: nobis verò, qui pro nunc necessitatem præmotionis admittendæ ex illo capite non petimus, sed ex sola subordinatione & dependentia causæ secundæ à prima quoad actum secundum, sufficit dicere, quod sit motio mouens & applicans causam secundam ad operandum. Et quicquid sit, respondendum est ad id quod subditur, prædeterminationem non intelligere alia motione qua applicetur & reducatur ad actum cum sit essentialiter ipsamet applicatio, sicut actio non indiget alia actione qua fiat, nec relatio alia relatione qua referatur, quia quod est per se tale non debet fieri tale per aliud.

Obiicies 2. Causa in suo ordine completa non indiget aliquo superaddito vt operetur: atqui causa secunda, saltem principalis, est completa in ordine causæ secundæ: ergo non indiget prædeterminatione.

Respondeo negando maiorem: quamuis enim non indigeat aliquo quo compleatur, quia complementum propriè intelligitur ex parte actus primi in quo est se completa, indiget tamen quo operetur in actu secundo, eo quod ex se non sit in ratione actualis principij constituta. Vnde potest secundo responderi distinguendo maiorem: Causa completa in ratione principij habitualis duntaxat, nego: habitualis & actualis, concedo: causa verò secunda licet sit completa in ratione principij habitualis, seu in actu primo vt dixi, & subinde ex parte illius non indigeat aliquo superaddito, secus tamen in ratione principij actualis.

Obiicies 3. Omnes causæ secundæ sunt vel necessariae vel liberae: atqui neutrae indigent prædeterminatione: non quidem necessariae, quia hæ ex natura sua sunt determinatæ ad agendum, ita vt miraculum foret, si ignis e.g. propè stupam positus non combureret: sed nec etiam liberae, quia proprium illarum est quod ipsæ se determinent, atque adedò quod non determinentur ab alio.

Respondeo negando vtramque partem minoris.

Ad probationem primæ distinguo : Ex natura sua sunt determinatæ quoad speciem operationis & effectus, putà ignis ad calefaciendum, ita vt non possit facere contrarium, concedo : quoad exercitium, ita vt non possit suspendere actionem, subdistinguo; positis omnibus conditionibus ad agendum requisitis, concedo ( & in hoc differt causa naturalis à libera quæ positis omnibus potest adhuc non agere, aut agere oppositum ) non positis illis, nego : illa autem prærequisita sunt non solum conditiones extrinsecæ, puta approximatō ad passum, sed maximè ipse influxus præuius causæ primæ, quod debet intrinsecè constitui in ratione principij actualis suæ operationis. Ideò autem miraculum foret si ignis approximat⁹ calefactibili non calefaceret, quia miraculum esset quod Deus agenti necessariò denegaret influxum illum & concursum quem titulo connaturalitatis exposcit positis aliis conditionibus. Ad probationem autem secundæ partis minoris patebit ex infrà dicendis proprium esse causæ secundæ liberæ quod se determinet dependenter à determinatione primæ.

§. 2.

*Soluuntur difficiliōres obiectiones  
contra prædeterminationem,  
& cum ea conciliatur  
nostra libertas.*

**O**biiciunt præterea aduersarij, concursus præuius seu physica prædeterminatio tollit libertatem: ergo non debet admitti. Probatur antecedens : De ratione libertatis est indifferentia ad agendum vel non agendum : sed physica prædeterminatio tollit illam indifferentiam, siquidem determinat ad vnum; ergo, &c.

Dico tamen præmotionem physicam determinantem efficaciter & infallibiliter voluntatem ad agendum, nullo prorsus modo lædere eius libertatem. Ut probetur, & obiectiones solvantur.

Nota duplicem in voluntate nostra reperiri indifferentiam : vnā potentialem aut priuatiuam, quæ est suspensio ab omni actu, & est quando voluntas est merè indifferens & in potentia ad vtrumlibet, nec magis inclinata ad amorem V. G. quam ad odium, quæ indifferentia potentialis aufertur à voluntate cū de potentia reducitur ad actum, subindèque non est de ratione libertatis, aliàs quotiescumque operaremur in Sententia etiam aduersariorum amitteremus libertatem; altera indifferentia est actualis, quam habet voluntas dum elicit vnum actum cū in potentia ad non eliciendum si velit, & hæc indifferentia est propria libertati, nec potest auferri nisi auferatur ipsa libertas. Quo posito.

Probatur conclusio : De ratione libertatis non est indifferentia merè potentialis seu suspensio ab omni actu, sed solum indifferentia actualis, id est quod quando voluntas elicit vnum actum, habeat potentiam ad faciendum oppositum : atqui prædeterminatio posita in voluntate non aufert, sed potius confert & causat hanc indifferentiam actualem; ergo non tollit libertatem. Probatur minor : quia præmotio diuina ita accommodatur genio & conditioni causarum secundarum vt non solum faciat vnāquamque infallibiliter operari, sed etiam eo modo operari quo congruit naturæ illius, atqui sicut congruit naturæ causarum necessariarum quod operentur necessariò & sine potentia ad oppositum, ita congruit naturæ causarum liberarum quod agant libere & cum potentia ad non agendum vel agendum oppositum : ergo determinat causas necessarias ad agendum necessariò, liberas verò ad agendum libere & cum potentia ad agendum oppositum, in quo consistit indifferentia actualis. Probatur maior : in hoc enim consistit efficacia & illimitatio seu vt ita



dicam vniuersalitas diuini concursus, quod non solum attingat substantiam actus ad quem datur, sed etiam modum ipsius, nam ex inefficacia & limitatione alicuius virtutis aut influxus oritur quod non attingat omnia quæ sunt in effectu: ergo non solum faciet causas secundas infallibiliter operari suos effectus, sed etiam vt eo modo operentur quo exigit natura earum.

Hanc rationem paucis complectitur sanctus Doctor 1. p. quæst. 19. a. 8. & 1. 2. quæst. 10. a. 4. dicens diuinam voluntatem vtpote causam vniuersalissimam & efficacissimam, mediante sua motione, non solum se extendere ad substantiam actus, sed etiam ad modum ipsius, id est ad hoc quod fiat liberè vel necessariò secundum existentiam causæ. Ex quibus.

Ad obiectionem respondeo negando antecedens: ad probationem distinguo maiorem: De ratione libertatis est indifferentia merè potentialis, nego: actualis sensu explicato, concedo: quamuis autem præmotio priorem illam indifferentiam tollat inclinando voluntatem ad vnum (per modum tamen liberi) non tamen aufert posteriorem, sed potius causat efficiendo quod voluntas operetur vnum cum potentia ad oppositum.

Dices: determinatio ad vnum tollit indifferentiam ad vtrumlibet: sed physica prædeterminatio recepta in voluntate determinat illam ad vnum, putà ad actum amoris: ergo tollit indifferentiam quam habebat ad vtrumlibet, ad amandum scilicet vel non amandum seu odio habendum.

Respondeo ex iam dictis aliam esse determinationem per modum naturæ, quæ scilicet impellit & necessitat ad vnum sine potentia ad oppositum; aliam per modum liberi, quæ nimirum efficaciter quidem sed suauiter inclinât ad vnum cum potentia faciendi oppositum. Quæ posito distinguo maiorem: Determinatio per modum liberi, tollit indifferentiam (supple actualement, de qua sola est quæstio quæ

consistit in hoc quod est facere vnum cum potentia ad oppositum si velit ) nego : determinatio per modum naturæ, concedo : prædeterminatio autem recepta in voluntate determinat illam per modum liberi, sicut natura voluntatis liberæ exigit, non autem per modum naturæ seu agentis necessarij.

Instabis : De ratione causæ liberæ est quod seipsam determinet ex vi propriæ electionis : ergo non debet determinari à prima.

Respondeo de ratione causæ liberæ esse quod seipsam determinet dependenter à determinatione primæ, hæc verò independenter ab alia quavis, vnde neganda est consequentia, vel distinguenda : Non debet determinari per modum naturæ seu agentis necessarij, concedo : per modum liberi, nego

Obiicies secundò : causa libera est illa quæ positis omnibus ad agendum requisitis potest non operari, aut operari oppositum : atqui voluntas posita præmotione non potest facere oppositum : ergo posita præmotione non manet libera. Probatur minor : Voluntas nostra non potest resistere præmotioni, sicut nec diuinæ voluntati : atqui si posset voluntas præmota dissentire seu non operari, posset resistere præmotioni : ergo

Respondeo 1. Ex dictis negando absolute minorem : ad probationem nego pariter minorem, quia tantum abest quod posse dissentire sit posse resistere præmotioni quin potius hoc est omnino conforme naturæ promotionis quæ non solum facit vt voluntas consentiat sed etiam vt liberè & cum potentia ad dissentiendum consentiat infallibiliter. Claritatis tamen gratiâ.

Respondeo 2. Distinguendo maiorem ; Causa libera est illa quæ positis, &c. potest non operari in sensu composito, nego : in sensu diuiso, concedo : Atqui voluntas posita præmotione non potest non operari, aut non potest facere oppositum, in sensu composito, concedo : in sensu diuiso, nego : ad probationem concessa maiore intellecta in sensu com-



posito, distinguo minorem : si voluntas præmota posset dissentire in sensu composito, posset resistere præmotioni & Diuinæ voluntati concedo ; si posset in sensu diuiso tantum, nego : similiter ad consequentiam : Ergo nequit dissentire, in sensu composito, concedo : in sensu diuiso, nego.

Sensus huius distinctionis non est, quod existente præmotione in voluntate, aut ea cum voluntate composita, voluntas non possit non operari id ad quod præmouetur, illâ verâ ablatâ & veluti à voluntate diuisâ possit, vt aiebat Calvinus, sed quod stante etiam in voluntate prædeterminatione ad consensum v. g. voluntas ex eo modo operandi causæ liberè proprio, cui vt suprâ ostendimus præmotio attemperatur, habeat potentiam ad dissensum non quidem coniungendum cum ipsa prædeterminatione ad consensum (aliàs cum præmotio efficax inferat huiusmodi consensum in eodem instanti reali in quo ipsa ponitur, & præcedat tantum prioritate causalitatis & instantis naturæ à quo, posset coniungi dissensus cum consensu, quod manifestè implicat) sed ad ponendum dissensum absolute & secundum se spectatum, & hoc est habere potentiam ad oppositum in sensu diuiso, quod sufficit ad libertatem, non verò in sensu composito quod non est necesse, imò impossibile, voluntas enim aut liberum arbitrium quamuis habeat simultatem potentix ad actus oppositos, putà ad consensum vel dissensum : non tamen habet potentiam simultatis, id est habendi simul huiusmodi actus, vt constat ; quod tamen esset, si cum præmotione efficaci ad consensum poneretur simul dissensus. De illa verò solutione aut distinctione sensus compositi & diuisi vide doctrinam radicatus traditam in parua Logica vbi de modalibus.

Dices : Non saluatur libertas si præmotus non possit dissentire in sensu composito, idest coniungere dissensum cum prædeterminatione ad consensum : ergo nulla solutio. Probatur antecedens : vt saluetur libertas, necesse est quod cum omni prærequisito ad



agendum possit stare non actio : ergo si cum prædeterminatione , quæ iuxta nos est concursus prærequisitus ad agendum , non potest stare non actio vel dissensus , non saluabitur libertas.

Respondeo negando antecedens : ad probationem , distinguo antecedens : cum omni prærequisito prioritate à quo solum antecedente & ipsam inuolvente actionem liberam ad quam prærequisitur , nego : alias enim posset stare non actio cum actione , quod implicat. Cum omni prærequisito prioritate temporis , aut instantis naturæ in quo , & non inuolvente ipsam actionem , concedo : prædeterminatio autem inuoluit actionem ipsam liberam ad quam datur , cum eam in eodem instanti reali liberè inferat.

Instabis : Prædeterminatio non inest illi liberè , cum voluntas in eius receptione se habeat merè passivè : ergo non infert liberè sed necessariò actionem.

Respondeo distinguendo antecedens : non inest nobis liberè ( id est dependenter ab exercitio nostræ libertatis ) quantum ad suam entitatem , concedo : quantum ad suam causalitatem & exercitium nego : unde & nego consequentiam , cum enim sit concursus Dei , attingit nedum substantiam actus , sed etiam modum libertatis illius , id est facit ut liberè eliciatur.

Urgebis : Posita præmotione in voluntate voluntas necessariò operatur : ergo non inest nobis liberè etiam quoad exercitium suæ causalitatis.

Respondeo negando antecedens : licet enim infallibiliter operetur , non tamen necessariò sed liberè & cum potentia ad oppositum.

Dices 2. Præmotus non potest dissentire etiam in sensu diuiso , seu non habet potentiam ad dissensum : ergo nostra solutio vndequaque est nulla. Probatum antecedens si præmotus ad consensum posset dissentire in sensu diuiso , id est retineret potentiam ad dissensum , huiusmodi dissensus esset ipsi possibilis : atqui non est ipsi possibilis dissensus : ergo. Proba-

tur minor. Possibili posito in actu nullum sequitur impossibile aut inconueniens : sed si stante præmotione ad consensum poneretur dissensus, sequeretur aliquod impossibile, nempe quod præmotio redderetur inefficax : ergo præmotione ad consensum stante non est possibilis dissensus.

Respondco negando antecedens : ad probationem nego minorem : ad cuius item probationem distinguo maiorem : Possibili posito in actu nullum sequitur impossibile, per se loquendo & absolute nullaque facta suppositione, concedo : per accidens & facta suppositione aliqua, nego : sensus est quod ex positione possibilis in actu absolute loquendo nihil absurdi aut impossibilis sequitur : potest tamen sequi absurdum & impossibile, facta aliqua suppositione ; nam quando quis amat Deum liberè, retinet potentiam ad non amandum, & per consequens est possibilis carentia amoris, quæ tamen si poneretur actu in eodem instanti facta suppositione quod sit amor, sequeretur magnum inconueniens & impossibile, quod scilicet simul esset amor & eius carentia, sic ergo in proposito quia diuina præmotio est efficax & infallibiliter infert in eodem instanti reali consensum, maximum inconueniens & impossibile sequeretur si ea in voluntate posita voluntas non operaretur, sequeretur enim præmotionem efficacem (quæ dicitur talis ex eo quod habeat suum effectum) non fortiri huiusmodi effectum, & operationem voluntatis esse & non esse ; esse quidem, quia infallibiliter coniungitur præmotioni, non esse verò ex suppositione quod voluntas præmota non operaretur : non sequitur tamen quod posita præmotione non sit in voluntate potentia ad non operandum, siue ad agendum oppositum, quia præmotio facit vt operetur voluntas cum indifferentia : illud ergo inconueniens in argumento adductum non sequeretur absolute & spectato ipso dissensu secundum se, sed solum per accidens ex suppositione præmotionis efficacis subindèque ipsius consensus liberè elicit.



Instabis : præmotum ad consensum posse dissentire, est posse resistere præmotioni & reddere illam inefficacem : sed non potest reddere inefficacem : ergo nec potest dissentire. Probatur maior : Si præmotus actu dissentiret , redderet de facto præmotionem inefficacem : ergo posse dissentire est posse reddere inefficacem præmotionem. Probatur consequentia : quod facit actus actualiter , id facit potentia possibiliter : atqui actualis dissensus redderet præmotionem inefficacem : ergo potentia dissentiendi est potentia reddendi præmotionem inefficacem.

Respondeo distinguendo maiorem : præmotum ad consensum posse dissentire in sensu composito , concedo : in sensu diuiso nego, nego similiter consequentiam : ergo non potest dissentire , in sensu composito , concedo : in sensu diuiso , nego. Ad probationem concedo antecedens , quia facit determinatè sensum compositum , aut distinguo sicut prius : ad cuius probationem concessa maiore distinguenda est minor , & concedenda de actuali dissensu in sensu composito , neganda de eodem absolute & diuisim à præmotione sumpto : & similiter distinguenda est consequentia : potentia dissentiendi in sensu composito est , &c. concedo : sed talis non datur in voluntate : potentia dissentiendi in sensu diuiso , nego.

Virgebis : voluntas potest elicere dissensum in eo instanti quo præmouetur ad consensum : ergo potest dissentire in sensu composito.

Respondeo distinguendo antecedens. In eodem instanti formaliter prout in eo est præmotio , & subindè consensus , nego. In eodem instanti materialiter & absolute considerato , concedo.

Et nota huiusmodi argumenta eandem habere vim contra aduersarios , eodemque modo debere ab ab ipsis solui : quod enim ipsi nobis obijciunt, posse scilicet aut non posse poni actum oppositum cum præmotione: id in eos retorquemus arguendo de actu, opposito illi quem actualiter elicit voluntas : unde sicut ipsi tenentur fateri voluntatem quando con-



sentit habere potentiam ad dissensum, non in sensu composito, quasi possit dissensum coniungere & in eodem instanti formaliter ponere cum consensu, sed solum in sensu diuiso, ita nos dicimus de dissensu respectu præmotionis ad consensum quem importat & inuoluit.

Quæres, utrum Deus præmoueat ad peccatum.

Respondeo easdem rationes, quæ ostendunt Deum præmouere causas secundas ad singulas actiones, probare etiam quod præmoueat voluntatem ad materiale peccati seu ad substratum malitiæ, quod est verus actus physicus & realis, non autem ad ipsum formale, seu ad malitiam quæ est defectus potius quàm effectus.

Dices: qui præmouet ad actum physicum cui intrinsecè & inseparabiliter est annexa malitia, præmouet saltem ex consequenti ad malitiam: atqui actui odij Dei v. g. intrinsecè & inseparabiliter est annexa malitia: ergo si Deus præmoueat ad illum actum vt est physicus, præmouebit etiam ex consequenti ad malitiam, & sic erit auctor peccati, quod est blasphemum.

Respondeo distinguendo maiorem: qui præmouet ad actum physicum formaliter, sub ea ratione qua est ipsi annexa malitia, concedo, materialiter & sub alia ratione, sub qua non est ipsi annexa, nego: Deus autem, quamuis præmoueat ad actum cui est intrinsecè annexa malitia, non tamen præmouet ad illum sub illa ratione aut formaliter, sed sub alia; præmouet enim ad ipsum, in quantum est à voluntate creata vt efficiente, sub qua ratione est effectus habens realem & positiuam entitatem & bonitatem physicam, subindèque à Deo dependens non in quantum est ab eadem voluntate vt deficiente, sub qua consideratione non est effectus nec quid bonum vt à Deo dependere debeat, sed potius malum & defectus respectu cuius ipsa voluntas creata deficiens est veluti primum principium, à se enim habet creatura quod possit deficere in quantum est

ex nihilo, à solo autem Deo quod efficere possit & quod actu efficiat aut agat. In quo autem sita sit malitiâ, in positio scilicet an in priuatiuo, quod ad præsentem difficultatem non parum facit, videri poterit in Ethica.



## S E C T I O V.

### *De causa efficiente instrumentali.*

**C**ausam instrumentalem pertinere ad genus efficientium ex eo constat quod instrumentum dicitur id quo causa principalis utitur ad suum effectum producendum, seu, quod virtute causæ principalis eleuatur ad attingendum effectum nobiliorem se, solique principali agenti proportionatum.

Triplex autem est instrumentum: vnum naturale, illud scilicet quo mediante agens naturale producit suum effectum, quale est semen: aliud supernaturale, qualia sunt sacramenta, quæ à Deo assumuntur ad producendos instrumentaliter effectus supernaturales, gratiam scilicet & characterem: & tertium artificiale, quo artifex perficit suum opus, Circa hæc omnia sit.



## §. I.

*An omne instrumentum debeat recipere virtutem aliquam à principali agente.*

**N**egant Suares & plures alij asserentes instrumenta eleuari ad producendum effectum agentis principalis per solam coniunctionem aut subordinationem ad ipsum principale agens, aut per concursum simultaneum qui est actio instrumenti prout à causa principali simul procedit. Nihilominus.

Dico omnem causam instrumentalem debere recipere virtutem aliquam aut motionem virtuosam à principali agente quâ eleuetur ad attingendum ipsius effectum, & non sufficere subordinationem illam aut simultaneum concursum causæ principalis. Ita Thomista.

Probatur : instrumentum est id quod à causa superiori seu principali assumitur & eleuatur ad producendum effectum se nobiliorem : atqui ad hoc necesse est quod recipiat ab ipsa principali causa influxum aliquem & virtutem : ergo, &c. Probatur minor : causa de se impotens ad attingendum aliquem effectum debet necessariò recipere aliquid quò fiat potens vt ipsum attingat, si enim nihil intrinsicè recipiat, manebit intrinsicè impotens sicut antea, atque adedò nihil influet in effectum : atqui causa instrumentalis de se est impotens ad attingendum effectum illum nobiliorem se, aliàs si ex propriis esset potens, produceret ipsum vt causa principalis : ergo vt ipsum attingat debet recipere, &c.

Dices causam instrumentalem constitui & fieri potentem ad attingendum effectum principalis agentis & nobiliorem se, per solam subordinationem ad ipsum principale agens, & beneficio solius concur-



sus simultanei ipsius.

Sed contra : quia huiusmodi subordinatio aut concursus , vel aliquam virtutem aut virtuosum influxum ponunt intrinsecè in instrumento , vel non : si hoc secundum ergo sicut instrumentum de se est intrinsecè impotens , ita & cum huiusmodi subordinatione aut concursu : primum autem non admittunt aduersarij , & si admitterent , haberemus intentum , videlicet agens instrumentale eleuari per aliquam virtutem receptam à principali agente.

Et hæc nostra ratio maximè viget quoad instrumenta Dei ad effectus supernaturales , in quibus instrumentis nulla est virtus quæ possit proximè cum Deo concurrere ad huiusmodi effectus , atque adeò necesse est vt eam de nouo recipiant , Nec dicas cum Suare esse in omnibus rebus potentiam obedientialem & proximè actiuam ad cooperandum Deo in ordine ad effectus supernaturales & ad quodcumque ipsi libuerit. Hoc enim est omnino falsum : nam virtus proximè actiua est eiusdem ordinis cum suo effectu , cum ab eo specificetur : ergo si effectus est supernaturalis virtus quoque proximè effectiua illius debet esse supernaturalis : implicat autem rebus naturalibus innatam esse virtutem supernaturalem , cum supernaturale dicatur id quod excedit totam naturam estque illi indebitum : ergo.

Obiicies 1. Vel instrumentum cum virtute illa recepta est omnino proportionatum effectui , vel adhuc improporcionatum & inferius illo : si primum , iam erit causa principalis cuius proprium est attingere effectum per virtutem proportionatam & adæquantem perfectionem illius , siue illam habeat ab alio , siue ex propriis : si secundum ergo indigebit vltiori eleuatione & virtute vt fiat proportionatum.

Respondeo , quòd cum virtus causæ principalis communicet effectui totam perfectionem suam , instrumentalis verò sit tantum via seu fluxus quo mediante fit talis communicatio , inde est quod virtus

principalis debet esse proportionata, id est æqualis vel maioris perfectionis cum effectu; instrumentalis verò improporcionata seu imperfectior illo, sicut via & motus: unde in forma respondeo instrumentum essentialiter hoc habere quod sit improporcionatum, id est imperfectius effectu, quia constituitur in ratione instrumenti per virtutem vialem, fluentem, & incompletam, cum tamen effectus sit permanens completus: nec tamen sequitur quod indigeat ulteriori virtute, quia per hanc sufficienter constituitur potens & in actu primo intra limites causæ instrumentalis & improporcionatæ.

Dices: Calor ex sola subordinatione ad ignem tanquam ad agens principale, absque aliquo nouo influxu aut virtute aliqua superaddita, attingit instrumentaliter productionem alterius ignis: ergo possunt instrumenta ex sola subordinatione ad agens principale attingere effectum illius.

Respondeo negando consequentiam & paritatem: quia calor eo ipso quod est proprietas ignis habet rationem virtutis instrumentalis illius sufficienter ex natura sua eleuata ad productionem alterius ignis, & idem dic de aliis accidentibus: at verò instrumenta substantialia & propriè dicta non sunt ex se eleuata ad attingendum effectum agentis principalis, & ideo debent recipere ab ipso virtutem & motionem quæ eleuentur & possint attingere illum effectum. Huiusmodi autem virtus dicitur fluens & vialis, quia transit cum actione, quamuis interdum diu permaneat, vt patet de virtute impressa semini à generante, quæ in eo manet donec produxerit suum effectum.

Obiicies 2. Instrumenta diuinæ virtutis, cuiusmodi sunt sacramenta in ordine ad productionem gratiæ, non recipiunt virtutem aut motionem aliquam ad effectus supernaturales attingendos: ergo nec instrumenta naturalia aut artificialia, atque adeò nulla. Consequentia est euidens quia ista maiorem ex se habent proportionem cum suis effectibus, quippe quæ sunt eiusdem ordinis naturalis, quàm illa quæ

assumuntur ad effectus ordinis superioris : atque adeò minus indigent virtute superaddita. Antecedens verò probatur : quia vel illa virtus aut motio recepta in sacramentis esset corporea vel spiritalis : non corporea : quia non posset attingere effectus spirituales, qualis est gratia : nec etiam spiritalis quia accidens spirituale nequit recipi in subiecto corporeo, quale est sacramentum : ergo, &c.

Respondeo negando antecedens : ad probationem respondeo virtutem illam in sacramentis receptam esse spiritualement : quamvis autem accidens spirituale ex sua natura permanens non possit recipi in subiecto corporeo, benè tamen accidens spirituale ex natura sua transiens, viale, & incompletum, qualis est prædicta virtus quæ transit cum ipsa operatione ad quam datur.

Dices : accidens debet proportionari subiecto : ergo si subiectum sit corporeum, debet accidens etiam esse corporeum, subindèque accidens spirituale nequit recipi in subiecto corporeo. Confirmatur : Quod recipitur, ad modum recipientis recipitur : ergo si subiectum recipiens sit corporeum, etiam accidens receptum.

Respondeo formam aut accidens quod per modum permanentis recipitur, debere proportionari subiecto & ad modum eius recipi, quia est propria eius perfectio ; non sic autem de forma viali, & transeunte quæ per se primò ordinatur ad operationem aut effectum, quibus proindè debet potius proportionari quam subiecto.



§. 2.

*An omne instrumentum debeat  
habere actionem propriam  
& prauiam.*

**N**egant pariter Suares & recentiores alij. Contra quos.

Dico omne instrumentum debere habere ex propriis aliquam virtutem & actionem quodammodo prauiam & dispositiue se habentem ad actionem instrumentariam quam elicit virtute agentis principalis. Ita omnes Thomistæ, qui tamen illud statuunt discrimen inter instrumenta Diuinæ virtutis & instrumenta agentium creatorum, quod hæc debent agere aliquam actionem propriam accommodatam effectui à principali causa intento: non enim liberum est scribæ uti calamo vel malleo ad scribendum, sed necessario uti debet calamo, quia habet actionem propriam proportionatam illi effectui, puta virtutem delineandi & exarandi characteres: instrumenta autem Dei non debent necessario habere actionem prauiam accommodatam effectui ad quem assumuntur, sed sufficit quod habeant qualemcumque: & ratio disparitatis est, quia agens creatum est finitæ & limitatæ virtutis, ideo indiget instrumentis accommodatis effectui, minime vero Deus ob rationem oppositam: quamuis ex suppositione quod velit uti aliquo tanquam instrumento ad producendum suum effectum, debeat illud ex propriis habere aliquam actionem, alias esset tantum medium deferens actionem, diuinam & non cooperans ipsi, quod est de ratione instrumenti. Unde.

Probatur conclusio: Instrumentum est id quod à superiori seu principali agente eleuatur ad attingen-

dum effectum nobiliorem se : solique principali agentis proportionatum : atqui ad huiusmodi elevationem prærequiritur necessariò quòd habeat virtutem aliquam & actionem propriam : ergo. Probatur minor : Præsupponitur habere virtutem & actionem propriam, si præsupponatur esse in genere agentium absolutè : atqui : ergo. Maior est euidens : agens enim per actionem aut virtutem agendi constituitur. Minor verò probatur : Præsupponitur in ratione agentis absolutè, si per elevationem illam aut virtutem eleuantem non constituatur in ratione agentis absolutè, sed talis : atqui sic est : per virtutem enim illam constituitur tantum agens quod potest attingere effectum altiore quem propria vi non potest attingere. Deinde, si non præsupponeretur esse agens absolutè, & habere aliquam virtutem & actionem propriam antecedenter ad virtutem eleuantem, huiusmodi virtus eleuans communicaretur ipsi non vt principio efficienti, sed vt subiecto tantum & medio putè deferenti, nihilque agenti principali cooperaretur ; sed ipsum solum principale agens attingeret effectum suum transmittendo per instrumentum suam virtutem & actionem tanquam per aliquid merè passivè se habens & per modum causæ duntaxat materialis concurrens.

Ne igitur instrumentum se habeat tantum vt medium deferens vim & actionem causæ principalis ad effectum eo modo quo aër defert influentias cœli ad hæc inferiora, & species sensibiles ad sensus externos ; debet habere ex propriis aliquam actionem præuiam & dispositiuam ad actionem instrumentariam virtute principalis agentis eliciendam, vt ita causæ principali cooperetur. Vnde instrumentum habere actionem propriam dispositivè se habentem ad &c. idem est ac habere actionem qua reddatur aptum vt eleuari possit ab agente principali.

Obiicies primò : Si instrumentum haberet aliquam actionem præuiam ad actionem principalis agentis, aut esset realiter eadem cum illa, aut reali-

ter distincta : neutrum : ergo. Probatur minor : & primo quod actio illa prævia non sit eadem cum actione instrumentaria quam elicit instrumentum virtute agentis principalis , videtur manifestum, vna enim & eadem actio non potest esse prævia ad seipsam : secundo quod non sit diuersa, probatur : quia omnis actio instrumenti procedit à motione principalis agentis, ergo nullam elicit actionem diuersam ab ea quam producit virtute illius, quæ est actio instrumentaria.

Respondeo actionem præuiam interdum identificari realiter & entitatiuè cum actione instrumentaria, solùmque virtualiter, aut ad summum modaliter ab ea distingui, vt patet in scissione quæ vt sic considerata est propria actio securis, quam vi suæ figuræ præcutæ elicere potest, suprâ quam scissio vt artificiosa, quæ est actio instrumentaria virtute principalis agentis elicitâ, addit duntaxat formalitatem seu modum artificiosæ : interdum verò realiter distingui, vt patet in ablutione externa, quæ est actio propria baptismi, distinguitur sine dubio ab ablutione interna, seu productione gratiæ in anima quæ est actio instrumentaria. Ad impugnationem primæ partis respondeo, vnâ & eandem actionem secundum vnâ rationem spectatam posse esse præuiam ad seipsam secundum aliam rationem consideratam, & sic scissio vt talis est prævia quodammodo ad seipsam vt artificiosam. Ad impugnationem secundæ, distinguo antecedens : Omnis actio instrumenti procedit à motione principalis agentis, vt ab applicante, esto : vt conferente virtutem ad illam eliciendam, nego : actio enim prævia instrumenti dependet à motione principalis agentis vt ab applicante virtutem eius actiuam, instrumentaria autem etiam vt à conferente virtutem eliciendi illam : vnde negatur consequentia.

Obiicies 2. Instrumenta Diuinæ virtutis aut sacramenta non habent de necessitate actionem propriam & præuiam : ergo id non est de ratione in-



strumenti vt sic. Probatur antecedens : Non habent necessariò actionem præuiam , si Deus non indigeat illà ad attingendum suum effectum : atqui Deus non indiget actione propria instrumentorum, imò potius ex sua mera libertate eleuat illa ad consortium suæ propriæ actionis præstando eis virtutem ad illam, & ideo indifferenter vti potest qualibet re.

Respondeo negando antecedens : ad probationem nego maiorem , necessitas enim actionis præuiæ in instrumento non petitur ex indigentia agentis principalis per se & absolutè loquendo, sed ex propria & essentiali ratione instrumenti, quæ sine huiusmodi præuia actione saluari nequit, etenim sine ea esset tantum medium delatiuum & causa merè materialiter concurrens.

Instabis : Actio præuia desideratur vt per eam instrumentum producat aliquid præuium & dispositiuum ad effectum principalis agentis in subiecto in quo per actionem instrumentariam effectum huiusmodi producit, atque adeò necesse est quod instrumentum sua actione propria attingat & contingat illud subiectum : atqui sacramenta non possunt per suam actionem propriam producere aliquid præuium in subiecto effectus principalis agentis, nempe Dei, cum actio illorum propria nequeat esse nisi corporea, quæ proinde non potest contingere subiectum spirituale, qualis est anima in quâ recipitur gratia quam virtute principalis agentis producant : ergo nullam habent actionem præuiam dispositiuè se habentem ad actionem instrumentariam.

Respondeo negando maiorem absolutè, de ratione enim instrumenti vt sic est tantum quòd habet actionem propriam ad actionem principalis agentis dispositiuè se habentem, id est qua reddatur idoneum & aptum ad cooperandum causæ principali eiusque effectum per virtutem ab ea acceptam attingendum, quod habent instrumenta etiam Diuinæ virtutis : quamuis instrumenta agentium, creatorum aliquid etiam præuium & dispositiuum sensu in


maiori illa explicato producant : præuium, inquam, saltem virtualiter & secundum vnâ rationem, conformiter ad superius dicta in responsione ad primam obiectionem. Ratio autem cur huiusmodi instrumenta agentium naturalium debeant aliquid per propriam actionem in subiecto producere, in quo recipitur effectus principalis agentis, subindèque subiectum illud contingere contactu corporeo & quantitatiuo, secus verò instrumenta Diuinæ virtutis, est quia virtus agentis principalis creati non est secundum se immediatè præsens passio, & ideò debet illi coniungi mediante contactu corporeo instrumenti: at verò Diuina virtus est omnibus intimè præsens, vnde non est necesse quod eius instrumenta sint præsentia subiectis in quibus producit effectus suos, quodque illa contingant corporaliter & quantitatiuè, sed sufficit quod eliciendo propriam actionem circa subiectum quodcumque, puta corpus, attingant vnâ cum Deo principaliter agente productiorem effectus in alio subiecto, puta in anima, aut quouis alio etiam distante cui virtus diuina est semper præsens.

Ex dictis ergo habes quodlibet instrumentum verum & physicum debere habere aliquam actionem propriam, siue transeuntem siue immanentem. Et si quæras quanam assignari possit actio præuia in humanitate Christi Domini, quæ est instrumentum coniunctum Diuinitatis ad producendam gratiam & efficienda miracula: Respondeo esse actus tam internos intellectus & voluntatis ipsius humanitatis Christi, quam internos sensuum, sicut quando in terris adhuc degens suo tactu sanabat & aspectu conuertebat homines. In aqua autem quæ ad baptizandum & regenerationis gratiam in anima producendam assumitur, actio præuia est ipsa ablutio: in confirmatione chrismatio: & sic proportionaliter in aliis Sacramentis. Item in reliquiis quæ interdum instrumentaliter physicè produciunt effectus miraculosos, actio præuia est ipse physicus contactus, aut alia quæuis



actio (puta frigefactio) quam per suas qualitates eliciunt dum illud contingunt subiectum cuius contactu prædictos effectus producant. Quod si solo earum intuitu absque villo contactu aut actione ab eis elicitæ Deus efficiat miraculum, tunc non censentur ad illud concurrere nisi vt instrumentum morale.

Habes 2. Instrumentum habere rationem causæ principalis respectu suæ actionis propriæ, cum eam propria sua virtute eliciat quamvis dependenter à motione principalis agentis vt applicante.



## SECTIO VI.

### *De fortuna, casu & fato.*

**V**Bi de causis efficientibus per se egimus, aliquid subiungendum est de efficientibus per accidens, scilicet de fortuna & casu, & ex consequenti de fato quod eis opponitur.

Fortuna autem & casus, philosophice loquendo, definiri possunt causæ fortuitæ aliquorum effectuum; & in hoc solum differunt quod fortuna est causa fortuita agens ex consilio & electione, casus verò ex naturali inclinatione, vtrique verò est causa per accidens. Vnde alio modo, sed tamen coincidenti possumus definire fortunam & casum, nempe quod fortuna sit causa per accidens operans ex electione cuius effectui per se intento coniungitur alius præter intentionem, qua ratione fodiens terram dici potest (philosophicè loquendo) fortuna seu causa fortuita & per accidens inuentionis thesauri: casus verò sit causa per accidens ex naturali inclinatione operans cuius effectui per se intento coniungitur alter per accidens, qua ratione lapis aut tegula è tecto decidens & occidens hominem dici potest casus seu casualis



& fortuita causa occisionis illius. Dixi, philosophicè loquendo, quia vulgò fortuna & casus non sumuntur pro ipsis causis, sed potius pro effectibus fortuitis & casualibus. Ex quibus infero, &

Dico, admittendam esse fortunam & casum. Patet: quia dantur multi effectus fortuiti & casuales, sicut sunt inuentio thesauri, occisio præter intentionem fodientis aut lapidis decidentis, & similes: ergo dantur causæ huiusmodi effectuum per accidens quæ nomine fortunæ & casus, seu agentis fortuiti aut casualis intelliguntur. Quando autem sancti Patres aiunt Christianos non debere uti nomine fortunæ, intelligunt eo sensu quo superstitione accipiebatur ab Ethnicis pro quodam numine absque consilio & providentia operante.


Dico 2. rationem causæ fortuitæ non competere Deo, seu quod idem est nullos effectus esse fortuitos aut casuales respectu illius. Patet: quia quantumvis accidant præter aut contra intentionem causarum secundarum, atque adeò sint fortuiti respectu illarum, sunt tamen per se intenti, præordinati, aut præiussi à Deo, atque adeo non sunt fortuiti respectu illius.

Dico 3. rationem fortunæ seu causæ fortuitæ, habere locum in Angelis, & etiam in cœlis: quia multi effectus contingunt qui sunt fortuiti & casuales respectu illorum, nam bono Angelo, v. g. pias cogitationes suggerenti fortuitus est paruus illarum usus si contingat ex parte nostri, sicut & dæmoni bonus usus tentationum: Similiter non raro accidit quod cæli suis influentiis mediantibus intendant aliquem effectum; & nihilominus adsit aliqua dispositio contraria ex cuius coniunctione cum influxu cœli ponatur alius effectus non intentus ab illo, subindèque fortuitus respectu eius.

Quantum verò ad fatum, duo fuere oppositi errores: aliqui enim existimarunt fatum esse quamdam causam necessariam, seu potius necessariam dispositionem causarum, ex qua omnia necessario & inveni-

tabiliter euenirent : alij verò , cùm cernerent per dispositionem illam destrui libertatem , fatum omninò & Diuinam prouidentiam negauerunt , de quorum numero fuit Cicero , qui vt homines faceret liberos , inquit D. Augustinus , fecit sacrilegos negando prouidentiam.

Catholici vero relictis illis erroribus piè docent fatum nihil aliud esse quàm præordinationem causarum secundarum ad certòs & determinatos effectus ab æterna Dei prouidentia factam. Et hoc sensu sumendo fatum pro illa præordinatione & dispositione Diuinæ prouidentia , admittendum est omnia subdi fato , sicut subduntur prouidentia , nec propterea tollitur libertas , quia Diuina prouidentia non solum præordinat causas secundas liberas ad suas actiones & effectus quoad substantiam , sed etiam quodam modum , sicut supra dicebamus de prædeterminatione physica quæ est æternæ Dei prouidentia executio. Quando autem Sancti Patres , aut Catholici Doctores fati nomen reiciunt , sumunt illud iuxta sensum primi erroris.




## DISPVATIO IX.

### *De causa finali.*

**Q**UAMVIS ordo intentionis sit simpliciter prior ordine executionis , subindeque causa finalis , quæ cæteras ordine intentionis antecedit , sit absolutè omnium prima : quia tamen eius notitia non parua

pendet ab explicatione aliarum, ideo sicut ordine executionis est postrema, ita ordine Doctrinæ ultimum locum sibi vendicat.



## SECTIO I.

### *Quid & quotuplex sit finis.*

**D**ico 1. Finis rectè definitur id cuius gratiâ aliquid fit, seu, cuius gratiâ agens operatur: cum enim de ratione finis duo sint, primum quod appetatur propter se, secundum quod alia propter ipsum appetantur & fiant, utrumque in præfata definitione satis aperte declaratur: sensus enim illius est finem esse eam rem, cuius assequendæ gratia seu appetitu, alia executioni mandantur. Vnde cum naturalis compositi attingendi gratia agens operetur, vniatque materiam cum forma: & ægrotus v. g. propter sanitatem recuperandam multa assumat media & remedia; compositum naturale, sanitas, & id genus alia habent rationem finis.

Dico 2. finem esse veram causam realem & physicam.

Probatur: illa est vera & realis causa à qua verè & realiter dependet effectus: atqui effectus, nisi temerè producat, verè & realiter dependet à fine; ergo, &c.

Probatur minor: effectus verè & per se dependet ab eo cuius gratia à parte rei producitur: atqui, nisi agens casu & temerè operetur, effectus fit gratia finis: ergo, &c.

Obiicies: de ratione causæ realis est quod sit principium influens esse in aliud: sed finis non est principium, finis enim & principium opponuntur: ergo, &c.



Respondeo minorem eiusque probationem ibi subiunctam esse veram de fine in executione, qui ut talis non est principium sed terminus causalitatis omnium causarum; falsam verò de fine in intentione, finis enim intentus est qui allicit agens, & illo mediante materiam & formam ad proprias causalitates exercendas, atque adeò ab illo primò & simpliciter incipit motus & ipsiusmet finis in executione productio vel acquisitio, subindèque finis intentus habet rationem principii influentis.

Dices: quod non est à parte rei non potest realiter influere in effectum: sed finis non est semper à parte rei, quando mouet & allicit agens ad operandum, ut constat in infirmo sumente portionem propter sanitatem quam non habet nec fortè vnquam consequetur: ergo finis non influit realiter propriè, vnde etiam dicitur metaphoricè duntaxat mouere.

Respondeo distinguendo maiorem: quod non est à parte rei & in se non potest realiter influere per veram actionem à se elicitam, concedo: Quod non est in se, existit tamen in apprehensione qua apprehenditur ut aliquid bonum, nequit influere mouendo & alliciendo ad sui desiderium & intentionem, nego, & hoc posterius competit fini cuius motio dicitur metaphorica, non quòd non sit verus realis & proprius influxus, sed solum ad differentiam motionis causæ efficientis quæ sola propriè dicitur motio seu actio.

Instabis inter causam realem & effectum datùr relatio realis: sed non potest esse relatio realis inter finem & eius effectum, quia non existit quando causat: ergo non est causa realis.

Respondeo: inter causam influentem per modum obiecti alliciendo & excitando, nego: inter causam influentem per veram actionem aut influxum procedentem ab ea ut existente in seipsa & in executione, concedo. Vel secundò: inter causam influentem ut motam, concedo: immotam & inuariatam, nego: talis autem est causa finalis. Vel tertio concessa ma-

iore, nego minorem, finis enim dum mouet & allicit affectum, verè & realiter existit existentia ad suam causalitatem exercendam requisita, nimirum intentionali; in quo differt à causa efficienti quæ debet existere in re vt causet, finis verò solum in apprehensione.

Dico 3. finem rectè diuidi in finem *qui* & finem *cui*: secundò in finem formalem & obiectiuum, tertio in finem proximum, intermedium siue remotum, & vltimum.


Finis *qui* dicitur res illa quæ intenditur: finis verò *cui* est subiectum aut persona cui res illa optatur. Vnde constat huiusmodi diuisionem finis cuius gratia, in finem *qui* & finem *cui*, non esse partitionem illius veluti in duos fines, sed in duas rationes vnum totalem finem integrantes, id enim cuius gratia operamur non est sola res quæ appetitur, sed eadem prout cedit in bonum proprium eius cui appetitur, subindèque est aggregatum ex fine *qui* & fine *cui*.

Finis formalis est operatio qua rem intentam perficimus: finis verò obiectiuus est res illa possessa: e. g. visio beata est finis formalis, quia per eam beati Deum assequuntur: ipse verò Deus clarè visus est finis obiectiuus qui per visionem beatam possidetur: & hi etiam non sunt propriè duo fines, sed vnus integer: neque enim alter sine altero appetitur.

Finis proximus est ille qui immediatè intenditur: intermedius verò aut remotus ille est ad quem proximus ordinatur: vltimus denique, ad quem omnia alia referuntur, ipse verò ad nihil aliud: V. G. deambulatio est finis proximus exeuntis domo causa deambulandi: remotus verò potest esse sanitas, ad quam utilis est deambulatio: vltimus denique erit Deus, si ad ipsum & deambulatio & sanitas referatur. Dicitur vltimus, qui non refertur ad alium vltiorem, nisi fortè ex nequitia peccatoris qui non raro Deum ipsum refert, saltem interpretatiuè ad creaturam, in quo sita est malitia lethalis peccati.



quo peccator à bono incommutabili, qui est Deus ad bonum commutabile tanquam ad ultimum finem se conuertit.



## SECTIO II.

*Per quid finis causet seu finalizet in actu primo.*

**Q**Uælibet causa debet habere aliquid quo constitutur in actu primo potens ad causandum in suo genere: sic determinauimus supra causam materiale constitui in actu primo per seipsam, seu per suam propriam potentialitatem, formalem per suam actualitatem: efficientem, per suam formam & virtutes actiuas. Cum igitur sectione præcedenti ostensum sit finem esse veram causam realem superest hic resoluendum quid nam sit illud per quod constituitur in actu primo ad finalizandum seu mouendum, inuitandum, alliciendumque appetitum in quo sita est eius causalitas.

Aduerte autem appetitum sumi hic prout abstrahit ab innato, qui habet locum in rebus cognitionis expertibus; & elicitum, qui in cognoscentibus, item à sensitiuo, qui est etiam in brutis; & à rationali seu intellectu, qui est in naturis intellectualibus: quamuis præcipue pro hoc ultimo accipiatur, qui dicitur voluntas, respectu cuius per se primò finalizat aut suam causalitatem exercet finis: vt ex dicendis constabit.

Vt autem status questionis fiat clarior, suppono omnes auctores in hoc conuenire, nimirum rationem illam per quam finis est in actu primo capax finalizandi esse propriam ipsius appetibilitatem, seu, vt



ita dicam, desiderabilitatem qua potest allicere appetitum aut voluntatem ad desiderium sui, aliorumque ad sui assecutionem conducentium : solumque esse dissensionem inter Scotum & Thomistas in hoc quod ille vult appetibilitatem illam, atque adeo & rationem finalizandi esse quid commune bono & malo, ita ut non modo bonum siue verum siue apparens, sed etiam malum sub ratione mali sit ab appetitu desiderabile, possitque habere rationem finis: Thomistæ verò & omnes fere alii asserunt appetibilitatem, quæ est ratio constitutiua finis, conuenire soli bonitati & cum ea coincidere, subindèque nihil posse finalizare nisi bonum verum aut apparens, quibus assentiendo.

Dico. 1. ratio constitutiua finis in ratione finis aut in actu primo ad finalizandum est sola bonitas.

Probatur: ratio constitutiua finis est ea per quam potest inuitare appetitum ad sui amorem & prosecutionem: sed nullâ prorsus alia ratione potest aliquid inuitare appetitum quam bonitate: ergo sola bonitas, &c. Probatur minor: in tantum aliquid potest appetitum aut voluntatem ad sui amorem allicere inquantum est amabile, aut certè repræsentatur ut tale: sed nihil est aut repræsentatur ut amabile nisi vel ratione alicuius bonitatis quæ de facto est vel existimatur esse in illo: ergo nihil potest allicere appetitum nisi ratione bonitatis. Probatur minor: nihil est amabile nisi ratione conuenientiæ quam habet aut existimatur habere cum natura appetentis & amantis, neque enim ea quæ apprehendimus noticia amore prosequimur sed odio: atqui bonitas nihil aliud est quàm huiusmodi conuenientia rei cum appetitu bonum enim dicitur illud quod est alicui conueniens: ergo nihil est amabile nisi ratione bonitatis. Ex quibus.

Infero primo malum sub ratione mali non posse appeti aut habere rationem finis. Hoc corollarium, quod est contra Scotum, est euident ex conclusione, cum enim sola bonitas sit ratio constitutiua finis, &

repugnet malo quia malum est, consequenter repugnat illi qua tali ratio finis. Confirmatur : nam sicut bonum idem est ac conueniens appetitui ita malum idem est ac disconueniens & noxium : sed implicat nocium & disconueniens formaliter vt tale appeti : ergo & malum : vnde ortum habet illud, nemo intendens malum operatur, quod tamen falsum esset si malum vt tale posset habere rationem finis, cum enim vnusquisque operetur intendendo finem, si malum sub ratione mali possit habere rationem finis, possemus operari intendendo malum.

Infero secundò, malum sub ratione seu sub specie boni posse appeti & habere rationem finis. Pater: potentia enim appetitiua, cum sit cœca, sequitur ductum potentie cognoscitiue, eoque modo fertur in obiecta quo sibi ab illa proponuntur : atqui potentia cognoscitiua aut intellectiua non rarò repræsentat & proponit voluntati malum, putà peccatum sub specie boni : ergo voluntas fertur in illud malum sub specie & ratione boni, & hoc est ferri in bonum apparens quod ideo dicitur tale quia apparet bonum & verè non est.

Et hoc corollarium dumtaxat conuincunt argumenta Scoti ; quibus probare nititur malum posse habere rationem finis. Si enim damnatus appetat non esse, subindèque malum, non appetit illud nisi, sub ratione liberatiui à pœna, proindèque sub ratione alicuius boni saltem negatiui : & idem dic de eo qui sibi optat vel infert mortem, ille enim vel intendit liberationem à miseriis, vel aliquid aliud quod ipsi apparet maius bonum quàm vita : similiter quando quis desiderat alteri mortem, non desiderat illam primario vt malum illius, sed magis vt cedit in bonum saltem apparens seu existimatum ipsius appetentis.

Dices : Voluntas odit malum, & non bonum : ergo saltem in actibus odij & fuge voluntas mouetur primario à malo sub ratione mali.

Respondeo distinguendo antecedens. Odit malum, primariò ratione sui, nego : rationi boni cui opponi-



tur, concedo : & nego consequentiam : mouetur enim voluntas per se primò à bono, & ratione illius odit malum & fugit oppositum.

Dices : eadem potentia habet versari circa contraria : ergo sicut intellectus fertur in verum & falsum, ita voluntas in bonum & malum.

Respondeo quòd quando ex duobus contrariis alterum tantum est obiectum primum & adæquatum potentiae, debet ferri in illud primò & ratione sui, in aliud verò secundariò & ratione alterius in quantum ipsi opponitur ; non autem eodem modo & ex æquo in utrumque : sic autem est in proposito, nam intellectus respicit verum vt obiectum primum & adæquatum, & voluntas bonum, vnde intellectus fertur primò & per actum assensus in verum, & per actum dissensus in falsum : similiter voluntas per actum amoris & prosecutionis, qui est primarius, tendit in bonum ; per actum verò odij, qui est secundarius, fugit malum oppositum bono.

Dico secundò : Ratio finalizandi, seu constitutiva finis in actu primo ad finalizandum, est bonitas secundum esse reale, non verò secundum esse intentionale seu apprehensum. Supponit conclusio necessarium omninò esse quòd finis & bonitas eius apprehendatur ad hoc vt finalizet & ad sui amorem appetitum vel voluntatem alliciat, cum nihil volitum quin cognitum ; & solum asserit id quod mouet & allicit appetitum esse ipsam bonitatem realem quæ apprehenditur futura aut possibilis acquiri in esse reali, ipsum verò esse apprehensum talis bonitatis vt ita loquar, non esse nisi conditionem sine qua non finalizaret.

Probatur conclusio : Ratio formalis finalizandi est illa quæ mouet ad sui desiderium & prosecutionem : sed bonitas realis secundum esse reale spectata mouet & allicit voluntatem aut appetitum ad sui desiderium & prosecutionem, non autem secundum esse apprehensum illius : ergo bonitas secundum suum esse reale est ratio formalis finalizandi, non verò se-



cundum esse apprehensum. Probatur minor : Illud solum mouet & allicit voluntatem ad sui desiderium & prosecutionem, cuius possessionem exoptat voluntas & diuersis mediis inquit : atqui voluntas non exoptat nec inquit bonitatem finis in esse apprehenso, sed in esse reali extra intellectum : ergo. Minor est euidens : neque enim ægrotus exoptat sanitatem secundum esse apprehensum & intentionale, nec propter illam sic spectatam sumit potiones amaras : sic enim iam possidet illam ; sed propter sanitatem in re consequendam . ergo

Respondebis hoc argumentum solum probare rationem formalem quæ finalizat & appetitur à voluntate esse bonitatem secundum esse reale spectatam, minimè verò conuincere apprehensionem huiusmodi bonitatis non esse saltem rationem sub qua mouet voluntatem.

Sed contra: quia ratio formalis sub qua finis allicit voluntatem est ipsissima bonitas quæ repræsentatur, & non apprehensio illam repræsentans : ergo nulla responsio. Probatur antecedens : Ratio sub qua finis allicit voluntatem est appetibilitas quam intellectus apprehendit in ipso fine : ergo cum appetibilitas & bonitas sint idem, ratio *sub qua* erit bonitas illa quam intellectus apprehendit in fine, non autem ipsa apprehensio intellectus proponentis huiusmodi bonitatem ipsi voluntati, quæ subinde se habet solum vt conditio sine qua bonitas non finalizaret : sicut approximatō agentis ad passum purā ignis ad stupam, & existentia causæ efficientis non sunt rationes agendi, sed tantum conditiones sine quibus non.

Non dicas conditiones *sine quibus non*, posse à Deo suppleri, nec posse tamen suppleri cognitionem finis, quia de potentia Dei absoluta fieri nequit vt finis non cognitus moueat & alliciat voluntatem. Nam falsum est omnes conditiones *sine quibus non*, posse à Deo suppleri, vt patet de existentia agentis, quæ licet sit tantum conditio sine qua non potest

agere, non verò ratio formalis agendi, quæ est ipsa forma agentis, aut virtus actiua ipsius, adeò tamen tamen indispensabiliter est requisita, vt à Deo suppleri nequeat, efficiendo scilicet quod id quod nullo modo ( id est nec formaliter nec virtualiter ) existit, agat nihilominus aut operetur aliquid; & ratio est quia est conditio intrinseca & essentialis, non verò extrinseca & connaturalis tantum, sicut approximatior ad passum, quæ ideò diuinitus suppleri potest. Quia ergo cognitio aut apprehensio se habet ad causam finalem sicut existentia ad efficientem; per illam enim existit finis in intellectu & intentionaliter (qui est proprius modus existendi requisitus ad finalizandum) sicut per hanc existit agens realiter & extra intellectum, quod ad agendum est prorsus necessarium; ideò sicut non potest illa, ita neque hæc diuinitus suppleri, quamuis sit tantum conditio, non verò ratio finalizandi.

Obiicies: Illa est ratio formalis finalizandi, à qua oritur diuersitas specifica actuum qui sunt circa finem: sed oritur ab apprehensione præcisè: ergo. Maior est euidens. Probatur minor quia si finis aliquis sit in se honestus, apprehendatur tamen vt turpis, actus qui erit circa illum erit turpis & malus: contra si finis inhonestus & turpis existimetur inculpabiliter honestus, actus circa illum erit honestus & bonus: ergo sola apprehensio inducit diuersitatem specificam actuum qui sunt circa finem.

Respondet huiusmodi diuersitatem oriri & peti tanquam à ratione formali ab ipsa honestate aut turpitudine finis, ab apprehensione verò solum vt à conditione applicante fini huiusmodi formales rationes diuersas & proponente eas voluntati. Vnde in forma distinguo maiorem: à qua oritur tanquam à principio formali, concedo: tanquam applicante, nego: & similiter distinguo minorem Oritur ab apprehensione diuersa tanquam à conditione applicante, concedo: tanquam à ratione formali, nego. Ex quibus patet ad probationem: quando enim finis inhonestus



stus & turpis apprehenditur vt honestus, actus voluntatis circa illum est honestus, & è conuerso, non formaliter ratione apprehensionis, sed solum præsuppositione & applicatiue, quia nimirum per apprehensionem applicatur & proponitur voluntati ratio diuersa finis, honesti scilicet & inhonesti, à qua oritur formaliter diuersitas specifica actuum. Nec obstat, quòd in re idem finis possit apprehendi vt honestus & inhonestus, quia licet sit idem in re & materialiter, tamen apprehenditur sub diuersa ratione formali quæ ei per apprehensionem applicatur.

Instabis : eadem bonitas apprehensa absolutè in ratione bonitatis, causat aut specificat actum amoris ; vt absens & acquisitu possibilis, actum desiderij ; vt præsens, delectationem : ergo sola diuersitas apprehensionis causat diuersitatem actuum.


Respondeo concessio antecedente, negando consequentiam : ratio enim formalis diuersificans huiusmodi actus est bonitas vel secundum se, vel vt absens, vel vt præsens. & quamuis sit eadem bonitas materialiter, est tamen diuersa formaliter in ratione specificatiuæ huiusmodi actuum : vnde diuersitas apprehensionum se habet tantum vt conditio applicans & proponens diuersas rationes formales : atque adeo tunc solum diuersæ apprehensiones inducent diuersitatem actuum, quando per illas proponuntur diuersæ rationes formales, non verò si eadem. Ex quo fit quod charitas viæ & Patriæ est eadem specie, quamuis Deus summè diligibilis repræsentetur hic obscure, illic verò clarè : est eadem, in quam, quia licet apprehensio seu cognitio Dei vt summè diligibilis sit in hoc mundo obscura, & in cælo clara, idem tamen est obiectum eademque ratio formalis quæ per vtramque repræsentatur.

Obiicies 2. Sapè sap. us impossibilia & mera figmenta mouent & alliciunt voluntatem ad sui desiderium, possumus enim desiderare montes aureos, & similia : atqui illa non mouent per aliquam bonitatem realem, seu secundum esse reale spectatam ergo



per solam sui apprehensionem, seu per bonitatem spectatam secundum esse intentionale & apprehensum.

Respondeo distinguendo maiorem: impossibilia & mera figmenta, vt talia, nego: prout substant apprehensioni representanti illa vt possibilia secundum esse reale, concedo: Atqui non mouent per bonitatem talem secundum esse reale spectatam, quæ verè sit in eis, concedo: quæ existimetur inesse illis, nego: vnde illud quo mouetur & cuius desiderio tenetur voluntas, semper est bonitas secundum esse reale spectata, quæ interdum de facto est aut esse potest in re, & tunc dicitur appetere verum bonum; interdum falso ipsi per apprehensionem applicatur, & tunc desideramus bonum apparens.



### SECTIO III.

#### *Quanam sit causalitas finis.*

**V**Idimus in præcedentibus bonitatem secundum esse reale spectatam esse rationem seu principium quo finis constituitur in actu primo ad finalizandum: de causalitate qua in actu secundo finalizat & in suo genere influit in effectum, est modo difficultas. Et quidem supponunt omnes causalitatem finis consistere in quadam impropria & metaphorica motione qua ad se trahit & allicit appetitum aut voluntatem, quæ motio dicitur metaphorica, non quod realis non sit, cum sit causalitas causæ realis, sed per comparationem ad causalitatem agentis quæ sola propriè dicitur motio, mouere enim propriè loquendo est agere. Quo posito tota controuersia est in quo consistat hæc metaphorica motio qua finis mouet causam efficientem, scilicet voluntatem (nam agere

propter finem propriè & in rigore loquendo, solum conuenit voluntati, seu agenti voluntario & intellectuali: cætera enim non tam agunt propter ipsum quam agantur & moueantur in eum, vt infra patebit.

Prima sententia asserit motionem metaphoricam, quæ est causalitas finis, præcisè consistere in aliquo antecedente actum voluntatis, scilicet in hoc quod finis appetendus exhibeat se voluntati & inuitet illam ad sui amorem, absque vlllo alio ipsi voluntati superaddito. Ita Conimbricenses.

Secundâ vult motionem hanc consistere in quadam entitate intentionali fluenti impressâ voluntati ab ipso fine, ratione cuius trahit illam ad se, & facit vt gratia sui operetur, vnde talis motio seu entitas fluens antecedit actum voluntatis. Tertia Sententia, quæ est nostra, patebit ex dicendis.

Dico 1. motionem metaphoricam, per quam finis causat, non consistere in solâ ostensione bonitatis & inuitatione obiectiua.

Probaturn: Causalitas est id quo causa actualiter causat in suo genere, & in actu secundo influit in effectum: atqui illa ostensio bonitatis & obiectiua inuitatio, prout se tenet ex parte finis præcisè non est id quo finis in actu secundo influit in effectum.

Probaturn minor: posita causalitate, & influxu in effectum necessariò ponitur ille effectus, cum causalitas sit actualis dependentia effectus à causa: sed posita ostensione bonitatis finis, seu inuitatione illa obiectiua præcisè, non ponitur aliquis effectus causæ finalis: ergo. Probaturn minor: Primus & immediatus effectus finis est actualis amor sui ad quem alligit & inuitat voluntatem: sed fieri potest, & sapissimè contingit vt posita inuitatione illa obiectiua non sequatur in voluntate amor finis iuxta illud, *Vi' eò meliora probaque deteriora sequor.*

Dico 2. Motionem metaphoricam, qua finis mouet voluntatem, non esse quid intentionale immisum & impressum ipsi voluntati à fine per ostensio-

em seu exhibitionem propriæ bonitatis.

Probatur : finis in quantum finis, non causat efficienter, aliàs in quantum finis, esset causâ efficiens quod est implicatorium : sed si immitteret & imprimeret aliquid reale, etsi intentionale, in voluntate, quo eam moueret & ad sui amorem alliceret, causaret efficienter, siquidem antecederet ad actum voluntatis nulla esset causâ à qua illud efficienter produci posset præter finem : ergo.

Dico 3. Motionem metaphoricam, quâ finis mouet voluntatem, nihil esse aliud quàm ipsammet actionem voluntatis prout est à fine. Itaque eadem actio & est à fine, & est à voluntate, & prout est à fine seu gratiâ finis, est causalitas ipsius ; quatenus verò procedit effectiuè à voluntate, est causalitas voluntatis tanquam efficientis.

Probatur : Finis non est semper in actu secundo finalizans : ergo debet talis constitui per aliquid distinctum ; sed non per aliquid antecedens actum voluntatis, vt probatum est conclusione prima & secunda ; nec per aliquid subsequens illum : quia actus voluntatis actualiter dependet à causalitate finis, cum sit propter finem ; nec per aliquid simultaneum distinctum ab ipso, quid enim illud esset ? ergo per ipsummet actum voluntatis prout formaliter elicitur gratiâ finis.

Probatur 2. Causalitas finis est motio : ergo id quo mouet & attrahit in actu secundo voluntatem, est eius causalitas : sed eam mouet in actu secundo per ipsammet actionem voluntatis ergo. Probatur minor ex differentia quæ est inter modum operandi intellectus & voluntatis, quæ in hoc consistit, quòd intellectus intelligendo attrahit ad se res intellectas, voluntas verò mouetur & trahitur in res volitas, unde intellectus mouet res ipsas ad se, è contra voluntas mouetur ab ipsis rebus, & fertur extra seipsam. Quo posito sic formatur ratio : per eandem entitatem aut realitatem, nempe intellectionem, mouet intellectus res ad se, & res mouentur seu attra-



hantur ab intellectu: ergo à pari per eandem entitatem res volitæ mouent ad se voluntatem, voluntas mouetur & fertur in ipsas: sed voluntas fertur ac mouetur in finem per suam volitionem: ergo per eandem finis mouet & allicit ad se voluntatem.

Pro resolutione obiectionum aduerte eandem realiter volitionem, secundum diuersas tamen & distinctas virtualiter formalitates, esse causalitatem finis, effectum eius, & causalitatem efficientis nempe voluntatis: est causalitas finis, quatenus est à fine alliciente, prout elicitur gratia finis vt sic præcisè, siue quatenus est ipsum vt ita dicam appeti & desiderari finis, eo proportionali modo quo agere est causalitas efficientis: est effectus finis, inquantum est à voluntate mota à fine, seu propter finem operante: item est causalitas efficientis, quatenus consideratur præcisè vt dependens à voluntate. Vt causalitas finis, antecedit prioritate causalitatis & instantis à quo, seipsam, tam prout est effectus ipsiusmet finis, quam vt est etiam causalitas efficientis. Quando ergo

Obiicitur: effectus causæ non potest esse causalitas ipsius sed actio voluntatis est effectus causæ finalis: ergo. Item causalitas finis est prior causalitate efficientis, ita vt hæc realiter dependeat ab illis: atqui actio voluntatis non est prior seipsa, nec à se realiter pendet: ergo.

Responderi debet ad primum, distinguendo maiorem: Secundum eandem formalitatem, concedo: secundum diuersas, nego: & eodem modo distinguenda est minor, aut consequentia. Similiter ad secundum concessa maiori distinguo minorem: actio voluntatis non est prior seipsa, nec a seipsa pendet, secundum eandem formalitatem, concedo: secundum diuersas: nego: quatenus cum procedit à fine, est prior seipsa vt procedit à voluntate, ad quod sufficit distinctio virtualis inter huiusmodi formalitates.

Instabis: vt causalitas efficientis realiter dependeat à causalitate finis: non sufficit distinctio vir-

tualis inter vtramque : ergo.

Respondeo causalitatem efficientis dici dependere à causalitate finis realiter quatenus pender realiter ab ipso fine , ab ipsa vero finis causalitate solum virtualiter , ad quod sufficit virtualis distinctio.



## SÉCTIO V.

### *Virum natura agat propter finem.*

**N** Omne naturæ intelliguntur omnia agentia siue vniuersalia siue particularia quæ ex inclinatione naturæ agunt , ad differentiam agentium liberorum , quibus indubitatum est maxime conuenire quòd agant propter finem , cum eum cognoscant & appetant ratione sui , alia verò intuitu eius. Quo posito.

Dico naturam agere propter finem. Est contra aliquos veteres Philosophos existimantes nihil fieri aut factum esse ex intentione alicuius finis sed omnia casu & temere contingere. Nihilominus

Probatür conclusio : Agere propter finem est si a operatione finem aliquem intendere : atqui natura , seu quodlibet agens naturale aliquem finem operando intendit ( intellige , intentione innata quæ est inclinatio naturalis ) putà cælum suo influxu intendit cum equo producere equum , cum leone leonem , cum igne ignem : ergo.

Confirmatur : quæcumque fiunt aut temere fiunt & casu , aut propter aliquem finem : sed ea quæ fiunt à natura , non fiunt temere & casu , ergo. Probatür minor : quæ fiunt casu ; nec semper , nec vt plurimum fiunt eodem modo : sed ea quæ fiunt à natura , aut semper aut saltem vt plurimum eodem

modo fiunt : ergo non fiunt casu & temerè. Pater minor : nam semper aut plerumque hyeme ningit , vere grandinat , homo nascitur cum quinque digitis in vtraque manu : cum dentibus anterioribus acutis , posterioribus latis , & sic de aliis : ergo quæ fiunt à natura , aut semper aut plerumque eodem modo fiunt.

Confirmatur 2. Bruta animalia nec ratione nec consilio prædita , sed solâ naturâ seu naturali inclinatione duce , multa & mira præstant ob varios fines , v. g. araneæ telas texunt muscis irretiendis aptas , aues nidos ædificant ad generandos alendosque pullôs , formicæ construunt horrea in quæ varia congerunt grana quibus hiemali tempore vescantur : & ab animalibus ad plantas descendendo , videmus eas altius in terram defigere suas radices vt alimentum commodius percipiant & vt firmiores sint contra ventorûm impetus : ergo.

Obiicies : non omnia cognoscunt finem : ergo non omnia agunt propter finem.

Pro solutione huius obiectionis sciendum est dupliciter posse aliquid agere propter finem : primo vt mouens seipsum in finem : secundò vt motum ab alio. Illud agens dicitur mouere seipsum in finem , quod , cum apprehendat illum formaliter sub ratione finis , id est vt obtinendum per talia vel talia media , subindeque percipiat proportionem huiusmodi mediârum cum fine , ipsum actu proprio ita desiderat & intendit vt ex vi huius intentionis eligat mediâ ad eum assequendum : illud verò dicitur agere propter finem , vt motum ab alio superiori agente & ab eo directum in huiusmodi finem , quod cum vel nullo modo cognoscat finem , vt insensibilia , vel cognoscat illum tantum materialiter , id est rem quæ est finis apprehendat , sed non formaliter sub ratione finis sensu explicato , non potest consequenter ipsum proprio actu intendere vt obtinendum per talia vel talia media , sed si feratur in aliquem finem & propter ipsum operetur , debet ferri in eum & propter



pter ipsum agere ut ab alio motum & directum : ab alio inquam agente quod apprehendat & intendat talem finem, putà ab authore naturæ : qui cum perfectissimè cognoscat fines proprios omnium agentium naturalium, nec non media ad illorum assecutionem proportionata, ipsos etiam fines intendit & ad ipsos mouet agentia naturalia mediis virtutibus actiuis, inclinationibus aut propensionibus naturalibus quas ipsis imprimit.

Ex quibus habes solas creaturas intellectuales agere propter finem tanquam mouentes se in ipsum : cetera verò omnia, quæ vel nullâ, vel tantum sensitivâ cognitione sunt prædita, agere propter finem ut mota & directâ ab authore naturæ, vel ab aliquo agente alio intellectuali ( propter quod dici solet opus naturæ esse opus intelligentiæ, supple, ut dirigentis ipsum agens naturale ad suum opus.) Quamuis enim bruta cognoscant finem materialiter, id est, rem quæ est finis, non tamen formaliter ut per media assequendum, subindèque nequeunt ipsum formaliter in ratione finis intendere. Vnde.

Respondeo concessio antecedente, distinguendo consequentiam : ergo non omnia agunt propter finem a se proprio actu formaliter intentum, & ut mouentia se in illum, concedo : intentum ab authore naturæ, vel alio agente intellectuali, & consequenter ut mota & directâ ab ipso, nego.


Dices : ut aliquid agat propter finem, debet moueri metaphoricè ab ipso, sed quæ diriguntur ab alio in suum finem, non mouentur a fine illo, cum eum non cognoscant in ratione finis : ergo.

Respondeo distinguendo maiorem, ut aliquid agat propter finem : tanquam mouens se in illum, concedo ; ut motum ab alio agente, nego.

Quæres, quid requiritur ut aliquod agens dicatur cognoscere finem in ratione finis, subindèque ipsum intendere proprio actu, seque mouere in illum.

Respondeo requiri ut conferat huiusmodi finem cum mediis, & è conuerso, ac cognoscat huiusmodi

mediorum proportionem quam cum tali fine habent, ad quod requiritur aliquis diſcurſus, vt patet; neque enim ſine diſcurſu poteſt hoc medium præ alio eligere. Et ex his poteris reſpondere ad multas inſtantias quibus probari videtur bruta ſagaciora mouere ſe in ſuos fines, ſeu agere ex intentione illorum à ſe elicitâ.



## S E C T I O V.

### *Vtrum natura intendat monſtra.*

**M**onſtrum eſt effectus à recta & ſolita diſpoſitione ſecundum ſpeciem degenerans: vt cùm homo naſcitur cum vnico pede, aut vnico brachio aut ſi biceps vel capite aut vultu inuerſo. Recta enim & ſolita diſpoſitio, quæ debetur homini ſecundum ſuam ſpeciem, eſt quod habeat duos pedes, vnicum caput, &c. Cauſa autem huiusmodi defectuum, & monſtrorum eſt vt plurimum defectus aut ſuperabundantia materiæ, vel aliqua eius indiſpoſitio, quàmuis ad id etiam defectus aliquis virtutis actiue ſeu efformatiue fortis ſæpius concurrat, & generaliter tot poſſint eſſe cauſæ monſtrorum, quot ſunt principia ad effectum naturalem concurrentia, quæ deficere poſſunt. Hoc poſito.

Indubitatum eſt monſtra per ſe intendi à prima cauſa, cuius ordinationi & diſpoſitioni non ſolum ſubſunt effectus per ſe intenti à cauſis ſecundis, ſed etiam fortuiti & caſuales, vt ſuprà vidimus, de quorum numero ſunt monſtra.

Dico 1. naturam non intendere per ſe primò monſtra.

Probatur: quia tam cauſæ vniuerſales quàm particulares, quæ hic nomine naturæ intelliguntur, per

se primò intendunt perfectam assimilationem effectus cum causa proxima : sed monstrum vt tale deficit ab illa perfecta assimilatione : ergo vt tale non intenditur per se primò à natura sumpta siue pro causis vniuersalibus siue pro particularibus.


Dico 2. naturam per se secundo intendere monstra.

Probatur & explicatur : natura influens in effectum intendit illum per se primò secundum totam perfectionem intra talem speciem illi debitam , sed quia ob defectum alicuius principij non potest quandoque ad eius perfectionem pertingere , ideo supposito illo defectu intendit suum effectum eo modo quo ipsum habere potest, & sic licet non per se primò , tamen per se secundo intendit effectum monstruosum , cum nequeat tunc perfectiorem producere; qua ratione in animalium generatione natura intendit per se primò masculum , cum tamen ad eum non potest pertingere , intendit per se secundo femellam.

Nec tamen inde , aut ex superius dictis inferas feminas esse monstra , quia quamuis deficient à recta & debita dispositione , non tamen à solita , quod ad rationem monstri est necessarium. Et ob eandem rationem si in aliqua mundi plaga , ita coadiuvante regionis illius fecunditate , nascantur homines proceræ staturæ , vt gigantes , vel exigua admodum , vt pignæ , non censentur tamen esse monstra , saltem respectu illius regionis , quia non sunt præter leges à natura in huiusmodi effectuum productione ibi seruari solitas.








## DISPUTATIO X.

*De comparatione causarum in-*  
*ter se.*

**I**NITIO tractatus de causis comparauimus eas cum suis effectibus, ac ostendimus intrinsecas causas esse ignobiliore suo effectū: extrinsecas verò interdum nobiliores, interdum ignobiliore, aliquando æque nobiles: modò conferendæ sunt inter se postquam naturam cuiusque seorsim explicauimus.



## SECTIO I.

*Quomodo se habeant causæ ad inui-*  
*cem quoad perfectionem & prio-*  
*ritatem in causando.*

**N**on comparamus causas ad inuicem in esse entis, sic enim certum est causas intrinsecas esse imperfectiores extrinsecis; item inter illas materiam esse formam imperfectiorem; inter extrinsecas verò efficientem interdum esse ignobiliorem sine, ut cum agens intellectuale, puta homo, sibi proponit Deum pro finē; interdum nobiliorem: ut si proponat sibi

vilem aliquam creaturam, eiusque gratiâ operetur: similiter causam efficientem esse priorem aliis; deinde finem totalem, scilicet compositum, post quem succedit forma, & demum materia; quæ ambæ existunt per totum. De his ergo non est hic quæstio, sed solum reuocatur in dubium quomodo se habeant causæ illæ ad inuicem comparatæ in ratione causarum, an scilicet vna in causando sit prior perfectiōne altera, seu prius perfectiusue influat in effectum. Ad quod.

Dico 1. Causas extrinsecas, scilicet finalem & efficientem, esse perfectiores in causando quàm intrinsecas.

Probatum: Causa in ratione causæ dicitur perfectior à perfectiori modo causandi, seu influendi in effectum: atqui perfectiori modo influunt in effectum causa finalis & efficiens, quàm materialis & formalis, hæ enim influunt per modum partium componentium, subindèque entium incompletorum, secus verò illæ. ergo. Vnde modus causandi finis & efficientis, quia non dicit imperfectionem, Deo competere potest, minimè verò modus causandi materiæ & formæ.

Dico 2. Formam etiam in ratione causæ esse perfectiorem materia. Quia scilicet habet nobiliorem modum causandi, cum nobilius sit influere per modum actus, & informando, quàm per modum puræ potentiæ recipiendo & sustentando.

Dico 3. Finem in ratione causæ esse perfectiorem efficiente: addo semper in ratione causæ, quia interdum in ratione entis aliter est dicendum.

Probatum: quia maior vel minor perfectio in ratione causæ (vt dixi) petitur à perfectiori vel imperfectiori modo causandi: atqui perfectior est modus causandi finis quàm efficientis: ergo. Probatum minor: causalitas seu modus influendi in effectum eò est nobilior quò independentior: atqui causalitas finalis est independentior causalitate efficientis: ergo. Probatum minor: quia causalitas efficientis necessa-

riò præsupponit causalitatem finis, ab eaque necessario dependet, & non è contra, siquidem antea finis mouet agens ad agendum, agens subindè educit aut vnit formam, sicque motum à fine facit vt materia sustentet & forma informet. Ex quo patet finem causare vt immotum, seu independentem à motione alterius causæ prioris, & idè se habere tanquàm primam causam respectu efficientis, materialis, & formalis, quæ proinde comparatione illius dici possunt secundæ, cum in suo influxu dependant à causalitate finis.

Confirmatur conclusio: causa vt talis est nobilior suo effectu, sed finis est causa causarum, ita vt aliæ in quantum causæ actu causantes comparentur ad finem, tanquàm effectus ad causam: ergo. Probatum minor: Quod est causa causalitatis alicuius causæ, est causa illius in quantum causæ: sed finis est causa causalitatum omnium aliarum causarum, cum omnes moueat ad causandum, efficientem quidem immediatè, alias verò mediante efficiente. Ex quibus tandem fit causam finalem esse omnium nobilissimam in ratione causæ vt pote in suo modo causandi, omnium maximè independentem.

Obiicies: Causa quæ non habet esse nisi in intellectu, est ignobilior ea quæ habet esse à parte rei & extrà intellectum: sed causa finalis vt causet non exigit esse nisi in intellectu, efficiens verò à parte rei: ergo.

Respondeo distinguendo maiorem: Est ignobilior in esse entis, seu in modo essendi, concedo: in esse causæ, siue in modo causandi, nego: cum tali enim modo essendi in intellectu habet modum causandi nobiliorem, vt pote magis independentem.

Instabis: Modus causandi proportionatur modo essendi: ergo causa habens perfectiorem modum essendi, habet etiam perfectiorem modum causandi.

Respondeo distinguendo antecedens: Modus causandi materialiter & in esse entis consideratus, concedo: formaliter & in ratione modi causandi magis



vel minùs dependenter, nego : quæ distinctio applicanda est consecutioni.

Ex his inferes quòd si conferamus quatuor genera causarum ad inuicem , causa finalis est simpliciter prima quæ influit in effectum, secunda verò est causa efficiens, tertia materialis, quarta formalis. Patet hoc corollarium, præsertim ex conclusione immediate præcedenti, causa enim finalis immota mouet agens ad agendum, & hoc sic motum & allectum à fine disponit materiam & mediante eductione aut actione vnitiua formæ facit vt materia sustentet & forma informet.

Quæres quomodo cum his stare possit illud axioma Philosophi , causæ sunt sibi inuicem causæ : ex illo enim inferitur quod quæuis in suo genere sit prior in causando, subindèque corrûere videtur ordo prioritatis & posterioritatis à nobis stabilitus.

Respondeo verissimum esse illud axioma , non in causis eiusdem generis, sed diuersi.

Quod causæ eiusdem generis non sint inuicem causæ , constat : nam aliàs si vna causa efficiens causaret aliam efficienter , & vicissim ab illa efficienter causaretur, sequeretur illud absurdum quòd scilicet vnaquæque foret causa sui ipsius, etenim quod est causa causæ est causa causati à tali causa in eodem genere, sicut quia calor ignis est causa efficiens caloris aquæ , qui calor ignis est causa efficiens caloris aquæ , qui calor aquæ iterum in eodem genere causæ efficientis causat calorem in manu, ideo calor ignis est causa efficiens saltem mediata caloris manus : ergo si vna causa efficiens causaret aliam efficienter, & ab ea mutuò causaretur, esset causa sui ipsius.

Quod autem causæ diuersi generis sint sibi inuicem causæ, suadetur : quia in se mutuò influunt, seu à se inuicem dependent vel quoad proprias entitates, vel saltem quoad suas causalitates, nam materia & influit in formam , & ea vt sustentante dependet forma, ad minus quantum ad informationem ; & vi-


cissima forma influit in materiam, quæ reciprocè ab illa dependet siue quoad entitatem siue quoad sustentationem. Item finis influit in causalitatem efficientis; & efficiens vicissim influit, non in causalitatem finis quam solum præsupponit: sed in esse reale illius si non præexistat, vel saltem causa eius acquisitionem & possessionem.


Dices: Quod est causa causæ, est causa causati: ergo si vna causa sit causa alterius, & ab ea mutuo causatur, erit causa sui ipsius.

Respondeo ex dictis antecedens esse verum, si sint in eodem genere causæ, secus si in diuerso: quia in diuerso, causa posterior non dat id quod acceperat à priori, sicut contingeret si in eodem genere se mutuo causarent. Vnde eodem modo distinguenda est consequentia.

Ex his omnibus sequitur quamlibet causam vt in proprio genere causantem & influentem in aliam, vel in alias, esse priorem illis in tali genere, & è conuerso posteriorem prout ab alia in proprio genere causante dependet; subindèque huiusmodi causas sub diuersis rationibus, seu in diuerso genere esse naturâ priores & posteriores eo modo quo sibi inuicem sunt causæ & à se mutuo dependent.

Cum quibus tamen stat quòd simpliciter, absolute, & sine addito loquendo, eo modo ordinantur causæ quoad prioritatem & posterioritatem in ratione causarum, quo eas suprâ ordinauimus ante quæsitum propositum ad quod ex his patet responsio.





## SECTIO II.

*An possit à pluribus causis totalibus  
eiusdem generis & ordinis idem  
numero effectus simul  
procedere.*

Certum est primò eundem numero effectum posse esse à pluribus causis diuersi generis : idem enim compositum procedit à causis materiali , formali, efficienti, & finali : & ideò addidi in titulo ly eiusdem generis : putà , an procedere possit à pluribus efficientibus , de quibus specialiter resoluemus hic quæstionem , de aliis causarum generibus alias sigillatim disputaturi, de finibus quidem in Ethica de materiali verò & formali in libris de anima inquirendo videlicet in priori loco, num idem effectus possit habere simul plures fines totales, in posteriori utrum idem compositum aut viuens constare possit pluribus materiis aut pluribus formis substantialibus vel animabus : in quibus consequenter ad principia hic stabilienda partem negatiuam tuebimur.

Certum est secundò eundem numero effectum posse esse à pluribus causis eiusdem generis ; putà efficientibus, sed diuersi ordinis : idem enim ignis B ; producitur ab igne A ; vt à causa particulari, à cælo & à Deo concurrentibus vt causis vniuersalibus & propterea addidi, eiusdem generis & ordinis.

Certum est tertio posse etiam procedere à pluribus causis eiusdem generis & ordinis partialibus, sicut idem pondus portatur à duobus : & ideò addi-



di, ly totalibus. Addidi etiam simul, quia utrum diuissim, est alia questio de qua sectione sequenti.

Difficultas ergo (vt res fiat clarior exemplo) consistit in hoc utrum duo ignes v.g. possint eundem numero ignem, duo equi eundem numero equum producere tanquam causæ totales, ita vt totam suam entitatem & perfectionem habeat ignis vel equus productus à quolibet igne vel equo producente. Affirmant Suares & alij posse id saltem diuinitus fieri. Nihilominus cum Thomistis.

Dico implicare contradictionem eundem numero effectum esse simul à duabus causis totalibus efficientibus eiusdem ordinis.

Probatur primo : Si vnus numero effectus procedet simul à duabus causis totalibus eiusdem ordinis penderet per se & essentialiter ab vnaquaque illarum, & non penderet : consequens inuoluit contradictionem : ergo

Prima pars sequelæ maioris probatur : Cuilibet effectui per se producto ab aliqua causa essentialis est dependentia ab illa, sicut enim effectui vt sic essentialiter conuenit quòd dependeat à causa vt sic, ita tali numero effectui essentielle, est quòd dependeat à tali numero causa à qua productus fuit : atqui prædictus effectus per se produceretur ab vnaquaque illarum causarum, cum à quauis illarum influente tanquam causa per se ( vt suppono ) haberet totam suam entitatem : ergo per se & essentialiter penderet ab vnaquaque.

Dices : Deus potuisset producere se solo hunc numero effectum, putà Petrum à Ioanne genitum : ergo hic numero effectus non pendet essentialiter & indispensablem ab hac numero causa.

Respondeo concessò antecedente, distinguendo consequentiam : Non pendet essentialiter ab illa numero causa considerata vt est in se præcisè, per exclusionem primæ causæ in qua secundum totam suam virtutem productiuam eminentèr continetur, concedo : Non pendet ab illa vt est in se formaliter, vel

eminenter in Deo secundum virtutem productiuam huius etiam numero effectus, nego.

Secunda pars eiusdem maioris primi syllogismi probatur : Quod potest esse sine alio non dependet essentialiter & indispensabiliter ab illo : atqui effectus ille, qui procedit à duabus causis totalibus eiusdem ordinis, potuisset esse sine qualibet earum determinatè cum supponamus vnamquamque fuisse per se sufficientem ad illum producendum, aliàs non esset totalis : ergo non dependet essentialiter & indispensabiliter ab vnaquaque illarum.

Probatur secundo : Si idem numero effectus produceretur simul à duabus causis totalibus eiusdem ordinis esset idem numero & non esset idem numero : consequens implicat contradictionem : ergo & id vnde sequitur. Probatur sequela maioris : nam imprimis esset idem numero vt supponitur, non esset verò reipsa, quia duæ actiones totales realiter distinctæ producant duos effectus totales realiter distinctos, cum actio sit entitatiuè idem cum termino, & dicatur eadem vel diuersa per ordinem ad eundem vel diuersum terminum seu effectum : atqui causæ totales realiter distinctæ agunt per actiones totales realiter distinctas : ergo effectus illarum debent esse realiter distincti.

Obiicies 1. Detur minima materia combustilis cui duo ignes in eadem distantia applicentur, vel certè ponamus duo lumina æquè intensa per diuinam potentiam se penetrare & esse in vno & eodem plane loco, tunc vel quilibet ignis totam illam materiam incendet, nam cum sit minima in quam possit induci forma ignis, non poterit partim ab alio igniri; vel certè neuter illam comburet, quod videtur absurdum, cum causa naturalis applicata & non impedita non possit suspendere suam actionem & effectum : & idem est de duobus luminosis se se penetrantibus, comparatione illuminationis vnus & eiusdem partis aëris.

Respondeo vtraque suppositione admissa alteru-




trum fore, vel quod huiusmodi agentia nihil agent, sed mutuò se se impediunt propter inconuenientiam à nobis deductam in vtrâque conclusionis probatione; vel certe (quod conformius est naturæ ipsorum & diuinæ prouidentię) agent dumtaxat vticausæ partiales, & sic ab illis non vt à causis totalibus, sed partialibus dumtaxat idem numero effectus produceretur, non defectu principij, sed passi, quod non potest recipere effectus totales duorum agentium secundum eandem partem, cui illa, vt suppono, si simul applicantur.

Obiicies 2. Plures ministri simul proferentes formam baptismi & abluentes possunt eundem hominem baptizare, subindéque eandem gratiam in anima eius simul producere: & reipsa omnes Sacerdotes in die suæ ordinationis consecrant simul cum Episcopo eandem Hostiam, si simul cum illo formam consecrationis proferant, vt debent: atqui omnes & singuli baptizantes & consecrantes sunt causæ totales, cum quilibet seorsim id possit solus: ergo plures causæ totales possunt eundem numero effectum producere.

Respondeo conclusionem nostram procedere solum de causis totalibus principalibus, non de instrumentalibus quales sunt huiusmodi ministri, & Sacramenta (causa enim principalis gratiæ, & conuersionis panis in corpus Christi est solus Deus.) Ratio autem disparitatis est quia effectus non pendet per se à causa instrumentali, sed solum à principali quæ sola continet vel formaliter vel eminenter perfectionem illius, subindéque ipsa sola per se & ratione sui potest illum producere, instrumentum verò non nisi in virtute causæ principalis: vnde si à pluribus causis totalibus principalibus eiusdem ordinis idem effectus produceretur, sequeretur illum ab vnaquaque illarum per se pendere, & non pendere, quod non sequitur si à pluribus instrumentis attingatur, cum ab eis non pendeat per se: vnde ratio nostræ conclusionis non habet locum in istis.





## SECTIO III.

*An possit à pluribus causis totalibus  
eiusdem generis & ordinis idem  
numero effectus diuissim  
procedere.*

Sensus est, utrum sicut ex dictis sectione præcedenti repugnat quòd idem effectus sit à duabus causis totalibus simul ita quod ab vnaquaque de facto acceperit totam suam entitatem; sic etiam implicet quod sit ab ipsis diuissim, id est quod ignis C. v. g. modo productus ab igne A. potuerit idem numero produci ab igne B. si hic fuisset applicatus eidem combustibili & sub iisdem circumstantiis loci & temporis. Affirmant Suares & alij id nedum supernaturaliter, sicut in casu præcedentis sectionis censent, sed etiam naturaliter fieri posse. Nihilominus cum Thomistis.

Dico, etiam implicare contradictionem eundem numero effectum ab vna causa totali productum, fuisse productum ab alia eiusdem ordinis si applicata fuisset.

Probat 1. Rationibus quibus probauimus eundem numero effectum non posse simul produci à duabus causis totalibus: nam etiam sequeretur effectum pendere per se & non pendere ab aliqua causa, penderet enim per se ab hac causa ex suppositione quòd ab illa fuisset de facto productus; non penderet verò, quia potuisset sine hac produci.

Item esset idem numero effectus, vt supponitur; & non esset idem, quia fuisset productus per distinctam actionem.

Probatur 2. Specialiter nihil potest produci ab agente quod non contineatur intra sphaeram actiuitatis eius: sed effectus qui ab vna causa totali vniuoca producitur, non continetur intra sphaeram actiuitatis alterius causæ vniuocæ: ergo non potest aut potuit ab illa produci. Probatur minor quia quodlibet indiuiduum alicuius speciei non se extendit ad totam speciem, ita vt habeat vim productiuam totius speciei, aliàs cum sub ea contineatur, posset seipsum producere, quod implicat; sed debet assignari quædam certa series indiuiduorum ad quam tantum se extendat vis actiua cuiuslibet indiuidui, & non vltra: ergo effectus qui ab vna causa totali producitur, non continetur intra sphaeram actiuitatis alterius causæ totalis eiusdem ordinis.

Confirmatur: vna causa principalis non potest producere effectum proprium alterius causæ principalis eiusdem ordinis aliàs esset proprius effectus istius vt supponitur, & non esset cum ab alia etiam vt à causa principali posset produci: sed ignis C. productus ab igne A est proprius effectus illius: ergo non potuit produci ab igne B. Probatur minor: potentia generatiua quæ est in igne A cum sit talis potentia generatiua, & non potentia generatiua ignis vt sic, non potest habere pro suo effectu proprie omnes ignes generandos, sed certam & determinatam collectionem indiuiduorum ignis diuersam ab ea quam respicit potentia generatiua quæ est in igne B. & sic de aliis: ergo ignis C. productus ab igne A est proprius effectus potentiæ generatiuæ quæ est in huiusmodi igne A. Aut intra limites illius continetur.

Dices; Quodlibet indiuiduum potest, quantum est de se, infinita syncategorematicè indiuidua suæ speciei producere, id est quolibet producto potest aliud & aliud generare: ergo potest ad omnia illius speciei indiuidua se extendere.

Respondeo concessa antecedente negando consequentiam, quia in qualibet specie sunt infinites in-



finitæ ( infinitate syncategorematicâ ) possibiles indiuiduorum series & veluti greges , ita vt cuilibet indiuiduo correspondeat sua congeries effectuum ab ipso producibilium syncategorematicè infinita tanquam terminus adæquatus suæ actiuitatis.

Obiicies : ideò effectus ab vna causa totali productus non potuisset ab alia produci , quia est proprius illius prioris causæ , & ab ea necessario & essentialiter dependens : atqui hoc est falsum : ergo. Probatur minor : Si dependeret essentialiter & indispensabiliter ab illa causa totali vniuoca , non potuisset idem numero produci ab alia causa etiam æquiuoca : atqui hoc est falsum , idem enim numero ignis aut calor qui ab alio igne est productus , potuit produci à Deo qui est causa æquiuoca & vniuersalissima rerum omnium creatarum , potuit quoque produci à sole absque ignis concursu : ergo.

Respondeo causam æquiuocam esse in duplici differentia. Alia enim est quæ continet virtutem actiuam & effectum causæ inferioris vniuocæ , nedum quoad rationem specificam , sed etiam secundum rationem indiuidualem & numericam , vnde sine concursu huiusmodi causæ inferioris potest absolute eundem numero effectum , qui ab illa natus est produci , attingere ; & talis est sola causa prima quæ ratione suæ virtutis infinitæ & illimitatæ omnes causarum secundarum virtutes & effectus secundum omnes omninò rationes eminenter continet , & propterea se solâ potest huiusmodi effectus producere , quando aliunde nulla est repugnantia. Alia verò est causa æquiuoca quæ eminenter quidem continet virtutem actiuam & effectum causæ inferioris secundum suas rationes specificas , non tamen quoad indiuiduales : & ideò quamuis possit concurrere cum causa inferiori ad producendum effectum ipsius , non tamen potest se solâ eundem numero producere : & huius generis est Sol , qui eminenter continet virtutem actiuam ignis & cuiuslibet agentis corporei inferioris , continet , inquam , huiusmodi virtutem



actiuam & effectus eius quoad rationem specificam, & ideo ad illos concurrit; non verò quoad rationes indiuiduales, & propterea non potest se solo & absque concursu ignis effectus ipsius producere, quamuis possit se solo producere similem effectum solo numero diuersum, vt alterum ignem, aut calorem. Ratio autem cur Sol non contineat eminenter, nec subinde possit producere eosdem numero effectus, puta ignes aut calores, quos ignis producit vt causâ vniuoca, est quia virtus eminentialis productiua caloris aut ignis, quam habet Sol, est aliqua virtus finita, determinata, & diuersa ab ea quam habet ignis, atque adeò debet respicere diuersam collectionem indiuiduorum ignis aut caloris à se producendorum, diuersam, inquam ab ea quam quilibet ignis aut calor respicit tanquam proprium effectum. Ex quibus.


Ad obiectionem in forma nego minorem. Ad probationem distingo maiorem: Non potuisset produci à causâ æquiuoca, continente virtutem actiuam & effectum proprium causâ vniuocâ tam quoad rationem communem & specificam, quam quoad indiuidualem, nego: continente tantum quoad rationem specificam aut communem, concedo: quæ distinctio proportionaliter est applicanda minori & dicendum eundem numero ignem aut calorem, qui de facto productus est ab altero igne, potuisse à causâ prima produci, non verò à Sole ob rationem superius adductam.

Instabis: Nullum possibile est indiuiduum caloris quod ab alio calore produci non possit: atqui plurima sunt indiuidua caloris quæ Sol per suam virtutem eminentialem calefactiua (quæ est lux) producit se solo: ergo eadem indiuidua, seu idem numero effectus secundum suas rationes indiuiduales considerati, possunt produci indifferenter aut à causâ vniuocâ, puta calore, aut ab æquiuocâ sola. Probatum minor: nam calor prout est formaliter virtus calefactiua, habet pro obiecto seu effectû primario omnes calores producibiles, sicut virtus ge-

generatiua hominis vt sic omnes homines generabiles.

Respondeo negando maiorem : calores enim indi-  
uiduales , qui producuntur à Sole sine concursu alte-  
rius caloris tanquam causæ inferioris, nequeunt ijdem  
numero ab altero calore produci. Ad probationem  
respondeo calorem , qui est formaliter virtus cale-  
factiua , habere pro suo effectu adæquato vnā  
collectionem calorum diuersā ab ea quæ corres-  
pondet virtuti eminentiali calefactiue quam habet  
Sol. Ad exemplum quod affertur in obiectione nego  
paritatem : quia enim non datur aliqua potentia  
eminentialis creata generatiua hominum , sed tan-  
tū formalis quæ est in homine , ideò huiusmodi  
potentia generatiua vt sic debet respicere omnes  
homines generabiles : at verò præter calorem , qui  
est virtus calefactiua formalis , datur in Sole virtus  
eminentialis calefactiua , & ideò non potest calor  
respicere omnia individua caloris producibilia.






# IN TERTIVM

*quartum, quintum, &  
sextum librum Phy-  
sicorum.*


## DISPVATIO PRIMA Ordinē XI.

### *De Motu.*

**A**GIT Philosophus libro tertio de motu & de infinito, libro quarto de loco & tempore, libro quinto de termino motus eiusque unitate aut diuersitate, & libro sexto de continuo. Cui ordini non omnino adhærebimus, sed facilioris doctrinæ & methodi gratiâ eum aliquatenus immutabimus speciatim quoad ea quæ locum concernunt de quo in libris de cælo.







## SECTIO I.

*Quid sit motus, & quomodo distinguatur ab actione, passione, & termino.*

**D**Ico primò: Motus rectè definitur actus entis in potentia prout in potentia: ac si diceretur est perfectio entis in potentia: hoc est eius rei quæ adhuc est in potentia ad formam aut ad aliquam partem formæ quæ acquiritur; ut est in potentia, id est, prout ulterius tendit ad eiusmodi formam acquirendam: e. g. acquisitio caloris est motus, quia est actus seu perfectio subiecti quod calefit quodque est in potentia seu tendentia ad ulteriorem calorem: unde dicitur actus imperfecti, id est subiecti privati perfectione, ad eamque tendentis: atque ita motus non est formaliter ipse terminus aut forma quæ acquiritur, sed via & fluxus seu tendentia ad ipsam, & propterea clariùs potest motus definiri dicendo esse viam seu tendentiam mobilis ad terminum.

Ex quibus patet bonitas definitionis allatæ, in qua loco veluti generis ponitur actus, quæ particula exprimit rationem communem motui, qui est actus, imperfectus & vialis, & aliis actibus qui sunt perfecti, completi, & permanentes: quæ differentia exprimitur per verba sequentia, esse enim actum entis in potentia prout est in potentia seu tendentia ad terminum est esse actum vialem & veluti promoventem ad actum perfectum qui est terminus. Vnde.

Habes primò rationem motus physici qui definitur hic, propriissimè convenire motibus successivis, ut alterationi, augmentationi, & motui locali: via

enim & tendentia ad terminum, si in rigore loquamur, importat successionem realem, seu acquisitionem termini paulatim per partes factam, quod convenit soli motui successivo qui nihil aliud est quam successiva acquisitio termini: Absolutè tamen ratio motus eiusque definitio convenit etiam motui instantaneo, cuiusmodi sunt generatio, corruptio, illuminatio, quæ fiunt in instanti: introductis enim dispositionibus materia vnico instanti mutatur de forma præcedenti ad non esse illius, & de non esse seu priuatione formæ introducendæ ad ipsam; similiter aer quantum est de se vnico instanti illuminatur: Conuenit, inquam, præfata definitio his etiam mutationibus, quia licet in illis non detur successio realis seu acquisitio formæ per partes, important tamen successionem naturæ, prout enim naturâ intelligitur generatio aut illuminatio in subiecto, quàm forma aut lux introducta, atque adedò sufficienter intelliguntur habere rationem viæ, seu tendentiæ ad ipsam.

Habes secundò rationem motus hîc definiti non competere actionibus sensitivis, nec intellectioni, aut volitioni, etiam pro hoc statu in quo exercentur dependenter à corpore sicque sunt mutationes corporeæ saltem quoad modum, vt alias explicuimus: Ratio huius consecutarij est, quia motus, vt diximus, est via & tendentia ad aliquem terminum seu formam acquirendam, vnde est tantum actus vialis & imperfectus tendens ad perfectionem: prædictæ autem operationes sunt actus perfecti & completi; nec tendunt ad vltiorem terminum, vnde ponuntur directè in prædicamento, nempe sub prima specie qualitatis, cum tamen motus ab omni categoria exulet & inter postprædicamenta collocetur: ergo.

Verum tamen est rationem communissimam motus, eo modo quo ponitur in definitione naturæ, conuenire prædictis operationibus: motus enim in definitione naturæ sumitur pro omni mutatione cor-

porea cuius princ. ium & radicem in se habet eius naturale.

Dices : definitur hic motus prout est proprietas entis naturalis vt sic : ergo prout ponitur in definitione naturæ : ergo si hoc modo comprehendit operationes illas , etiam prout hic definitur eas comprehendet.

Respondeo negando definiri hic secundum illam rationem in tota sua latitudine , sed solum motum imperfectiorem & notiozem nobis.

Dico 2. motum realiter modaliter distingui ab actione , passione , & termino , & hæc pariter à se inuicem.

Primò quòd motus distinguatur ante omnem mentis operationem ab actione & passione , suadetur contra Suarem : quia motus est ens omnino incompletum , siquidem nihil aliud est quàm fluxus & via ad terminum , & ideò à prædicamentis excluditur : actio verò & passio sunt entia completa & directè collocantur in prædicamento : constat autem ens realiter incompletum distingui ante omnem mentis operationem ab ente realiter completo , neque enim vnum est aliud , id est , incompletum non est ante omnem mentis operationem completum , nec subinde idem cum illo.

Dices : Actio & passio dicuntur communiter esse vnus motus : ergo motus non distinguitur ab illis.

Respondeo locutionem illam esse veram materialiter quatenus actio & passio sunt eadem entitas realiter cum motu , non autem formaliter , quia non formaliter , sed modaliter distinguuntur , ita vt actio supra motum addat egressum seu emanationem ab agente , passio verò receptionem in passo , quæ sunt formalitates modaliter distinctæ , vnde actio dicitur motus prout est ab agente , passio verò est idem motus prout receptus in passo , ita vt huiusmodi formalitates actionis & passionis insint motui tanquam subiecto quo vt pote quæ illo mediante inhaerent substantiæ , & ideò motus non ponitur in definitione actio-




nis & passionis tanquam genus aut aliquid superius, sed vt subiectum, sicut in definitione aliorum accidentium fieri solet.

Secundò, quòd motus distinguatur à termino ante omnem mentis operationem, euidentius probatur: duplex enim est terminus motus, à quo, & ad quem: quòd distinguatur à termino à quo, res est nimis clara, cum incipiente motu desinat aut relinquatur terminus à quo: quòd etiam à termino ad quem, de quo est quæstio, facile probatur: via enim realiter distinguitur à termino, saltem distinctione modali, siquidem illa desinente manet terminus, putà calor transactà calefactione seu eius acquisitione: atqui motus est via & tendentia ad terminum; ergo. Deinde, motus est ens incompletum & à prædicamentis exclusum; terminus verò, putà calor, est ens completum, ergo cum ens incompletum non sit ante omnem mentis operationem ens completum, motus non erit idem cum termino.

Tertiò, quòd etiam actio, passio, & terminus ab inuicem distinguantur ante omnem mentis operationem, probatur in primis, quia pertinet ad diuersa prædicamenta: calefactio enim spectat ad prædicamentum actionis, calefieri verò seu receptio caloris in passo pertinet ad categoriam passionis, & calor ad categoriam qualitatis: quæ autem pertinent ad diuersa prædicamenta, ante omnem mentis operationem distinguuntur, siquidem habent essentias per se primò diuersas & in nullo vniuocè conuenientes: ergo. Deinde, quia actio ante omnem mentis operationem est emanatio motus aut effectus ab agente, passio est receptio eiusdem in passo, terminus verò, putà calor, est quid omnino absolutum: sed emanatio ante omnem mentis operationem non est formaliter receptio in passo, nec ytraque est quid omnino absolutum, sicut terminus: ergo ante omnem mentis operationem distinguuntur formaliter.

Quæres, quòmodo distinguantur effectus & terminus.

Respondeo esse idem realiter sed sub diuersa ratione spectatum : idem enim calor quatenus efficitur ab agente, dicitur effectus ; quatenus verò terminat motum, quo subiectum transit de frigido in calidum, appellatur terminus.



## SECTIO II.

### *De subiecto motus & actionis.*

**C**um actio, passio, motus, & terminus sint realiter vna entitas, & solum modaliter seu formaliter ab inuicem distinguantur, non mouemus hic quæstionem de termino motus, nec de passione, supponimus enim terminum motus subiectari in mobili. Et quidem de termino motus localis relinquatur certum ex dictis in Logica, vbi ostendimus prædicamentum vbi, qui est terminus prædicti motus, non esse dumtaxat locum extrinsecum, aut extrinsecam denominationem ab eo desumptam, sed formalitatem aliquam realem, vel modum intrinsecè afficientem mobile seu rem quæ localiter mouetur vel est in loco. Quantum verò ad terminos aliorum motuum res est in confesso apud omnes, eos scilicet subiectari in mobili, putà terminum generationis, qui est forma substantialis, in materia ; terminum alterationis, qui est qualitas, in re quæ alteratur ; terminum augmentationis, seu quantitatem in eo quod augetur. Similiter ex propria definitione passionis relinquatur certum ipsam subiectari in passio, cum nihil aliud sit quàm receptio motus aut effectus in eo.

Aduerte autem idem esse in re ipsa mobile & passum : nam idem subiectum, quatenus recipit effectum ab agente, dicitur passum : quatenus verò mouetur, seu transit de termino à quo ad terminum ad

quem, qui in re est idem ac effectus, appellatur mobile. His positis.

Dico 1. omnem motum subiectari in mobili.

Probatur euidenter: quia motus realiter entitatiuè identificatur cum termino: ergo est in eodem subiecto cum illo: sed terminus recipitur in mobili, putà calor, qui est terminus alterationis, in aqua, vbi in re locata, & sic de aliis: ergo.

Confirmatur specialiter de locali motu, quem nonnulli volunt subiectari in spatio quod mobile pertransit, & non in ipso mobili: nam forma in eo subiectatur in quo reperitur eius effectus formalis: sed effectus formalis motus localis reperitur in mobili, non verò in spatio: ergo motus localis recipitur in mobili. Probatur minor: effectus formalis motus localis est localiter moueri: sed mobile est, non verò spatium, quod localiter mouetur, seu de vno loco transit in alium: ergo. Contra hoc.

Obiici solùm potest sententia illorum qui tenent terminum motus localis esse locum extrinsecum, non verò aliquid intrinsecè receptum in mobili, atque adeò iuxta ipsos nec motus in eo recipi debet. Sed ad hoc.

Responsio patet ex Logica, vbi ostendimus sex vltima prædicamenta, atque adeò vbi quod est terminus motus localis, esse quid intrinsecum: quamuis etiam dici possit quid extrinsecum, quatenus ab extrinseco pendet putà à loco.

Dico 2. actionem transeuntem non subiectari in agente, sed in passo.

Dixi, transeuntem: de illa enim solùm, quæ coniuncta est cum motu, agitur in hac disputatione, non verò de immanente quam ex ipsa nominis appellatione constat in ipso met agente subiectari, idè enim appellatur immanens quia remanet in principio à quo elicitur.

Probatur autem primò conclusio hac ratione: Omnis actio realiter entitatiuè identificata cum motu recipitur in mobili seu passo, cum in eo subiectetur



tur ipse motus, vt probatum est : atqui omnis actio transiens identificatur entitatiuè cum motu : ergo, recipitur in passio, & non in agente. Maior est euidentis : quæ enim sunt in diuersis realiter subiectis, nequeunt esse vna & eadem entitas : ergo si actio sit eadem entitas cum motu, debet recipi in eodem subiecto. Minor verò non est minus clara : actio enim transiens nihil aliud est quàm motus prout emanans ab agente, quæ emanatio ad summum modaliter distinguitur ab ipso motu vt supra ostensum est : ergo entitatiuè sunt idem.

Probatur 1. Duo membra inferiora immediatè & adequatè diuidentia aliquod superius debent constitui per rationes oppositas, vt inductiuè patet in substantia & accidente quæ constituuntur per rationes seu modos essendi per se & in alio & diuident ens vt sic ; item in homine & bruto diuidentur animal in communi, &c. atqui actio transiens & immanens sunt duo membra immediatè & adequatè diuidentia actionem vt sic : ergo debent constitui per rationes oppositas : sed propria & essentialis ratio actionis immanens, prout immanens est, consistit in hoc quòd sit perfectio intrinseca agentis & in illo mareat : ergo è contrà propria ratio actionis transeuntis vt talis erit quod non sit perfectio intrinseca agentis, sed alterius, nempe passi, subindèque quòd non in agente sed in passio resideat.

Obiicies 1. Causalitas debet esse in eo cuius est causalitas : sed actio est causalitas agentis, ergo. Probatur maior : Constitutiuum alicuius rei debet esse in ea : sed causalitas constituit causam in ratione causantis actu ergo debet esse in illa.

Respondeo negando maiorem vniuersaliter sumptam : siquidem causalitas finis, quæ vt supra vidimus, est actio voluntatis quatenus sit gratia illius, non est in ipso fine, sed in voluntate, & in proposito causalitas transeunter agentis est in passio. Ad probationem distingo maiorem : Constitutiuum rei in se ipsa, concedo : in ratione perficientis aliud, ne-

go : cū enim constitutum rei in ratione perficientis aliud supponat ipsam ex parte sui omnino constitutam, non est necesse quod illi aliquid intrinsecum addat, talis autem est causalitas agentis quæ constituit ipsum duntaxat in ratione perficientis passum, loquendo de agente & actione transeunte, subindēque supponit ipsum omnino constitutum tam in ratione principij habitualis per virtutes actiuas, quā actualis seu ad operationem applicati per physicam præmotionem, æque adeò necesse non est actionem intrinsecè afficere huiusmodi agens.

Obiicies 2. Forma denominans est in subiecto quod denominat : sed actio transiens denominat agens actu operans : ergo est in eo.

Respondeo distinguendo maiorem : est in eo quod denominat, denominatione intrinseca, concedo : extrinseca, tantum, nego : actio verò transiens cum sit actus agentis tanquam principij à quo & non in quo denominat ipsum tantum extrinsecè.

Dices : Forma quæ denominat aliquid extrinsecè, debet denominare aliud intrinsecè, vt patet de visione : sed actio nihil aliud denominat præter agens : ergo non denominat illud extrinsecè tantum.

Respondeo negando minorem : actio enim principium à quo elicitur denominans extrinsecè actu agens, intrinsecè denominat passum affectum actione, vel etiam effectum actu productum aut factum, vt calefactio denominat lignum calefactum, ignem productum, &c. Neque necesse est quod subiectum, in quo recipitur, denominetur ab illa agens, quia inhaeret illi in quantum accidens, non verò reduplicatiuè in quantum actio, sub hoc enim conceptu non petit subiectum inhaesionis, sed tantum emanationis principium.

Obiicies 3. Perfectio est in eo cuius est perfectio : sed actio etiam transiens est maxima & vltima perfectio agentis : ergo est in eo & non in passo.

Respondeo distinguendo maiorem : est in eo cuius est perfectio intrinseca, concedo : extrinseca, ne-

go : actio autem transiens est perfectio intrinseca soli passi, extrinseca verò agentis.

Dices omne agens, (vt habet commune proloquium) est propter suam operationem, quatenus per illam perficitur : atqui nihil est ob perfectionem sibi extrinsecam : ergo operatio est perfectio intrinseca agentis.


Respondeo distinguendo maiorem : Quatenus per illam perficitur, vel, intrinsecè, si sit immanens, vel extrinsecè, si transiens, concedo : intrinsecè semper, nego : & nego minorem, cum enim actio transiens cedat in bonum commune, putà in conservationem speciei & vniuersi, quod bonum est nobilissimum potest agens particulare esse propter suam operationem ob illum finem extrinsecum.

Obijcies vltimò : Illud est intrinsecum agenti, per quod eius potentia intrinseca reducitur ad actum : atqui per actionem potentia intrinseca agentis reducitur ad actum : ergo

Respondeo illud per quod potentia passiuæ seu receptiuæ reducitur ad actum, debere esse illi intrinsecum ; non autem illud per quod potentia actiuæ reducitur ad actum formaliter. Addo, formaliter, quia præmotio per quam applicatiuè, vt ita loquar, ad actum reducitur, debet esse intrinseca illi.

Ex dictis inferes in actione transeunte, sumendo ipsam cum omnibus quæ eam antecedunt, concomitantur, aut sequuntur, reperiri primò virtutem actiuam, secundò præmotionem applicantem eam virtutem ad actum secundum, tertio actionem qua effectus emanat ab agente, quarto passionem qua recipitur in passo, quinto motum quo subiectum transit de termino à quo ad terminum ad quem, sexto effectum, vltimo duas relationes, vnā ex parte agentis, alteram ex parte passi, quæ in actione & passione, modo aliàs explicato, fundantur.





## SECTIO III.

### *De termino motus.*

**Q**uamuis motus physicus, tam de instantaneo, quàm non includit realem successionem temporis, sed solum naturæ, ut sectione prima explicuimus, quàm de successiuo, qui illam importat, dicatur absolute uti de duplici membro sui adæquatè diuisuo, propriissimè tamen nomine physici motus intelligitur solus successiuus, & de illo tantum agitur in præsentibus, quæriturque quanam sit eius terminus per se, seu ad quid per se terminetur: quod etiam aliis verbis quæri solet, quanam videlicet prædicamenta per se & ratione sui terminent motum, seu successiuè per motum fiant, Pro cuius resolutione.

Aduerte ad motum successiuum tres præcipuè requiri conditiones: prima est ut sit inter terminos possituios: secunda, ut termini illi sint contrarij: tertia, ut habeant latitudinem successiuè percurrendam vel partium, quæ dicitur latitudo extensiuæ, ad quam reducitur extensio spatij per quod fit motus localis; vel graduum, quæ appellatur latitudo intensiuæ. Ratio horum est, quia motus successiuus in hoc ab instantaneo differt, quòd hic est acquisitio termini subita & tota simul seu in instanti; ille verò, successiuæ & pederentim in diuersis partibus temporis: non potest autem, ut euident est, acquisitio huiusmodi successiuæ esse & diuersis temporis partibus fieri, nisi terminus acquirendus latitudinem habeat, vel extensiuam, ut dixi, ratione cuius per partes paulatim acquiratur, ut quantitas & locus vel ubi; vel intensiuam, ratione cuius acquiratur per gradus aut modos maioris & maioris radicationis in subiecto.

vt qualitas ; & consequenter nisi terminus à quo successiue etiam & per partes aut gradus vel modos deferatur & sic habetur vna ex illis conditionibus, ex qua alia duæ deducuntur : non enim possunt terminus à quo & terminus ad quem hoc modo successiue & per partes acquiri vel deferri, nisi imprimis positiui sint, quæ est altera conditio ; etenim priuatio cum in indiuisibili consistat, tota simul & instanti deferitur aut acquiritur, quæ de causa illuminatio, quæ est mutatio de priuatione lucis ad esse illius, motus instantaneus est, quantum est de se, sicut etiam generatio & corruptio quæ similiter sunt à priuatione ad formam, aut è conuerso : & nisi secundò contrarietatem inter se habeant, seu specialem oppositionem & impossibilitatem, ratione cuius adueniente termino ad quem deperdi aut deferri debeat necessariò terminus à quo quæ oppositio ad contrariam necessariò reduci debet, vt pote quæ est inter terminos positiuos, non relatiuos (quia vt statim videbimus relatio nequit esse terminus per se motus) sed absolutos, in quo sita est ratio oppositionis contrariæ : ergo requiruntur tres illæ conditiones ad motum successiuum. Et insuper vt aliquid per se & ratione sui illum terminet, requiritur aut præsupponitur alia conditio generalis, quod videlicet per se & ratione sui fiat, & non solum ratione alterius. His prælibatis.

Dico 1. non dari per se motum ad substantiam, siue quod terminis inuersis idem est, substantiam non terminare per se motum.

Probatur : Motus est acquisitio termini successiua & per partes sed substantia per se & ratione sui non fit nec acquiritur successiue & per partes : ergo non terminat per se motum. Probatur minor : quia substantia ratione sui præcisè est indiuisibilis priuatiue, subindèque nullas de se habet partes, vt in libris de anima ostendimus : ergo.

Dices : Nutritio terminatur per se ad substantiam : atqui nutritio est motus successiuus : ergo datur per

se motus successivus ad substantiam. Probatur minor: nutritio enim est successiva acquisitio seu aggeneratio substantiæ.

Respondleo distinguendo minorem: Nutritio est motus successivus ratione sui præcisè & in quantum terminatur ad substantiam intra lineam substantiæ, nego: ratione alterius, nempe ratione coniunctionis cum motu successivo augmentationis, & ut terminatur ad substantiam affectam quantitate ab eaque partes successivè acquisibiles habentem, concedo: similiter distinguo consequentiam: Ergo datur motus successivus ad substantiam, intra lineam substantiæ, nego: ad substantiam ut affectam quantitate ita ut ratione quantitatis sit successivus ille motus, concedo. Huius solutionis explicationem sicut & conclusionis præcedentis ac sequentium pleniorẽ intelligentiam habebis loco citato.

Probatur 2. Terminus per se motus successivi debet fieri ex termino à quo positivo & contrario, ut patet ex dictis: sed substantia non fit ex termino à quo positivo & contrario, sed ex sui privatione: ergo,

Probatur minor quoad primam partem: una enim substantia non fit ex alia tanquam ex termino à quo aliàs cum terminus à quo alicuius motus determinatus sit, una substantia semper fieret ex aliqua alia determinata, quod est falsum, neque enim ignis semper fit ex ligno, v. g. ergo substantia non fit ex termino positivo & contrario, ille enim non posset esse alius quàm substantia præcedens quæ corrumpitur. Ex quibus patet etiam secunda pars minoris: ignis enim per se & semper fit ex non igne, per accidens autem est quod fiat ex ligno vel ex aliqua alia substantia. Si autem sint aliquæ formæ substantiales quæ fiant ex quibusdã aliis determinatis, ut forma cadaueris, ex forma animalis hæc ex forma embrionis: & hæc ex forma seminis, hoc non est per se & ex vi mutationis seu generationis, sed ratione subiecti in quo reperiuntur dispositiones sufficientes ad formam cada-



ueris, recedente forma animalis, & non ad aliam:  
& sic de cæteris.

Dico 2. ad relationem, actionem, passionem, situm, quando, & habere non datur per se motus.

Probatur 1. quantum ad relationem, situm, quando & habere: quia deest illis generalis conditio requisita ad terminandum motum, cum non fiant per se & ratione sui, sed ratione alterius, nam relatio resultat ad productionem fundamenti & termini; situs sequitur ex ubi siue ex eo quod res sit cum tali vel tali dispositione ubicata & præsens loco; quando ex eo quod res sit in tempore ut in mensura extrinseca propriæ durationis; & habere ex extrinseca applicatione vestium vel armorum. Adde hæc omnia nec contrarietatem nec latitudinem habere intensiuam aut extensiuam: ergo non possunt per se terminare motum.

Probatur secundo, quantum ad actionem & passionem: quia si ad actionem daretur per se motus, daretur actio ad actionem, cum motus non sit sine actione. Deinde cum actio & passio sint vnus motus, daretur motus, ad motum: hoc autem dici nequit nisi admittatur proceßus in infinitum: ergo.

Dico 3. ad tria tantum prædicamenta dari per se motum, nempe ad quantitatem, qualitatem, & ubi. Sensus huius conclusionis non est has formas, quotiescunque produciuntur, fieri per motum successiuum possunt enim fieri in instanti, quando scilicet sunt ad productionem alterius, ut patet de quantitate in generatione substantiali producta, quæ quia resultat tanquam proprietas ex substantia materiali, produciuntur in instanti, quia tunc sequitur modum productionis ipsius substantiæ. Asserit itaque conclusio prædicta accidentia, quando per se & secundum suum modum connaturalem produciuntur, terminare ratione sui motum.

Probatur conclusio sic explicata: quia omnes conditiones requisitæ ut forma aliqua motum per se terminet, inueniuntur in his tribus prædicamentis:

ergo terminant per se motum. Antecedens probatur: nam in primis in quolibet istorum prædicamentorum reperitur forma successivè acquisibilis quia habet latitudinem, vel extensionis, vt in quantitate, putà inter quantitatem parvam & magnam; vel extensionis, vt inter primum & quintum gradum caloris; vel localis distantie, vt inter locum sursum & deorsum; quæ tria genera latitudinis retardant productionem vel imitationem, vt in instanti fieri non possit; & ecce primam conditionem: insuper reperiuntur ibi termini positiui, quantitas enim minor quæ est terminus à quo, & quantitas maior quæ est terminus ad quem, similiter primus gradus caloris dum se habet vt terminus à quo, & quintus gradus v. g. qui est terminus ad quem, important entitates positiuas, & idem est de loco sursum & deorsum; & ecce secundam conditionem: vltimò tandem termini illi sunt contrarij & impossibiles, neque enim simul & semel in eodem subiecto reperitur quantitas maior & quantitas minor secundum positiuam terminationem minoris, sed maiori adueniente perit minor non secundum suam entitatem materialem, sed secundum positiuam illam terminationem seu statum minoritatis; & idem proportionaliter dicendum de qualitate, nam adueniente perfectiori & intensiori calore desinit calor remissus sub illa formalitate qua remissus est, licet non desinat quoad entitatem materialem; sic acquisito loco sursum perditur locus deorsum; & ecce tertiam conditionem, nimirum contrarietatem seu impossibilitatem terminorum.

Obiicies 1. Quantitas & vbi non sunt ex suis contrariis: ergo non terminant per se motum successiuum. Probatur antecedens: quia contrarietas non reperitur nisi inter qualitates: ergo quantitas minor & maior, vbi deorsum & sursum non opponuntur contrariè, subindèque quantitas maior non fit ex minori tanquam ex suo contrario.

Respondeo contrarietatem quidem omnino stricte

sumptam reperiri inter solas quantitates, putá frigus & calorem, nihilominus contrarietas sumpta pro incompossibilitate & speciali repugnantia inter duos terminos positivos, quo sensu hic sumitur à nobis, reperitur etiam inter quantitatem minorem & maiorem, inter ubi deorsum & sursum. Ex quo facile responderi potest ad formam argumenti.

Dices: quantitas maior, & quantitas minor opponuntur tantum relatiue quatenus una quantitas relata ad alteram minorem dicitur maior, per respectum verò ad maiorem dicitur minor.


Respondeo quòd licet quantitas mathematicè spectata dicatur maior & minor relatiue: attamen quantitas physicè considerata, prout est quantitas talis compositi, dicitur absolute minor si non sit in ea perfectione quam connaturaliter requirit illa natura ad suas operationes exercendas; & maior si habeat illam perfectionem. Et hoc modo quantitas maior & minor sub ratione & positiva terminatione minoris opponuntur contrariè, sensu etiam explicato, & sunt termini à quo & ad quem motus augmentationis.

Obiicies 2. ubi non fit per se: ergo non est terminus per se motus. Probatur antecedens: quia resultat ex circumscriptione loci.

Respondeo negando antecedens: licet enim ubi ad sui acquisitionem exigat locum extrinsecum tanquam conditionem, hoc tamen non impedit quominus fiat & acquiratur per se.

Ex dictis inferes triplex tantum esse genus motuum successiuorum: primus est motus ad quantitatem, qui dicitur augmentatio aut diminutio: secundus ad qualitatem, qui dicitur alteratio, intensio & remissio: tertius est motus ad ubi, qui dicitur latio seu motus localis.





## SECTIO IV.

### *De Vnitate specifica motus.*

**D**ico motum non desumere suam speciem seu unitatem aut diuersitatem specificam à termino à quo, sed à termino ad quem. Procedit conclusio non de unitate specifica propria & rigorosa, quæ nequit competere motui, cum non sit ens completum & prædicamentale, sed impropria, reductiua, & aliquali.

Probatur: motus specificatur ab eo quod formaliter & per se primò respicit, non autem ab eo quod respicit tantum materialiter & ratione alterius: atqui formaliter & per se primò respicit terminum ad quem, terminum verò à quo non nisi materialiter & ratione termini ad quem: ergo: probatur minor: motus enim nihil aliud est essentialiter quam via seu tendentia & accessus ad terminum ad quem: ergo formaliter & per se primò illum respicit: quòd autem non respiciat per se primò terminum à quo, sed tantum per accidens & ratione alterius, patet, quia non respicit ipsum nisi ratione termini ad quem tendit, cum discessus à termino à quo sit solum propter accessum ad terminum ad quem.

Obiicies: Si motus specificaretur à termino ad quem, non possent motus specie diuersi habere eundem terminum ad quem; atqui possunt: ergo. Probatur minor: nam intensio & remissio qui sunt motus diuersæ speciei, possunt habere eundem terminum, putà si vna aqua calida vt duo intendatur vsque ad quartum gradum caloris, & altera calida

ut sex remittatur vsque ad quartum etiam gradum : similiter dicendum de augmentatione & decrectione, ut si quantitas palmaris augeatur & fiat bipalmaris, aut è contra, tripalmaris decrescat & diminuatur vsque ad bipalmarem : idem denique constat de motu sursum & motu deorsum, habebunt enim eundem terminum si vnum mobile ascendat à terra, vsque ad mediam aëris regionem, & aliud è contra à sphæra ignis descendat ad eandem regionem mediam. Cum igitur illi motus sint diuersæ inter se speciei, & illa diuersitas nequeat peti in casibus propositis à diuersitate termini ad quem cum sit idem, putà idem gradus quartus caloris, eadem quantitas bipalmaris, &c. desumetur à sola diuersitate terminorum à quibus.

Respondeo prænotando terminum ad quem duobus modis sumi posse : primò materialiter & in ente, qua ratione nihil aliud est quàm res illa quæ per motum acquiritur materialiter spectata : secundò formaliter & sub ratione termini, id est secundum eam formalissimam rationem sub qua attingitur & acquiritur à mobili : & à termino ad quem sic formaliter considerato, & non materialiter, intendimus motum specificari. Ex quo.

Ad argumentum in forma distinguo maiorem : Non possent motus specie diuersi habere eundem terminum, formalem, concedo : materiale, negando dico intensiorem & remissionem in casu proposito habere terminum eiusdem rationis materialiter formaliter tamen & in ratione termini diuersum : quod idem dico de aliis motibus in obiectione adductis : etenim terminus formalis motus intensiorem in exemplo proposito est calor ut quatuor prout habet rationem maioris seu magis intensi, terminus vero formalis remissionis est calor ut quatuor, prout habet rationem minoris seu minus intensi : similiter terminus formalis augmentationis in casu adducto est quantitas bipalmaris sub ratione maioris, terminus autem formalis diminutionis est quantitas bipalma-



ris sub ratione minoris : & tandem terminus formalis motus sursum in illa suppositione est media regio aeris prout habet rationem loci superioris ; eandem verò sub ratione loci inferioris est terminus formalis motus deorsum.

Dices : quòd idem materialiter terminus sit formaliter diuersus in ratione termini ad quem , sensu explicato , id petitur ex connotatione diuersorum terminorum à quibus : ergo diuersitas specifica motus petitur tandem à diuersitate termini à quo. Antecedens videtur clarum in exemplis adductis : nam idem gradus caloris habet rationem maioris aut magis intensi comparatione alterius minus intensi , & e conuerso habet rationem minus intensi comparatione gradus superioris à quo incipit motus remissionis : & idem dic de aliis , eadem enim media aëris regio dicitur locus superior comparatione termini à quo inferioris , & appellatur locus inferior per respectum ad terminum à quo superiorem.

Respondeo concesso antecedente eiusque probatione distinguo consequentiam : Diuersitas illa specifica motus petitur à diuerso termino à quo , formaliter nego : connotatiue , seu tanquam ab aliquo connotato per terminum ad quem , qui est formale specificatum , concedo.

Obiicies 2. Ad vnitatem vel diuersitatem specificam motus exigitur vnitas aut diuersitas medij per quòd fit , seu distantia quæ pertransitur : ergo non sumitur à solo termino ad quem. Probatur antecedens : nam denigratio alicuius subiecti , quæ fit medio colore rubro , videtur differre speciem ab ea quæ procedit per colorem viridem : atqui ibi est idem terminus ad quem , nempe nigredo , & sola diuersitas medij : ergo ab hac , &c.


Respondeo concedendo requiri vnitatem vel diuersitatem medij , inde tamen nequaquam inferri posse oppositum nostre conclusionis , quia medium formaliter vt tale non ponit in numero cum termino ad quem , atque adeò etiamsi motus sumat suam



vnitatem aut diuersitatem à medio , non censetur per hoc sumere illam ab alio quàm à termino ad quem. Vnde dico huiusmodi motus denigrationis esse eiusdem planè speciei , quia medij illi colores , quamuis materialiter sint specie diuersi ab inuicem , formaliter tamen & in ratione medij ducentis ad nigredinem , qui est color extremus , sunt eiusdem rationis ; quia vt sic sumuntur prout participant naturam illius extremi , eum enim medium participet ex extremis (putà illi colores ex albedine & nigredine) dum comparatur ad alterum extremum sumitur vt participans de illo subindèque censetur esse eiusdem rationis cùm eo , & è conuerso quando ad aliud comparatur.

*Instabis :* motus localis , rectus & obliquus procedentes ab eodem termino à quo ad eundem terminum ad quem , sunt diuersæ speciei ob solam diuersitatem medij aut distantie directæ seu per lineam rectam , vel obliquè & per lineam circularem ducentis ad locum.

Respondeo huiusmodi motus formaliter & per se loquendo non respicere eundem terminum ad quem ; solus enim motus rectus per se tendit ad illum , obliquus verò per se tendit ad alium , & per accidens reuertitur ad terminum in quem desinit per se motus rectus : vnde negatur huiusmodi diuersitatem peti à sola diuersitate medij.





## SECTIO V.

### *De unitate numerica motus.*

**S**icut in præcedenti ita in hac sectione sermo est de motu secundum suam rationem formalem præcisam ab ordine ad agens, & ad passum ut tale, seu ab actione & passione.

Dico : Ad unitatem numericam motus tria indispensabiliter requiruntur & sufficiunt nempe unitas numerica mobilis, unitas numerica termini ad quem, & unitas seu continuïtas non interrupta temporis. Prima pars probatur : cum enim motus sit actus quidam accidentalï, debet indiuiduari ab hoc numero subiecto, sicut de aliis accidentibus alibi ostendimus : subiectum autem motus est mobile : ergo unitas illius numerica requiritur. Vnde fit quod si canis, exempli gratia, decadat ab alta turri & in medio descensus intereat, motus subsequens interitum non erit idem numero cum præcedenti, quia præcedens erat vnus subiecti, nempe viuentis, subsequens verò alterius, nempe cadaueris.

Dices : Motus posterior in casu proposito erit idem numero cum priori, si ipsi continuetur ; motus enim non est vnus unitate indiuisibilitatis, sed continuïtatis successiuæ : atqui ipsi continuatur, quandoquidem non interrumpitur : ergo.

Respondeo motum illum posteriorem esse quidem immediatum priori & veluti contiguum ipsi, quia absque media mora eum subsequitur, non tamen ipsi continuari propriè, cum afficiat diuersum subiectum. Et ad id quod additur, respondeo non interrumpi mora aliqua, ut dixi, aut quiete quæ ag-

pellatur priuatiua, quasi per aliquod tempus quiescat corpus illud in medio descensu; interrumpi tamen quiete negatiua quæ est in instanti occisionis illius canis, in quo momento verum est dicere, nunc non est motus canis, & immediatè antea erat, &, nunc non est motus cadaueris sed immediatè postea erit.

Instabis: Continua sunt quorum vltima sunt vnum, id est, quorum extremæ partes copulantur vno communi termino: atqui extremæ partes motus canis & & motus cadaueris ipsius vniuntur eodem indiuisibili: ergo.

Respondeo id esse verum quando ille terminus communis afficit vtrumque: illud autem indiuisibile, cum sit primum instans in quo est cadauer, spectat ad motum ipsius, quamuis extrinsecè terminet etiam motum præcedentem canis.

Secunda verò pars, quòd scilicet requiratur vnitas numerica termini ad quem, faciliè suadetur: quia motus est idem entitatiuè cum termino, atque adeò si fuerint termini diuersi, erunt etiam diuersi motus: ergo requiritur vnitas termini numerica ad vnitatem numericam motus. Hoc autem ita intelligi debet vt requiratur vnitas termini vltimati, non autem intermedij, vnde quamuis motu locali acquirantur successiue plura vbi tanquam termini intermedij, non tamen ad eorum multiplicationem multiplicatur numericè motus localis, dummodo acquirantur sine interruptione.

Tertia denique pars, requiri nempe vnitatem continuatam & non interruptam temporis, est euident: quia si semel interrumpantur motus, & mobile quiescat, quantumuis per breuem morulam, non erit idem numero motus; quia scilicet discontinuabitur, illi enim motus sunt discontinui inter quos vel minima quies intercedit.


Aduerte tamen vnitatem temporis non desiderari nisi tanquam signum, non verò tanquam aliquid quòd formaliter & à priori tribuat vnitatem motui,



sed quando est diuersitas temporis, indicium est diuersitatis motus, quod diligenter nota.

Quæres : An detur quies ( priuatiua ) in puncto re-  
flexionis, id est, an lapis v. g. sursum proiectus ali-  
quantulum quiescat inter instans terminatiuum motus  
sursum & instans initiatiuum motus deorsum.

Respondeo affirmatiuè, per se loquendò : quia in-  
ter illa duo instantia mediat pars temporis in qua  
lapis nec sursum nec deorsum fertur, subindèque  
quiescit : quamuis potest per accidens oppositum con-  
tingere, puta si exiguo lapidi sursum proiecto & as-  
cendenti occurreret saxum ingens magno impetu des-  
cendens, tunc enim nullatenus quiesceret quiete pri-  
uatiua prior ille lapillus, aliàs dicendum esset ipsum  
in medio aëre sistere saxum illud, quod est absur-  
dum : sed tunc idem esset instans extrinsecè termina-  
tiuum motus sursum & inchoatiuum motus deorsum :  
in quo instanti posset dici ad summum quiescere ne-  
gatiuè, sensu supra explicato : in vtroque verò casu  
esset diuersus motus, vt per se patet, præsertim cum  
sit diuersus terminus ad quem, scilicet locus sursum  
& locus deorsum.



## SECTIO VI.

### *De contrarietate motus.*

**D**ico 1. Contrarietatem motuum desumi forma-  
liter à contrarietate terminorum ad quos.

Probatur : Ab eo habent motus suam contrarie-  
tatem, à quo desumunt speciem : atqui desumunt  
suam speciem à terminis ad quos, vt vidimus : ergo.  
Probatur maior : quia oppositio rerum consequitur  
distinctionem specificam ipsarum : ergo ab eo desu-  
mitur oppositio contraria motuum, à quo distinctio

specifica. Vnde sicut quantitas maior opponitur contrariè (modo supra explicato) quantitati minori, ubi sursum vocationi deorsum, & calor frigori; ita augmentatio contrariatur diminutioni, motus sursum motui deorsum, & calefactio frigectioni.

Dico 2. Idem corpus potest simul moueri motibus contrariis secundum diuersas partes, vel etiam secundum se totum si vnus ei conueniat per se, & alter per accidens, vel vterque per accidens.

Prima pars est euidens: potest enim eadem manus moueri motu calefactionis, & simul pes motu frigectionis, manus sursum & pes deorsum.


Secunda etiam est clara: quia experientiâ videmus quòd dum nauta mouetur per accidens ad motum nauis versus occasum, exempli gratia, mouetur per se interdum versus orientem propriis pedibus incedendo in naui, puta à prora ad puppim: & idem corpus Christi per accidens ratione diuersarum formularum seu specierum consecratarum simul & semel mouetur sursum in vno altari, & in alio deorsum.

Dico tertio: non potest idem mobile secundum eandem partem simul moueri per se duobus motibus contrariis: etiam in gradibus remissis.

Probat: Omnis enim frigectionis exempli gratia quantumuis remissa, est recessus à calore, & calefactio est accessus ad calorem; similiter motus sursum est ascensus ad locum superiorem, motus vero deorsum est descensus ab illo: atqui implicat, idem corpus secundum eandem partem simul & semel accedere per se & ratione sui ad vnum terminum, & ab illo recedere, ascendere & descendere: ergo.

Confirmatur: Quilibet motus quantumuis remissus importat priuationem alterius motus contrarij: calefactio enim v. g. ex propria ratione est recessus subiecti à frigore, & accessus ad calorem: recessus autem subiecti à frigore importat priuationem accessus ad huiusmodi frigus, qui accessus est ipsa frigectionis, subindeque calefactio importat priuationem


frigesactionis pro eodem tempore : ergo nequeunt esse simul. Vnde dato quod duæ qualitates contrariæ in gradu remisso possint esse simul, putà calor & frigus, id tamen omnino negandum est de motibus contrariis, quia vna huiusmodi qualitatatum non est ex propria ratione abiectio alterius, seu non importat priuationem illius in gradu remisso saltem, secus verò motus.



## DISPUTATIO XII.

### *De tempore.*

**C**VM tempus sit duratio motus & rei mobilis, ac veluti proprietas aut affectio illius, ideò postquam de motu egimus consequenter agendum est de tempore : sed prius de duratione in communi, quæ se habet vt ratio generica respectu temporis, aliquid est prælibandum. Vnde sit.



### SECTIO I.

*Quid & quatuorplex sit duratio & quomodo à re durante distinguatur.*

**D**ICO primò : Duratio est permanentia rei in esse (intellige, permanentia formalis.) Hæc conclusio patet ex terminis, ea enim dicimus durare quæ



permanent seu persistunt in esse. Notanter tamen addidi ly formalis, quia sicut distinguimus duplicem similitudinem e. g. alteram fundamentalem quæ est ipsamet qualitas, putà albedo, quatenus convenit cum alia eiusdem rationis; alteram formalem, quæ est relatio accidentalis superaddita albedini: ita in qualibet re duplex considerari potest permanentia in esse, altera fundamentalis, quæ est ipsamet res vt continuò conseruata à Deo; altera formalis, quæ (loquendo de rebus creatis) est aliquod accidens rei existenti & conseruatæ superadditum, vt postea ostendemus: & in hac formali persistentia in esse dicimus consistere quidditatem durationis.

Dico secundò durationem vt sic, prout est formalis permanentia rei in esse, rectè diuidi in æternitatem, æuam, & tempus. Explicantur membra huius diuisionis.

Æternitas est duratio rei ex omni parte immutabilis, nempe Dei, seu diuini esse: quamuis si latius sumatur æternitas soleat diuidi à nonnullis Theologis in æternitatem per essentiam; quæ est illa quam iam definiuimus, & in æternitatem participatam quam dicunt esse durationem visionis beatificæ hominum & Angelorum.

Æuam est duratio rei immutabilis secundum substantiam, mutabilis verò quoad accidentia quales sunt Angeli & cœli, vtrique enim sunt immutabiles & incorruptibiles quantum ad substantiam, variabiles tamen quoad aliqua accidentia, Angeli quidem quoad operationes liberas quas successiue eliciunt, cœli verò quoad motum.

Tempus denique est duratio rei omnino variabilis tam quoad substantiam quam quoad accidentia, qualia sunt omnia entia corruptibilia, siue sint substantiæ, siue accidentia. Quæ definitiones ita debent intelligi, vt duratio cuiuslibet rei, siue substantiæ siue accidentis, secundum suam entitatem immutabilis, habentis tamen annexam mutationem aliorum, sit æuam, & ideo non solum substantias Angeli, & cœ-

li mensuratur æuo, sed etiam omne accidens incorruptibile, qualis est in Angelo cognitio sui ipsius quæ est indefectibilis. Vnde habes æuum aliud esse materiale, aliud spirituale, iuxta conditionem subiecti cuius est duratio: æuum enim cœli est materiale Angeli verò spirituale: similiter duratio cuiuslibet rei, siue substantiæ siue accidentis, omnino transmutabilis dicitur tempus, maximè verò duratio ipsius motus qui est ipsamet transmutatio actualis. Vnde etiam tempus aliud est materiale, illud nimirum quod est duratio rei materialis omnino transmutabilis, aliud spirituale quod est duratio rei spiritualis variabilis, qualis est duratio operationum liberarum Angeli.

Dico 3. Durationem propriam & intrinsecam cuiuslibet rei creatæ distingui formaliter ante omnem mentis operationem ab ipsa re durante & existente. Est contra Suarem dicentem distingui sola ratione ratiocinata. Dixi, rei creatæ, quia suppono æternitatem, quæ est duratio Dei, non distingui vllò modo realiter ab ipso, sed tantum virtualiter, seu ratione ratiocinata: in diuinis enim, vt habet axioma Theologicum, nulla est realis distinctio nisi quam facit relatiua oppositio, quæ est inter personas tantum: alias enim Deus non esset simplicissimus sed compositus, si in sua natura aut attributis, ex quibus est æternitas, distinctionem realem admitteret.

Probatur: Omne accidens aut propria passio realiter dimanans ab aliquo subiecto, distinguitur ante omnem mentis operationem ab illo: sed duratio intrinseca cuiuslibet rei creatæ est propria passio ipsius ab ea realiter dimanans: ergo: Maior est euident, idem enim non dimanat aut dependet realiter à se ipso. Minor verò suadetur efficaciter: extensio enim cuiuslibet rei est propria ipsius passio ab ea realiter profluens, vt patet de quantitate respectu corporis: atqui duratio est extensio rei seu existentie ipsius in rerum natura, vel formalis, si loquamur de duratione formaliter diuisibili & successiua, quale est tem-



pus ; vel virtualis , si de æuo , quod non formaliter , sed virtualiter tantum est successuum aut diuisibile , quatenus scilicet diuersis nostri temporis partibus idem & indiuisibile ex parte sui manens correspondet & æquiualeat : ergo. Et hæc ratio conuincit de omnibus , etiam de tempore respectu motus.

Probatur 2. Specialiter quoad durationem aliarum rerum creatarum à motu , sic. Quod aduenit rei existenti , distinguitur ante omnem mentis operationem ab illa : atqui duratio aduenit rei existenti : ergo. Maior est euidentis : quod enim aduenit alicui , præsupponit illud existens : ergo distinguitur realiter ab illo. Minor verò non videtur minus clara ; nihil enim potest durare aut permanere in esse nisi præsupponatur habere esse seu existere.

Confirmatur : Homo v. g. in instanti suæ productionis est verè & realiter existens , & tamen nondum habet suam propriam durationem quæ est tempus : ergo duratio præsupponit realiter rem existentem.

Dices durationem nihil aliud esse quàm existentiam , non quidem absolute & præcisè sumptam sed continuatam.

Sed contra : quia vel illa continuatio addit aliquid supra existentiam , saltem modum aliquem accidentalem , vel nihil : si primum , habemus intentum quòd nimirum duratio sit aliquis saltem modus realiter superadditus rei existenti & existentiae : secundum verò dici non potest , alias in primo instanti suæ productionis , res haberet existentiae continuationem , cum ipsam habeat existentiam , quod est ridiculum.


Obiicies : Duratio nihil aliud est quàm persistencia rei in esse : sed huiusmodi persistencia non distinguitur à re seu ab existentia illius : ergo nec duratio. Probatur minor : idè enim creatio & conseruatio rei sunt eadem actio , quia est idem vtriusque terminus : sed terminus creationis est esse rei , terminus verò conseruationis est continuatio seu permanentia illius esse : ergo huiusmodi permanentia non distinguitur ab ipso esse.



Respondeo ex dictis initio sectionis, distinguendo maiorem: Duratio est permanentia rei in esse, formalis, concedo: fundamentalis, nego, & hanc concedimus non distingui, secus illam. Unde ad probationem minoris dico terminum actionis conservatiue esse permanentiam seu continuationem rei in esse, fundamentaliter sumptam, atque adeo esse eundem cum termino creationis, est enim ipsamet res quæ conservatur, ex qua sic conservata dimanat ipsa formalis duratio seu formalis permanentia in esse veluti quædam affectio aut proprietas. Ex quibus facile respondere potes in forma.

Instabis circumscriptio omni accidenti aut formalitate vel modo distincto à re existente, & conservata intelligitur adhuc durare res illa: ergo duratio non est aliquid distinctum,

Respondeo sicut alias responsum est ad simile argumentum de relatione, distinguendo antecedens ex dictis: intelligitur durare, duratione materialiter sumpta quæ est ipsamet res conservata prout nata est mensurari per durationem, concedo: duratione formali, quæ est ipsum mensurari rei conservatiue, nego.



## SECTIO II.

### *Quid & quotuplex sit tempus.*

**D**ico 1. Tempus ut sic est duratio rei secundum suam substantiam seu entitatem mutabilis: siue, est duratio rei in transmutatione consistentis.

Declaratur: Dicitur duratio, in quo convenit tempus cum æternitate & ævo. Additur, rei secundum suam entitatem transmutabilis, in quo differt ab illis, ut ex sectione præcedenti sufficienter manet ex-

plicatum : æternitas enim est duratio rei omnino immutabilis ; ævum verò , rei immutabilis quoad suam entitatem , mutabilis autem quoad annexa : at tempus est duratio rei secundum suam etiam entitatem mutabilis , siue res illa sit ipsamet formalis transmutatio aut motus , siue id quod huiusmodi transmutationi aut motui subest. Ex quo intelliges tritam illam temporis definitionem , quâ dicitur Numerus motus secundum prius & posterius : per illam enim non definitur tempus vt sic , sed aliqua veluti eius species , scilicet tempus intrinsecum motus : & sensus est tempus illud esse numerum , id est durationem seu mensuram motus secundum partes priores & posteriores ipsius : sumitur enim ibi numerus pro mensura , eo quod sit notior quoad nos ad mensurandum , vnde etiam communiter solemus mensurare res continuas per numerum , vt cum dicimus pannum habere decem vlnas. Vnde.

Habes tempus constare partibus prioribus & posterioribus per instantia copulatis , siue sumatur pro duratione ipsius motus , qui habet partes priores & posteriores , subindèque propria ipsius duratio debet etiam eas habere , vt possit ipsi coextendi , siue pro duratione cuiuscumque alterius rei secundum suam entitatem mutabilis , quæ licet materialiter spectata consistat in continuo fluxu partium præcedentium & subsequantium , cum sit res permanens , bene tamen formaliter , quatenus continuas subit mutationes & paulatim dilabitur : atque adeò tempus ipsi intrinsecum debet etiam includere successionem , seu consistere in continuo fluxu partium priorum & posteriorum. Ex quibus.

Inferes insuper neque Deum , neque Angelos , nec animas separatas , nec cælos quoad suum esse substantiale mensurari tempore , sed æternitate aut ævo : quia non consistunt in mutatione , sed sunt immutabilia quoad esse saltem : vnde dicuntur entia æterna vt Deus , aut æterna vt angeli , &c. Ceteræ verò res secundum suum esse transmutabiles aut corrupti-

biles dicuntur temporaneæ, qui subiacent tempori & ab eo mensurantur.

Dico 2. Tempus consideratum secundum suam essentiam esse numero multiplex pro multiplicitate rerum temporalium, siue motuum, siue substantiarum, siue accidentium, quæ secundum suas entitates, variantur. Est contra nonnullos, qui censent vnicum dumtaxat dari tempus nempe durationem motus primi mobilis.

Probatur tamen: quia tempus est duratio rei secundum suam entitatem mutabilis à qua non nisi modaliter ad summum distinguitur: ergo multiplicatur ad multiplicationem huiusmodi rerum mutabilium quandoquidem est entitatiuè idem cum ipsis.

Confirmatur: quia si Deus destrueret primum mobile & per consequens motum & durationem eius, nihilominus res corporeæ & mutabiles possent absolutè conseruari in esse & durare: ergo præter durationem primi motus debent habere proprias durationes & intrinsecas, atque adeò multiplicabitur tempus intrinsecum cuiuslibet rei pro multiplicatione subiecti in quo est.

Dico tertio: Tempus sumptum in ratione mensuræ communis & extrinsecæ rerum omnium temporalium est vnicum numero, nempe tempus circulationis primi mobilis, quod illi quidem motui circulari est intrinsecum, extrinsecum verò aliis.


Probatur conclusio: quia tempus illud est omnium maximè regulare & vniforme ac notius aliis, quæ sunt conditiones requisitæ ad rationem mensuræ aliorum: ergo illud est omnium aliarum durationum temporalium mensura vniuersalis homogenea seu eiusdem naturæ cum illis, quod addo ad differentiam æternitatis, quæ est prima & vniuersalissima omnium inferiorum durationum mensura, sed heterogenea & alterius rationis.

Quod si per durationem aliquorum motuum mensurentur à nobis actiones aliæ aut motus, putà lectio, labor, aut ipsa etiam dies & tempus primi mobilis



bilis per durationem fluxus clepsydræ vel motus horologii; hoc est solum per accidens & quoad nos, non enim illi durationi per se primò convenit esse aliorum mensuram : sed soli durationi primi motus, quia primum in vnoquoque genere est mensura cæterorum, mensura in quam secundum se, quia secundum se est quid notius, licet quoad nos possit esse notior duratio alicuius motus inferioris.

Maneat ergo tempus secundum suam quidem essentiam consideratum esse multiplex, cum sit duratio intrinseca cuiuslibet motus aut rei mutabilis : in ratione tamen mensuræ communis vnicum esse hoc est tempus circulationis primi mobilis, quod efficit diem naturalem, & continuò replicatum efficit hebdomadas, menses, annos & sæcula, & ideo illud solum appellatur per antonomasiam tempus.



### SECTIO III.

*An tempus sit præsens ratione partis vel instantis.*

**P**ro intelligentia difficultatis aduerte ex infra dicendis & probandis continuum non componi ex solis indiuisibilibus, sed ex partibus, per indiuisibilia copulatis : vnde & definitur, id cuius partes indiuisibilibus tanquam terminis communibus vniuntur. Est autem duplex, aliud permanens, aliud successuum. Continuum permanens est illud cuius partes simul existunt aut existere possunt, cuiusmodi sunt linea, superficies, & corpus. Successuum verò est illud cuius partes non sunt simul, sed continuò fluunt vnà alteri succedente, & huius generis sunt motus cuius partes priores & posteriores copulantur

per indiuisibilia ; quæ dicuntur mutata esse ; & tempus : cuius similiter partes sibi continuò succedentes vniuntur instantibus.

Difficultas igitur est an tempus ( & eadem procedit quæstio de motu ) sit præsens beneficio alicuius partis diuisibilis , vel solum ratione instantis, ita vt illud quod de tempore habemus præsens sit momentum dumtaxat. Pro resolutione.

Dico 1. tempus non esse præsens ratione alicuius partis determinatæ , seu non dari certam aliquam & designabilem partem temporis quæ ratione sui sit præsens quantumuis exigua designari queat.

Probatur : nullum successuum potest existere secundum aliquam sui partem determinatam quantumuis breuem & imperceptibilem , tempus est ens successuum ergo. Antecedens probatur : si ens successuum existeret secundum aliquam partem determinatam quæ esset præsens ratione sui , sequeretur quod multæ partes illius entis successui essent simul : consequens est contra naturam entis successui prout à permanenti distinguitur : ergo. Probatur sequela maioris : non potest aliquid esse præsens ratione sui nisi simul sint ea ex quibus componitur : atqui quælibet determinata pars continui quantumuis exigua , componitur ex aliis partibus & mediatis in quas diuisibilis est , hæc siquidem est natura continui vt infra videbimus quod sit diuisibile in semper diuisibilia : ergo si daretur aliqua pars determinata , licet breuissima quæ foret præsens ratione sui , darentur simul plures. Ex quibus inferendo.

Dico 2. tempus non existere aut esse præsens per aliquid sui quod designari queat nisi instans. Hæc conclusio est conformis communi sensui omnium philosophorum vnanimiter dicentium , nos è tempore nihil (supple, designabile) habere nisi instans : & sequitur euidenter ex præcedenti , cum enim tempus existat & sit præsens per aliquid sui quod designari potest , & illud non sit pars , vt probauimus , debet necesse est esse instans reale.

**Obiicies :** In tempore datur pars præterita & futura : ergo etiam dari debet præsens. Consequentia probatur , nihil enim præteritum aut futurum est quod non fuerit vel debeat esse præsens.

**Confirmatur :** vel post instans præsens sequitur immediatè aliud instans , vel pars temporis : non primum , aliàs instantia essent sibi immediata , sicque tempus constaret solis indiuisibilibus , contra inferiùs dicenda : ergo secundùm : sed pars illa sequens immediatè post instans fit præsens , non ratione instantis cum tunc iam non sit ergo ratione sui.

**Respondeo :** Quòd quamuis tempus non existat per aliquam partem determinatam quæ sit præsens ratione sui & secundum se totam, nihilque determinatum assignari possit in tempore præsens ratione sui nisi instans vt ostensum est ; attamen existit etiam & est præsens ratione partis indeterminatæ , id est, minoris & minoris in infinitum , vnde post quodlibet instans immediatè sequitur & fit præsens ratione sui aliqua pars incertæ extensionis , id est , non ita exigua quin minor. Et hoc solum probant obiectiones , quibus proinde satisfactum manet : sed.

**Instabis :** Hæc responsio videtur repugnare primæ conclusioni : nam potest retorqueri totum argumentum ibi factum : si quidem si detur aliqua pars etiam indeterminata quæ sit præsens ratione sui , dabuntur simul plures partes & medietates illius quod repugnat enti successiuo.

**Respondeo** negando pugnare vllomodò cum dictis aut argumentum posse retorqueri : vnde ad id quod subditur nego sequelam aut potius suppositum , quod scilicet pars indeterminata , id est minor & minor in infinitum sub ea ratione habeat partes aut medietates , cum dicatur indeterminata quatenus nec est tota aliqua pars quæ determinatè sequatur post instans , nec medietas illius tota , nec medietas medietatis , & sic consequenter , sed aliquid minus & minus in infinitum , quod immediatè succedit in-




stanti : & secundum id quo immediatè illud veluti contingit , sumitur vt quid formaliter indiuisibile : in quo sensu verè dicitur tempus existere tantum per indiuisibilia , nempe per instans , & per partem indeterminatam , quæ formaliter vt talis est indiuisibilis.

Dices : illud quod immediatè sequitur post instans determinatum potest designari : ergo cum sequatur pars illa , poterit designari ; & sic tempus erit præsens per partem etiam designabilem & determinatam.

Respondeo negando antecedens : nam quodcumque determinetur post instans , non succedit illi immediatè secundum se totum , nec secundum sui medietatem totam , nec secundum totam medietatem illius medietatis , sed secundum aliquid indeterminatum n̄ minus & minus in infinitum.

Ex his ergo omnibus habes id quod de tempore est præsens ratione sui ; esse vel instans , vel partem aliquam indeterminatam ( quæ vt dixi est sub illa formalitate indiuisibilis : ) non dari vero partem determinatam , quantumuis exigua designari queat , quæ sit præsens aut existens ratione sui totius , sed vel ratione instantis , vel ratione partis sui indeterminatæ , id est minoris & minoris in infinitum.






## DISPUTATIO XIII.

*De continuo.*

**C**VM motus & tempus sint de genere continuorum, ut eorum natura omnino explicetur, agendum est hic de continuo in communi, seu de quantitate continua quæ se habet ut genus respectu linearum, superficiei, corporis, motus, & temporis, sensu in logica explicato.



## SECTIO I.

*An continuum constet solis indivisibilibus.*

**P**RO resolutione difficultatis aduerte quod iam sæpius diximus continuum quintuplex esse, nempe lineam, quæ ex propria ratione est extensa seu diuisibilis in longum, superficiem in latum, corpus in profundum, motum in partes priores & posteriores acquisitionis termini, & tempus pariter in partes mensurantes priores & posteriores motus. Iuxta quintuplex genus continui, assignatur quintuplex genus indivisibilium, quorum primum est punctum quod omni caret extensione & diuisibilitate: secundum,

linea quæ est indiuisibilis in latum : tertium superficies quæ est in extensa in profundum : quartum, mutatum esse quod est indiuisibile in prius & posterius : quintum, instans quod non diuiditur realiter in ante & post sicut tempus, sed est totum simul. His positis.

Dico 1. Continuum non componi ex solis indiuisibilibus.

Probatur : Omne continuum debet necessario coalescere ex his ex his ex quibus nata est resultare propria ipsius extensio, cum eam aliunde non habeat : atqui extensio propria cuiuslibet continui nequit resultare ex solis indiuisibilibus : ergo non constat illis solis. Probatur minor, primò ratione generali sic : Ex his quæ carent extensione non potest resultare seu coalescere extensio, non enim resultat extensio ex partibus, nisi quatenus illæ suam entitatem & extensionem quâ pollent, ipsi toti communicant : atqui indiuisibilia carens extensione, cum indiuisibile & inextensum idem sint : ergo ex illis nequit resultare extensio continui, subindèque ipsa sola non sunt partes componentes illud. Secundò specialiter : nam longitudo, quæ est propria lineæ extensio, non potest resultare ex solis punctis etiam infinitis ( ut per hoc via præcludatur solutioni aduersariorum ) nec latitudo seu superficies ex solis lineis, nec profundum ex superficiebus duntaxat, nec denique motus & tempus ex solis mutatis esse aut instantibus, quantumvis hæc indiuisibilia multiplicentur in infinitum : ergo propria extensio cuiuslibet continui nequit coalescere ex solis indiuisibilibus. Probatur antecedens. Implicat extensionem aliquam seu magnitudinem resultare ex iis quantum libet coaceruatis & multiplicatis, quæ nec vel minimum quidem participant aut secum afferunt talis magnitudinis aut extensionis, imò meram illius carentiam important : atqui punctum nullam prorsus secum affert longitudinem, aliàs non esset omnino inextensum & indiuisibile : nec linea ullam latitudi-



nem, cum essentialiter sit inextensa in latum; nec superficies aliquid vel minimum affert profunditatis, cum ex propria ratione sit indiuisibilis in profundum; nec denique mutatum esse aut instans important successionem ullam, seu prius & posterius, cum sint tota simul: ergo nec linea ex solis punctis etiam infinitis, nec superficies ex, &c.

Confirmatur & explicatur hæc ratio: Partes continuum componentes tales debent esse ut una addita alteri faciat maius in extensione, nam per solam additionem partium crescit & magis extenditur continuum: atqui indiuisibile, additum indiuisibili non facit maius in extensione continua, de qua sola loquimur, licet possit dici facere maius in extensione veluti discreta seu (ut magis propriè loquar) plus, de quo infra: ergo sola indiuisibilia non sunt partes continuum componentes. Probatur minor: Quod secundum se totum tangit aliud & eidem spatio correspondet, non facit maius, quàm illud solum: atqui vnum indiuisibile, si sit immediatum alteri, (ut foret si ex solis indiuisibilibus continuum fieret) secundum se totum afficit & quasi tangit aliud eidemque correspondet spatio in quo alterum est, ita ut ubi est vnum ubi sit aliud: ergo vnum indiuisibile additum alteri non facit maius. Probatur minor: vel enim indiuisibile quod alteri coniungitur, afficit illud secundum se totum, vel secundum vnam sui medietatem duntaxat: hoc secundum est impossibile, cum careat partibus: ergo. Secundum se tot afficit & tangit aliud, subindèque eidem omnino indiuisibili spatio correspondet, hoc enim est duo occupare vnum & eundem locum se se inuicem secundum se tota tangere, unde in hoc consistit penetratio duorum corporum quod vnum ita subingrediatur aliud ut secundum omnes partes se se mutuò tangant. Unde relinquitur punctum additum puncto non facere longius, superficiem additam superfici ei non facere profundius, quia sub ea ratione sunt indiuisibiles.

Probatur 2. Ab inconuenienti: Si continuum con-

stet solis indiuisibilibus sequitur illud non posse diuidi in medietates æquales, ponamus enim lineam, exempli gratia, ex septem punctis constitui, si posset diuidi in duas medietates, vel in vna medietate essent tria puncta, & in alia quatuor, & sic non esset diuisa in partes æquales, cum plura essent puncta in vna parte quàm in altera; vel in vtraque essent tantum tria puncta & media pars vnus puncti, vt sic staret æqualitas in vtraque parte, quod fieri repugnat, alias indiuisibile diuideretur. Idem argumentum fieri potest de qualibet aliâ specie continui, putâ de superficie quæ non posset diuidi in latum per medietates æquales si constaret septem lineis. E. G, nec corpus si septem superficiebus, nec tempus si septem instantibus, &c. Vnde inferendo.

Dico secundò omne continuum componi ex partibus continuis & diuisibilibus, nempe lineam ex partialibus lineis, superficiem ex partialibus superficiebus, corpus ex corporibus, seu ex partibus trinam dimensionem habentibus, motum ex partialibus durationibus successiuis. Hæc conclusio sequitur euidenter ex præcedenti: cum enim ad oculum constet continuum esse quiddam diuisibile, subindèque compositum ex his in quæ diuidi potest, & probatum sit illud non componi ex indiuisibilibus, debet necessariò coalescere ex diuisibilibus. Quod iterum

Confirmatur: quia continuum constat partibus quæ in infinitum diuidi possunt, vt enim ait Aristoteles, continuum est diuisibile in semper diuisibilia: atqui nisi constaret partibus diuisibilibus, non esset diuisibile in semper diuisibilia, cum enim diuideretur tandem in puncta tanquam in partes, puncta illa non essent vltèrius diuisibilia: ergo componitur ex partibus diuisibilibus.

Obiicies: Vnitas addita vnitati, licet sit indiuisibilis, facit numerum qui est vera species quantitatis: ergo etiam punctum, tametsi secundum se inextensum, aliis additum efficiet aliquam extensionem.



Confirmatur : quia instans additum tempori reddit ipsum longius , magis enim videretur durare res illa quæ esset in tota hora & in instanti terminatio illius, quàm ea quæ in ultimo instanti per primum sui non esse desineret : ergo.

Respondeo concessio antecedente negando consequentiam & paritatem. Ratio discriminis est : quia extensio quantitatis discretæ non est extensio magnitudinis, sed pluralitatis ; unde quia indiuisibilia possunt facere plus, non tamen maius, ideò possunt efficere quantitatem discretam, non verò continuam.

Ad confirmationem nego instans additum tempori reddere ipsum longius, cum instans nullius sit extensionis & magnitudinis. Ad probationem distinguo : Magis duraret quoad aliquam durationis extensionem, nego, instans enim nihil extensionis aut longitudinis addit : quoad durationis terminationem indiuisibilem, concedo : ex quo non sequitur instans additum tempori efficere ipsum longius : sed tantum terminare illud.

Obiicies secundò : Si vnum indiuisibile additum alteri non faceret maius, ideò esset quia tangeret illud secundum se totum, eidemque spatio corresponderet quasi ipsum penetrans : atqui hoc est falsum : ergo. Probatur minor : Indiuisibilia iuxta se posita non tangunt se secundum se tota nec se se penetrant si ipsa potius resistent penetrationi aliorum, seu impediunt quo minus alia se se inuicem penetrarent : atqui suo indiuisibilia , v. g. superficies ultimæ duorum corporum resistent penetrationi ipsorum, seu efficiunt ut illa non tangant se secundum se tota, sed tantum secundum extrema : ergo multò minus superficies se se contingunt secundum se totas , aliàs essent in eodem loco.

Confirmatur : quia iuxta sententiam nostram punctum debet necessariò inherere alicui parti quàm terminat vel cum alia vnit, & tamen non penetratur cum illa : ergo à fortiori non penetraretur cum altero puncto si immediatum illi esset.



Ad argumentum respondeo negando minorem. Ad probationem nego maiorem : indiuisibilia enim in tantum impediunt ne partes aut corpora se se penetrent, inquantum sunt extrema ipsorum, ideoque faciunt ut illa se se tangant secundum extrema tantum, at hoc ipso quod extrema se se tangunt, cum careant partibus, nequeunt se tangere nisi secundum se tota, subindèque eidem spatio correspondent.

Ad confirmationem concessio antecedente, nego consequentiam & paritatem : punctum enim si tangatur ab alio, debet necessariò tangi secundum se totum, cum partes non habeat; è contra verò pars, cum constet partibus, tangi potest inadæquatè in aliqua sui parte minori & minori in infinitum, quod est tangi in parte indeterminata.

Obiicies tertio : Continuum constat solis indiuisibilibus, si indiuisibilia sint immediata in ipso : atqui sunt : ergo. Probatur minor : si corpus perfectè sphericum moueretur motu continuo supra corpus perfectè planum, tangeret ipsum continuè & absque interruptione : non in partibus diuisibilibus : ergo in solis indiuisibilibus, quæ subindè sunt continua & immediata : Probatur minor : Corpus perfectè sphericum non tangit planum nisi per punctum : ergo non tangit ipsum nisi in punctis. Antecedens est certum : quia quanto magis globus est rotundus, tanto per aliquid minus tangit planum : ergo globus perfectissimè rotundus non tangit planum nisi per aliquid sui minimum, quod est indiuisibile. Consequentia verò probatur : quia tangens & tactum debent adæquari in eo in quo sese tangunt : ergo si id quod tangit est punctum & indiuisibile, id etiam quod tangitur debet esse indiuisibile.

Respondeo negando minorem. Ad probationem negant aliqui maiorem, & dicunt globum perfectè rotundum non tacturum planum continuè, sed discretè in punctis per saltus imperceptibiles. Nihilominus, data maiore, respondeo corpus illud perfectè rotundum motum supra planum tacturum ipsum & in

punctis & in partibus non quidem determinatis, sed indeterminatis minoribus & minoribus in infinitum. Ad probationem minoris, concessio antecedente eiusque probatione, distinguo consequens : Non tangit planum nisi in punctis, determinatè concedo : indeterminatè, nego : id est, non tangit aliquam partem determinatam secundum se totam, nec secundum totam ipsius medietatem, sed tangit ipsam successivè secundum aliquid indeterminatum minus & minus in infinitum, quod est tangere partes indeterminatas : omne verò determinatum seu designabile quod tangit, est solum indivisibile. Ad probationem consequentiæ, respondeo utramque propositionem enthymematis illius esse veram de tangente & tacto determinato, non verò indeterminato ; globus autem ille percurrento planum non solum tangit aliquid determinatum, sed etiam indeterminatum, nempe partes minores & minores quæ appellantur proportionales, ut statim dicemus.

Obiicies quartò : Continuum potest in omnem suam partem dividi : ergo componitur ex solis indivisibilibus. Consequentia est evidens : si enim continuum esset in omnes suas partes divisum illæ partes non essent ulterius divisibiles. Antecedens verò probatur : quia Deus cognoscit clarè omnes partes continui & partium particulas : ergo non potest per suam potentiam absolutam omnes à se inuicem separare.

Confirmatur : quia vel partes continui sunt finitæ, vel infinitæ : si primum, poterit per divisionem deveniri tandem ad ultimam quæ ulterius dividi nequeat & sic continuum solis indivisibilibus constabit : secundum verò non videtur posse dici, tum quia daretur infinita magnitudo ex infinitis partibus surgens; tum quia etiam daretur saltem infinita multitudo actu, quod utrumque infinitum infra reiiciemus. Ut his obiectionibus satisfiat.

Aduerte partes continui, ut iam in superioribus inuimus, alias esse determinatas quæ dicuntur ali-



quotæ, aliàs indeterminatas quæ appellantur proportionales. Partes determinatæ dicuntur illæ quæ sunt certæ & determinatæ extensionis, siue magnæ siue parvæ, quæ aliquoties repetitæ adæquant aut exhauriunt, totum, vt palmi respectu vlnæ quam octies repetiti exhauriunt, guttæ comparatione aquæ vel maris quod demum detractione illarum exhauriri posset cum sit finitum quid; & hac de causa huiusmodi partes dicuntur aliquotæ. Partes verò indeterminatæ sunt medietates continui & medietatum medietates in infinitum sub præcisa ratione medietatum, abstrahendo à tali vel tali magnitudine aut paruitate; & propterea dicuntur proportionales, quia scilicet non habent certam & determinatam extensionem aut paruitatem, sed indeterminatam, proportionatam ei cuius sunt proximæ medietates. Hoc posito.

Ad obiectionem distinguo antecedens: Potest diuidi in omnem suam partem, determinatam seu aliquotam, concedo: indeterminatam & proportionalem, nego: qualibet eni facta diuisione possunt vltcrius diuidi partes in suas medietates, & medietates illæ in alias, & sic in infinitum; continuum enim est diuisibile in semper diuisibilia. Ad probationem antecedentis respondeo quòd licet Deus videat omnes partes continui; imò & omnia eius puncta clarè & distinctè, tamen quia non videt aliquam ibi esse vltimam, cum nulla sit quæ facta quacumque diuisione non sit vltcrius in infinitum diuisibilis, ideò non potest diuidere continuum in omnes partes proportionales simul & collectiue, sed tantum successiue & diuisiue, ita vt facta qualibet diuisione possit efficere alias & alias in infinitum.

— Ad confirmationes respondeo partes aliquotas esse finitas, ita vt quæcumque determinata pars quantumvis exigua assignetur, continuum constet partibus, finitis illi æqualibus, vnde poterit deueniri ad vltimam; ex quo nihil sequitur contra nos, quia licet illa non sit vltcrius diuisibills in partes aliquotas



eiusdem magnitudinis cum ipsa, est tamen in infinitum diuisibilis in medietates & medietatum medietates, seu in partes proportionales quas concedimus esse infinitas in continuo. Nec tamen inde sequitur magnitudinem eius fore infinitam, sicut esset si constaret partibus infinitis aliquoties. Ratio disparitatis est, quia partes aliquotæ non includuntur in aliis cum quibus numerantur, & ideo quânto plures sunt eiusdem extensionis, tantò maiorem efficiunt extensionem, tantò maiorem efficiunt extensionem in toto, atque adeò infinitam si infinitæ forent: partes verò proportionales, cum nihil aliud sint quàm medietates totius, & harum medietarum medietates, includuntur aliæ in aliis, quibus proinde nihil addunt, quantumvis multiplicentur in infinitum, atque adeò non efficiunt maiorem extensionem: neque enim ex eo quòd vna diuidatur in plures & plures in infinitum medietates, propterea crescit eius quantitas, quia scilicet medietates minores includuntur in maioribus, & hæc similiter in aliis maioribus, & maiores in toto. Nec similiter sequitur fore infinitam actu multitudinem, simpliciter loquendo, sed tantum secundum quid. Ratio est, quia partes continui non efficiunt multitudinem simpliciter & in ratione entium, ad hoc enim requireretur quòd essent actu à se inuicem separatæ, & haberent proprias & distinctas existencias; sed solum in ratione partium, quatenus ex vno capite actu ab inuicem distinguuntur, cuius signum evidens est mutua separabilitas; ex alio verò, actu vniuntur ad constituendum totum, existuntque per vnā & eandem illius existentiam; vnde sunt simpliciter vnum ens, & non multa simpliciter sed tantum secundum quid, scilicet in ratione partium: atque adeò cum non efficiant simpliciter multitudinem, consequens est vt non efficiant numerum actu infinitum nisi secundum quid & cum addito, scilicet in ratione partium.

Instabis: possunt separari: ergo efficere multitudinem simpliciter, atque adeò simpliciter infinitam.

Respondeo non posse separari omnes partes proportionales simul & collectiue, ita vt omnes existant actu separata à parte rei, id enim implicat, cum qualibet separatione in partes quantumlibet exiguas & imperceptibiles facta, illæ sint vltèrius sine fine diuisibiles; sed solum successiue & diuisiue, quod nihil aliud est nisi quòd quælibet pars designabilis potest ab alia separari. Vnde partes actu diuisæ & separatae semper erunt finitæ.

Obiicies & instabis vltimò: Si in continuo dentur partes proportionales actu infinitæ, sequitur granum tritici tot habere partes proportionales, quot cælum empyreum: hoc videretur absurdum: ergo, &c. Sequela probatur: quia tam granum tritici quàm quælibet eius pars, cum sit continua, constaret partibus infinitis infinitis, & non videntur esse imaginabiles plures partes quàm infinites infinitæ: ergo, &c. Quòd verò illud consequens sit absurdum, videtur euidentius; cælum enim ratione vnius partis æqualis grano tritici continet totidem partes quot sunt in toto illo grano & insuper excedit illud in aliis partibus proportionalibus quæ in reliquis partibus aliquotis cæli includuntur.

Respondeo concedendo sequelam de partibus proportionalibus, & negando id esse absurdum, imo necessario fatendum. Ad probationem respondeo totum non excedere quamlibet sui partem aliquotam quantumuis exiguam, quoad partes proportionales: in totidem enim medietates potest illa pars aliquota diuidi, in quot ipsum totum: vnde verum est quòd in illa parte aliquota cæli æquali grano tritici totidem sunt partes, quot in huiusmodi grano: sed quia cælum ratione suarum omnium partium aliquotarum non continet plures partes proportionales, quàm ratione illius vnius aliquotæ, vt ex eo conuincitur quod quacumque facta diuisione cæli & partium eius in medietates, potest similis proportionaliter fieri in præfata parte aliquota, in singulis eius particulis aliquotis in quas subdiuidi potest: ideo



non sunt plures partes proportionales in toto cœlo quàm in vno grano tritici, quamuis sint plures in immensum (citra tamen infinitum) aliquotæ, penes quas, & non penes proportionales attenditur maior vel minor quantitas rei. Licet autem responsio nostra prima fronte videatur paradoxum quoddam, rectè tamen intellecta est verissima & ex iis quæ hæcenus diximus omnino consequens. Ex dictis.

Infero & dico tertio partes continui habere actu & non solum in potentia rationem partium patet ex dictis: quia ad rationem partium actu duo requiruntur, quòd distinguantur ab inuicem, & quòd vniantur ad componendum totum, compositio enim est distinctorum vnio: atqui partes continui, siue sumantur vt aliquotæ & determinatæ, siue vt proportionales, sunt actu distinctæ, cum sint separabiles: & tamen vnitæ terminis communibus, seu indiuisibilibus. Confirmatur: quia quando sunt actu separatæ, sunt tota: ergo si vnquam habeant rationem partium actu, debent illam habere in continuo.

Infero & dico vltimò continuum constare partibus aliquotis actu finitis, proportionalibus verò infinitis actu in ratione partium. Vtraque pars constat ex dictis: prima quidem, quia aliàs continuum haberet infinitam actu magnitudinem, cum quælibet pars aliquota addat certam aliquam extensionem, atque adeo infinitè infinitam: secunda verò, quia continuum est diuisibile in semper diuisibilia, alias constaret indiuisibilibus solis: quod vero sint actu infinitæ in ratione partium non verò entium, constat, quia non sunt distinctæ nisi in ratione partium.


Vtrumque corollarium ponitur contra nonnullos, qui, vt saluent non dari multitudinem actu infinitam in continuo, dicunt partes eius non habere actu rationem partium, seu non esse ab inuicem distinctas, nec subindè actu infinitas etiam in ratione partium: sed solum vt in potentia: sed rationes factæ stant in oppositum, & aliter vitatur inconue-



niens vt patet ex dictis.

Obiici solum potest partes in continuo non habere diuersas vnitates actu, sed vnicam totius, atque adeo non esse actu distinctas. Deinde quia sequeretur Corpus Christi esse infinities sub quantitate cuiuslibet hostiæ consecratæ si ibi sint infinitæ partes actu distinctæ. Sed,

Respondeo habere quidem vnicam vnitatem propriè dictam, plures tamen lato modo sumptas: quatenus vnitas dici potest quælibet entitas realiter distincta ab alia quauis non actu separata. Ad aliud nego sequelam: est enim ibi corpus Christi semel tantum, de facto, cum sit actu vna quantitas; quamuis pluries in potentia, iuxta quod potest hostia in plures & plures partes diuidi, sub quibus remanet corpus Christi quandiu non sunt ita exiguæ quin sub eis conseruaretur substantia panis si per consecrationem non fuisset destructa & conuersa.



## SECTIO II.

*An in continuo sint vera & positina indiuisibilia.*

**V**T inter duas sententias extremas, quarum altera iam à nobis sectione præcedenti refutata asserit in continuo dari sola indiuisibilia, altera verò nulla admittit, sed solas partes diuisibiles quas censet se ipsis vniri & terminari solum negatiuè quatenus ultra non se extendunt; vt, inquam, inter duas illas opiniones medianam viam sequamur, dico in continuo dari actu indiuisibilia, tam continuatiua partium illius; quam terminatiua extremitatum: quæ sint rea-

lia & positiua entia à partibus modaliter distincta, quæ in linea sunt puncta : in superficie lineæ, & in corpore superficies.

Quòd dentur indiuisibilia continuatiua sic ostenditur : continuum est id cuius partes terminis communibus copulantur : atqui huiusmodi termini communes copulantes partes sunt indiuisibiles : ergo dantur in continuo indiuisibilia copulatiua. Maior est ipsa definitio continui, & suadetur ex eo quòd partes continui non vniuntur se ipsis, sicut materia & forma, cum non vniantur vt actus & potentia sicut illæ, atque adedò vniiri debent medio aliquo nexu vtramque afficiente : deinde ex discrimine inter continuum & contiguum. continua enim dicuntur ea quorum extrema sunt vnum, id est sunt partes quæ vna & eadem extremitate seu termino communi copulantur : at verò contigua dicuntur ea quorum extrema sunt simul, id est eidem indiuisibili spatio correspondent : ergo, cum partes continui sint inter se continuæ, vniiri debent terminis communibus.

Quod autem huiusmodi termini communes sint indiuisibiles, manifestè probatur : si enim nexus vniens duas partes esset diuisibilis, deberent eius partes vniiri inter se medio aliquo alio nexu, & de illo inquireretur an esset diuisibilis : nec ne : si secundum, habetur intentum quòd detur indiuisibile continuatiuum : si primum, dabitur processus in infinitum.

Quòd etiam dentur indiuisibilia terminatiua, probatur : quia extremitates continui necessaridò terminari debent positiuè per extrema indiuisibilia, & non solum negatiuè per carentiam vterioris extensionis, quod ita suadetur : quia nisi per huiusmodi indiuisibilia positiuè terminetur continuum : non poterit fieri contactus realis & physicus corporum inter se : consequens est absurdum : ergo, &c. Probatur sequela maioris : non potest dari naturaliter penetratio corporum : atqui si non terminarentur positiuè per indiuisibilia, non possent se se tangere

sine penetratione : ergo non posset naturaliter fieri huiusmodi contactus. Probatur minor : penetratio est quando duæ quantitates , aut duæ partes eundem locum occupant : atqui si extremitates corporum non essent indiuisibilia , sed partes diuisibiles , illæ occuparent eundem locum quando se se contingerent , nam contigua sunt ea quorum extrema sunt simul , seu eidem spatio correspondent , ergo , &c. Et confirmatur : nam in hoc consistit penetratio duorum corporum , quòd se se contingant secundum omnes partes : ergo & penetratio duarum partium in hoc quòd ipsæ similiter se se tangant.

Dices : Extrema indiuisibilia , quando se se contingunt , occupant idem spatium , & veluti se penetrant , vt nòs volumus ; quidni idem dici possit de partibus extremis ?

Respondeo : quia illa veluti penetratio indiuisibilium est solum negatiua , quatenus duo non occupant maiorem locum quàm vnum , quia reuera non occupant locum qui diuisibilis est : at verò partes cum propriè occupent locum , propriè & positiuè se se penetrarent , quòd fieri nequit.

Suaderetur magis eadem secunda pars conclusionis , seu præcedens ratio confirmatur & explicatur : quando duo corpora iuxta se ponuntur , non se tangunt nisi secundum indiuisibilia : ergo dantur indiuisibilia in continuo. Probatur antecedens : tum ratione facta quæ est fundamentalis : quia scilicet alias si sese tangerent secundum partes diuisibiles illæ partes sese penetrarent : tum efficaci exemplo , facta hypothese quòd ponatur globus perfectè rotundus supra tabulam perfectè planam ; tunc enim duo illa corpora , saltem dum vnum quiescit supra aliud , tangunt sese in aliquo determinato & designabili : atqui illud determinatum , in quo se se tangunt , non potest esse pars sed solum indiuisibile : ergo , &c. Probatur minor : quia quæ se tangunt in aliquo determinato , debent adæquari in eo : atqui globus sphaericus & rotundus & corpus perfectè planum nequeunt



adæquari in parte determinata : ergo non se tangunt in parte determinata, sed illud determinatum debet necessario esse indiuisibile. Probatur minor : quia pars determinata corporis plani, quod tangeretur, est plena in globo autem perfectè sphærico nulla datur pars plana, alias pro illa parte non esset perfectè sphæricus sed planus : ergo non potest adæquari illi in parte determinata, ad hoc enim requiretetur quod pars tangens, sicut & tacta, esset perfectè plana. Simile argumentum fieri potest de cylindro seu columna perfectè rotunda quæ quiescendo supra tabulam perfectè planam non potest eam tangere nisi in aliquo indiuisibili in latum, seu in linea : item de duabus tabulis perfectè planis quæ non possunt se se tangere in profunditate, alias se se penetrarent, atque adeo debent se tangere in aliquo indiuisibili in profundum, nempe in superficie : ergo dantur indiuisibilia realia & positiua in continuo, contactus enim non fit in aliquo negatiuo. Ex quibus.

Inferitur euidenter indiuisibilia distingui realiter modaliter à partibus : impossibile enim est indiuisibile identificari omnino realiter cum diuisibili : atqui partes sunt diuisibiles : ergo nequeunt indiuisibilia identificari omnino realiter cum illis, sed modaliter saltem distinguitur ea ratione qua quilibet modus distinguitur à re modificata. Ex quo.

Inferitur 2. non posse indiuisibilia separari à partibus, ita vt separata existant : quia sunt modi terminantes aut venientes partes : impossibile autem est motum separari à re modificata, aut separatum existere : quod maximè verum est de indiuisibilibus continuatiuis quæ sunt essentialiter nexus partium, atque adeo repugnat seorsim reperiri ab illis.

Obiicies 1. Indiuisibile non potest contingere partes diuisibiles, pura lineæ : ergo nec illas vnire aut terminare. Probatur antecedens quia vel tangeret illas in indiuisibili, vel indiuisibili neutrum : ergo. Probatur minor : nam imprimis non tangit in indiuisibili, aliàs darentur plura indiuisibilia imme-

diata, & sic linea constaret solis punctis, nec etiam indiuisibili, quia quæ se tangunt, adæquantur; sed indiuisibile non potest adæquari diuisibili: ergo.

Respondeo indiuisibile, non dici propriè tangere partes quas vnit aut terminat, contactus enim propriè est duorum separatorum, quorum extrema sunt simul: sed dicitur afficere illas: & in hoc sensu negatur antecedens. Ad probationem respondeo indiuisibile afficere partem in aliquo diuisibili non determinato, sed indeterminato minori & minori in infinitum, ita vt quancumque partem designaueris, indiuisibile, non afficiat immediatè illam secundum se totam, nec secundum medietatem totam illius, sed secundum aliquid minus & minus infinitum. Et ad id quod additur respondeo ea quæ se tangunt seu afficiunt in aliquo determinato, debere adæquari non autem quæ in aliquo solùm indeterminato.

Dices: Si punctum potest ita afficere partes lineæ, absque eo quod aliquam determinatam secundum se totam immediatè afficiat, sed quæcumque assignetur non sit illa tota quæ immediatè afficitur aut terminatur à puncto, nec tota eius medietas, sed minor & minor in infinitum; cur idem dici non potest de sphaera tangente planum, quòd scilicet ipsum contingat non per punctum in puncto, sed per aliquam partem indeterminatam in aliqua pariter indeterminata minori & minori in infinitum?


Respondeo discrimen esse, quia licet sphaera, saltem dum mouetur, possit tangere planum (imò & necessariò debeat) in aliquo indeterminato, cum percurrat totum illud; debet tamen etiam ipsum tangere in aliquo determinato, cum illud in quo se tangunt, saltem quiescendo, designari possit: illud autem nequit esse nisi indiuisibile, vt ostendimus; at vero punctum immediatè afficiens partem per modum nexus aut termini non debet, imò non potest immediatè afficere aliquid determinatum, quia quodcumque designetur, non est illud totum quod immediatè vnit aut terminat, si quidem potest id vltius diuidi



in medietates, atque adeò debet immediatè afficere aliquid indeterminatum. Radix huius discriminis sumitur ex differentia inter contingens & contactum ex vna parte & vnionem seu terminum & rem unitam, terminatam ex aliâ: contingens enim debet posse adæquari contacto in aliquo determinato; vnio autem non debet adæquari aut esse eiusdem rationis cum re unita, subindèque necessarium non est quòd si vnio sit indiuisibilis, etiam res unita indiuisibilis sit.

Obiicies 2. Quodlibet continuum eo ipso intelligitur finitum & terminatum, quòd vltèrius se non extendit: ergo frustra ponuntur indiuisibilia quibus finiatur & terminetur.

Respondèdo distinguendo antecedens: intelligitur finitum & terminatum, negatiuè, concedo: positiuè, nego: necesse autem est terminari etiam positiuè vt ostendimus, alia corpora se se tangerent & penetrarent secundum partes extremas.



## SECTIO III.

*Quo modo incipiant, & desinant  
entia successiua, nec non  
etiam permanentia.*

Cum non solum continuum permanens, linea scilicet, superficies, & corpus debeat terminari positiuè per indiuisibilia; sed etiam successiuum, nempe motus, & tempus; quandoquidem eadem est ratio de vtrisque; superest hinc resoluendum quomodo huiusmodi entia successiua incipiant, & desinant ratione suorum indiuisibilium terminantium: idemque ob doctrinæ connexionem de eoribus quæ



buscumque etiam permanentibus erit determinandum. Pro resolutione.

Aduerte duobus modis posse aliquid incipere & & desinere : primò per instans intrinsecum, secundò per instans extrinsecum. Illum dicitur incipere per instans intrinsecum, quod in huiusmodi instanti habet primò suum esse, cum immediatè antea ( hoc est in parte temporis antecedente illud instans ) non haberet : Similiter illud dicitur desinere per instans intrinsecum, quod in instanti illo ultimo habet postremò suum esse ita vt immediatè post siue in parte temporis instans illud subsequente, non sit habiturum : Vnde illud quod incipit per instans intrinsecum, dicitur aliis terminis incipere per primum sui esse, quia de illo verum est dicere in illo instanti. Nunc primò res illa est & immediatè antea non erat ; pariter illud quod desinit per instans intrinsecum, dicitur sub aliis terminis desinere per vltimum sui esse, quia de illo verum quoque est dicere in huiusmodi instanti. Nunc vltimò res illa est & immediatè postea non erit, E contra verò illud dicitur incipere per instans extrinsecum, quod in eo instanti nondum habet suum esse sed immediatè postea ( id est in parte temporis statim sequenti ) habebit & illud dicitur desinere per instans extrinsecum, quod in illo iam non habet suum esse sed immediatè antea habebat : Vnde etiam illud quod incipit per instans extrinsecum, dicitur incipere per vltimum sui non esse, quia de illo verum est dicere in huiusmodi instanti, Nunc vltimò res illa non est sed immediatè postea habebit esse : & similiter illud quod desinit per instans extrinsecum, dicitur finire per primum sui non esse, eò quod de illo verum sit dicere in tali instanti, Nunc primò res illa non est & immediatè antea erat. His ita constitutis.

Dico res successiuas, qualia sunt motus & tempus incipere & desinere per instans extrinsecum. Conclusio est euidentis : illud enim dicitur incipere per instans extrinsecum, quod in illo nondum habet suum

esse, sed immediate postea habebit; & similiter illud dicitur desinere per instans extrinsecum, quod in tali instanti iam non habet suum esse sed immediate antea habebat: atqui motus & tempus in instanti inchoatiuo nondum habent suum esse, sed immediate postea habebunt; & in instanti terminatiuo iam illud non habent, sed immediate antea habebant: ergo incipiunt & desinunt instantibus extrinsecis. Probat-  
 tur minor: quia de ratione motus & temporis est prius & posterius, seu extensio successiua: atqui in instanti, quod omnino indiuisibile est & inextensum, non potest dari prius & posterius: ergo non habent suum esse in instanti, sed ante vel post.

Dices: Huiusmodi indiuisibilia extrema sunt aliquid motus aut temporis: ergo motus & tempus habent esse in illis, subindeque incipiunt & desinunt per indiuisibilia intrinseca.

Respondeo quod quamuis illa indiuisibilia sint aliquid entis successiui, nempe termini ipsius, non tamen participant essentiam illius, quæ est indiuisibilis in prius & posterius: vnde distinguo consequentiam: Habent esse in illis, simpliciter & quoad id in quo consistit ipsorum essentia, nego: secundum quid, seu quantum ad aliquid sui, concedo. Vnde non dicuntur motus & tempus esse in instanti inchoatiuo & terminatiuo, nisi cum additio, scilicet, initiatiue aut terminatiue.

Dico 2. Indiuisibilia ipsa entium successiuorum incipiunt & desinunt intrinsece, seu per primum & vltimum sui esse. Pater: quia habent suum esse simul & per vnicum indiuisibile momentum in quo verum est dicere. Nunc primò est illud indiuisibile & immediate antea non erat, & Nunc vltimò est illud indiuisibile & immediate postea non erit. Vnde tale momentum reale diuiditur à nobis in duo instantia rationis, in quorum priori intelligitur incipere indiuisibile entis successiui, & in posteriori desinere.

Dico 3. Entia permanentia, quantum est de se, petunt etiam incipere per instans intrinsecum, seu



per primum sui esse ; & similiter desinere per instans intrinsecum, siue per vltimum sui esse.

Probatur euidenter : incipere per instans intrinsecum est habere suum esse & suam essentiam in instanti ; & immediatè antea non habuisse ; similiter desinere in instanti intrinseco est in illo habere vltimo suum esse & immediatè post non esse habiturum : atqui entia permanentia ita se habent , cum enim de se non includant successionem , sed petant habere suum esse simul , possunt & exigunt quantum est de se habere illud primò in instanti quando incipiunt , & vltimò quando desinunt. Dixi quantum est de se : quia per accidens aliter contingit.

In primis enim substantiæ materiales in sui generatione aut corruptione , quamuis incipiant per instans intrinsecum ( eo quod forma substantialis introducit in instanti terminatio motus alterationis præuias dispositiones introducentis , atque adeò in illomet instanti substantia de nouo genita habet primo suum esse : ) attamen desinunt per instans extrinsecum , siquidem in illo ipso momento , in quo forma noua introduceitur , expellitur præcedens , ut pote quæ non potest esse simul cum alia in eadem materia : atque ita in illo instanti verum est dicere , Nunc primò non est forma præcedens & corrumpenda , sed immediatè antea erat. Ergo de facto res quæ generantur , incipiunt per primum sui esse seu per instans intrinsecum ; desinunt verò per instans extrinsecum , & per primum non esse , eò quod desinant ad generationem alterius quæ in illo instanti est , subindèque in eo iam non est alia quæ corrumpitur aut corrupta est. Dices : Potuit substantia corrumpenda desinere per vnum instans intrinsecum , & generanda incipere similiter per aliquid intrinsecum subsequens. Sed contra : quia iam vel darentur duo instantia immediata , quod est impossibile , alias enim tempus constaret solis instantibus , aut in parte mediante inter illa materia esset sine vlla forma.

Deinde etiam quantum ad res immateriales & incorrupti




corruptibiles, cum inceptio & desitio earum non mensuretur nostro tempore aut eius instantibus, tanquam propriâ mensurâ, sed instantibus altioris rationis, quæ dicuntur discreta, & possunt indifferenter correspondere vel partibus nostri temporis, vel instantibus eius: fit inde quod per correspondentiam ad nostrum tempus huiusmodi res incorruptibiles aut immateriales possunt incipere & desinere vel per instans intrinsecum, si nempe instans discretum quod est propriâ mensura inceptionis aut desitionis illarum, correspondeat instanti nostri temporis, tunc enim habebunt primò suum esse in huiusmodi instanti: vel per instans extrinsecum, si videlicet instans discretum mensurans inceptionem aut desitionem rei incorruptibilis aut spiritualis, correspondeat parti nostri temporis, in hoc enim casu non habebit suum esse primò aut ultimo in nostro instanti, sed immediate antè vel post: ergo, &c.

Dices primum esse rei incorruptibilis & permanentis nequit correspondere parti temporis, cum non habeat partes priores & posteriores per quas correspondeat medietatibus prioribus & posterioribus illius partis temporis.

Respondeo distinguendo antecedens: Nequit correspondere illi parti determinatæ, concedo: indeterminatæ, nego: seu quod idem est: Nequit illi correspondere adæquatè, concedo inadæquatè, id est minori & minori in infinitum, nego.

Aduerte id quod diximus de desitione rerum incorruptibilium, quales sunt Angeli & cœli, procedere ex suppositione quod res illæ desinerent, quod non repugnat respectu Diuinæ omnipotentiae quæ sicut omnia è nihilo eduxit, ita potest illa in nihilum redigere per suspensionem sui concursus conseruantis. Potest etiam intelligi & debet de desitione accidentium quorundam spiritualium (ut gratiæ & virtutum supernaturalium) quorum inceptio & desitio mensuratur propriè per instantiâ discreta: atque adeò per correspondentiam ad nostrum


tempus possunt incipere & desinere per instantia in-  
trinseca aut extrinseca.



## DISPUTATIO XIV.

### *De infinito.*

**C**VM proprium sit motus & cuiuslibet alterius  
continui, quòd infinitas includat partes, & in-  
finitum syncategorematicè diuidi possit in  
cas, nequit eius natura perfectè intelligi sine aliqua  
notitia infiniti.



## SECTIO I.

### *An detur aut dari possit naturaliter infinitum actu.*

**I**Nfinitum vt sic dicitur illud quod non habet fi-  
nem, seu quod caret terminis ipsum finientibus  
& limitantibus. Est autem duplex: aliud infini-  
tum actu & simpliciter, seu vt alij dicunt, catego-  
rematicè: aliud infinitum in potentia, secundum  
quid, & syncategorematicè. Infinitum actu & sim-  
pliciter dicitur illud quod tale & tantum est vt actu  
nullis omnino claudatur terminis: infinitum verò in  
potentia dicitur illud quod actu quidem finitum  
est & habet terminum, potest tamen illo carere  
& quolibet alio in particulari & sigillatim desig-  
nabili, quo successiue finiri & limitari potest, non

tamen omnibus collectivè ita ut dicatur infinitum in potentia, non quia possit carere omni omnino termino & fieri infinitum actu, sed quia semper potest carere termino illo quo actu limitatur, & ulterius progredi valet.

De infinito in potentia non est difficultas: certum enim est illud dari, nam hoc modo divisiones continui sunt infinitæ, cum quâlibet datâ possint fieri aliæ & aliæ in infinitum: hoc etiam modo cogitationes hominum & Angelorum esse infinitas constat, quia licet semper sint actu in numero finito, tamen nusquam futura est ultima ultra quam non supersint aliæ & aliæ futuræ absque fine, quod est esse infinitas in potentia seu syncategorematicè.

De infinito igitur actu procedit quæstio, in qua ut certa à dubiis separemus certum est & lumine naturali notissimum dari ens increatum infinitum actu in ratione entis, utpote omni imaginabili perfectione sub latitudine entis contenta cumulativissimum, quod est Deus Optimus Maximus. Solum igitur est dubium de infinito creato quod potest esse potissimum triplex, nempe infinitum in perfectione essentiali, infinitum in quantitate siue continua siue discretâ, & infinitum in intentione. Pro resolutione.

Dico nullum reipsa dari ens creatum actu infinitum, nec naturaliter dari posse: Hæc conclusio est communis.

Probatur: Nulla datur aut naturaliter dari potest substantia creata actu infinita, nullumque pariter accidens: ergo nullum ens creatum. Consequentia patet: antecedens verò probatur: Quod est in aliquo certo & determinato genere, est finitum; clauditur enim suo proprio genere & differentia tanquam terminis suæ essentiae: atqui substantia creata est in certo & determinato genere, ut constat; ergo est necessariò finita quoad suam essentiam: ergo etiam quoad accidentia, quæ est secunda pars antecedentis. Probatur hæc consequentia: quia accidentia naturalia saltem seu naturaliter convenientia sub-



iecto, quo sensu hic loquimur, debent esse proportionata illi; ergo si illud sit finitum, finita etiam erunt accidentia, naturaliter saltem loquendo. Et hæc ratio ac etiam conclusio magis confirmabitur in sequentibus, ubi ostendemus non posse dari infinitum actu nedum naturaliter, sed nec etiam supernaturaliter.

Obiicies: Datur infinitum in potentia ut supposuimus: ergo potest dari infinitum in actu, nam frustra est potentia quæ non potest reduci ad actum.

Respondéo distinguendo antecedens: Datur infinitum in potentia, id est quod possit de facto carere simul omni termino, & sic fieri infinitum actu, nego: quod possit carere omni termino diuiniue duntaxat & successiue designabili, ita ut semper aliquem habeat actu, concedo: & nego consequentiam: Ad probationem eius concedo frustra esse potentiam quæ non potest reduci ad actum; sed actus in ordine ad quem aliquid dicitur infinitum in potentia, non est actualis carentia omnis omnino termini, nec subindè ratio infiniti actu, sed carentia cuiuslibet termini in particulari designabilis.

Dices: in continuo sunt partes actu infinitæ: ergo datur infinitum actu. Ad hoc iam responsum est suprâ quod sicut illæ partes non efficiunt multitudinem simpliciter, ita nec infinitatem actu, nisi secundum quid & cum addito, scilicet in ratione partium: Vnde distinguo consequentiam. Datur infinitum actu, simpliciter loquendo, nego: secundum quid, concedo.





## S E C T I O    I I .

*An per absolutam Dei potentiam dari  
possit aliqua creatura quæ sit  
infinita secundum es-  
sentiam.*

**A** Duerte vnam & eandem Dei omnipotentiam solere distingui & veluti diuidi nostro modo concipiendi in potentiam ordinariam, & extraordinariam seu absolutam. Dicitur ordinaria, quatenus operatur iuxta solitum rerum ordinem quem ipsa Diuina prouidentia communiter seruire decreuit: Dicitur verò absoluta & extraordinaria; dum agit præter, supra, vel contra leges ordinarias à Diuina prouidentia statutas.

Cum ergo sectione præcedenti ostensum sit non posse naturaliter, seu de potentia ordinaria, dari infinitum actu; superest resoluendum an saltem per absolutam Dei potentiam sit producibile, an verò contradictionem inuoluat in rebus dari; nihil enim respectu absolutæ Dei potentiæ reputatur impossibile nisi quod contradictionem implicat, vt hominem non esse rationalem, aut equum esse ratione præditum. In hac autem sectione agemus tantum de infinito secundum essentiam: de quo.

Dico implicare contradictionem quod detur aliqua creatura secundum essentiam infinita.

Probatur: Infinitum secundum essentiam dicitur illud cuius essentia nullis clauditur aut limitatur terminis: atqui implicat dari creaturam cuius essen-

tia non limitetur propriis terminis : ergo , &c. Probat<sup>ur</sup> minor : implicat dari creaturam cuius essentia non constet genere & differentia : atqui genus & differentia sunt termini limitantes essentiam rei : ergo implicat , &c. Maior est evidens : quælibet enim creatura imaginabilis , hoc ipso quod continetur sub latitudine entis creati , debet in aliquo prædicamento sub certa aliqua specie collocari , subindèque constare genere , in quo conveniat cum aliis , & differentia qua ab illis secernatur. Minor verò non est minus certa : quod enim determinat rem ad aliquam certam perfectionem ultra quam non se extendat , præfigit ei fines ipsamque limitat : atqui genus & differentia rem determinant ad certam aliquam perfectionem , extra quam non se extendat : ergo finiunt & limitant rem illam seu essentiam quam constituunt.

Explicatur : nam essentia Gabrielis , v. g. Ex ratione generica substantiæ sub qua continetur , habet quod non participet totam perfectionem sub latitudine entis creati contentam , sed determinatur ad aliquam illius portionem , nempe ad substantiam : deinde ex propria differentia habet ulterius quod non participet totam perfectionem sub genere substantiæ comprehensam , sed coarctatur ad specialem perfectionem talis speciei , excludendo perfectionem aliam : ergo genus & differentia determinant & coarctant essentiam ad certam aliquam , finitam , & limitatam perfectionem.

Dico 2. Potest nihilominus Deus quacumque producta creatura alias & alias in essentia perfectiores producere in infinitum syncategorematice.

Probat<sup>ur</sup> : quia quaecumque producat creaturam , illa habet finitam actu perfectionem : ut ex præcedenti conclusione constat : ergo quacumque producta potest perfectiorem & perfectiorem in infinitum producere. Probat<sup>ur</sup> consequentia : quia quacumque perfectione finita producta non est exhausta Dei potentia & virtus , cum sit infinita : ergo potest aliam



& aliam perfectiorem producere.

Obiicies contra primam conclusionem: Potentia Dei ad extra est infinita actu: ergo potest producere effectum infinitum actu in perfectione essentiali. Probatur consequentia: quia quò maior est potentia aliqua, eò maiorem aut perfectiorem effectum potest producere: ergo infinita infinitum actu.

Respondeo concessio antecedente, negando consequentiam. Ad probationem pariter concedo antecedens, & consequentiam nego: Infinitas enim potentiae solum exposcit quòd producta quacumque rerum specie & multitudine possit aliam perfectiorem & perfectiorem, maiorem & maiorem in infinitum producere, quod est posse producere infinitum syn-  
categorematicè solum & in potentia, non verò actu.

Dices: potest Deus habere hoc imperium efficax, fiat perfectissimus effectus quem ego possum producere: atqui vñ illius imperij non fieret effectus actu finitus; aliàs in eo limitaretur potentia Divina: ergo infinitus actu produceretur.

Respondeo implicare quòd Deus habeat illum actum imperij, quia inter effectus possibiles nullus est assignabilis omnium perfectissimus, sed quocumque assignato sunt alij possibiles perfectiores & perfectiores in infinitum: atque adeo frustraneum esset illud imperium, cum nihil assignari posset quod ei obtemperaret.

Instabis: effectus debet adæquari causæ: sed nullus effectus potest adæquari potentiae Dei infinitae nisi actu infinitus: ergo est possibilis.

Respondeo distinguendo maiorem: effectus materialiter sumptus, nego: formaliter: quoad modum quo produciitur, concedo: quamvis autem effectus infinitus materialiter spectatus & secundum suam entitatem non adæquetur omnipotentiae Dei, adæquatur tamen ei quodammodò formaliter quoad modum quo produciitur, scilicet è nihilo, ad quod exigitur virtus infinita. —


Obiicies 2. contra eandem conclusionem: Deus

operans liberè non est minùs potens quàm si ageret ex necessitate : sed si ageret ex necessitate naturæ produceret effectum actu infinitum : ergo etiam & operans liberè poterit illum attingere. Probatur minor : quia si ageret ex necessitate naturæ , applicaret totam suam virtutem actu infinitam : virtus autem actu infinita totaliter applicata , & secundum totas suas vires agens , necessariò produceret effectum actu infinitum : ergo.

Respondeo negando minorem : ad probationem pariter nego minorem : cum enim effectus actu infinitus , ex parte sui sit impossibilis , vt ostensum est , nunquam produceretur , etiam facta illa suppositione impossibili quod omnipotentia Divina ageret necessariò & secundum totas suas vires in productione rerum ad extra , sed in eo casu continuè & sine vlla interruptione produceret ex nihilo effectus perfectiores , & perfectiores in infinitum.

Obiicies 3. Contra eandem : data quacunque creatura potest Deus aliam & aliam perfectiorem in infinitum producere : ergo possibilis est aliqua infinite perfecta. Probatur consequentia : Si de facto in rerum natura darentur infiniti Angeli , v. g. sese in perfectione essentiali gradatim excedentes , daretur aliquis inter illos qui esset infinitæ perfectionis essentialis : ergo si sint possibiles infiniti perfectiores & perfectiores , debet in tota illorum collectione reperiri aliquis possibilis infinite perfectus , quem proinde potest Deus producere.

Respondeo , negando consequentiam. Ad probationem concessio antecedente distinguo consequentiam : si sint possibiles infiniti categorematicè , concedo : syncategorematicè , id est non tot quin plures & plures , nego , hoc autem secundo modo duntaxat concedimus esse possibiles infinitos.



## S.E.C.T.I.O. III.

*An de potentia Dei absoluta dari  
possit infinitum in magnitudine  
& multitudine.*

**D** Ico 1. implicare contradictionem quòd detur infinitum in magnitudine.

Probat 1. Data infinita magnitudine sequitur dari posse distantiam actu infinitam intra duos terminos clausam : consequens est implicatorium, talis enim distantia foret infinita vt supponitur, & simul finita vtpote terminis clausa : ergo implicat dari infinitam magnitudinem. Sequela maioris probatur ex illo principio mathematico, quòd duæ lineæ ab eodem puncto ductæ quò plus ab huiusmodi centro protrahuntur, eò magis distant inter se ; sed data infinita magnitudine, possent ab eodem illius magnitudinis puncta duæ lineæ protrahi in infinitum, siquidem extensio illius magnitudinis in infinitum procederet ; ergo illæ duæ lineæ distarent à se inuicem distantia infinita : atqui talis distantia esset terminis clausa, nempe duabus illis lineis, cum neutram illarum egrederetur : ergo daretur distantia actu infinita, & nihilominus terminis clausa & finita. Quod argumentum non solum procedit de corpore, seu de magnitudine in longum, latum, & profundum extensa ; sed etiam de linea ipsa : data enim linea infinite longa versus orientem, nihil implicaret assignari aliam ab vno illius prioris lineæ puncto infinite protensam versus meridiem : sed hoc posito illæ duæ lineæ versus orientem & meridiem in infinitum produ-



& distarent infinitè iuxta principium statutum & nihilominus distantia illa terminis clauderetur, nempe ipsis lineis: ergo.

Probatur 2. Repugnat dari corpus simul mobile & immobile motu locali, v.g. Sed si daretur corpus actu infinitum, illud esset mobile motu locali, & simul immobile: ergo. Probatur minor: esset enim mobile quantum est de se, quia constaret materia & forma, quæ sunt principia radicalia motus, ob quam rationem alia corpora sunt mobilia; esset verò immobile, quia si moveri posset, vel motu recto vel circulari moueretur; non motu recto quia per hunc motum mobile de vno loco transit secundum se totum in alium, quod in illo casu implicaret, si quidem corpus illud omne omnino spatium repleret, aliàs si super esset aliud spatium in quod transire posset non esset infinitum, finiretur enim & limitaretur ubi desineret spatium quod actu occupat: nec etiam motu circulari, quia per huiusmodi motum vna pars mobilis debet peruenire ad locum alterius; sed vna pars corporis infiniti non posset ad locum alterius peruenire, quod sic ostendo, nam in illo corpore possent ut supra diximus designari duæ lineæ ab eodem puncto in infinitum protensæ, atque adeo partes quas terminarent, distarent à se inuicem infinitè, sicut & ipsæ lineæ: infinita autem distantia non est pertransibilis motu locali: ergo vna pars nunquam posset peruenire ad locum alterius.

Respondebis illud corpus fore mobile per se & ex natura sua, immobile verò solum per accidens ratione infinitæ molis, quæ hoc ipso quod repleret omne spatium, motum impedit.

Sed contra: quia cum moles illa seu quantitas infinita esset accidens in entitate naturale, dimanaret à natura & principiis intrinsicis illius corporis: ergo esset immobile etiam ex natura sua, quandoquidem esset tale ratione accidentis à natura ipsius dimanantis.

Obiicies: Infinitas non repugnat essentia quanti-

ratis continuæ : ergo potest diuinitus produci. Probatur antecedens tum quia aliàs non potuisset dari infinitus motus nec infinitum tempus , quòd est falsum supposito quòd mundus potuerit esse ab æterno etiam quoad successiua , vt in libris de cælo sustinebimus : tum quia conceditur ab Aristotele & D. Thomà , quòd si daretur linea infinita , illa nihilominus poneretur in prædicamento quantitatis , quod idem consequenter dicendum est de superficie & corpore infinitis si darentur : ergo essentiæ illorum non repugnat infinitas , aliàs dari non possent ; nec supposito quod darentur , haberent sedem in prædicamento quantitatis , cum non retinerent eandem essentiam.

Respondeo repugnare essentiæ quantitatis si non primariò & directè , saltem ex consequenti & indirectè , quatenus repugnat eius proprietatibus , puta terminationi positivæ & locali mobilitati , cum saltem proprietas eius sit tum habere indiuisibilia terminantia , sine quibus non posset fieri contactus absque penetratione , vt vidimus disp. sup. sect. 2. tum posse mouere localiter , cum ipsa sit quâ corpus constituitur extensum & loco mobile : neutrum verò ipsi competeret si foret infinita , si quidem infinitas illa consisteret in carentia omnis termini , & nullum relinqueret spatium in quo fieri posset motus. Ad probationem respondeo potuisse quidem dari motum & tempus infinitum , non tamen alias species quantitatis. Ratio discriminis est quia infinitum in ratione entis successiui , quale est tempus & motus , non est simul à parte rei , sed id quod datur actu de motu & tempore aut in eis designari potest , semper finitum est subindèque non sequitur aliquid contradiçtò , solum enim infertur dari infinitum in potentia , non verò actu & simul , quod tamen sequeretur si darentur linea , superficies & corpus infinita , quia sunt entia permanentia & tota simul. Ad aliud respondeo id concedi ab illis non absolutè , sed ex suppositione quòd linea illa esset infinita solum

quam exhauriretur omnipotentia diuina etiam circa vnam speciem.

Sed contra: quia si non repugnat produci à Deo infinitam actu multitudinem specierum aut indiuiduorum, non repugnabit etiam produci infinites infinitas multitudines omnium rerum possibilium: si enim nulla sit ratio implicantiae in productione vnius infinitae multitudinis, nulla etiam poterit assignari in productione infinitarum huiusmodi multitudinum: ergo posset exhauriri omnipotentia diuina, ita vt nihil amplius restaret illi de nouo producendum, quod est absurdum.

Probat 2. Si sit possibilis infinita multitudo hominum, ponamus quod singuli eorum habeant singulos nummos aureos, quodque eos omnes in vnum proiciant cumulum: hoc posito, vel singuli homines possent ex illo cumulo vnicum tantum nummum resumere, vel singuli denos, aut saltem plures quam vnum, in quocunque tandem numero illos designes: neutrum dici potest: ergo repugnat illa multitudo infinita. Probat 3. minor, primò quoad primam partem: quia si non possunt accipere singuli denos, sed vnum solum, ideo esset quia antequam infiniti homines accepissent, exhauriretur numerus aureorum: hoc est falsum, numerus enim infinitus non exhauritur ex detractione numeri finiti, qualis esset si homines duntaxat finiti acciperent singuli denos: ergo. Secundò quoad alteram partem ostenditur: quia singuli posuerunt vnum duntaxat, & non fuerunt aliunde immixti alij nummi, vt suppono: ergo vnusquisque suum duntaxat resumere poterit.

Obiicies primò: Potest Deus separare infinitas partes continui: ergo potest dari infinita actu multitudo. Probat 2. antecedens: Potest Deus separare ea omnia quae non habent essentialem inter se dependentiam: sed partes continui non habent, &c. ergo.

Respondeo negandoq. antecedens, loquendo de separatione omnium collectivè. Ad probationem, ne-



go minorem de partibus proportionalibus quæ solæ sunt infinitæ, illæ enim dependent à suis medietatibus in quas semper sunt diuisibiles.

Obiicies secundò : Potest Deus in singulis instantibus vnius horæ creare singulos Angelos, aut animas rationales : atqui in qualibet hora sunt actu infinita instantia : ergo infiniti Angeli aut animæ infinitæ creabuntur in illa.

Confirmatur : quia ex dicendis in libris de cœlo potuit mundus esse ab æterno, etiam quoad successiuas rerum generationes & productiones : ergo possent modò esse infinitæ actu animæ aut Angeli. Probatur consequentia : quia potuissent iam transisse infinitæ generationes humanæ, ex quibus residuæ essent infinitæ animæ quippe quæ sunt immortales, similiter infinitæ productiones Angelorum, quæ fieri potuissent in infinitis successiuè annis, qui transissent, atque adeò superessent infiniti actu Angeli.

Ad obiectionem distinguo maiorem : in singulis instantibus diuisiuè, concedo : in omnibus collectiuè, nego. Ratio est quia illæ productiones deberent fieri successiuè in instantibus sibi succedentibus, ita vt prima fieret in primo instanti designato, secunda in alio sequenti quod designaretur, & sic deinceps : at inter quælibet duo instantia sicut dantur infinitæ partes proportionales temporis, ita & infinita alia instantia eas copulantiæ, subindèque repugnat in omnibus collectiuè produci aliquid, quia quantumuis secunda productio videatur fieri in instanti proximo post primam, iam tamen transire infinita alia. Possunt ergo produci Angeli in singulis instantibus diuisiuè sumptis, seu in singulis instantibus determinatis, cum productio determinata determinato instanti aut durationi debeat correspondere : sed instantia determinata aut determinabilia semper sunt actu finita, sicut & ipsæ partes determinatæ, atque adeò, & productiones quæ in illis fierent.

Ad confirmationem distinguo antecedens ex dicendis loco citato : Mundus potuit esse ab æterno


quoad successiuas rerum generationes & productiones, per se loquendo & quantum est ex ratione entis successiui, cui vt tali non repugnat, concedo : Per accidens, si ex alio capite in aliquibus id repugnet, nego : in iis verò de quibus est sermo in argumento id repugnare ex alio capite nempe ex implicancia infiniti quod inde consequeretur, probatum manet ex dictis. Sed de his plura in libris de cœlo.


Obiicies 3. Deus cognoscit infinitas cogitationes hominum, & Angelorum possibiles & per totam æternitatem eliciendas : ergo potest infinitam illam multitudinem producere.

Respondeo cognoscere illas possibiles, non omnes simul, sed successiuè, & hoc solum modo posse illas producere, quia non aliter possibiles aut producibiles sunt : vnde ex quæ de facto sunt à parte rei, semper in numero actu finito sunt, & syncategorematicè solum infinitæ.

Dices : Omnes illæ cogitationes quantumuis ex parte sui sint successiuæ & aliæ post alias futuræ, Deo nihilominus præsentibus sunt in æternitate : ergo efficiunt multitudinem actu infinitam.

Respondeo concesso antecedente distinguendo consequentiam : Efficiunt multitudinem actu infinitam, simpliciter & in propria mensura seu duratione, nego : cum in seipsis non sint simul, sed successiuè prioribus desinentibus : secundum quid & in mensura superiori, seu respectu æternitatis, concedo.





## SECTIO IV.

*An de absoluta Dei potentia dari  
possit infinitum actu secundum  
intensionem.*

Cum ex dicendis in libris de generatione sola qualitas sit capax augmenti intensiui, sensus tituli erit utrum dari possit qualitas infinite intensa, puta grauitas in lapide, calor in igne aut aliquo alio subiecto, lumen gloriæ in intellectu beati. Ad quod respondeo.

Dico non posse diuinitus etiam dari qualitatem infinite intensam.

Probatur 1. Quia illa requireret infinitam capacitatem in subiecto recipiente, eò enim maior debet esse capacitas in subiecto, quò perfectior & intensior est forma aut qualitas quæ recipitur: atqui nullum subiectum creatum habet aut habere potest capacitatem infinitam: ergo. Probatur minor: quia entitas cuiuslibet subiecti creati est finita & limitata: ergo & capacitas quæ ab entitate non distinguitur.

Probatur 2. Si posset dari infinita grauitas v. g. in lapide, posset moueri motu locali deorsum in instanti: consequens implicat, siquidem motus localis est essentialiter successiuus, subindèque nequit fieri nisi in tempore: ergo. Probatur sequela maioris: Tantò velocior est motus localis deorsum & in minori duratione fit quantò maior est grauitas in mobili: ergo si esset infinita grauitas, fieret motus localis minima omnium duratione quæ est instans. Idem argumentum fieri potest de calore, qui si esset infinitus, in



instanti calefaceret, cum tamen calefactio ex sua essentiali ratione fit pariter motus successiuus.


Confirmatur? Si posset dari in intellectu beati lumen gloriæ infinitum, posset intellectus ille comprehendere Deum: consequens implicat, Deus enim incomprehensibilis est ab omni alio intellectu quam proprio: ergo, &c. Probatur sequela: Obiectum aliquod comprehendere est cognosci quantum cognoscibile est: sed Deus mediante illo lumine cognosceretur, & videretur quantum visibilis, & cognoscibilis est, cum videretur modo infinito: ergo comprehenderetur.

Obiicies 1. Gratia quæ est in anima Christi, est infinita, ut docent Theologi: sed illa est qualitas: ergo dari potest qualitas infinita.

Respondeo non esse infinitam Physicè & in esse qualitatis, posset enim Deus per absolutam suam potentiam producere intensiorem, sed solum moraliter, & in esse meritorij, quatenus est gratia hominis Dei, ex quo habet infinitam dignitatem, & est principium quo elicit operationes infinite meritorias quibus gratiam, & gloriam meruit infinitis hominibus si darentur, meruit, inquam, illis quoad iusticiam.

Querunt hinc authores, an vnum infinitum possit esse maius alio? Ad quod respondemus nos negando suppositum, cum ostenderimus non dari vllum infinitum: qui verò illud admittunt, tenentur fateri vnum esse maius alio, puta si daretur multitudo infinita hominum, maior & numerosior esset infinitas capillorum, digitorum, &c. Sed ego existimo hoc esse vnum ex præcipuis absurdis, quæ ex positione infiniti sequerentur: nam reuera illud infinitum, quod esset minus alio, foret infinitum, & non foret infinitum: foret quidem ut supponitur; non foret verò, quia posset fieri illi additio ut alteri adæquaretur, cum tamen infinito nihil addi possit. Nec dicas materialiter dumtaxat posse fieri illi additionem, & sic vnum infinitum esset maius alio materialiter solum

& non formaliter, quia vtrumque careret terminis, quæ est ratio formalis constitutiua infiniti: Nam contra est, quia illud quod esset minus alio in multitudine, verè haberet terminos illius multitudinis si quidem posset ultra illos procedere.



## APPENDIX.

*Vtrum qualibet res naturalis  
habeat suum maximum  
& minimum quod sic.*

**C**Um ex dictis in duabus præcedentibus disputationibus relinquatur ex vna parte continuum esse in infinitum diuisibile in partes minores & minores; ex alia verò non posse esse actu infinitum in magnitudine; oritur difficultas, an res naturales continuæ siue quantitatiuæ habeant certos terminos tum paruitatis tum magnitudinis quos transire non possint. Et hic est sensus tituli, iam minimum quod sic dicitur minor illa quantitas sub qua res esse potest, & sub minori non potest: & è contra maximum quod sic appellatur maior illa quantitas sub qua res esse potest, & non potest sub maiori. Hoc posito.

Dico primò: Quodlibet viuens habet suum maximum quod sic, seu certum terminum magnitudinis, quem excedere non potest saltem naturaliter.

Probatur: quia viuentia augentur vi caloris innati conuertentis alimentum in propriam substantiam viuentis: ergo ad eum terminum magnitudinis deuenire possunt quem transgredi nequeant. Proba-

tur consequentia : quia calor ille naturalis agendo in alimentum, reparatur ab eo ac debilitatur, & eò tandem deuenit vt plus consumat substantiæ ipsius viuentis & primigenij radicalis ( quod continuo depascit tanquam suum proprium alimentum, eo proportionali modo quo lumen lampadis consumit oleum ) quam conuertat nutrimenti in substantiam viuentis : ergo tunc viuens peruenit ad terminum magnitudinis quem excedere non potest sua saltem virtute naturali.

Dico secundo : Res naturales purè corporeæ, seu non viuentes non habent suum maximum quod sic, seu terminum magnitudinis quem excedere non possint.

Probatur ex discrimine inter viuentia & non viuentia : ideò enim viuentia non possunt augeri in infinitum, sed habent certum terminum magnitudinis, quia calor naturalis, virtute cuius quantitatem acquirunt, debilitatur, & tandem ad eum terminum deuenit vt ulterius nequeat progredi : atqui res purè corporeæ non augentur per virtutem aliquam actiuam, quæ conuertendo alia in suam substantiam debilitetur : ergo poterunt magis & magis crescere. Probatur minor : nam vel augemur per solam iuxta positionem aliarum rerum homogenearum, cum quibus hoc ipso continuantur, sicut aqua augetur per appositionem alterius similis liquoris ; vel super virtutem actiuam conuersiuam alterius in propriam substantiam, tantum abest vt virtus illa agendo & conuertendo aliud debilitetur, quin potius magis crescit, vt patet in igne cuius virtus tanto fit actiuior quanto magis augetur : ergo.

Confirmatur : nam vt iam innuimus, illud est discrimen inter viuentia & non viuentia, quod illa augentur per intus susceptionem alimenti conuertendo ipsum vi caloris naturalis, hæc verò per solam iuxta positionem : atqui, quantumuis aqua & ignis sint in magna quantitate, potest fieri huiusmodi iuxta positio alterius similis substantiæ, aquæ enim,



quantacunque sit, potest semper, infundi alia, & igni similiter apponi combustibile. Dicere autem ignem & aquam posse ad tantam deuenire magnitudinem, vt non continuaretur in illo casu aqua præexistens cum alia sibi de nouo infusa & superaddita, nec ignis cum stupa sibi iniecta & incensa, sed quod seruariet suas entitates diuisas & separatas, solumque contiguas, est omnino imaginarium & gratis dictum: quare enim aquæ iuxta positæ amittunt modò sua indiuisibilia extrema & continuari incipiunt, tunc verò minime?

Obiicies: Quælibet forma naturalis requirit certas dispositiones aut determinata accidentia inter quæ est quantitas; ergo exigit certam & determinatam quantitatem quam excedere nequeat, atque adeò petit certum terminum magnitudinis.

Respondeo quamlibet formam naturalem exigere certa accidentia actu determinata, seu finita & limitata de facto, cum quo stat vt terminum quem actu habent, excedere possint, nisi ex alio capite repugnet, vt de calore ignis qui in certo gradu est proprietas illius. Vnde concedo quantitatem cuiuslibet rei corporeæ semper habere actu terminum magnitudinis, illo tamen carere in potentia, quatenus eum & quemlibet in particulari excedere potest, vt constat ex dictis. Illa ergo locutio quæ est frequens in D. Thoma, quòd nempe quælibet forma naturalis exigit certam & determinatam quantitatem, solum significat non posse habere actu infinitam, sed debere finitam & limitatam habere.

Dico 3. Tam viuentia quàm non viuentia habent suum minimum *quod sic*, seu certos terminos paruitatis, naturaliter loquendo.

Probatur: quia adeò exigua potest esse materia, vt in ea nequeat naturaliter recipi & conseruari forma siue pure corporea siue viuens: ergo res naturalis siue inanimata siue viuens habet certum terminum paruitatis. Probatur antecedens: quia forma quælibet exigit recipi in tali materia: in qua possit

exercere suas operationes, cum vnumquodque sit propter suam operationem: atqui tam exigua potest esse materia, ut in illa nullam possit forma naturalis exercere operationem, adeo enim minui potest per diuisionem materia cui inest forma ignis v. g. ut in ea non possit amplius actionem calefaciendi exercere: ergo non poterit in ea recipi & conseruari connaturaliter & in statu permanenti, quod addo ut denotem posse ibi esse formam per aliquam breuem morulam & in statu viali seu intendentia ad corruptionem. Dices: Remanebit ergo materia sine forma. Respondeo id negando, quia licet forma ignis non possit esse in tam exigua materia, poterit tamen alia quæ ipsi succedet: respectu cuius terminus paritatis erit minor.

Obicies: Detur minimum combustibile & applicetur igni: ex hoc sic arguo. Ignis ille prius comburet partem propinquiorem illius combustibilis quam remotiorem: ergo falsum est aliquam quantitatem ita exiguam assignari posse, ut in minori nequeat esse forma ignis, quandoquidem assignato quolibet quantumvis exiguo combustibili potest in aliquid minus ipso, nempe in partem eius introduci.

Respondeo negando antecedens: quia non potest comburi aliquid, seu in materiam aliquam introduci forma ignis, nisi adsint dispositiones necessariae, inter quas est tanta quantitas, sufficiens ut in ea possit forma illa exercere suas operationes; atque adeo assignata tali exigua materia non poterit introduci forma nisi simul in totam, idque in instanti terminatio calefactionis sufficientem calorem ut præuiam dispositionem introducentis.

Dices: Continuum est diuisibile in infinitum: sed aqua v. g. est continua, similiter ignis, panis, &c. ergo quodlibet illorum est diuisibile in infinitum in partes, subindèque poterit esse sub minori & minori quantitate.


Respondeo distinguendo maiorem: continuum mathematicè spectatum, seu sumptum pro ipsa

quantitate continua secundum se & ut abstrahit ab eo quod sit accidens connaturale compositi physici, concedo: physicè consideratum, prout est proprietas aut accidens connaturale talis compositi in particulari, nego; quia tandem ad eam paruitatem deuenietur in qua remanere nequeat forma substantialis: vnde similiter distinguenda est consequentia: Aqua & alia huiusmodi erunt in infinitum diuisibilia, si mathematicè pro ipsa quantitate duntaxat sumantur, concedo: si physicè pro ipso composito substance huiusmodi quantitati, aut quod idem est pro ipsa quantitate ut est proprietas siue dispositio naturalis talis compositi, nego. Et ob hanc rationem in tam exiguas diuidi & ut ita loquar puluerisari posset quantitas specierum sacramentalium, partes, ut sub illis non remanerent corpus & sanguis Christi Domini, qui tandiu duntaxat sub illis conseruantur quandiu conseruaretur si ibi adesset substantia panis & vini.

Aduerte autem quod licet continuum physicè sumptum pro ipso scilicet composito naturali ut extenso per quantitatem, non sit diuisibile in infinitum in partes per se substantes, sub quibus separatis conseruaretur, benè tamen in partes inexistentes seu in toto designabiles, quia non tot possunt in eo signari, quin plures adhuc designabiles sint, quod sufficit ad rationem continui, ut patet in cœlo quod non est diuisibile in partes per se subsistentes & separatas, alias esset corruptibile; & tamen in eo reperitur propria ratio continui, quia scilicet est diuisibile in partes inexistentes minores & minores in infinitum per solam ipsarum signationem. Vnde datur quidem terminus paruitatis, ut ita dicam, subsistens, seu tam exigua quantitas separata ut sub minore remanere non possit forma rei naturalis, sicut probatum est: non tamen inexistentis, quia verè forma naturalis est sub qualibet parte quantitatis minori, & minori in infinitum quandiu est in toto.

De Loco in libris de cœlo agetur.






IN SEPTIMUM  
librum Physicorum.

DISPUTATIO VNICA,  
ORDINE XV.

*De conditionibus ad motum  
requisitis.*

**D**VÆ examinantur hęc conditiones ad mouendum requisitæ. Prima est distinctio mobilis à mouente. Secunda est indistantia ipsorum. De prima sit.



SECTIO I.

*Vtrum omne quod mouetur, moueatur  
ab alio.*

**S**ensus tituli est vtrum ita necesse sit mobile seu passum distingui, ab agente & mouente, vt non possit idem plane mouere seipsum, sed necessario debeat ab alio realiter distincto pendere in suo mo-

tu, Ratio dubitandi est.

Primo : quia viuentia mouent seipsa , in quo differunt à non viuentibus , quæ mouentur ab alio , viuere enim est moueri à se , & si respondeas illud discrimen in hoc consistere quod res purè corporea & inanimata mouetur à principio actiuo omnino extrinseco, ita vt ipsa sit principium duntaxat passiuum seu receptiuum motus ; viuens autem mouetur à principio actiuo motus sibi intrinseco , nempe ab anima vt principio quo radicali , & à potentijs vt principiis proximis elieitijs motus vel actionis , & à corde iuxta Aristotelem , vel à cerebro iuxta Galenum , transmittente spiritus vitales aut animales ad facultates motiuas vel sensitiuas, quibus eliciant suas operationes ; atque adeo etiam in viuentibus mobile aut passum , quod est ipsum totum viuens , distinguetur saltem realiter inadæquatè , seu distinctione includentis & inclusi, à mouente quod est tantum pars , aut facultas aliqua interna. Contra est : quia saltem pars illa aut facultas mouebitur à seipsa & non ab aliquo alio , siquidem causat in seipsa motum & actionem , puta cor motum dilatationis & restitutionis quo continuò mouetur ; & similiter facultates sensitiuæ & intellectiuæ , suas operationes quæ dicuntur immanentes quia recipiuntur & manent in illis ; subindèque idem est in eis mouens & mobile.

Secundò quia qualibet essentia habet rationem efficientis , subindèque mouentis , respectu suarum proprietatum quas in se recipit , atque adeò idem est ibi mouens & motum. Et idem dicendum est de motu grauium & leuium , causatur enim effectiue ab ipsis , & in eisdem recipitur. Item aqua calida seipsam amoto igne reducit ad pristinam frigiditatem , subindèque est mouens & mota respectu eiusdem frigefactionis. Nihilominus.

Dico verissimum esse illud axioma Aristotelicum, quòd scilicet omne quod mouetur , mouetur ab alio realiter distincto. Ex quo , iuncto alio principio , quòd

quodd nempe in mouentibus per se subordinatis non possit dari processus in infinitum, demonstrat Philosophus libro sequenti dari vnum primum motorem immobilem, qui est Deus Optimus Maximus. Vnde qui negant illud axioma, vel in dubium reuocant, non parum fauent Atheis qui ex motu horum inferiorum non poterunt efficaciter deduci ad confitendum vnum primum motorem.

Probatur conclusio ratione generali, quæ procedit de omni mouente & moto quacunque tandem mutatione siue corporea & physica, siue metaphysica & spiritali: quia impossibile est idem esse simul in actu & in potentia respectu eiusdem, id est, præhabere illud actu, & præhabere illud sola aptitudine aut potentia: atqui mouens est in actu respectu illius ad quod mobile vel passum est solum in potentia: ergo impossibile est idem omnino esse à parte rei mouens & mobile respectu eiusdem, subindèque omne quod mouetur, mouetur ab alio. Probatur minor: mouens seu agens quæ tale est in actu respectu effectus, nihil enim agit nisi in quantum est in actu, vt habet commune proloquium, id est in quantum actu præhabet id quod efficit, mobile verò seu subiectum receptivum in quantum tale est in potentia ad recipiendum in se effectum illum aut terminum ab agente producendum: ergo mouens quæ tale est in actu respectu illius ad quod mobile est solum in potentia.

Respondebis hoc argumentum solum probare, non posse idem esse in actu formali, & simul in potentia respectu eiusdem putà habere calorem formalem, & simul & semel esse in potentia ad ipsum; non autem convincere quod idem non possit esse in actu dumtaxat virtuali respectu alicuius quod solum virtualiter continet & simul in potentia ad illud idem formaliter recipiendum: atque adeo non ostendit quod idem non possit esse mouens & mobile respectu eiusdem, seu quod non possit moueri à seipso. Quod autem res ita habeat videtur omnino certum:



nam vinum, E. G. piper & alia huiusmodi quæ sunt virtualiter calida, dicuntur esse in actu virtuali respectu caloris quem possunt efficere in stomacho v. g. & in potentia ad eundem formaliter in seipsis recipiendum, similiter potentia animæ secundum se sunt in actu virtuali, respectu operationum, & in potentia formali ad eas recipiendas.

Sed contra: quia id quod est in actu virtuali perfecto respectu alicuius, seu quod virtualiter aut eminenter illud continet, perfectiori modo præhabet illud, quàm si esset in actu formali; nam habere calorem formalem, E. G. est habere ipsum cum limitatione, habere autem virtualem vel eminentialem est continere ipsum ratione alicuius formæ perfectioris, quæ non est formaliter calor, sed aliqua alia perfectio calorem virtualiter aut eminenter continens, vt lux Solis: quæ subinde perfectio non est limitata ad vnâ rationem: ergo sicut non potest idem simul esse in potentia & in actu formali respectu eiusdem, ita & à fortiori nec in actu virtuali: vnde cum ea, quorum fit mentio in responsione, sint in potentia respectu illorum actuum formaliter, efficaciter conuincit ratio nostra quod non sint secundum se præcisè spectata in actu virtuali perfecto saltem & omnino completo in actu secundo, atque adeò quod debeant constitui talia, seu in rationem mouentium actu per aliquid superadditum & aliunde adueniens, atque ita non erit idem mouens in actu secundo constitutum & mobile. Vnde ex hoc principio inferitur necessitas influxus præuij recepti in causâ secunda vt per illum constituatur in ratione mouentis actualis: atque adeò conuincitur dari primum mouens, cum nequeat dari processus in infinitum. Præter huiusmodi autem influxum ad constituendas causas aut potentias in ratione actu mouentium generaliter necessarium, adhuc in exemplis adductis de vino & pipere requiritur aliquid aliud, nempe quod excitentur à calore naturali, vt actu moueant seu vt causent calorem quem virtualiter di-

cuntur continerè. Ex quibus omnibus constat mouen actu & mobile distingui realiter, saltem inadæquatè quatenus mouens actu constituitur tale per aliquid superadditum. Sed hæc omnia magis adhuc declarabuntur respondendo ad rationes dubitandi:

Probatur verò secundo conclusio: impossibile est vnum & idem pendere realiter à seipso: atqui mobile seu passum realiter pendet à mouente seu agente: ergo non est idem mouens & mobile. Probatur minor: quod recipit aliquid reale ab alio, realiter pendet ab eo quantum ad illud, loquendo saltem in rebus creatis: atqui passum recipit motum aut effectum ab agente: ergo realiter pendet subindèque distinguitur ab illo, vel adæquatè, sicut proiectum à proiciente, & omnis causa secunda vel potentia à causa præmouente; vel saltem inadæquatè & distinctione includentis & inclusi, sicut viuens à potentia aut principio interno mouente, aut ipsamet facultas vt mota seu vt recipiens suam operationem tanquam subiectum *quo* ( subiectum enim *quod* est totum ) à seipsa vt eliciente. Vnde.


Ad primam rationem dubitandi bene respondetur ibidem. Ad replicam patet ex iam dictis huiusmodi potentias aut principia non moueri à seipsis absque vlla distinctione mouentis & mobilis, mouent enim seu agunt vt constituta in actu secundo per aliquod superadditum, mouentur verò & recipiunt secundùm suas entitates: præterquàm quòd loquendo de corde, motus ille dilatationis & restrictionis, seu quod idem est, potentia continuò & necessariò huiusmodi motum eliciens inest ei à generante.

Ad secundum respondeo negando idem esse mouens & mobile in illis exemplis: essentia enim est quidem id quod recipit proprietates, sed agens quod propria actione illas producit est solùm generans. Similiter dico de motu grauium & leuium, ac de recuperatione frigiditatis in aqua: causa enim horum omnium est ea quæ produxit res illas quibus huiusmodi proprietates, motus, aut accidentia debentur;



quod enim dat esse dat consequentia ad esse, siue ipso initio productionis rei, siue postea. Et licet non adsit generans aut actio generatiua formaliter, censetur tamen adesse virtualiter & remanere in essentia rei genitæ tanquam in effectu primario, quatenus reliquit in ea necessariam determinationem ad tales proprietates (sublatis obstaculis) tanquam ad effectus secundarios. Sed de his in libris de generatione, ubi de resultantia proprietatum.

Ex dictis inferre licet quàm profundo innitatur fundamento physica præmotio, fundatur enim in eodem principio à quo deducitur necessitas vnius primi motoris, in illo scilicet principio à nobis stabilito, quod omne quod mouetur debet moueri ab alio, seu in eo quod idem nequit esse in actu & in potentia respectu eiusdem, ex quo fit quòd cum causæ secundæ & facultates operatiuæ sint solum in potentia ad suas actiones, debent necessario recipere aliquem influxum aut motionem quâ reducuntur ad actum, atque adeò ab alio moueri cui proinde per se subordinantur, vnde cum in mouentibus per se subordinatis non possit dari processus in infinitum, deueniendum tandem est ad vnum primum motorem immobilem. Sed de his aliàs.



## SECTIO II.

*Vtrum mouens vt mobile debeant  
esse simul.*

**S**ensus est vtrum mouens aut agens debeat esse immediate coniunctum passio aut mobili in quod agit, an verò possit agere in subiectum distans, cui nec per suam substantiam nec per virtutem à se dif-



fusam coniungatur? Pro quo.

Aduerte dupliciter posse agens esse immediatum passo: primo immediatione suppositi & virtutis simul, quo modo ignis est præsens calefactibili sibi contiguo: secundo immediatione virtutis tantum, & non suppositi seu substantiæ; qua ratione Sol coniungitur his inferioribus in quæ agit, non enim ad illi illis immediate per suam substantiam, sed solum per virtutem à se diffusam. Hoc posito.

Asserunt Scotus & Scotista posse aliquod agens operari in subiectum, absque eo quod ipsam contingat contactu suppositi aut virtutis à se diffusæ & per medium transmissæ.

Dico tamen omne agens debere esse immediatum passo, vel vtraque immediatione, vel saltem immediatione virtutis: id est debere esse præsens in loco vbi operatur, vel per suam substantiam, vel per virtutem à se diffusam.

Probat: Operatio sequitur ad esse, ita vt actualis existentia sit omnino necessaria ad operandum: ergo ad operandum in tali loco necessaria est existentia agentis in eo loco. Probatur consequentia à simili: sicut enim ad operandum in tempore in quo res non est, ita se habet ac si nunquam fuisset aut futura esset, ita ad operandum in loco vbi non est ita se habet ac si omnino non esset, in rerum natura: atqui implicat contradictionem aliquid agere nisi existat vel per se vel per suam virtutem eo tempore quo agit: ergo pariter repugnabit quod agat nisi sit præsens vel per se vel per suam virtutem in loco vbi operatur & producit effectum.

Confirmatur hoc, inductione in omni agentium aut mouentium genere: nam in primis ipse Deus, qui est primum agens, est intimè præsens omnibus creaturis, & quoad substantiam & quoad virtutem ac operationem, vt pote ab eius substantia indistinctas, quod docet Apostolus Act. 17. Non longè (inquit) est ab vnoquoque nostrum, in ipso enim viuimus mouemur & sumus. Vbi vides Diuum Paulum

<sup>c</sup> ex operatione Dei in creaturam, quâ ei vitam, motum, & esse continuò tribuit & conseruat, inferre intimam illius præsentiam in nobis. Vnde efficax desumi potest argumentum pro aliis agentibus: nam si illa consequentia Pauli sit legitima, valet etiam pro aliis, ita vt ex illorum operatione colligi possit ea esse præsentia vbi operantur. Deinde etiam intelligentia motrix cœli, teste Philosopho, est supposita- liter in parte orientali in qua incipit motus, in aliis verò est præsens solum per suam virtutem: & idem dicendum de quolibet alio agente proportionaliter, ignis enim per suam substantiam est præsens & coniunctus illi parti aeris aut alterius subiecti sibi contigui, quam primò calefacit, aliis verò remotioribus per calorem à se diffusum; medio enim calore in proxima parte producto, calefacit aliam partem remotiorem, & istâ mediâ aliam, & sic consequenter donec perueniat ad vltimam quæ est intra sphæram actiuitatis eius. Ex quo.

Confirmatur magis conclusio: quia si agens posset agere in distans, nulla esset sphæra actiuitatis eius, sed posset agere ad quacumque distantiam: consequens est manifestè falsum: ergo. Sequela probatur: nulla enim alia ratio assignari potest cur nequeat agere nisi ad certam distantiam, quàm quia virtus ab ipso diffusa paulatim debilitatur, quatenus medium decurrit & per illud diffunditur vniuniformiter difformiter, hoc est non æqualiter in omnibus eius partibus, sed in parte propinquiore magis, in remotiore minus, & sic consequenter donec deficiat: illa autem ratio nulla erit si necesse non sit quòd ex se emittat virtutem, eamque per medium diffundat: ergo.

Pro solutione obiectionum aduerte, quòd quando aliquid agit in medium, & in subiectum distans, non semper idem effectus producit in vtroque, ob diuersam scilicet capacitatem & dispositionem quam habent: vnde Sol in cœlis sibi contiguis producit lumen, non verò calorem cuius sunt incapaces, vt



pote incorruptibiles ; in aëre verò simul cum lumine calorem efficit , quia vtriusque est capax ; in visceribus terræ non producit lumen, propter capacitatem illius elementi quod est incapax lucis, producit tamen in eo calorem aut alias influentias , ratione quarum in vna illius parte producit aurum , in alia ferrum & similia, ob varias scilicet dispositiones quas inibi reperit. Et ex hoc oritur quòd quamuis idem accidens sit in medio & in subiecto distanti receptum, non tamen eundem semper effectum producit.

Ex quibus inferes solutionem plurium instantiarum quæ aduersus conclusionem nostram fieri possunt : & in primis quomodo magnes E. G. etsi valde distans à ferro , trahat illud ad se , similiter electrum paleas ; id enim præstant mediantibus quibusdam secretis qualitatibus quas diffundunt per medium, & transmittunt vsque ad res illas : nec tamen per tales virtutes trahunt ad se medium , quia in eo non est dispositio illa seu specialis conuenientia & sympathia cum magnete & electro vt trahatur , quæ reperitur in ferro & paleis. Idem proportionaliter dic de duobus illis pisciculis , Torpedine & Remora , quorum prior , si tangatur à reti piscatoris obstupescit manum eius , non tamen rete ; posterior verò suo contactu sistit ingens nauigium : hos enim effectus præstant per secretas virtutes à se diffusas. Denique corpora cælestia agunt in hæc inferiora immediate immediatione virtutis transmittendo lumen & alias secretas influentias , quæ non sortiuntur ubique eisdem effectus, sed vbi reperiunt congruas dispositiones.

Dices : Proiiciens non coniungitur mobili postquam ipsum proiecit : ergo mouens & mobile non debent necessariò esse simul.

Respondeo distinguendo antecedens : Non coniungitur ei per suam substantiam , concedo : per virtutem impulsuam ipsi impressam , nego : quæ virtus impulsua paulatim debilitatur , & propterea motus violentus est tardior in fine , cum naturalis sit tunc



velocior; quia scilicet virtus naturalis, putà grauitas, non debilitatur, sed maiores quodammodo acquirit vires quando approximat se centro, siue ob sympathiam quam habet cum illo, siue ratione alicuius virtutis attractiua quam habet centrum, simile proportionaliter illi quam diximus diffundi à magnere.



## IN OCTAVVM

### *librum phisicorum.*

**D**isputandum primò esset de æternitate aut inceptiōe mōtus & temporis, quæ Philosophus conatur hic ostendere fuisse de facto ab æterno.

Secundò de existentia vnus primi mororis immobilis ad quem ex motibus horum inferiorum ascendendum esse ostendit.

Sed nos primum remitteremus ad sequentem tractatum de mundo Disp. 1. secundum ( de quo Lib. & Disp. præcedenti sect. 1. iam aliquid tetigimus ) ad Metaphysicam Par. 2. Disp. 1. vbi de existentia deque attributis Dei Opt. Max. qui sit benedictus in sæcula. Amen.

*Finis Primæ partis.*



# INDEX.

## TOMI SECVNDI.

<b>P</b> <b>R</b> ocemium Physicæ,	pag. 1
Prolegomena 1. De obiecto Physica	ibid.
Proleg. 2. De natura & quidditate Physica.	5
Proleg. 3. De partitione Physica	7
<b>PRIMA PARS PHYSICÆ.</b>	
De ente naturali aut mobili in communi, seu de physico auditu.	9
<i>In primum librum Physicorum.</i>	
Disputatio I. De principiis entis naturalis aut mobilis in communi.	11
Sect. 1. Quid sint principia entis naturalis ibidem.	
Sect. 2. Quor sint principia entis naturalis.	14
Disput. II. De primo supradictorum entis naturalis principiorum, nempe de materia prima.	18
Sect. 1. An detur materia prima & quid sit.	19
Sect. 2. Vtrum materia prima sit omnino pura potentia nullum plane includens actum entitativum.	21
Sect. 3. Vtrum materia prima usque adeo sit pura potentia, ut nec etiam proprium existendi actum sibi vendicat.	28
Sect. 4. De appetitu materia, eiusque ingenerabilitate & incorruptibilitate.	38
Disput. III. De duobus aliis principiis entis naturalis, forma scilicet & privatione.	44
Sect. 1. De forma substantiali.	ibid.
§. 1. An & qua forma substantiales educantur de potentia materia.	48
§. 2. Vtrum forma accidentales educantur de potentia subiecti.	56
Sect. 2. De privatione.	583



# INDEX

Disput. IV. De composito naturali,	60
Sect. 1. Vtrum ens naturale intrinsecè & essentialiter componatur ex materia & forma.	ibidem.
Sect. 2. Vtrum materia & forma uniantur immediate an medio aliquo maxis ab illis distincto.	64
Sect. 3. vtrum totum physicum realiter distinguatur à materia & forma simul sumptis & unitis.	69
In secundum librum Physicorum.	
Disput. I. Ordine V. De natura.	72
Sect. 1. Quid sit natura.	73
Sect. 2. Quotuplex sit natura.	76
Sect. 3. Vtrum ars possit efficere opera natura.	79
Disput. VI. De causis in communi.	83
Sect. 1. Quid & quotuplex sit causa.	ibid.
Sect. 2. Vtrum omnis causa sit nobilior suo effectu, & prior illo.	86
Disput. VII. De causis materiali & formali.	89
Sect. 1. Per quid causent materia & forma, & quam sit earum causalitas, quisue effectus.	ibid.
Sect. 2. De causa formali extrinseca seu exemplari.	91
Disput. VIII. De causa efficienti.	95
Sect. 1. Quid & quotuplex sit causa efficiens.	ibidem.
Sect. 2. Quo principio causa efficiens agat.	98
§. Vn. Quo principio causa efficiens immediate agat.	
101.	
Sect. 3. Quenam sit causalitas causa efficientis.	108
Sect. 4. De concursu causa prime cum secundis.	110
§. 1. Qualis sit concursus ille, praviusne scilicet, an simultaneus duntaxat.	113
§. 2. Soluuntur difficiliores obiectiones contra prædeterminationem, & cum ea conciliatur libertas.	
119.	
Sect. 5. De causa efficiente instrumentali.	128
§. 1. An omne instrumentum debeat recipere virtutem aliquam à principali agente.	129
§. 2. An omne instrumentum debeat habere actionem propriam & praviam.	133
Sect. 6. De fortuna, casu, & fato.	138




# TOMI SECVNDI.

Disput. IX. De causa finali.	140
Sect. 1. Quid & quotuplex sit finis.	141
Sect. 2. Per quid finis causet seu finalizet in actu primo.	142
Sect. 3. Quenam sit causalitas finis.	151
Sect. 4. Vtrum natura agat propter finem.	155
Sect. 5. Vtrum natura intendat monstra.	158
Disput. X. De comparatione causarum inter se.	160
Sect. 1. Quomodo se habeant causa ad invicem quoad perfectionem & prioritatem in causando.	ibid.
Sect. 2. An possit à pluribus causis totalibus eiusdem generis & ordinis idem numero effectus simul procedere.	165
Sect. 3. An possit à pluribus causis totalibus eiusdem generis & ordinis idem numero effectus diuissim procedere.	169
In tertium, quartum : quintum, & sextum librum Physicorum.	
Disput. I. Ordine XI. De motu.	174
Sect. 1. Quid sit motus, & quomodo distinguatur ab actione, passione & termino.	175
Sect. 2. De subiecto motus & actionis.	179
Sect. 3. De termino motus.	184
Sect. 4. De unitate specifica motus.	190
Sect. 5. De unitate numerica motus.	194
Sect. 6. De contrarietate motus.	196
Disput. XII. De tempore.	198
Sect. 1. Quid & quotuplex sit duratio, & quomodo à re durante distinguatur.	ibid.
Sect. 2. Quid & quotuplex sit tempus.	202
Sect. 3. An tempus sit præsens ratione partis vel instantis.	205
Disput. XIII. De continuo.	209
Sect. 1. An continuum constet solis indivisibilibus.	ibid.
Sect. 2. An in continuo sint vera & positiva indivisibilia.	220
Sect. 3. Quomodo incipiant & desinant entia successiva, necnon etiam permanentia.	225

# AD INDEX.

Disput. XIV. De infinito.	230
Sect. 1. An detur aut dari possit naturaliter infinitum actu.	ib.
Sect. 2. An per absolutam Dei potentiam dari possit aliqua creatura qua sit infinita secundum essentiam.	233
Sect. 3. An de potentia Dei absoluta dari possit infinitum in magnitudine & multitudine.	237
Sect. 4. An de potentia Dei absoluta dari possit infinitum actu secundum intensiorem.	244
Appendix. Verum quolibet rei naturalis habeat finem maximum & minimum quod sit.	246
In septimum librum Physicorum.	
Disput. Unica, Ordine XV. De conditionibus ad motum requisitis.	251
Sect. 1. Verum omne quod movetur, moveatur ab alio.	ibidem.
Sect. 2. Verum movens & mobile debeant esse simul.	256.
In octavum librum Physicorum disputanda remittuntur alijs.	260.

LAUS DEO.



MAG 2005409

263



50



